

ԳԵՂԱՐՎԵՏԱԿԱՆ ԳՐԱԿԱՆՈՒԹՅՈՒՆ  
Ա



ՀՐԱՄԱՆԱՒ  
**Ն. Ա. Օ. Տ. Տ. ԳԱՐԵԳԻՆԻ ԵՐԿՐՈՐԴԻ**  
ՍՐԲԱՋՆԱԳՈՅՆ ԵՒ ՎԵՀԱՓԱՌ  
ԿԱԹՈՂԻԿՈՍԻ ԱՄԵՆԱՅՆ ՀԱՅՈՑ



**F. - R. de CHATEAUBRIAND**

# **Le Génie du Christianism**

(Extraits)

Traduit du français  
préfacé et et annoté par  
Parkev Chahbazian

EDITIONS DU SAINT-SIEGE D'ETCHMIADZINE  
ST. ETCHMIADZIN - 2008

## ՇԱՏՈԲՐԻՎՆ

# ՔՐԻՍՏՈՆԵՈՒԹՅԱՆ ՀԱՆՁՐԸ

(ընտիր հատվածներ)

Ֆրամաներինից բարգմանից և ծանոքագրից

Պարզեցնելու համար

ՄԱՅՐ Ա.ԹՈՐ ՍՈՒՐԲ Էջմիածնի ՀՐԱՏԱՐԱԿՈՒԹՅՈՒՆ

Ա. Էջմիածին – 2008

ՀՏԴ ....  
ԳՄԴ ....  
Ծ – ....

**ՇԱՏՈԲՐԻԱՆ**

Ծ – ՔՐԻՍՏՈՆԵՈՒԹՅԱՆ ԿԱՍՏԱՐԸ: Ֆրանսերենից թարգ-  
մանեց և ծանոթագրեց Պարզկ Շահբազյանը: - Էջ-  
միածին: Մայր Աթոռ Սուլր Էջմիածին, 2008. - 224 էջ:

ԳՄԴ .....

**Տպագրվում է մեկենասուրյամբ**

ISBN

© Մայր Աթոռ Սուլր Էջմիածին, 2008 թ.

## ԸԱՏՈԲՐԻԱՆԻ ԿՅԱՆՔԸ ԵՎ ԳՐԱԿԱՆ, ՔԱՂԱՔԱԿԱՆ ԳՈՐԾՈՒՆԵՈՒԹՅՈՒՆԸ

Ֆրանսուա-Ռյընե դը Շատոբրիանը ծնվել է 1768 թ. սեպտեմբերի 4-ին Սեն-Մալոյում (Ֆրանսիա), որը նավահանգստային մի քաղաք է Ատլանտյան օվկիանոսի ափին: Նա տասներորդ զավակն էր գյուղական ծագում ունեցող բրետանացի ազնվական մի հին ընտանիքի: Մայրը պարզամիտ, հիվանդ մի կին էր, հայրը՝ խստաբարո և լռակյաց մարդ, որ մի օր նավ բարձրանալով՝ մեկնել էր Աներիկա և կարճ ժամանակում կարողացել էր հարստանալ: Շատոբրիանը, ինչպես սիրում էր ասել, աշխարհ էր եկել պարսպապատ մի տան մեջ, ծովի դիմաց, որի «ալիքների շառաչը խեղդել էր իր մանկության առաջին ճիշերը, իսկ ծովային փոթորկի աղմուկը օրորել իր խաղաղ նինջը»: Նա երբեք չսիրեց իր ծնողներին: Նրա մանկության միակ ընկերը, որի վրա տարածվում էր իր ամբողջ գորովանքը, Լյուսիլա անունով իր քույրն էր՝ թուլակազմ, ջղային, անհանգիստ մի աղջիկ, որ երիտասարդ հասակում մահանում է մտային հավասարակշռությունը կորցրած, գրեթե ցնորված: Ահա այս քրոջ հետ է, որ նա անցկացնում է իր պատանեկության առաջին տարիները «Սեն-Մալոյի սալահատակների վրա», ծովի ափերին բափառելով ամբողջ օրը, կռվելով հասակակիցների հետ և վերադառնալով տուն՝ գզգզված հագուստներով և երբեմն էլ՝ պատռված ականջով:

Այնուհետև սկսվում են նրա դպրոցական տարիները. պարբերական ընդհատումներով անկանոն ուսումնառություն Բրետանի շրջանի տարբեր քոլեջներում, ապա արձակուրդային դատարկ, ձանձրակի օրեր Կոմբուրգի հայրական տիխուր դյակում, որը «անգղերի քույն էր դարձել», և որտեղ

պատաճի ֆրանսուան ամեն երեկո երկար ժամեր էր անցկացնում հազիվ լուսավորված ընդարձակ, ամայի մի սրահում երկու անխոս ծրունիների և սոսկումից անդամալուծված մի քրոջ հետ: Իսկ գիշերները նա գնում էր քնելու առանձնացած մի փոքրիկ աշտարակում, մեն-մենակ, գիշերային սարսափներին դեմ հանդիման:

Այսպես է կազմավորվում Շատորբիանի մտավոր և հոգեկան աշխարհը մելանաղձոտ երազանքի և անպտուղ առանձնության մեջ: Նա արդեն քսան տարեկան էր և գրեթե ոչինչ չգիտեր: Երկչոտ էր, բայց առույգ, հուսալքված իր կյանքի դատարկությունից: Սկզբում նա փորձում է դառնալ նավաստի, բայց այդ փորձը ծախողվում է: Յետո հայտնում է, որ ուզում է հոգեկորական լինել: Յարկավոր էր, ի վերջո, ընտրել գործունեության որոշակի ասպարեզ: Յայրը նրա համար ձեռք է բերում ենթասպայի մի պաշտոն Նավարայի զորագնորմ: Զորանոցային միօրինակ կյանքը, սակայն, շուտով ձանձրացնում է նրան, և նա մեկնում է Փարիզ: Քաղաքակրության այս ոստանում նա նույնպիսի եռանդով անձնատուր է լինում մայրաքաղաքային աշխույժ կյանքի հոսանքին, ինչպիսի եռանդով մի ժամանակ անձնատուր էր եղել միստիկ առանձնությանը: Յաճախում է օպերա, թատրոններ, թանգարաններ, գրադարաններ, մուտք է գործում արքունիք, շփվում ազնվական դասի մարդկանց հետ, մասնակցում պարահանդեսների, արքայական որսորդությունների և այլն: Նրան իրապուրում է մասնավորապես փարիզյան գրական միջավայրը, ծանոթություններ է հաստատում հայտնի գրողների, արվեստագետների և մտավորականների հետ: Յատարակվում են նրա գրական նախափորձերը «Մուսաների ալմանախ»-ում: Այդ տարիներին, մանավանդ, նա իրեն նվիրում է ընթերցանությանը. անհազ հետաքրքրությամբ կարդում է հնադարի հույն և հռոմեացի հայտնի բոլոր գրողների, փիլիսոփաների, պատմիչների երկերը, ուսումնասիրում Վե-

րածննդի դարաշրջանի նշանավոր դեմքերի, 17-րդ, 18-րդ դարերի ֆրանսիական գրականության դասական մեծ գրողների՝ հատկապես Ռասինի, Կոռնեյի, Բոսյուեի, Ֆենելոնի, Մոնտեսկյոյի, Ռուսոյի, Վոլտերի, Բեռնարդեն դը Սեն-Պիեռի և այլոց ստեղծագործությունները։ Եթե քսան տարեկանին նա համարյա տգետ էր, ապա 25 տարեկանին, իր ընթերցումների շնորհիվ, ձեռք էր բերել մտավոր մեծ պաշար, դեռևս չձևավորված, բայց արտակարգ հնտություն։

Շատորիանի՝ Փարիզում անցկացրած 45 տարիները, սակայն, գուգաղիպում են ֆրանսիական մեծ հեղափոխության իրադարձություններին։ Տապալվում էին միապետական կարգերը, գլխատվում կամ բանտարկվում էին ազնվականները, գրականությունն ապրում էր ծանր օրեր։ Այդ շրջանում Շատորիանն անձնապես չէր ատում հեղափոխությունը, բայց, լինելով ազնվական գերդաստանի շառավիղ և համարվելով հետադիմական հայացքների տեր անձ՝ նա մշտապես ենթակա էր հալածանքի և իրեն զգում էր ֆիզիկապես անապահով։ Խոհեմություն էր առժամապես հեռանալ հայրենիքից։

1791 թվականն էր. անորոշ մի ժամանակաշրջան, ամիենանկար կյանք։ Շատորիան հայրը մահացել էր։ Ահա այս թվականին էր, որ մտածում է իրականացնել իր իին երազներից մեկը՝ կատարել մի ճանապարհորդություն դեպի Աներիկա այն պատճառաբանությամբ, թե ուզում է գտնել Յուլիսից դեպի Հնդկաստան անցնան ճանապարհ։ Նա մեկնում է առանց նախնական ուսումնասիրությունների, առանց անհրաժեշտ տեղեկությունների և նախապատրաստությունների, որպես պարզ զբոսաշրջիկ։ Տեսնում է Նիազարան, Միացյալ Նահանգները, ողջունում է Վաշինգտոնին, կտրում-անցնում է Լաբրադորը լինում Լուիզիանայում, Ֆլորիդայում և այլն։ Այս ճանապարհորդության պատմությունը, զմայլելի նկարագրություններով ճոխացած, շարադրված է նրա «ճանապարհորդություն Աներիկայում» գրքում։

Լուղովիկոս 16-րդի սպանության լուրը փոխում է Շատոքրիանի կյանքի ուղղությունը: 1792 թ. նա Ամերիկայից վերադառնում է Եվրոպա, զինվորագրվում արտագաղթած ֆրանսիացիների բանակում, մասնակցում քաղաքացիական կոհվներին և ծանրորեն վիրավորվում թիոնվիլի պաշարնան ժամանակ: Գրեթե իրաշքով վրկվելով մահվանից՝ նա իհվանդ վիճակում, առանց նյութական միջոցների, քարշ է գալիս մինչև Բրյուսել, ապա Զերսե կղզի և այնտեղից մի կերպ հաջողվում է իրեն գցել Անգլիա: Այնտեղ նա մատնվում է ծայրահեղ թշվառության. ցուրտը, քաղցը, հուսահատությունը նրան հասցնում են մինչև մուրացկանության: Իր ընտանիքի կողմից ուղարկված չնչին գումարը, գրավաճառների համար իր կատարած թարգմանությունները, մասնավոր անձանց իր տված ֆրանսերենի դասերը նրան փրկում են ստույգ սովամահությունից: Օժտված լինելով աշխատանքի անհավատալի կարողությամբ, աշխատելով օրական տասներկու ժամ ամընդհատ՝ Լոնդոնում նա գրում և հրատարակում է իր «Էսսե հին և արդի հեղափոխությունների մասին» պատմական և քաղաքական երկը, որով փորձում է իին պատմության հետ մշտական զուգահեռներով հասկանալ և բացատրել ներկա իրադարձությունները:

Իր մոր և քույրերից մեկի մահվան լուրը, լոնդոնյան գաղթականական միջավայրում կրկնվող դժբախտությունների ծանր հարվածները և ամենայն հավանականությամբ նաև իր գաղափարների զարգացումն ու բարեշրջությունը Շատոքրիանի մեջ արթնացնում են միստիկ տրամադրություններ և նրան կողմնորոշում դեպի կրոնը: Լոնդոնում սկսում է պատրաստել քրիստոնեական կրոնի ջատագովությանը նվիրված ընդարձակ մի աշխատության առաջին ուրվագիծը, որով նպատակ ուներ պայքարելու հակակրոնության դեմ:

1800 թ. նրան թույլատրվում է վերադառնալ հայրենիք: Յեղափոխության ալիքը հանդարտվել էր, կրքերը մեղմացել

էին: Ֆրանսիայում Շատորիհանը լծվում է գրական եռանդուն գործունեության: «Մերկյուր դը Ֆրանս» պարբերականում լույս է ընծայում ուշագրավ մի ուսումնասիրություն Ֆրանսիացի հայտնի գրագիտուիի Տիկին դը Ստալի մասին: Շուտով նրա շուրջը հավաքվում է նվիրված բարեկամների՝ գրողների, արվեստագետների և մտածողների մի փոքրիկ խումբ, որոնք գնահատում են նրա տաղանդը և քաջալերում նրան: Շտապելով արագ համբավի տիրանալ՝ նա Լոնդոնից իր հետ բերած «Քրիստոնեության հանճարը» մեծահատոր աշխատությունից անջատում է «Ատալայի» դրվագը, որը մի վիպակ էր կազմում, և 1801 թ. այն հրատարակում որպես առանձին գիրք: Այնուհետև լույս է ընծայում իր երկրորդ վիպակը «Ուրնե» վերնագրով, ուր խտացած գույներով ներկայացված է «դարի ցավը», որ զգում է մի ամբողջ սերունդ: Հաջողությունը աննախընթաց է լինում: Այս երկու գործերով Շատորիհանի համբավը միանգամից տարածվում է ամբողջ Ֆրանսիայում: Քաջալերված այս հաջողությունից՝ հաջորդ տարի հրատարակում է «Քրիստոնեության հանճարը» կոթողային աշխատությունը: Ոչ մի գիրք, ինչպես հեղինակը ինքն է ասում, ճիշտ իր ժամանակին հրապարակ չէր եկել: Ֆրանսիական հեղափոխությունը վարչաքաղաքական հին կարգերի տապալման հետ վերացրել, սրբել էր նաև հին հավատալիքներն ու հին բարքերը: Քարուքանդ էին արվել ու կողոպտվել բազմաթիվ տաճարներ ու աղոթքի տներ, սրբապղծվել էին գերեզմաններ, եկեղեցական կոթողներ, ոտքի կոխան արվել հոգևոր անգնահատելի արժեքներ, համատարած քարոզվում և քաջալերվում էր անաստվածությունը: Սակայն այս բոլորի դիմաց ժողովրդի մտածողության մեջ առկա էր կրոնական հակազդեցությունը, և օրվա իշխանության դիրքն էլ նպաստավոր էր: Ահա թե ինչու Շատորիհանի հիշյալ գործն արժանանում է ջերմ ընդունելության. այն թե՛ իր լեզ-

վով և թե՛ մանավանդ իր բովանդակությամբ ուղղություն էր տալիս ժամանակակից մտածողությանը:

«Քրիստոնեության հանճարը» գիրքը գրավում է նաև Նապոլեոնի ուշադրությունը. նա մեծապես գնահատում է այն, բարեկամանուն նրա հեղինակի հետ և նրան դարձնուն իր գործակիցներից մեկը, որպեսզի օգնի իրեն վերակառուցելու ֆիզիկապես և բարոյապես քայլայված Ֆրանսիան: Շատորիխանին ուղարկում է Յոռն որպես դեսպանատան առաջին քարտուղար: Այդ օրվանից Շատորիխանը մուտք է գործում քաղաքական ասպարեզ: Յոռնում գրողը մնում է երկու տարի: Ապա Վալեում նշանակվում է Ֆրանսիայի նախարար: 1804 թ. վերադառնում է Փարիզ և այն պահին, երբ պատրաստվում էր մեկնել Շվեյցարիա որպես հավատարմատար, Փարիզում լսում է Անգենի դքսի սպանության լուրը: Խորապես հուզված՝ անմիջապես գալիս է տուն և կայսրին ուղարկում իր հրաժարականը: Եվ նա դարձյալ նվիրվում է գրականությանը՝ որդեգրելով, մասնավորապես «Մերկյուր դը Ֆրանսում», որի գլխավոր աշխատակիցներից մեկն էր դարձրել, քննադատական ուժեղ դիրք է գրավում Նապոլեոնի հանդեպ:

Մտադրված լինելով գրել արձակ մի մեծ դյուցազներգություն Արևելքի մարտիրոսների մասին՝ Շատորիխանը 1806 թ. կատարում է երկար մի ճանապարհորդություն դեպի Արևելք. այցելում է Յունաստան, Թուրքիա, Երուսաղեմ, Իսպանիա: Այս ճանապարհորդության պատմությունն ամփոփված է «Մարտիրոսներ» և «Ուղեգրություն Փարիզից դեպի Երուսաղեմ» գրքերում, որոնցից առաջինը լույս է տեսնում 1809 թ., իսկ երկրորդը՝ 1811 թ.: Այս նույն թվականին նա ընտրվում է ֆրանսիական ակադեմիայի անդամ, բայց նրան չի թույլատրվում արտասանել իր ընտրության առթիվ պատրաստած պաշտոնական ճառը, քանի որ այն պարունակում էր խիստ ակնարկություններ բննակալ կայսեր դեմ:

1814 թ. Շատոբրիանը ողջունում է Բուրբոնների վերադարձը Ֆրանսիա: Նա այդ վերադարձի նախապատրաստմանը մեծապես նպաստել էր իր «Բոնապարտի և Բուրբոնների մասին» հայտնի պարսավագրով: Էլքա կղզու աքսորավայրից Նապոլեոնի փախուստից հետո, Ֆրանսիայում նրա իշխանության վերջին հարյուր օրերին, Շատոբրիանը, խուսափելու համար կայսրի հավանական հալածանքից, դարձալ ապրում է հայրենիքից դուրս՝ Բելգիայում, ապա 1815 թ. գարնանը Լուդովիկոս 18-րդի հետ վերադառնում Ֆրանսիա որպես նոր վարչակարգի կողմնակից: Այդ թվականից նա հեռանում է գրական-ստեղծագործական կյանքից և ամբողջապես ընդգրկվում քաղաքական կյանքի ոլորտը: Լինում է Ֆրանսիայի դեսպան Բեռլինում, Լոնդոնում, ապա 1823 թ. արտաքին գործերի նախարար և 1828 թ. դարձալ դեսպան Շոռնում: Նա հրատարակում է քաղաքական բովանդակությամբ բազմարիվ հոդվածներ զանազան թերթերում: Լինելով միապետական ծայրահեղ վարչակարգի ընդդիմության շարքերում որպես չափավոր թագավորական՝ այդ տասնամյակներին նա «ժոււնալ դե դեբայուն» հանդես է գալիս բանավիճային կրակոտ հոդվածներով, որոնք նրան դարձնում են լիբերալ երիտասարդության կուռքը:

1830 թ. Շուլսիան հեղափոխության ժամանակ, մերժելով միանալ Լուի Ֆիլիպ թագավորին, որին չէր սիրում բնավ, մերժելով նաև գործակցել հանրապետականների հետ, որոնց չէր համակրում նույնպես, ամենուրեք տեսնելով ստորագրություն, եսասիրություն և նյութապաշտություն, նա որոշում է միաժամանակ հեռանալ Ֆրանսիայից և կատարել մի նոր ճանապարհորդություն Եվրոպայում: Վերադանալով այդ ճանապարհորդությունից՝ ընդմիշտ քաշվում է քաղաքական կյանքից և ձեռնամուխ լինում ավարտելու իր «Անդրշիրիմյան հիշողություններ» գործը, որի վրա նա աշխատում էր դեռևս 1803 թվականից՝ անընդհատ այն վերա-

նայելով ու հղկելով: Շատորիանի այս վերջին ստեղծագործությունը, ըստ հեղինակի կամքի, լույս է տեսնում հետմահու 1849-1850 թվականներին: Մինչ այդ այն հրատարակվել էր որպես թերթոն «Պրես» հանդեսում:

Յիասթափված թագավորական իշխանության վերահաստատումից, ինչպես նաև բուրժուական ֆրանսիայի «շահարկութարոյականությունից»՝ Շատորիանը իր կյանքի վերջին տարիներն անցկացնում է հասարակությունից քաշված, ստեղծագործական խաղաղ առանձնության մեջ, անձնատուր իր միակ միսիթարությունը կազմող «Յիշողություններին», որոնք, քնարական մի շքեղ արձակի մեջ, անփոփում են անհատի և հավաքականության պատմությունը ծովի, սիրո և ավերակների ոգեկոչման միջոցով:

Յօշակավոր գրողը մահանում է 1848 թ. հուլիսի 4-ին 80-ամյա հասակում, իր խոստովանահոր թևերի մեջ, որպես ճշմարիտ քրիստոնյա: Նա հանգչում է Սեն-Մալո քաղաքի մոտակայքում գտնվող մի փոքրիկ, ժայռոտ կղզու առափնյա խոնարի գերեզմանում, օվկիանոսի դիմաց, հեռու աշխարհային կյանքի ժխորից, իր հավերժական քնի մեջ ունկնդիր այն նույն ալիքների աղմուկին, որոնք մի ժամանակ օրորել էին իր առաջին նինջը: Այսօր այդ գերեզմանը դարձել է բանաստեղծական ուխտատեղի նրան համակրող և նրա տաղանդին երկրպագու բազմաթիվ երիտասարդ գրողների համար:

\* \* \*

Սույն հատորում առանձին վերնագրերի տակ թարգմանաբար տեղ գտած հատվածները կազմում են «Քրիստոնեության հանճարը» ընդարձակ գրքի մեկ փոքր մասը միայն: Ինչպես նշեցինք, գիրքը լույս է տեսել ֆրանսիայի պատմության խառնաշփոթ ժամանակաշրջանում: Ահա թե այդ մասին ինչ է ասում հեղինակը գրքի 1828 թ. հրատարակության առ-

թիվ իր գրած առաջաբանում. «Երբ «Քրիստոնեության հանձարը» լույս տեսավ, Ֆրանսիան նոր էր դուրս գալիս հեղափոխության քառոսից: Յասարակության բոլոր տարրերը խառնվել էին իրար: Այն սարսափելի ծեռքը, որն սկսել էր բաժանել նրանց, դեռևս չեղ ավարտել իր գործը. հասարակարգը դուրս չեղ եկել բռնատիրությունից... Անենուրեք երևում էին եկեղեցիների և վանքերի մնացորդներ, որոնց քանդումը շարունակում էին իր ավարտին հասցնել: Մի տեսակ զվարճանք էր դարձել նույնիսկ գնալ զբոսնել այդ ավերակների մեջ... Ահա, այսպես ասած, այդ տաճարների փլատակների մեջտեղում է, որ ես հրատարակեցի իմ այս գործը, որի երևումով հավատացյալները հոգեպես փրկված զգացին իրենք իրենց, որովհետև այն լավագույնս արձագանքում էր նրանց ներքին տրամադրություններին. մարդիկ այդ ժամանակ հավատի ուժեղ պահանջ էին զգում, կրոնական միսիթարանքի ծարավ, որն առաջ էր գալիս հենց այդ միսիթարանքից զրկված լինելուց... Որքա՞ն վիրավոր ընտանիքներ, փշրված սրտեր, միայնակ մնացած քանի-քանի հոգիներ աստվածային մի ծեռքի օգնությանն էին դիմում, որպեսզի բժշկի իրենց: Մարդիկ Աստόւ տներն էին խուժում այնպես, ինչպես մարդ բժշկի տունն է վազում ժանտախտի ժամանակ...»:

Յիրավի, այդպիսին է եղել ժամանակաշրջանը: Քրիստոնեությունը, որ հանիրավի հալածանքի էր ենթարկվել, կարիք ուներ վերականգնվելու իր իրավունքների մեջ: 18-րդ դարի ազնվականությունը Ֆրանսիայում անկրոն էր, բուրժուազիան, որը հավակնում էր, թե գիտության լույսով է ներքափանցված, նվազ անկրոն չէր, քան ազնվական դասակարգը: Այն մտավորականությունը, որը գաղափարապես այդ հեղափոխությունն էր նախապատրաստել, նույնպես բացասարար էր տրամադրված քրիստոնեության նկատմամբ: Այդ դարի հայտնի փիլիսոփաների կողմից ստեղծված մի նախապաշտում քրիստոնեությունը ներկայացնում էր որպես «բարբա-

րոս, անհեթեթ և ծիծաղելի» մի կրոն, որին պարզամիտներն ու տկարամիտները միայն կարող էին հավատալ: Յարկավոր էր ստեղծել դրան հակառակ մի մտայնություն, ժողովրդի լայն խավերին ազատագրել կրոնասիրության պատճառով ծիծաղելի լինելու վախից, քրիստոնեությունը ներկայացնել նրանց որպես գեղեցիկ, գրավիչ և հարգանքի արժանի մի բան: Յենց դա է, որ շատ լավ կարողանում է զգալ Շատոր-րիանը և հաջողում ցրել այդ նախապաշարումը: Նրա «Քրիստոնեության հանձարը» գիրքը նշում է սկսվող 19-րդ դարի նոր կողմնորոշումը: Յեղինակի ծրագիրն էր եղել, ինչպես այդ գեղեցիկ կերպով ներկայացված է նրա գրքի ներածականում, «... ապացուցել, որ այն բոլոր կրոններից, որոնք երբեք գոյություն են ունեցել, քրիստոնեական կրոնը ամենաբանաստեղծականն է, ամենամարդկայինը, ամենանպաստավորն ու օգտակարը ազատությանը, արվեստներին և գրականությանը... որ արդի աշխարհը ամեն ինչ պարտական է նրան... որ ոչինչ չկա ավելի հրաշալի, քան նրա բարոյականը, ոչինչ ավելի սիրելի, ավելի վսեմ ու շքեղ, քան նրա վարդապետությունն ու նրա պաշտամունքը... որ նա նպաստում է մարդու իմացականությանը, նրբացնում ճաշակը, զարգանում առաքինի ցանկությունները, ուժգնություն հաղորդում մտածմանը, ազնիվ ներշնչումներ տալիս գրողին, կատարյալ կաղապարներ՝ արվեստագետին...»:

«Քրիստոնեության հանձարը» թեև նվիրված է քրիստոնեական կրոնի շատագովությանը, սակայն այն բոլորովին նման չէ Եկեղեցու հին Յայրերի դասական «ջատագովականներին», ուր գերազանցապես գերիշխում է հակաճառական և ուսուցողական ոգին: Այդ ոգին, անշուշտ, մասամբ առկա է նաև Շատորիանի այս գրքում, քանի որ այն ուղղված է **համրագիտարամականների** և անաստվածություն քարոզող փիլիսոփաների դեմ՝ տեղ-տեղ նույնիսկ վերածվելով պարսկավագրի: Սակայն տիրապետողն այստեղ այնքան նրա գա-

ղափարները չեն, որքան նրա զգացումները, քանի որ Շատորիանը, նույնիսկ որպես քրիստոնյա, ավելի շուտ բանաստեղծ է, արվեստագետ ու հռետոր, քան բարոյագետ և փիլիսոփա: Նրա հիմնական նպատակն է եղել ոչ թե ապացուցել, այլ վերակենդանացնել քրիստոնեական հավատը՝ ցույց տալով նրա գեղեցկությունները:

19-րդ դարի ֆրանսիացի ականավոր գրաքննադատ Էմիլ Ֆազեն, բացատրելով հոռետեսությունից և սկեպտիկությունից Շատորիանի անցումը դեպի քրիստոնեություն, նշում է. «Գեղեցիկն է նրան գրավել և առաջնորդել քրիստոնեության: Նա հոգով քրիստոնյա է դարձել այն օրը, երբ գրտակցել է **քրիստոնեական կրոնի գեղեցկությունները** (այդ է եղել նրա գորի սկզբնական խորագիրը): Նա հրաշալի մի գեղեցկություն է տեսնում նրա մեջ և իր ամբողջ եռթյամբ այնտեղ է վագում... Դա հայտնագործություն էր այդ ժամանակաշրջանում, որովհետև ամբողջ 18-րդ դարի քրիստոնեությունը հայտարարել է «անվայելուչ, կոպիտ, անարվեստ» մի կրոն»:

Արդարն, գեղեցիկը և ծշմարիտն են կազմում քրիստոնեական կրոնի եատարրերը: Ըստ Շատորիանի, Յիսուս Քրիստոսի ծննդից ի վեր, որպես վավերական արժեք, ինչ որ արվել է գրականության և արվեստների մեջ, քրիստոնեական է, քրիստոնեական սկզբնաղբյուրի գործ, քրիստոնեական ծշմարտության ապացույց: Եվ Շատորիանը իր «Քրիստոնեության հանճարը» գործով ուրիշ բան չի ցանկացել անել, քան քրիստոնեությունը դնել իր ճիշտ տեղը՝ այն ներկայացնելով իբրև հարուստ աղբյուր բանաստեղծության և արվեստների: Քրիստոնեության պատմության մեջ նրա այս գործը կապրի ոչ այնքան ի նպաստ քրիստոնեության փաստարկումներով լի իր երկար գլուխներով, որքան հզոր երևակայությամբ օժտված մեծ արվեստագետի **տպակորություններով**, որոնք փայլուն նկարագրությունների և գեղեցիկ էջերի մի ժողովածու են կազմում:

\* \* \*

Տպագրության հանձնելով այս հատընտիրը՝ մեր նպատակն է եղել հայ ընթերցողների մեջ ևս վերակենդանացնել քրիստոնեական հավատը և վերականգնել հոգևոր արժեքների կարևորության գիտակցությունը, քանի որ հայրենաբնակ մեր ժողովուրդը նույնապես լիուլի ճաշակել է Յոկտեմբերյան հեղափոխության առաջ բերած բոլոր դառնությունները։ Ամբողջ յոթ տասնամյակ մեր պետության դեկը բռնի իրենց ձեռքում պահած մարդիկ և նրանց հլու կամակատարները քարոզել են անկրոնություն և անաստվածություն՝ փորձելով, երբեմն նույնիսկ անթույլատրելի միջոցներով, մեր ժողովորդի զավակների սրտից արմատախիլ անել մեր պապերից ժառանգված քրիստոնեական հավատը և դրա հետ կապված հայրենական բոլոր գեղեցիկ ավանդությունները։ Այսօր անվերադարձ անցել են այդ սև տարիները, և հայ ժողովուրդը իրավունք է ձեռք բերել ազատ և ինքնուրույն տնօրինելու իր ճակատագիրը։ Եթե այս գիրքը կարողանա դույզն ինչ նպաստել մեր ժողովրդի, հատկապես մեր երիտասարդ սերնդի հոգևոր զարթոնքին, ապա լավագույնս ծառայած կլինի իր նպատակին։

**Թարգմանիչ**



## ԲԱՐՈՅԱԿԱՆ ԱՐԱՏՆԵՐ ԵՎ ԱՌԱՔԻՆՈՒԹՅՈՒՆՆԵՐ

Հին փիլիսոփաների մեծ մասը բաժանում է կատարել բարոյական արատների և առաքինությունների միջև։ Սակայն այս հարցում ևս կրոնի իմաստությունը գերիվեր է մարդկանց իմաստությունից։

Նախ և առաջ ի նկատի ունենանք միայն գոռողությունը, որ Եկեղեցին դասել է արատների առաջին շարքում։ Գոռողությունը սատանայի մեղքն է, աշխարհ եկած առաջին մեղքը։ Գոռողությունը չարիքի բուն աղբյուրն է, նախառնված է մարդու հոգու բոլոր թուլություններին. փայլում է նախանձու մարդու ժպիտի միջից, ի հայտ է դալիս հեշտանքի զեխությունների մեջ, հաշվում է ժլատության ոսկիները, կայծկլտում զայրացկոտի աչքերի մեջ և գնում մեղկ կյանքի հաճույքների հետևից։

Գոռողությունն է, որ սայթաքեցրեց Աղամին, գոռողությունն է, որ Կայենին զինեց եղբայրասպան մահակով, գոռողությունն է, որ բարձրացրեց Բաբելոնի աշտարակը և կործանեց Բաբելոնը։ Գոռողության պատճառով կորստյան մատնեց Աթենքը Հունաստանի հետ։ Գոռողությունը տապալեց Կյուրոսի գահը, բաժան-բաժան արեց Ալեքսանդրի կայսրությունը և վերջապես ճզմեց Հռոմը աշխարհի ծանրության տակ։

Կյանքի առանձին հանգամանքներում գոռողությունը մարդուն առաջնորդում է առավել չարաղետ հետևանքների. նա իր ոճրային հարձակումներն ուղղում է մինչև իսկ Աստծու դեմ։

Անաստվածության պատճառները փնտրելիս մենք հանգում ենք այն տիսուր եղբակացությանը, որ մեծ մասը

նրանց, ովքեր ըմբռստանում են երկնքի դեմ, ինչ-որ բանում գանգատվում են հասարակությունից կամ բնությունից (բացի, անշուշտ, աշխարհիկ կյանքով հրապուրված երիտասարդներից կամ այն գրողներից, որոնք սիրում են միայն աղմկել): Բայց նրանք, ովքեր զրկված են այն սին առավելություններից, որ բախտը կամ դիպվածը մերժ տալիս է նրանց և մերթիլում նրանցից, ինչպես չգիտեն գտնել այդ աննշան դժբախտության դարմանը՝ մոտենալով և ապավինելով Աստծուն: Աստված շնորհների իսկական աղբյուրն է, նա գերազանցապես գեղեցկությունն է. բավական է միայն, որ նրա անունն արտասանվի սիրով, որպեսզի նա ինչ-որ աստվածային բան տա բնությունից ամենաքիչ նպաստավորված մարդուն, ինչպես այդ եղել է Սոկրատի նկատմամբ: Անաստվածությունը թողնենք նրանց, որոնք, չունենալով նկարագրի բավականաչափ մեծություն՝ վեր բարձրանալու ճակատագրի անարդարություններից, Աստծու և կրոնի դեմ իրենց հայհոյանքներով ցույց են տալիս միայն իր էության ամենազգայուն մասի մեջ գրգռված մարդու բարոյական առաջին արատը՝ գոռողությունը:

Եթե Եկեղեցին մարդկային արատների դասակարգման մեջ առաջին տեղն է տվել գոռողությանը, նա նվազ խելամտությամբ չի դասավորել նաև մյուս վեց գլխավոր բարոյական արատները: Զպետք է կարծել, որ այն կարգը, որով դրանք դասավորված են, կամայական է: Բավական է քննության առնել այն՝ տեսնելու համար, որ կրոնը ընդհանուր առմամբ հասարակությանը հարվածող ծանր ոճիրներից խելացի կերպով անցնում է այն հանցանքներին, որոնք կուտակվում են մեղավորի վրա: Այսպես, օրինակ, նախանձը կամ խանդը, ցոփությունը, ժլատությունը և բարկությունը անմիջապես հետևում են գոռողությանը, որովհետեւ դրանք ի գործ են դրվում մեկ ուրիշի վրա և գոյություն ունեն միայն մարդկանց մեջ, մինչդեռ որկրամո-

լությունը և ծուլությունը, որոնք վերջին տեղն են բռնում, ամոթալի առանձին հակումներ են, որոնք դատապարտված են իրենք իրենց մեջ փնտրելու իրենց գլխավոր հաճույքը:

Քրիստոնեության նախընտրած առաքինությունների և դրա համար նրա սահմանած կարգի մեջ բնության նույն ճանաչողությունը կա: Հիսուս Քրիստոսից առաջ մարդու հոգին քառս էր: Լսվեց մարմնացած Բանը, և իսկույն ամեն ինչ պարզվեց իմացական աշխարհում, ինչպես սկզբից նույն Խոսքով ամեն ինչ կարգավորվել էր Փիզիկական աշխարհում. դա տիեզերքի բարոյական ստեղծագործությունն էր: Առաքինությունները, մաքրամաքուր կրակների նման, բարձրացան երկինք: Դրանցից մի քանիսը, որպես պայծառ արեգակներ, իրենց վրա հրավիրեցին մարդկանց հայացքը իրենց փայլուն լույսով. մյուսները, որպես համեստ աստղեր, փնտրեցին գաղտնապահ ստվերները, որտեղ, սակայն, չկարողացան թաքնվել: Այդ ժամանակվանից էլ հիանալի մի հավասարակշռություն հաստատվեց ուժերի և տկարությունների միջև: Կրոնը իր ցասումն ուղղեց գոռողության՝ բարոյական այն արատի դեմ, որը, ինչքան էլ տարօրինակ թվա, սնվում է առաքինություններով: Կրոնը այդ արատը հայտնաբերեց մեր սրտի ծալքերում, հետապնդեց նրան իր բոլոր կերպարանափոխությունների մեջ, Եկեղեցու Խորհուրդները շարժվեցին նրա դեմ իրենց սուրբ բանակով, և Խոնարհությունը, քուրծ հագած, մեջքին պարան կապած, ոտաբորիկ, ճակատը մոխրով պատած և լացակումած աչքերը գետին հառած հապալ հագուստում մեկը:





## ՀԱՎԱՏԻ, ՀՈՒՅՍԻ ԵՎ ՍԻՐՈ ՄԱՍԻՆ

Իսկ, որո՞նք էին այն գլխավոր առաքինությունները, որ շատ հաճախ մեզ հանձնարարում էին Հունաստանի իմաստունները. ուժը, չափավորությունը և խոհականությունը: Միայն Հիսուս Քրիստոս կարող էր ուսուցանել աշխարհին, որ Հավատը, Հույսը և Սերը առաքինություններ են, որոնք պատշաճում են մարդու անգիտությանն ու թշվառությանը: Անկասկած սքանչելի մի դատողություն է այն, որ առաքինությունների աղբյուրը գտնվում է հավատի մեջ: Ուրեմն դատողություն, բանաստեղծություն կամ նկար մեզ ուժեղ, կատարյալ և գեղեցիկ է թվում, որովհետեւ մեր միտքը կամ աչքը, որ դատում է դրանք, համոզված է, որ ինչ-որ թաքնված ծշմարտություն կա այդ դատողության, այդ բանաստեղծության և այդ նկարի մեջ: Մի խումբ փոքրաթիվ զինվորներ, եթե վստահ են իրենց զորավարի հմտությանը, կարող են հրաշքներ գործել: Երեսունհինգ հազար հույններ հետևեցին Ալեքսանդր Մակեդոնացուն աշխարհը նվաճելու համար: Լակեդեմոնիան (Սպարտան) վստահեց Լիկուրգոսին<sup>1</sup>, և Լակեդեմոնիան դարձավ ամենախելացի քաղաքը. Բարելոնը համարվեց մեծությունների քաղաք, և մեծությունները պոռնկացան՝ հանձնվելով նրա աշխարհիկ բարքերին. մի պատգամախոս երկիրը խոստացավ հոռմեացիներին, և հոռմեացիները տեր դարձան երկրին. Քրիստովոր Կոլոմբոսը՝ միակ մարդը աշխարհում, համառեց հավատալ մի նոր ցամաքամասսի գոյությանը, և մի նոր ցամաքամաս գուրս ելավ ալիքներից: Բարեկամությունը, հայրենասիրությունը, սերը, բոլոր ազնիվ զգացումները մի տեսակ հավատ են: Իրենց հավատով է, որ Կողբոսները<sup>2</sup>, Պուլադեսները<sup>3</sup>, Ըեգուլոսները<sup>4</sup>, Առհիանոսները<sup>5</sup> կարողացան

Հըաշքներ գործել: Այն մարդիկ, որոնք ոչնչի չեն հավատում, որոնք պատրանք են համարում հոգու ամուր կապերը և հիմարություն՝ գեղեցիկ գործերը, որոնք արդահատանքով են նայում երևակայությանը և հանճարի պոռթկումներին, այդ մարդիկ չեն կարող իր ավարտին հասցնել որևէ վսեմ և ազնիվ գործ. նրանք հավատում են միայն նյութին ու մահվանը և անզգա են ինչպես նյութը և սառած՝ ինչպես մահը:

Հին ասպետական լեզվում հավատս եմ խոստանում արտահայտությունը հոմանիշ էր և մի տեսակ հավաստիք պատվի համար կատարվելիք բոլոր մեծագործությունների: Հավատի համար մարտնչող Ըոլանդը, Դյու Գեսկենը<sup>6</sup>, Բայարը<sup>7</sup> հավատարիմ ասպետներ էին, և Ըոնսվոյի<sup>8</sup>, Օրեի<sup>9</sup>, Բրեսի<sup>10</sup> ճակատամարտերը, ինչպես նաև մավրիտանացիների, անգլիացիների, լոմբարդացիների հետնորդները դեռ այսօր էլ ասում են, թե ովքեր են եղել այն մարդիկ, որոնք հավատ և պատիվ էին ընծայում իրենց Աստծուն, ազնվազարմ կանանց և իրենց թագավորին: Ինչպիսի՞ վաղանջական և սրտառուչ մտքեր են կապված մեր միակ օջախ բառի հետ, որի ստուգաբանությունն այնքան ուշագրավ է: Հարկ կա՞ հիշելու մարտիրոսներին, այն հերոսներին, որոնք, ըստ սուրբ Ամբրոսիոսի<sup>9</sup>, «առանց բանակների, առանց լեզեռնների հաղթեցին բռնակալներին, մեղմացրին առյուծների կատաղությունը, վերացրին կրակի սաստկությունը և բժացրին սուսերների սրությունը»: Հավատը նույնպես, այս տեսանկյունից դիտված, այնպիսի սարսափելի ուժ է, որ կարող է կործանել աշխարհը, եթե գործադրվի չար նպատակներով: Զկա մի բան, որ մարդ արարածը, լինելով ներքին մի համոզման ստրուկը կամ իր բանականությունը առանց պայմանի ենթարկելով մի այլ մարդու բանականությանը, ի վիճակի չլինի կատարելու, ինչը ապացուցում է, որ ամենաբարձր առաքինությունները, երբ մարդ:

դրանք բաժանում է Աստծուց և ուզում է դնել իրենց բարոյական պարզ հարաբերությունների մեջ, դառնում են մեծագույն արատներ:

Եթե փիլիսոփաները այս հանգամանքը քննության առած լինեին, այնքան դժվարություն չէին ունենա հաստատելու բարու և չարի սահմանները: Քրիստոնեությունը կարիք չունի Արիստոտելի նման հնարելու մի աստիճանաշափ, որպեսզի այնտեղ ճարտարորեն տեղադրի մի առաքինություն բարոյական երկու արատների միջև: Քրիստոնեությունը վստահորեն լուծել է այդ դժվարությունը՝ ցույց տալով մեզ, որ առաքինությունները առաքինություններ են միայն այն չափով, որչափով դրանք վերադառնում են դեպի իրենց սկզբնաղբյուրը, այսինքն՝ դեպի Աստված: Այս ճշմարտությունը մեզ համար կմնա անկանածելի, եթե մենք հավատը գործադրենք մարդկային այդ նույն հարաբերությունների մեջ՝ թույլ տալով սակայն, որ այն ի հայտ գա կրոնական գաղափարների միջնորդությամբ: Հավատից պիտի ծնվեն հասարակության առաքինությունները, քանի որ ճշմարիտ է, իմաստունների իսկ միաձայն հավանությամբ, որ այն պատվիրանը, որը հրահանգում է հավատալ վարձահատույց մի Աստծո, ամենաամուր հենարանն է բարոյականության և քաղաքականության:

Վերջապես, եթե դուք հավատը իր բուն նպատակին՝ ի բարին գործադրեք, եթե դուք ամբողջապես այն շրջեք դեպի Արարիչը, եթե այն դարձնեք ձեր իմացական աչքը, որով դուք կարող կլինեք հայտնաբերել երկնային Քաղաքի հրաշալիքներն ու իրական գոյությունների կայսրությունը, եթե այն թեւեր տա ձեզ՝ կյանքի դառնություններից վեր բարձրանալու, այժմ դուք կընդունեք, որ սուրբ գրքերը շատ չեն գովաբանում այդ առաքինությունը, երբ խոսում են դրա շնորիվ կատարված հրաշագործությունների

մասին: Ո՞վ երկնային և միսիթարիչ հավատ, դու լեռները տեղից տեղ փոխադրելուց ավելի՝ մի բան ես անում. դու վերացնում ես այն ահավոր բեռները, որ ծանրանում են մարդու հոգու և մարմնի վրա:

Հոյսը՝ աստվածաբանական այս երկրորդ առաքինությունը, համարյա նույն ուժն ունի, ինչ որ հավատը: Յանկությունը զորության հայրն է. ով ուժգնորեն է ցանկանում, ձեռք է բերում: «Փնտրեցե՛ք, ~ ասում է Հիսուս Քրիստոսը, ~ և կգտնեք, բախեցե՛ք, և կբացվի ձեզ համար»: Նույն իմաստով Պյութագորասն<sup>10</sup> ասում էր. «Զորությունը բնակվում է անհրաժեշտության մոտ», որովհետեւ անհրաժեշտությունը ենթադրում է զրկանք, իսկ զրկանքը ցանկության հետ համատեղ է ընթանում: Յանկությունը կամ հույսը, լինելով զորության հայրը, իսկական մի ոգի է՝ օժտված ծննդագործելու առնականությամբ և այնպիսի մի ծարավով, որ բնավ չի հագենում: Եթե մի մարդ զգում է, որ սխալվել է իր ծրագրերի մեջ, նշանակում է՝ նա սաստիկ չի ցանկացել, չի ունեցել այն սերը, որը վաղ թե ուշ հասնում է իր տենչացած առարկային, այն սերը, որն աստվածային վերացման մեջ ընդգրկում է ամեն ինչ և հրճվում համայն տիեզերքով, հրճվում մշտապես բավարարվող և անընդհատ վերածնվող անսահման մի հույսով:

Այսուհանդերձ էական մի տարբերություն կա հավատի և որպես ուժ համարվող հույսի միջև: Հավատի աղբյուրը մեզնից դուրս է գտնվում, նա գալիս է դեպի մեզ օտար մի առարկայից: Հույսը, ընդհակառակը, ծնվում է մեր ներսում, որպեսզի դուրս գա: Առաջինը պարտադրվում է մեզ, երկրորդը ծնվում է մեր սեփական ցանկությունից. առաջինը հնագանդություն է, երկրորդը՝ սեր: Բայց քանի որ հավատը ավելի հեշտությամբ է ծնունդ տալիս մյուս առաքինություններին, քանի որ այն ուղղակի դալիս է Աստծուց և հետեաբար բխումն է անսկիզբ և անվախճան Հորը, ա-

ուավել գեղեցիկ է, քան հույսը, որը մարդու մեկ մասն է միայն: Եվ Եկեղեցին հարկ է համարել հավատը դասել առաջին շարքում:

Բայց հույսը ինքնին հատկանշվում է մի առանձնահատկությամբ, որով նա հարաբերության մեջ է գտնվում մեր թշվառության հետ: Անտարակույս նա հայտնվել է երկնքից, այն կրոնից, որը առաքինություն է համարել հույսը: Խեղճերի և թշվառների այդ դայակը, գտնվելով մարդու մոտ, ինչպես մայրը՝ իր հիվանդ երեխայի մոտ, օրորում է նրան իր թևերի մեջ, դնում կրծքին ու դիեցնում իր ստինքների մշտաբուխ կաթով, որն ամոքում է նրա ցավերը: Նա հսկում է նրա սնարի մոտ միայնակ և մոգական երգերով քննեցնում նրան: Զարմանահրաշ մի բան է հույսը, և այնքան քաղցր է այն պահելը. նա թվում է հոգու բնական մի շարժում, որը քրիստոնյա մարդու համար փոխակերպվում ու դառնում է խստորեն պահանջված առաքինություն: Այնպես որ, նա ինչ էլ որ անի, պարտավորվում է կում-կում խմել այդ կախարդական բաժակից, որին այնքան թշվառներ ուրախությամբ պիտի ուզեին մոտենալ՝ թեկուզ մի պահ թրջելու համար իրենց շուրթերը: Կա ավելին (և այստեղ է հրաշքը). նա վարձատրված պիտի զգա իրեն, որ հույս է ունեցել, այլ կերպ ասած՝ որ այն դարձրել է իր սեփական երջանկությունը: Հավատացյալը, որ շարքային մի զինվոր է կյանքում և մշտապես պայքարում է թշնամու դեմ, չի անտեսվում Եկեղեցու կողմից իր պարտության ժամանակ, ինչպես պարտություն կրած այն զորավարները, որոնց Հռոմի սենատը պատվով ու շուքով է ընդունում սոսկ այն պատճառով, որ նրանք իրենց հույսը չէին կտրել վերջնական փրկությունից: Բայց, եթե հին ժամանակներում մարդիկ պատիվ ու մեծարանք էին մատուցում այն մարդկանց, որոնց երբեք չէր լքում հույսը, ապա ի՞նչ պիտի մտածեին քրիստոնյա մարդու մասին, որն իր

զարմանալի լեզվում չի օգտագործում հոյս փայփայել արտահայտությունը, այլ՝ հոյս կիրարկել:

Ինչ վերաբերում է մյուս առաքինությանը, որը սերն է՝ Հիսուս Քրիստոսի դուստրը, ապա իր բուն իմաստով նշանակում է շնորհ և ուրախություն: Կրոնը, ցանկանալով բարեփոխել մարդկային սիրտը և մեր խանդաղատանքն ու գորովը շրջել գեղի առաքինությունները, հնարել է մի նոր բառ՝ *caritas, charite*\*: Նա չի օգտագործել ո՛չ համակրամք բառը, որը բավականաչափ ուժեղ չէ, ո՛չ բարեկամություն բառը, որը չքանում է գերեզմանում և ո՛չ էլ գթասիրությունը, որը շատ մոտ է հպարտությանը, այլ գտել է *caritas* բառը, որն իր մեջ պարունակում է այդ երեքի իմաստը և որը, միաժամանակ, առնչվում է ինչ-որ երկնային բանի հետ: Դրանով նա մեր հակումներն ուղղում է գեղի երկինք՝ բյուրեղացնելով դրանք և վերադարձնելով Արարչին: Դրանով նա մեզ ուսուցանում է այն հրաշալի ճշմարտությունը, որ մարդիկ պետք է իրար սիրեն Աստծու միջոցով, որը ոգեղինացնում է նրանց սերը և թողնում միայն նրա անմահ էությունը՝ կամուրջ ծառայելով նրան:

Բայց, եթե սերը քրիստոնեական մի առաքինություն է՝ ուղղակի Աստծուց և նրա մարմնացած Բանից բխած, ապա նա սերտորեն կապված է նաև բնության հետ: Երկնքի և երկրի, Աստծու և մարդկության այդ շարունակական ներդաշնակությամբ է, որ մենք ճանաճչում ենք ճշմարիտ կրոնի բնույթը: Հնադարի բարոյական, գիտական և քաղաքական հաստատությունները հաճախ հակադրության մեջ են եղել մարդու հոգեկան աշխարհի հետ, նրա զգացումների հետ: Քրիստոնեությունը, ընդհակառակը, միշտ ունկնդիր մարդկանց սրտի պահանջներին, բնավ չի հանձնարա-

\* Caritas (լատ), charité (ֆրանս.) բառիմաստին համազրի են հայերեն աստվածասիրություն, եղբայրասիրություն բառերը, այսինքն՝ սեր իր ամենալայն իմաստով (ծնն. բարզմ.):

բում առանձին վերացական առաքինություններ, այլ՝  
այնպիսի առաքինություններ, որոնք բխում են մեր ներ-  
քին պահանջներից և օգտակար են բոլորին։ Նա սերը դրել  
է կյանքի անապատներում որպես անցամաքելի ջրհոր։

«Սերը, — ասում է Պողոս առաքյալը, — համբերող է,  
քաղցրաբարո. սերը չի նախանձում, չի հանդգնում, չի ամ-  
բարտավանանում, չի գոռողանում, իրենը, չի փնտրում, չի  
գրգռվում, չար բան չի խորհում, անիրավության վրա չի  
ուրախանում, այլ ուրախանում է ճշմարտության վրա. ա-  
մեն բանի դիմանում է, ամեն բանի հավատում, ամեն բա-  
նի համար հույս ունի, ամեն բանի համբերում է»։





## ԲԱՐՈՅԱԿԱՆ ՕՐԵՆՔՆԵՐԻ ԵՎ ՏԱՄՆԱԲԱՆՅԱ, ՊԱՏՎԻՐԱՆՆԵՐԻ ՄԱՍԻՆ

Մեր հպարտությունը նվաստացնող բան է մտածել, որ մարդկային իմաստության ծնունդ հանդիսացող առածները կարող են պարփակվել մի քանի էջերի մեջ: Եվ այդ էջերի մեջ էլ ինչքա՞ն սխալներ... Մինոսի<sup>1</sup> և Լիկուրգոսի օրենքները այն ժողովուրդների կործանումից հետո, որոնց համար հաստատվեցին դրանք, ի զորու և կանգուն մնացին ինչպես անապատի բուրգերը, որոնք մահվան մշտնջենական պալատներ են:

### **Երկրորդ Զարարուստրայի<sup>2</sup> օրենքները**

Անեղը և ինքնագո ժամանակը ստեղծիչն է ամեն ինչի: Բանը եղավ նրա գուստը, և նրա գուստը ծնվեցին Օրմուգդը<sup>3</sup> բարու աստվածը և Ազրիմանը<sup>3</sup> չարի աստվածը:

Օգնության կանչիր երկնային ցուլին՝ խոտի և մարդու հորը:

Ամենաարժանակոր գործը իր արտը լավ հերկելն է:

Աղոթի՛ր մաքուր մտքով, մաքուր խոսքով և մաքուր գործով:

Սովորեցրո՛ւ բարին և չարը քո հինգ տարեկան որդուն:

Օրենքը թող հարվածի ապերախտ մարդուն:

Թող մեռնի այն զավակը, որը երեք անգամ անհնագանդ է եղել իր հորը:

Օրենքը պիղծ է հոչակում երկրորդ անգամ ամուսնացած կնոջը:

Խաբեբային հարվածի՛ր ճիպոտով:

Արհամարհի՛ր ստախոսին:

Տարեկերջին և տարեմուտին տասը օր տոնախմբություն  
ալա:

### ՀՅՈՒԱԿԱԱ ՕՐԵԱԲԱԵՐ

Վիշնուն<sup>4</sup> տիեզերքն է: Նա՛ է, ինչ որ եղել է, նա՛ է, ինչ  
որ կա, նա՛ է, ինչ որ լինելու է:  
Մարդի՛կ, եղե՛ք հավասար:  
Սիրի՛ր առաքինությունը հանուն առաքինության. հրա-  
ժարվի՛ր քո գործերի արդյունքից:  
Ով մահկանացու, եղի՛ր իմաստուն, և դու տասը հազար  
փղի ուժ կունենաս:  
Հոգին աստված է:  
Քո երեխաների սխալները խոստովանի՛ր արեին ու  
մարդկանց և գնա մաքրվի՛ր Գանգեսի ջրերում:

### ԵԳԻԱՊՈԱԿԱԱ ՕՐԵԱԲԱԵՐ

Առաջնորդ ընդհանրական աստված, անծանոթ խավար,  
անթափանցելի մթություն:  
Օզիրիսը<sup>5</sup> բարի աստված է, Տիֆոնը<sup>6</sup> չար աստված:  
Պատվի՛ր քո ծնողներին:  
Հետեկի՛ր քո հոր արհեստին:  
Եղի՛ր առաքինի. լճի դատավորները քո մահկանից հետո  
վճիռ պիտի կայացնեն քո գործերի մասին:  
Լվա՛ քո մարմինը երկու անգամ օրը և երկու անգամ  
գիշերը:  
Ապրի՛ր քչով:  
Մի՛ բացահայտիր երբեք գաղտնիքները:

## *Մինոսի օրենքաները*

Մի՛ երդվիր բնավ աստվածների անունով:  
Ո՞վ երիտասարդ, մի՛ քննիր բնավ օրենքները:  
Օրենքը անպատիվ է հոչակում նրան, ով բարեկամ չունի;  
Ծնացող կինը թող պսակվի բրդով և վաճառվի:  
Թող ձեր ճաշերը հայտնի լինեն ամենքին, ձեր կյանքը  
լինի պարզ և անպաճույն, և ձեր պարերը՝ ուազմական:  
(Այստեղ զանց ենք առնում Լիկուրգոսի օրենքների, ո-  
րոնք մասամբ կրկնությունն են Մինոսի օրենքների) (ծնթ.  
հեղինակի):

## *Սոլոնի օրենքաները*

Թող մեռնի այն զավակը, որը աչքաթող է անում ու չի  
թաղում իր հորը կամ չի պաշտպանում նրան:  
Ծնացող մարդուն թող արգելվի տաճար մտնել:  
Հարբած դատավորը թող մոլեխինդ խմի:  
Մա՛հ վախկոտ զինվորին:  
Օրենքը թույլ է տալիս սպանել այն քաղաքացուն, որը  
չեղոք դիրք է բռնում քաղաքացիական երկպառակու-  
թյունների ժամանակ:  
Ով ուզում է մեռնել, թող հայտնի արխոնտին\* և ապա  
մեռնի:  
Սրբազդություն կատարող մարդը թող մեռնի:  
Ո՞վ կին, առաջնորդի՛ր քո կույր ամուսնուն:  
Կենցաղավարություն չունեցող մարդը չի կարող կառա-  
վարել:

---

\* Բարձրագույն պաշտոնյա հին Հունաստանում (ծնթ. քաղաք.):

### *Հոռմեական հնագույն օրենքներ*

Հարգի՛ր համեստ հարստությունդ:  
 Թող մարդը լինի հողագործ և ռազմիկ:  
 Գինին վերապահի՛ր ծերերին:  
 Մահվա՛ն դատապարտիր այն հողագործին, որը եղան  
 միս է ուտում:

### *Գալիլացիների կամ կելտական քրմերի օրենքները*

Տիեզերքը հավիտենական է, հոգին՝ անմահ:  
 Հարգի՛ր բնությունը:  
 Պաշպանի՛ր քո մորը, քո հայրենիքը, հողը:  
 Խորհուրդներ տուր նաև կնոջը:  
 Հարգի՛ր օտարականին և մի կողմ դիր նրա բաժինը քո  
 բերքից:  
 Ստոր մարդը թող թաղվի ցեխի մեջ:  
 Տաճար մի՛ կառուցիր բնակ և անցյալի պատմությունը  
 վստահի՛ր միայն քո հիշողությանը:  
 Ո՞վ մարդ, դու ազատ ես. սեփականություն մի՛ ունե-  
 ցիր:  
 Հարգի՛ր ծերերին, և թող երիտասարդը դատարանում  
 վկայություն չտա նրա դեմ:  
 Ազնիվ մարդը իր մահվանից հետո պիտի վարձատրվի,  
 իսկ ստոր մարդը՝ պատժվի:

### *Պյութագորասի օրենքները*

Հարգի՛ր անմահ աստվածներին՝ ինչպես որ նրանք հաս-  
 տատված են օրենքով:  
 Հարգի՛ր քո ծնողներին:  
 Արա՛ այն բանը, ինչը չի տանջելու քո հիշողությունը:

**Մի՛ թող, որ աչքերիդ վրա քունը ծանրանա, մինչև երեք անգամ չքննես քո հոգում քո ամենօրյա գործերը:**

**Հարցրո՛ւ ինքդ քեզ. «Որտե՞ղ եմ եղել, ի՞նչ եմ արել, ի՞նչ պետք է անեի»:**

**Սրբությամբ անցկացրած քո կյանքից հետո, երբ մարմինդ վերադառնա սկզբնական տարրերին, դու կդառնաս անմահ ու անապական և այլես չես կարող մեռնել<sup>\*</sup>:**

**Ահա այս է մոտավորապես այն ամենը, ինչ կարող ենք քաղել հին դարերի այնքան ուշագրավ իմաստությունից:** Այստեղ Աստված ներկայացված է որպես ինչ-որ մթին բան, բայց, անկասկած, ուժեղ լույսի պատճառով. չէ՞ որ խավարը պատում է մեր աչքերը, երբ մենք փորձում ենք արեին նայել: Բարեկամ չունեցող մարդն այստեղ անպատիվ է հոչակվում: Այդ ժամանակաշրջանի օրենսդիրն, ուրեմն, անվանարկվա՞ծ, անպատի՞վ է համարում գրեթե բոլոր անբախտ ու թշվառ մարդկանց: Ուրիշ մի տեղ ինքնասպանությունն օրենք է դառնում: Վերջապես այդ իմաստություններից ոմանք թվում է, թե բոլորովին մոռանում են, որ գոյություն ունի գերազույն մի էություն: Եվ տակավին ինչքա՞ն անորոշ, տարտամ, անկապակից ու հասարակ բաներ կան այս ասույթների մեծ մասի մեջ: Հնադարյան կաճառների իմաստունները մեկը մյուսի հետեւ հորինում էին այնպիսի հակասական առածներ, որ հաճախ առածների նույն գրքով կարելի է ապացուցել, որ դրա հե-

---

\* Ասույթների այս ցուցակին կարելի է ավելացնել նաև մի քաղվածք Պլատոնի «Հանրավետություն» աշխատությունից կամ, ավելի շուտ, նրա օրենքների տասներկու գրերից, որոնք, մեր կարծիքով, նրա գործերի լավագույն մասն են կազմում որքան այն գեղեցիկ տեսարանվ (որը երեք ծերունիներ ճառեր են արտասանում աղբյուր գնալիս), նոյնքան և այդ երկխոսության մեջ սիրող մտքի խորությամբ: Սակայն այդ օրենքները կամ պատվիրանները երբեք չեն գործադրվել, ուստի մենք հրաժարվում ենք այդ մասին խոսելուց: Ինչ վերաբերում է Կուրանին, ապա սուրբ, ճիշտ և արդար ինչ բան որ կա նրա մեջ, գրեթե բառ առ բառ փոխ է առնված մեր Սուրբ Գրքից: Մնացածը մի հավաքածու է ուարունական օրենքների (ծճք. հեղինակի):

ղինակը թե՛ հավատում և թե՛ չէր հավատում Աստծուն, որ նա ընդունում և միաժամանակ չէր ընդունում դրական մի առաքինություն, որ ազատությունը ամենամեծ բարիքն է, և բոնատիրությունը՝ լավագույն իշխանությունը:

Եթե այսքան անորոշությունների և երկմտությունների մեջ մենք նկատեինք բարոյական օրենքների մի ամբողջություն առանց հակասությունների և առանց սխալների, որը վերջ տար մեր վարանումներին, որը մեզ սովորեցներ, թե պետք է հավատանք Աստծուն, և թե, որո՞նք են մեր ճշմարիտ հարաբերությունները մարդկանց հետ, եթե բարոյական օրենքների այդ ժողովածուն ձևակերպված լիներ ինքնավստահ տոնով և մինչ այդ մեզ անծանոթ եղող լեզվի պարզությամբ, ապա չպիտի<sup>o</sup> եզրակացնեինք, որ այդ օրենքները գալիս են երկնքից, արդյունք են աստվածային ներշնչման: Մենք ունենք այդ օրենքները, այդ աստվածային պատվիրանները. և ինչպիսի՝ պատվիրաններ խելացի մարդու համար, ինչպիսի՝ կենդանի պատկեր բանաստեղծի համար....:

Ահա, նայեցե՛ք այդ մարդուն, որն իջնում է բոցեղեն բարձունքներից: Նրա ձեռքերը քարե մի տախտակ են պահում իր կրծքի վրա, նրա ճակատը պսակված է կրակե երկու ճառագայթներով, նրա դեմքը շողում է Տիրոջ փառքով. Աստծու ահը նրա առաջ է. հեռու հորիզոնում ձգվում է Լիբանանի լեռնաշղթան իր հավերժական ձյունով և դեպի երկինք սլացող իր մայրիներով: Հակոբի հետնորդը, ծնկի իջած լեռան ստորոտում, երկյուղից քողարկում է իր գլուխը, որպեսզի չտեսնի Աստծուն ու չմահանա: Այդ ժամանակ խլացուցիչ որոտը դադարում է, և գալիս է մի ձայն.

«Լսի՛ր դու, ո՛վ իսրայել. ես եմ Տերը՝ քո Աստվածը, որ քեզ հանեցի եգիպտացիների երկրից՝ ստրկության տնից:

1. Ինձնից բացի ուրիշ Աստված չպիտի ունենաս:

2. **Քեզ համար կուռք չպիտի կերտես ո՞չ վերեռում՝**  
երկնքում, ո՞չ ներքեռում՝ երկրի վրա, և ո՞չ երկրի խորքի  
ջրերում եղած որևէ բանի նմանությամբ։ Չպիտի երկրպա-  
գես դրանց ու չպիտի պաշտես, որովհետեւ ես եմ քո Տեր  
Աստվածը՝ մի նախանձու Աստված, որ հայրերի մեղքերի  
համար պատժում եմ որդիներին՝ մինչև երրորդ և չորրորդ  
սերնդին, որ ատում են ինձ. իսկ ինձ սիրող և իմ պատվի-  
րանները պահող մարդկանց մինչև հազարերորդ սերնդին  
ողորմում եմ։

3. **Քո Տեր Աստծու անունը զուր տեղը չպիտի արտասա-  
նես, որովհետեւ Տերը անպատիժ չի թողնում նրան, ով իր  
անունը զուր տեղն է արտասանում։**

4. **Հիշե՛ր շաբաթ օրը, որպեսզի սուրբ պահես այն։ Վեց**  
օր պիտի աշխատես և պիտի կատարես քո բոլոր գործերը.  
բայց յոթներորդ օրը քո Տեր Աստծու հանգստյան օրն է.  
այդ օրը դու ոչ մի գործ չպիտի անես, ո՞չ դու, ո՞չ քո որ-  
դին, ո՞չ քո աղջիկը, ո՞չ քո ծառան ու աղախինը, ո՞չ քո ա-  
նասունը, ո՞չ էլ քո դռան մոտ բնակվող օտարականը, ո-  
րովհետեւ Տերը վեց օրում ստեղծեց երկինքն ու երկիրը,  
ծովն ու այն ամենը, ինչ դրանց մեջ է, իսկ յոթներորդ օրը  
հանգստացավ։ Դրա համար էլ Տերն օրհնեց հանգստյանը  
օրը և այն սրբացրեց։

5. **Պատվի՛ր քո հորն ու մորը, որպեսզի քո օրերը երկա-  
րեն այն երկրի վրա, որ քո Տեր Աստվածը տալու է քեզ։**

6. **Մի՛ սպանիր։**

7. **Մի՛ շնացիր։**

8. **Մի՛ գողացիր։**

9. **Քո հարեանի դեմ սուտ վկայություն մի՛ տուր։**

10. **Աչք մի՛ ունեցիր ո՞չ քո հարեանի տան, ո՞չ քո հա-  
րեանի կնոջը, ո՞չ նրա ծառայի, ո՞չ նրա աղախնու, ո՞չ նրա  
եղան, ո՞չ նրա էշի, ո՞չ այն ամենի վրա, ինչ քո հարեա-  
նին է»։**

Ահա այն օրենքները, որ Աստված փորագրեց ոչ միայն Սինայի լեռան քարե տախտակի վրա, այլ նաև մարդկանց սրտի մեջ: Ամենից առաջ մեր ուշադրությունը գրավում է այս աստվածային օրենքների տիեզերական բնույթը, որը առանձնացնում է դրանք մարդկային մյուս օրենքներից: Այստեղ են ամփոփված բոլոր ժողովուրդների, մարդկային կյանքի բոլոր պայմաններին ու բոլոր ժամանակներին հատուկ օրենքները: Պյութագորասի և Զարաթուստրայի օրենքներն ուղղված են հույներին և մեղացիներին, մինչ Աստված խոսում է բոլո՛ր մարդկանց հետ: Մենք ճանաչում ենք ամենակարող և ամենագոր այդ Աստծուն՝ Հորը, որը հսկում է ողջ արարչագործության վրա և իր ձեռքից վայր է գցում միաժամանակ թե՛ ցորենի հատիկը, որը կերակրում է միջատին, և թե՛ արել, որը լուսավորում է նրան:

Այնուհետև, չկա ավելի հիասքանչ բան, քան եբրայեցիների բարոյական այս օրենքները, որոնք իրենց պարզության մեջ լի են ճշմարտությամբ: Հեթանոսները հանձնարարել են պատվել մեր օրերի հեղինակներին: Իսկ ի՞նչ է անում Աստված. նա կյանք է խոստանում նրան, ով սեր և ակնածանք է ցուցաբերում իր հոր հանդեպ: Այս պատվիրանը հուշում է հենց ինքը բնությունը: Աստված պատվիրան է տալիս որդիական սիրո մասին և ոչ թե հայրական սիրո, որովհետև նա գիտե, որ որդին, որի մեջ գալիս միանում են հոր բոլոր հիշողություններն ու հույսերը, անչափ շատ է սիրվում այս վերջինից: Ահա թե ինչու նա որդուն է հրամայում սիրել իր հորը, քանզի նա լավ է ճանաչում երիտասարդության հպարտությունն ու անկայուն վարքը:

Տասնաբանյա պատվիրանների, ինչպես նաև Աստծու այլ խոսքերի մեջ ներքին իմաստի ուժին միանում են ձևի վեհությունն ու մեծավայելչությունը: Հնադարյան օրենսդիրները իրենց հաստատած օրենքների մեջ նշել են ազգե-

րի տոների ժամանակաշրջանները, բայց հսրայելի ժողովրդի հանգստյան օրը հենց իր Աստծու հանգստյան օրն է: Եթրայեցին և նրա ժառանգորդը, որ հեթանոս էր կոչվում, իր կնճոտ ու խրժին աշխատանքի ժամերին իր աչքի առաջ էր բերում հենց տիեզերքի հաջորդական ստեղծագործությունը: Հույները, որոնք թեև այնքան բանաստեղծական ժողովուրդ են եղել, երբեք չեն մտածել հիշատակության արժանացնել հողագործի կամ աշխատավորի հոգածու աշխատանքը այն պահերին, երբ Աստված ստեղծեց լույսը, գծեց արևի ճանապարհը և շունչ տվեց մարդու սրտին:

Ո՞վ աստվածային օրենքներ, ինչքան քիչ եք նման մարդկանց կողմից սահմանված օրենքներին: Լինելով հավիտենական, ինչպես այն Սկզբունքը, որից բխեցիք, դուք դիմադրում եք դարերին, դիմադրում եք նույնիսկ ժողովուրդների հալածանքներին ու նրանց ապականված բարքերին: Կրոնական այս օրենսդրություննը, որը ձեւավորված է քաղաքական օրենսդրություններին առընթեր (սակայն անկախ նրանց ճակատագրից), մի մեծ հրաշալիք է: Մինչ թագավորություններն ու նրանց ձեւերը անցողիկ են ու փոփոխական, և մինչ իշխանությունները ձեռքից ձեռք են անցնում ըստ ճակատագրի տնօրինության, մի քանի քրիստոնյաներ, հակառակ կյանքի հարափոփոխ պայմաններին, հավատարիմ իրենց հավատին, շարունակում են պաշտել միևնույն Աստծուն և ենթարկվել միևնույն օրենքներին՝ չժողովացնելով բնակ իրենց բարոյական կապերը հեղափոխությունների և զանազան դժբախտությունների պատճառով: Նախնադարյան ո՞ր կրոնը չի կորցրել իր բարոյական ազգեցությունը՝ կորցնելով իր քրմերին և նրանց բոլոր զոհագործությունները: Ո՞ւր են Տրոֆոնիուսի<sup>8</sup> քարանձավի խորհուրդները ու Յերես<sup>9</sup> էլեզինայի<sup>10</sup> գաղտնիքները: Ապոլոնը չկործանվեց Դելֆիսի<sup>11</sup>, Բասաղը<sup>12</sup> Բաբելոնի, Սե-

ըապիսը<sup>13</sup> թերեսի<sup>14</sup>, Յուալիտերը<sup>15</sup> Կապիտոլի<sup>16</sup> հետ։ Միայն քրիստոնեությունն էր, որ շատ հաճախ ականատես եղավ այն գեղեցիկ շինությունների կործանմանը, ուր մատուցվում էին իր մեծաշուք արարողությունները՝ առանց սակայն սասանվելու դրանց անկումից։ Հիսուս Քրիստոսը միշտ տաճար չի ունեցել, սակայն կենդանի Աստծու համար ամեն ինչ տաճար է՝ թե՛ գերեզմանատները, թե՛ լեռան քարայրները և թե՛ մանավանդ արդար մարդկանց սրտերը։ Հիսուս Քրիստոսը միշտ չի ունեցել պորփյուրե խորաններ, մայրու փայտից շինված բեմեր և մեծահարուստ երջանիկ մարդիկ որպես սպասավորներ։ Բավական է անապատում մի համեստ քար՝ կատարելու իր խորհուրդները, մի ծառ՝ քարոզելու իր օրենքները և փշե մի խշտյակ՝ գործադրելու իր առաքինությունները։



**ՄՈՎՍԵՍԻ ԱՎԱՆԴՈՒԹՅԱՆ  
ԳԵՐԱԶԱՆՑՈՒԹՅՈՒՆԸ ՄՅՈՒՄ ԲՈԼՈՐ  
ԿՈՍՄՈԳՈՆԻԱՆԵՐԻ (տիեզերածնությանց)  
ՆԿԱՏՄԱՄԲ**

Ճշմարտություններ կան, որ ոչ ոք չի մերժում, թեև հնարավոր չէ դրանց մասին անմիջական ապացույցներ բերել: Այդ ճշմարտությունների թվին են պատկանում ըմբռոստությունն ու հպարտության ոգու կործանումը, աշխարհի ստեղծումը, սկզբնական երջանկությունը և մարդու մեղքը: Անկարելի է հավատալ, որ մի անհեթեթ սուսդառնա համաշխարհային ավանդություն: Բա՛ց արեք երկրորդ Զարաթուստրայի<sup>1</sup> գրքերը, կարդացե՛ք Պլատոնի և Լուսիենի<sup>2</sup> երկխոսությունները, Պլուտարկոսի<sup>3</sup> բարոյագիտական աշխատությունները, չինացիների հիշատակարանները, եբրայեցիների Սուրբ Գիրքը, սկանդինավյան հինժողովրդների էպուաները<sup>4</sup>, փոխազրկեցե՛ք Աֆրիկայի սևամորթների կամ Հնդկաստանի գիտնական քրմերի մոտ, այդ բոլորը ձեզ կպատմեն չարի աստծու կատարած ոճիրների մասին, կնկարագրեն մարդու երջանկության խիստ կարճատե շրջանները և երկար շրաբն այն աղետների, որոնց ենթարկվել է նա իր անմեղությունը կորցնելուց հետո:

Վոլտերը մի տեղ այն միտքն է հայտնում, որ մեզ՝ մարդկությանը, որպես ժառանգություն է մնացել աշխարհի ծագման և այն կազմող Փիզիկական ու բարոյական տարրերի մասին եղած բոլոր ավանդությունների ամենավատ պատկերը: Արդյոք նա տիեզերածնության մասին հին եղիպտացիների ունեցած պատկերացո՞ւմն էր նախընտ-

բում՝ Թեքեսի<sup>5</sup> քրմերի պատկերացրած թևավոր մեծ ձո՞ւն։ Տեսէք, թե ինչե՛ր է դուրս տալիս Մովսեսից հետո ամենաշին պատմագիրն ամենայն լրջությամբ։

«Տիեզերքը սկզբնապես եղել է մռայլ և փոթորկոտ օդ, մռայլ օդից և անհանդարտ, խռովահույզ քառսից կազմված քամի։ Այն եղել է անեզր ու երկար ժամանակ չի ունեցել ո՛չ սահման, ո՛չ կերպարանք։ Բայց երբ այդ քամին սիրահարվեց իր սեփական սկզբին՝ օդին ու քառսին, դրանցից առաջ եկավ մի խառնուրդ, և այդ խառնուրդը կոչվեց ցանկություն կամ սեր։ Այդ խառնուրդը, լինելով ամբողջական, դարձավ ամեն ինչի սկզբնաղբյուրը։ Բայց քամին չէր ճանաչում իր իսկ կատարած գործը՝ խառնուրդը։ Այս վերջինը իր հոր՝ քամու հետ, իր հերթին ծնեց կավը կամ հողը, և սրանից էլ դուրս եկան տիեզերքի բոլոր ծնունդները»։

Գալով հույն փիլիսոփաներին՝ հոնիական աղանդի հիմնադիր Թալեսը<sup>6</sup>, որպես տիեզերքի սկիզբ, ընդունում է ջուրը։ Պլատոնը հաստատում էր, որ Աստված կարգավորել է աշխարհը, բայց չի կարողացել այն ստեղծել։ «Աստված, ասում է նա, տիեզերքը ձևավորել է ըստ այն օրինակի, որ գոյություն է ունեցել ինքն իր մեջ հավիտենապես։ Տեսանելի առարկաները Աստծու գաղափարի ստվերներն են միայն՝ միակ ճշմարիտ գոյացությունները։ Բացի այդ, Աստված իր կյանքից մի շունչ է հոսեցրել էակների մեջ։ Դրանով նա կազմել է մի երրորդ սկիզբ, որը եղել է միաժամանակ ոգի և նյութ, և այդ սկիզբը կոչվում է աշխարհի հոգին»։

Տիեզերքի ծագման մասին Արիստոտելը համարյա նույն բանն էր ասում, ինչ որ Պլատոնը, բայց նա կարողացավ երևակայել էակների շղթայի գեղեցիկ համակարգը և, գործողությունից գործողություն գեպի ետ գնալով, ապացուցեց, որ ինչ-որ տեղ գոյություն ունի առաջնագույն մի դրդապատճառ։

Զենոնը<sup>7</sup> պաշտպանում էր այն տեսակետը, որ աշխարհը կարգավորվել է իր սեփական ուժականությամբ, որ բնությունը ներկայացնում է այն ամբողջը, որն իր մեջ ընդգրկում է համայնը, և այդ համայնը կազմված է երկու սկիզբներից՝ մեկը ներգործող, մյուսը կրավորական, որոնք, սակայն, գոյություն չունեն առանձին-առանձին, այլ միավորված են. այդ երկու սկիզբները ենթակա են մի երրորդի՝ ճակատագրին, Աստված, նյութը և ճակատագրիը մեկ ամբողջություն են, դրանք միաժամանակ կազմում են մեքենայի թե՛ անիվները, թե՛ շարժումը և թե՛ օրենքները և, որպես մասեր, հնագանդվում են այն օրենքներին, որ նրանք թելադրում են իբրև ամբողջություն:

Հստ էպիկուրյան փիլիսոփայության, տիեզերքը գոյություն ունի հավիտենապես: Բնության մեջ կա միայն երկու բան՝ մարմին և դատարկության: Մարմինները կազմված են նյութերի անհունորեն փոքր մասնիկների՝ հյուլեների կուտակումից, որոնք ունեն ներքին շարժում, ձգողականություն: Դրանց շրջանաձև շարժումը կկատարվեր ուղղահայաց մակարդակով, եթե, առանձնահատուկ մի օրենքով, դրանք մի կորագիծ չգծեին դատարկության մեջ:

Էպիկուրը<sup>8</sup> ենթադրեց, որ այդ շարժումը կատարվում է թեքությամբ՝ խուսափելու համար ճակատագրապաշտների այն սիստեմից, որն առաջ կգար, եթե հյուլեները շարժվեին ուղղահայաց մակարդակով: Բայց այս վարկածն անհեթեթէ, որովհետեւ, եթե թեքությամբ կատարվող հյուլեի շարժումը օրենք է, դա անհրաժեշտությունից է. իսկ անհրաժեշտ մի պատճառ ինչպե՞ս կարող է առաջ բերել ազատ արդյունք:

Երկիրը, երկինքը, աստղերը, բույսերը, հանքային նյութերը, կենդանիները, ներառյալ մարդիկ, առաջացել են հյուլեների պատահական հանդիպումից, և, երբ երկրագնդի արտադրողական ուժն սպառվել է, կենդանի օրդա-

նիզմները շարունակել են իրենց գոյությունը ծննդագործությամբ: Կենդանիների պատահաբար կազմված անդամներն սկզբնապես առանձին ոչ մի օգտագործման համար սահմանված չեն եղել: Գոգածեւ ականջը չէր փոսացել լսելու համար, գմբեթարդ աչքը չէր կլորացել տեսնելու համար, բայց տարբեր գործածությունների համար սահմանված այս անդամները կենդանիներն օգտագործել են մեքենաբար՝ նախընտրելով մի այլ զգայարանից:

Տիեզերածնության վերաբերյալ փիլիսոփայական այս տեսությունները ներկայացնելուց հետո ավելորդ կլիներ խոսել նույն նյութին վերաբերող բանաստեղծների տեսությունների մասին: Ո՞վ ծանոթ չէ Դեկալիոնին և Պիրհային<sup>9</sup>, ոսկե դարին և երկաթե դարին: Գալով աշխարհի մյուս ժողովուրդների մոտ տարածված ավանդություններին՝ ասենք, որ Հնդկաստանում փիղն իր վրա էր պահում ամբողջ երկրագունդը. Պերուում ամեն ինչ արևն էր արել. Կանադայում մեծ նապաստակը աշխարհի հայրն էր. Գրունլանդում մարդը դուրս էր եկել մի խեցուց, և, վերջապես, Սկանդինավիան տեսել էր Ասկուսի և Էմլայի<sup>10</sup> ծնունդը, որոնց Օդինը<sup>11</sup> տվել էր Հոգի, Հեներուսը<sup>12</sup> բանականություն, և Լեդուրը<sup>13</sup> արյուն և գեղեցկություն:

Տիեզերքի ծագման վերաբերյալ այս այլազան տեսությունները մեզ կանգնեցնում են մանկական հեքիաթների և փիլիսոփայական վերացարկումների միջև: Եթե ստիպված լինենք ընտրություն կատարել, անշուշտ ավելի լավ կլիներ կողմնորոշվել գեպի առաջինները:

Բազում ընդօրինակությունների մեջ մի գեղանկարի բնագիր օրինակը կարողանալ որոշելու համար հարկավոր է փնտրել այն մեկը, որն իր միությամբ, իր մասերի ներդաշնակությամբ ու կատարելությամբ ի հայտ է բերում վարպետ նկարչի հանճարը: Հենց այդ է, որ մենք գտնում ենք «Ծննդոց գրքում», որը հանդիսանում է բնագիր օրի-

նակն այն գեղանկարների, որոնք վերաբռադրված են ժողովուրդների ավանդության մեջ: Ի՞նչ կա ավելի բնական և, հետեւաբար, ավելի սքանչելի, ի՞նչ կա մարդու համար ավելի հեշտ ըմբռնելի և ավելի համապատասխան նրա բանականությանը, քան Արարիչը, որ իջնում է վաղնջական, խավարային գիշերի մեջ՝ ստեղծելու համար լույսը իր մեկ խոսքով: Այդ նույն պահին արել կախվում է երկնքում, կապույտ անսահման մի կամարի կենտրոնում, իր անտեսանելի ցանցերի մեջ է առնում մոլորակները և դրանք պահում իր շուրջը որպես իր որսը: Ծովերն ու ան տառները սկսում են օրորվել երկրագնդի վրա, և նրանց առաջին ձայները վեր են բարձրանում՝ ավետելու համար տիեզերքին այն շքեղ ամուսնությունը, որին Աստված քահանա է լինելու, հողը՝ հարսանեկան անկողինը, իսկ մարդկային ցեղը՝ ապագա սերունդները\*:




---

\* «Կալկաբայի ընկերակցության» հիշատակարանները հաստատում են Ծննդոց գրքի ճշմարտությունները: Այդ հիշատակարանները մեզ ցույց են տալիս հնագոյն դիցարանությունը՝ բաժանված երեք ճյուղի, որոնցից մեկը տարածվում էր Հնդկաստանում, մյուսը՝ Հունաստանում, և երրորդը՝ Հյուսիսային Ամերիկայի վայրենիների մոտ: Այդ դիցարանությունը կապված է առավել հին մի ավանդության հետ, որը նույն ինքը՝ Սովետի ավանդությունն է: Հնդկաստան այցելող ժամանակակից ճանապարհորդներն այնտեղ ամենուր գտնում են այն եղելությունների հետքերը, որոնք հիշատակված են Աստվածաշնչում: Այդ եղելությունների վավերականությունը երկար ժամանակ մերժվելու հետո այժմ գիտնականների կողմից ընդունվել է (ծնք. *հեղինակի*):

## **Սուրբ Գրքի ճշմարտությունները**

### **ՄԱՐԴՈՒ ԱՆԿՈՒՄԸ. ՕԶԸ. ԵԲՐԱՅԵՐԵՆ ՄԻ ԲԱՌ**

Մարդ հիացմունքով է լցվում Սուրբ Գրքում նշված մի այլ ճշմարտության նկատմամբ. դա մեռնող մարդն է կյանքի պտղով իրեն թունավորած լինելու պատճառով, այլ խոսքով՝ կորսոյան դատապարտված մարդը, որը ճաշակել էր գիտության պտղից, չափից դուրս էր ճանաչել բարին և չարը և դադարել Ավետարանի երեխաներին նմանվելուց: Ենթադրենք մի պահ Աստծու կողմից դրված ուրիշ ամեն արգելք, որ վերաբերում է մարդու հոգու այս կամ այն հակումին. ի՞նչ կղառնային Ամենաբարձրյալի հաստատած կարգի իմաստությունն ու խորությունը: Այդպիսի արգելքը կլիներ Աստծուն անարժան մի քմայք, և ոչ մի բարոյականություն առաջ չէր գա Ադամի անհնազանդությունից: Մարդկային ամբողջ պատմությունը, ընդհակառակը, բխում է մեր նախահորը պարտադրված օրենքից: Աստված գիտությունը հասու դարձեց մարդկանց. նա այդ չէր կարող նրան մերժել, որովհետև մարդը ծնվել էր մտացի և ազատ: Բայց Աստված նախապես ասել էր Ադամին, որ, եթե ուզենար չափից դուրս գիտենալ, ապա իրերի ճանաչողությունը կլիներ նրա և նրան հաջորդող սերունդների մահը: Ժողովուրդների քաղաքական և բարոյական կյանքի գաղտնիքը, մարդկային հոգու ամենախորունք խորհուրդները պարփակված են այդ հիանալի, բայց աղետաբեր ծառի ավանդության մեջ:

Արդ, ահա հրաշալի շարունակությունը իմաստության դեմ Աստծու դրած արգելքի. մարդն ընկնում է, և նրա անկման պատճառ է դառնում գոռողության դեպ: Գոռողությունը երեւան է գալիս սիրո ձայնով՝ հրապուրելու համար նրան, և Ադամը մի կնոջ համար է, որ փորձում է հա-

**վասարվել Աստծուն:** Դա նրա սրտում զարգացումն էր առաջին երկու մեծ կրքերի՝ ունայնամտության և սիրո:

Բոսյուեն\* իր «Վերացումներ առ Աստված» գրքում, ուր մենք հաճախ վերագտնում ենք «Դամբանական ճառեր»-ի<sup>\*\*</sup> հեղինակին, խոսելով օձի խորհրդի մասին՝ ասում է, որ «Հրեշտակները խոսում էին մարդու հետ այնպիսի տեսքով, ինչպիսի տեսքով Աստված նրանց թույլ էր տալիս երևալ, և հաճախ՝ կենդանիների գեմքով։ Ուստի Եվանքնակալի չեկավ, երբ տեսավ, որ օձը խոսում է, ինչպես որ չզարմացավ՝ տեսնելով Աստծուն իսկ, որ երեսում էր ընկալելի ձևով։» Բոսյուեն ավելացնում է. «Ինչո՞ւ Աստված որոշեց, որ գեղեցիկ հրեշտակն ավելի շուտ երևա այդ տեսքով, քան մի այլ տեսքով։ Թեև անհրաժեշտ չէ այդ բանը գիտենալ, այսուհանդերձ Աստված անուղղակիորեն մեզ հասկացնում է դա՝ ասելով, որ օձը բոլոր կենդանիների մեջ ամենախորամանկն է, այսինքն՝ նա լավագույնս ներկայացնում է դեմքն իր չարությամբ, իր որոշայթներով և, այնուհետև, իր չարչարանքներով։»

Մեր դարը ամբարտավանորեն մերժում է ամեն ինչ, որ կապ ունի հրաշքի կամ հրաշալիքի հետ։ Բայց օձը, հաճախ, առարկա է դարձել մեր դիտարկումներին, և (եթե մեզ թույլ տանք համարձակորեն ասել) մենք հավատացել ենք, որ նրա մեջ կա այն կորստաթեր ոգին և այն խորագիտությունը, որ նրան վերագրում է Աստվածաշունչը։ Այս անհասկանալի սողունի մեջ ամեն ինչ խորհրդավոր է, ամեն ինչ թաքնված, զարմանալի։ Նրա շարժումները տար

\* Ժակ Բ. Բոսյուեն (1627-1704) Ֆրանսիացի հոչակավոր աստվածաբան, գրող, քարոզիչ, բարոյագետ, որ հովվական մեծ աշխատանք է ծավալել իր հայրենիքում որպես կարողիկ Եվերեցու եպիսկոպոս։ Թողել է գրական մեծ ժառանգություն մեծ մասամբ կրոնական բովանդակությամբ։ 1671 թ. ընտրվել է ֆրանսիական ակադեմիայի անդամ։

\*\* «Դամբանական ճառեր» Բոսյուենի ամենահայտնի երկը, որով նա ձեռք բերեց մեծ համբավ և հեղինակություն։

բերվում են մյուս բոլոր կենդանիների շարժումներից։ Մարդ չի կարող ասել, թե ինչի մեջ է կայանում նրա տեղափոխվելու գաղտնիքը, որովհետև նա ոչ լողակ ունի, ո՞չ ոտք, թե, սակայն փախչում է ստվերի նման, անհետանում կախարդական կերպով, վերստին հայտնվում և ապա անհայտանում՝ նման մի բարակ կապույտ ծիսի կամ մթության մեջ մի ակնթարթ երեացող սրտի փայլի։ Մերթ ոլորվում և սլաքի նման դուրս է հանում կրակելեզուն, մերթ ցցվում ու կանգնում է պոչի ծայրին, մերթ առաջանում է ուղղաձիգ դիրքով՝ կարծես կախարդված, նետվում առաջ՝ մեջքը կորացրած, բարձրանում ու իջնում պարուրածե, օղակներն է շարժում ոլոր-ոլոր, մերթ փաթաթվում է ծառերի ճյուղերին և մերթ սահում մարդագետնի խոտերի վրա կամ ջրերի մակերեսին։ Նրա գույները նույնքան անորոշ են, որքան նրա ընթացքը, դրանք փոփոխվում են համաձայն լույսի տարբեր անդրադարձումների, և, ինչպես նրա շարժումները, այդ գույներն ունեն հրապուրանքի կեղծ փայլն ու խաբուսիկ այլազանությունները։

Առավել զարմանալի են նրա սովորությունները. նա գիտե, ինչպես սպանություն գործած մարդը, գեն գցել իր արյունաթաթախ շապիկը՝ վախենալով, որ կարող է ճանաչվել։ Տարօրինակ մի հատկությամբ նա կարող է ետ իր արդանդը մտցնել այն փոքրիկ հրեշները, որ սերն էր գուրս բերել այնտեղից։ Նա քնում է ամբողջ ամիսներ, հաճախում է գերեզմանները, բնակվում անծանոթ վայրերում, պատրաստում մահացու թույներ, որոնք իր զոհի մարմինը սառեցնում, այրում կամ բծավորում են այնպիսի գույներով, որոնցով հենց ինքն է դրոշմված։ Մի տեղ նա ցցում է երկու սպառնալից գլուխներ, մի այլ տեղ հնչեցնում զանգակի սուր ձայն, սուլում է լեռնային արծվի նման և ֆշշում ու մոնչում ինչպես կատաղած ցուլ։ Նա հաղորդակից է լինում մեր բարոյական կամ կրոնական գաղափար-

ներին՝ ասես ազգեցություն ունենար մեր ճակատագրերի վրա։ Որպես սոսկումի կամ հիացումի առարկա, մարդիկ անհաշտ ատելությամբ են լցվում նրա հանդեպ կամ ուժաթափ ընկնում նրա ոգու առաջ։ Սուտը կանչում է նրան, խոհեմությունը՝ պահանջում, նախանձը նրան կրում է իր սրտում, իսկ պերճախոսությունը՝ եպիսկոպոսական գավագանի գլխին։ Դժոխքում նա վրեժինդրության դիցուհիներին զինում է մտրակներով, իսկ երկնքում հավերժությունը իր խորհրդանիշն է դարձնում նրան։ Եվ դեռ նա տիրապետում է անմեղությունը հրապուրելու արվեստին։ Նրա հայացքից կախարդվում են օգում թևածող թռչունները, իսկ մսուրում պառկած նորածին գառնուկը թողնում է նրան իր կաթը։ Բայց ինքն էլ, իր հերթին, հրապուրվում է քաղցր հնչյուններով, և հովիվը հեշտությամբ նրան հնագանդեցնում է իր սրինգով։

1791 թվականի հունիսին մենք ճանապարհորդում էինք Վերին Կանադայում *Օնոնտագեների* ցեղին պատկանող վայրենի մարդկանցից բաղկացած մի քանի ընտանիքներով։ Մի օր, երբ մենք կանգ էինք առել ընդարձակ մի դաշտավայրում՝ Գենեզի անունով մի գետի ափին, բոժոժավոր մի օձ մտավ մեր ճամբարը։ Մեր խմբում կար կանադացի մի սրնգահար։ Սա, ցանկանալով մեզ զվարճացնել, առաջացավ դեպի օձը՝ զինված նոր տեսակի երաժշտական գործիքով։ Նկատելով իր թշնամու մոտենալը՝ սողունը իսկույն ոլորվեց, տափակացրեց իր գլուխը, ուռցրեց այտերը, կծկեց շրթունքները՝ ցույց տալով իր թունալից ատամներն ու արնագույն երախը։ Նա չողացրեց իր երկճյուղ լեզուն զույգ բոցերի պես։ Նրա աչքերը նման էին երկու հրաշեկ ածուխների։ Կատաղությունից ուռած նրա մարմինը իջնում ու բարձրանում էր դարբնի փքոցի նման։ մաշկը, լայնանալով, դարձել էր անփայլ և թեփոտ, իսկ պոչը, որից չարագուշակ մի աղմուկ էր դուրս գալիս, այն-

պիսի արագությամբ էր ճռճվում, որ ասես թեթև գոլորշի լիներ:

Այն ժամանակ կանադացին վերցրեց իր սրինգն ու սկսեց նվագել: Օձը, հանկարծակի եկած, անսպասելի մի շարժում կատարեց և ետ քաշեց իր գլուխը: Նվագի մոգական ազգեցությամբ բռնված՝ նրա աչքերը հետզհետե կորցրին իրենց դաժան փայլը, նրա պոչի թրթոռմները դանդաղեցին, և այն աղմուկը, որ նա հանում էր, թուլանալով՝ կամաց-կամաց չքացավ: Հմայված օձի մարմնի օղակները, իրենց կորագծի վրա նվազ ուղղահայաց դիրք ընդունելով, լայնացան և իրար հետևից, աստիճանաբար, իջան ցած՝ գետնի վրա համակենտրոն շրջանակներ կազմելով: Կապույտ, կանաչ, սպիտակ և ոսկեգույն երանգները վերստացան իրենց փայլը նրա սարսուացող մաշկի վրա, և նա, մեղմորեն շուռ տալով գլուխը, մնաց համակ ուշադրության և հաճույքի դիրքում:

Այդ պահին կանադացին մի քանի քայլ արեց՝ իր սրինգից արտաքերելով մեղմ և միօրինակ հնչյուններ: Օձը ցած իջեցրեց իր երփներանգ վիզը, գլխով կիսով չափ բաց արեց գետնի նուրբ խոտերը և սկսեց սողալ երաժշտի ոտնահետքերի վրայով՝ մերթ կանգ առնելով, երբ նա կանգ էր առնում, և մերթ վերսկսելով հետևել նրան, երբ նա սկսում էր հեռանալ: Այսպիսով օձն առաջնորդվեց մեր ճամբարից դուրս ինչպես տեղաբնիկ վայրենիներից, այնպես էլ եվրոպացիներից բաղկացած մի մեծ բազմության հայացքի տակ, որոնք հազիվ կարողանում էին հավատալ իրենց աչքերին: Երաժտության հրաշագործ ազգեցության տակ քարացած ամբոխի միջից մի ձայն լսվեց միայն, որը խնդրում էր թույլ տալ կենդանուն, որ փախչի հեռանա:

Օձի սովորություններից մակաբերված այս ճշմարտության վրա, որը խոսում է ի նպաստ Սուրբ Գրքի ճշմարտությունների, մենք կցանկանայինք ավելացնել մեկ ուրի-

շը՝ փոխ առնված եբրայերեն մի բառից: Խիստ տարօրինակ և միևնույն ժամանակ խորապես փիլիսոփայական չէ<sup>9</sup> արդյոք այն, որ մարդ բառը իր ծագումով եբրայերենում նշանակում է չերմորթյուն կամ վիշտ: Եբրայերեն էնոշ (=մարդ) բառարձատն առաջացել է անաշ բայից, որը նշանակում է ծանրորեն հիվանդանալ: Աստված այդ անունը չէր տվել մեր նախահորը. նա նրան անվանում էր պարզապես Աղամ (=կարմիր հող, կավ): Սկզբնական մեղքից հետո է, որ Աղամի սերունդն ստացավ այդ էնոշ կամ մարդ անունը, որ կատարելապես պատշաճում էր նրա թշվառություններին և պերճախոս կերպով արտահայտում թե՛ հանցանքը և թե՛ պատիժը: Գուցե, իր անձկության մեկ պահին, Աղամը, որը վկա էր լինում իր կնոջ տաժանագին աշխատանքին, իր թևերի մեջ առնելով Կայենին՝ իր անդրանիկ որդուն, բարձրացրեց նրան դեպի երկինք՝ բացականչելով. «Ենո՛շ, ո՛վ վիշտ»: Տիսո՛ւր բացականչություն, որով հետագայում ներկայացվելու էր մարդկային ցեղը:





## ԽՈՐՀՐԴԻ ԷՌԻԹՅԱՆ ՄԱՍԻՆ

### I

Կյանքում ոչ մի բան այնքան գեղեցիկ չէ, այնքան քաղցր ու մեծ, որքան խորհրդավոր բաները։ Ամենահրաշալի զգացումները այն զգացումներն են, որոնք մեզ հուզում են մի քիչ անորոշ կերպով։ Ամոթխածությունը, մաքուր սերը, առաքինի բարեկամությունը լեցուն են գաղտնիքներով։ Ասում են, որ իրար սիրող սրտերը կես բառով հասկանում են միմյանց և ամբողջովին չեն բացվում մեկմեկու։ Անմեղությունը, որը մի սուրբ անգիտություն է, իր հերթին ամենից ավելի անիմանալի խորհուրդներից մեզը չէ<sup>9</sup> միթե։ Մանկությունը շատ երջանիկ շրջան է հենց միայն նրա համար, որ մանուկը ոչինչ չգիտե, իսկ ծերությունը՝ թշվառության շրջան, որովհետև ծեր մարդը ամեն ինչ գիտե։ Բարեբախտաբար, երբ նրա համար կյանքի խորհուրդները վերջանում են, մահվան խորհուրդներն են սկսվում։

Արդ, եթե այսպիսին են զգացումները, այսպիսին են նաև առաքինությունները։ Ամենահրեշտակային առաքինությունները այն առաքինություններն են, որոնք, ինչպես գթասիրությունը, բխելով ուղղակի Աստծուց, սիրում են թաքնվել մարդկային հայացքից, ինչպես՝ դրանց աղբյուրը։

Անցնելով մտքի հարաբերություններին՝ գտնում ենք, որ մտածման հաճույքները նույնպես գաղտնիքներ են։ Գաղտնիքն այնպիսի աստվածային բնույթ ունի, որ Ասիայի առաջին մարդիկ խորհրդանշաններով էին խոսում միայն։ Ո՞ր գիտությանն ենք մենք վերադառնում անընդհատ։ այն գիտությանը, որը միշտ ինչ-որ բան է թողնում մեզ գուշակելու և, որը մեր հայացքը բեկոռում է անսահ-

ման մի հեռանկարի վրա: Եթե մենք մոլորդում ենք անապատում, մի տեսակ բնազդ մեզ հեռու է պահում դաշտերից, որտեղ ամեն ինչ երևում է մի՛ հայացքով: Մենք պիտի փնտրենք կրոնի օրբան հանդիսացող անտառները, այն անտառները, որոնց աղմուկն ու լռությունը լցված են զարմանահրաշ բաներով, պիտի փնտրենք այն մենավոր վայրերը, որտեղ ագուավներն ու մեղուները կերակրում էին եկեղեցու առաջին Հայրերին, և որտեղ այդ սուրբ մարդիկ այնքան շատ հաճույքներ էին վայելում, որ բացականչում էին. «Տե՛ր, բավակա՞ն է, ես կմեռնեմ այսքան քաղցրությունից, եթե չչափավորես իմ ուրախությունը»: Վերջապես, մենք չենք կանգնի ժամանակակից մի հուշարձանի առջև, որի սկիզբը հայտնի է: Բայց, եթե ամայի մի կղզում, օվկիանոսի մեջտեղում, հանկարծ գտնենք բրոնզե մի արձան, որի պարզած թևը մեզ ցույց տա այն շրջանները, ուր արևը մայր է մտնում, որի հիմքը ծածկված լինի ծովի ջրերով ու ժամանակակից աղարտված մեհենագիր արձանագրություններով, խոկումների ինչպիսի՛ աղբյուր կլինի դա մեզ՝ ճանապարհորդներիս համար: Տիեզերքում ամեն ինչ թաքնված է, ամեն ինչ՝ անհայտ: Մարդն ինքը զարմանալի մի խորհուրդ չէ՝ միթե: Որտեղի՞ց է սկիզբ առնում փայլակը, որը մենք գոյություն ենք կոչում, և որտեղ՝ դա հանգում նա: Աստված ծնունդը և մահը, քողարկված երկու ուրվականների ձևով, դրել է մեր կյանքի երկու ծայրերին. մեկը սկզբնավորում է մեր կյանքի անըմբոնելի պահը, իսկ մյուսն շտապում է այն կլանել:

Ի նկատի ունենալով մարդու հակումը խորհուրդների հանդեպ՝ զարմանալի չէ, ուրեմն, որ բոլոր ժողովուրդներն ունեն իրենց անթափանցելի գաղտնիքները: Հին Հունաստանի քրմերը սովորում էին Դոդոների<sup>1</sup> աղավնիների զարմանալի խոսքերը: Հնդկաստանը, Պարսկաստանը, Եթովպիան, Ալյութիան, գալիացիները, սկանդինավյան հին ժո-

ղովուրդներն ունեին իրենց քարայրները, իրենց սրբազան լեռներն ու սրբազան կաղնիները, որտեղ հնդիկ բրահմանը, պարսիկ մոդերը, գիմնոսոֆիստները<sup>2</sup>, գալիացի քրմերը արտասանում էին անմահների անբացատրելի պատգամը:

Աստված ոչ անի, որ մենք փորձենք այս խորհուրդները համեմատել ճշմարիտ կրոնի խորհուրդների հետ, կամ երկնքում բնակվող գերագույն էակի անհեղի խորությունները բաղդատենք այն աստվածների հեղհեղուկ խրթնությունների հետ, որոնք մարդկանց ձեռակերտներն են: Մենք պարզապես ցանկացանք դիտել տալ, որ առանց խորհուրդների չկա կրոն, և այդ խորհուրդներն են, որոնք, զոհագործության հետ միասին, էապես կազմում են կրոնի հիմքը: Աստված ինքը բնության մեծագույն գաղտնիքն է: Աստվածությունը քողարկված էր Եգիպտոսում, և սփինք-սը նստում էր նրա տաճարների շեմքին:



## ԵՐՐՈՐԴՈՒԹՅԱՆ ԽՈՐՀՐԴԻ ՄԱՍԻՆ

### II

Խորհուրդների բաժնում առաջին հայացքից նկատում ենք, որ քրիստոնեական կրօնը մեծ առավելություն է ներկայացնում հնագարի կրոնների բաղդատմամբ։ Այս վերջինների խորհուրդները ոչ մի առնչություն չունեն մարդու հետ և ամենաշատը խորհրդածության նյութ են հանդիսանում միայն փիլիսոփայի համար կամ երգերի նյութ՝ բանաստեղծի համար։ Մեր խորհուրդները, ընդհակառակը, մեզ են ուղղված. դրանք մեր էության, մեր բնության գաղտ նիքներն են պարունակում։ Խնդիրն այստեղ թվերի պարզ դասավորությանը չի վերաբերում, այլ՝ մարդկային ցեղի փրկությանն ու երջանկությանը։ Մարդը, որ այնքան լավ էր զգում իր տգիտությունն ու տկարությունը ամեն օր, կարո՞ղ է դեն գցել Հիսուս Քրիստոսի խորհուրդները, չէ՞ որ դրանք դժբախտների խորհուրդներն են։

Երրորդությունը՝ քրիստոնյաների առաջին խորհուրդը, ընդարձակ մի դաշտ է բաց անում փիլիսոփայական ուսումնասիրությունների համար, լինի Աստծու ստորոգելիները նկատի ունենալու, լինի անցյալում Արևելքի մեջ շատ տարածված այս վարդապետության հետքերը որոնելու իմաստով։ Տրամաբանելու շատ վատ եղանակ է դեն գցել կամ մերժել այն, ինչը չես կարող հասկանալ։ Կյանքում, սկսած ամենապարզ բաներից, հեշտ է ապացուցել, որ մենք անգիտանում ենք ամեն ինչ և ուզում ենք թափանցել իմաստության խորամանկությունների մեջ։

Երրորդությունը գուցե ծանոթ է եղել Հին եգիպտացիներին։ Հռոմում Մեծ կրկեսի հսկայական կոթողի վրա կա

Հունարեն հետևյալ արձանագրությունը. «Մեծն Աստված, Աստծուց բխածը, Պայծառափայլը» (Ապոլոնը, Հոդին):

Պոնտացի Հերակլիդեսը<sup>3</sup> և Պորփյուրը<sup>4</sup> հիշատակում են Սերապիսի<sup>5</sup> հռչակավոր պատգամը. «Սկզբից ամեն ինչ Աստված է. ապա՝ Բանը և Հոգին. Երեք համածին աստվածներ՝ միավորված մեկի մեջ»:

Մոգերն ունեին մի տեսակ երրորդություն իրենց Մետրիսի<sup>6</sup>, Օրոմասիսի<sup>7</sup> և Արամինիսի<sup>8</sup> մեջ: Թվում է, թե Պլատոնը այս վարդապետության մասին է խոսում իր գրվածքների շատ տեղերում:

«Ոչ միայն, նշում է Դասիեն, ասում են, որ նա (Պլատոնը) ճանաչել է Բանը՝ Աստծու հավիտենական Որդին, այլև հաստատում են նույնիսկ, որ նա ճանաչել է Սուրբ Հոգին և այսպիսով որոշ գաղափար է ունեցել երրորդության մասին, որովհետեւ նա հետեյալն է գրում կրտսեր Դենիսիոսին<sup>9</sup>.

«Պետք է, որ ես Արքեղեմոսին հայտնեմ այն, ինչը շատ ավելի արժեքավոր է ու հրաշալի, և դուք շատ եք ցանկանում այն գիտենալ, քանի որ դուք նրան հատուկ ուղարկել եք ինձ մոտ. քանզի, ըստ այն բանի, որ նա ինձ ասաց, դուք չեք կարծում, որ ես բավարար չափքով ձեզ բացատրել եմ, թե ինչ եմ մտածում առաջին պատճառի էության մասին: Պետք է այդ մասին ձեզ գրեմ առեղծվածային լեզվով, որպեսզի, եթե նամակս, ծովում թե ցամաքում, ուրիշի ձեռքն անցնի, ապա նա կարդալով՝ ոչինչ չհասկանա: Գոյություն ունեցող բոլոր բաները իրենց Թագավորի շուրջն են գտնվում. դրանք կան նրա՝ պատճառով, և նա՝ է միակ պատճառը բոլոր լավ բաների, երկրորդականների, ինչպես և երրորդականների»:

«Էպինոմիսում»<sup>10</sup> և այլուր նա, որպես սկիզբ, դնում է առաջին Բարին, ապա Բանը կամ Իմացությունը՝ Հոգին: Առաջին Բարին Աստված է. Բանը կամ Իմացությունը այդ

առաջին Բարու որդին է, որին նա ծնել է իր նմանությամբ. իսկ Հոգին, որը սահմանն է Հոր և Որդու միջև, Սուրբ Հոգին է»<sup>\*</sup>:

Պլատոնը Երրորդության այս վարդապետությունը փոխ էր առել Տիմալոս Լոկրեսացուց<sup>11</sup>, որը, իր հերթին, այն վերցրել էր Հին իտալական փիլիսոփայական դպրոցից: Մարտիլիո Ֆիչինոն<sup>12</sup> Պլատոնի մասին իր դիտարկումներից մեկում, ըստ Յամբլիքոսի<sup>13</sup>, Պորֆիրոսի, Պլատոնի և Մաքսիմոս Տյուրոսացու<sup>14</sup>, ցույց է տալիս, որ Պյութագորասի հետևորդները նույնպես ճանաչում էին Եռյակի գերազանցությունը:

Երրորդությունը ծանոթ է եղել Հնդկաստանում: «Ամենաուշագրավ և ամենազարմանալի բանը, - ասում է Հայր Կալմետը<sup>15</sup>, - որ ես տեսա այնտեղ (Հնդկաստանում), մի բնագիր էր՝ քաղված Լամաստամբամից<sup>16</sup> նրա մի գրքից... Բնագիրն այսպես է սկսվում. Տերը՝ Բարին, Մեծն Աստված. Արա բերանում է Բանը: Այնուհետև խոսվում է Սուրբ Հոգու մասին այս բառերով՝ Քամի կամ կատարյալ Հոգի և վերջանում արարչագործությամբ, որը վերագրվում էր միակ Աստծուն»<sup>\*\*</sup>:

Երրորդությունը ծանոթ է եղել նաև Թիբետում:

«Ահա թե ինչ սովորեցի Թիբետի կրոնից. նրանք Աստծուն կոչում են Կոնսիոզա, և թվում է, թե որոշ գաղափար ունեն պաշտելի Երրորդության մասին, որովհետև մերժ նրան անվանում են Կոնսիկոնսիոկ՝ միանձնյա Աստված, և մերժ՝ Կոնսիկոսում եռանձնյա Աստված: Նրանք գործածում են մի տեսակ Համրիչ, որի հատիկները քաշելիս արտասանում են Հետեյալ բառերը. օմ, հա, հում: Երբ նրանց հարցնում ենք դրանց բացատրությունը, պատասխանում են, որ օմ նշանակում է իմացականություն կամ թև, այսինքն՝

\* Պլատոնի Երկերը, բարգմ. Դասինի (Ֆրանս.), հատ. 1, էջ 194:

\*\* Հայր Կալմետ, Հոգեշահ նամակներ (Ֆրանս.), հատ. ԺԴ, էջ 9:

ուժ, իա նշանակում է Բան, խոսք, իսկ հում սիրտ կամ սեր,  
և այդ երեք բառերը նշանակում են **Աստված»**:

Անգլիացի միսիոներները Տահիտիում գտել են Երրոր-  
դության որոշ հետքեր այդ կղզու բնակիչների կրոնական  
ուսմունքի մեջ:

Ի դեպ, հենց բնության մեջ մենք նկատում ենք Երրոր-  
դության մի տեսակ Փիզիկական ապացույցը: Երրորդու-  
թյունը տիեզերքի նախատիպն է կամ, եթե ուզում եք, նրա  
աստվածային ատաղձը: Հնարավոր չէ<sup>16</sup> արդյոք մտածել, որ  
տիեզերքի արտաքին և նյութական ձևը ներկայացնում է  
այդ ներքին և ոգեկան ատաղձը, որը պահում է այդ ձևը,  
ինչպես որ Պլատոնը Ֆիզիկական բաները ներկայացնում  
էր որպես Աստծու մտածումների ստվերը: Բնության մեջ  
երեք թիվը թվում է, թե գերազանց թիվն է: Նա չի ծնված,  
նա ինքն է ծնում մյուս բոլոր կոտորակները, դրա համար  
էլ Պյութագորասի կողմից այն կոչվում է ամմայր թիվ: Եր-  
րորդության մասին մի քանի անհայտ ավանդություններ  
կարելի է հայտնաբերել մինչև իսկ բազմաստվածյան կրո-  
նին վերաբերող առասպելների մեջ: Հունահռոմիական դի-  
ցարանության մեջ գեղեցկության աստվածուհիները՝  
Շնորհները, երեքն էին: Երեք թիվը գոյություն ուներ  
Տարտարոսում<sup>17</sup> և վերաբերում էր մարդու կյանքին, մահ-  
վանը և երկնային վրեժինդրությանը: Վերջապես իրար  
եղբայր երեք աստվածներ, միմյանց միանալով, կազմում  
էին տիեզերքի ամբողջ հզորությունը: Փիլիսոփաները բա-  
րոյական մարդուն բաժանում էին երեք մասի, իսկ Եկեղե-  
ցու մեծ Հայրերը հավատում էին, որ Երրորդության հո-  
գեոր պատկերը վերագտել են մարդու հոգու մեջ: «Եթե  
լուսություն պարտադրենք մեր զգայարաններին, - ասում է  
Բոսյուեն, - և կարճ ժամանակով ներփակվենք մեր հոգու  
խորքում, այսինքն՝ մեր էության այն մասում, ուր լսվում

\* Նույնը, հաս. ԺԲ, էջ 437:

է ճշմարտությունը, մենք այնտեղ կտեսնենք մեր պաշտամունքին առարկա դարձած երրորդության որոշ մեկ պատկերը: Մտածումը, որի ծնունդն ենք զգում մեր մեջ որպես մեր հոգու ծլարձակումը, որպես մեր իմացականության զավակը, որոշ գաղափար է տալիս մեզ Աստծու Որդու մասին, որը հավերժորեն հղացված է երկնային Հոր իմացականության մեջ: Աչա թե ինչու Աստծու այդ Որդին ստանում է Բան անունը, որպեսզի մենք իմանանք, որ նա ծնվում է Հոր ծոցում, բայց ոչ ինչպես ծնվում են մարմինները, այլ ինչպես ծնվում է մեր հոգում այն ներքին խոսքը, որ մենք զգում ենք այնտեղ, երբ մտորում ենք ճշմարտության մասին:

«Բայց մեր հոգու արգասավորումը չի ավարտվում այդ ներքին խոսքով, այդ հոգեոր իմացությամբ, ճշմարտության այն պատկերով, որը կազմվում է մեր մեջ: Մենք սիրում ենք թե՛ այդ ներքին խոսքը և թե՛ այն հոգին, որտեղ նա ծնվում է. և, սիրելով այն, զգում ենք ինչ-որ բան, որը մեզ համար նվազ արժեքավոր չէ, քան մեր հոգին և մեր մտածումը, որը արգասիքն է թե՛ մեկին և թե՛ մյուսի, որը միանում է նրանց և նրանց հետ կազմում միևնույն կյանքը»:

«Այսպիսով, այն չափով, ինչ չափով որ կարող է առնչություն գոյություն ունենալ Աստծու և մարդու միջև, սուր եմ՝ այսպիսով առաջանում է Աստծու մեջ հավիտենական սերը, որը դուրս է գալիս Հորից, որ մտածում է, և Որդուց, որ նրա մտածումն է՝ կազմելու համար Հոր և նրա մտածման հետ միևնույն էությունը՝ հավասարապես երջանիկ և կատարյալ»\*:

Աչա գեղեցիկ մի մեկնաբանություն «Ծննդոց գրքի» հետևյալ միակ խոսքի վերաբերյալ. «Ստեղծենք մարդուն»:

---

\* Բոսյուն, Տիեզերական պատմություն (ֆրանս.), Բ. հատ. Բ մաս, էջ 167-168:

Տերտուղիանոսը<sup>18</sup> իր «Զատագովական»-ի մեջ այսպես է արտահայտվում մեր կրոնի այս մեծ խորհրդի մասին. «Աստված աշխարհն ստեղծեց իր խոսքով, իր բանականությամբ, իր զորությամբ: Զեր փիլիսոփաներն իսկ համաձայն են, որ լողոսք՝ Բանը՝ Բանականությունը տիեզերքի արարողն է: Քրիստոնյաներն ավելացնում են միայն, որ Բանին և Բանականությանը հատուկ գոյացությունը, այն գոյացությունը, որով Աստված ամեն ինչ ստեղծել է, նոգի է. որ այդ խոսքը կամ Բանը պետք է արտասանված լինի Աստծու կողմից, որ Աստված այն արտասանելիս այն ծնել է, և, հետեւաբար, նա Աստծու Որդի է և Աստված՝ գոյացության միության պատճառով: Եթե արեգակը մի ճառագայթ է արձակում, դրա գոյացությունը անջատված չէ արեգակից, այլ՝ տարածված: Այսպես էլ Բանը Հոգի է Հոգուց և Աստված Աստծուց, ինչպես այն լույսը, որը լուսավորվում է մի ուրիշ լույսից: Այսպես, ինչ որ գալիս է Աստծուց, Աստված է, և այդ երկուսը, իրենց Հոգու հետ, մի են. տարբերվում են իրենց հատկությամբ, բայց ոչ թվով, իրենց կարգով, բայց ոչ էությամբ: Որդին դուրս է եկել իր աղբյուրից՝ առանց նրանից բաժանվելու: Արդ, Աստծու այս ճառագայթը իջել է մի կույսի արգանդի մեջ, մարմնավորվել է, մարդացել՝ միացած Աստծուն: Այս մարմինը, պաշտպանված Հոգուց, սնվում է, աճում, ուսուցանում, գործում. դա Քրիստոսն է»:

Երրորդության այս բացատրությունը կարող է հասկանալի լինել նույնիսկ ամենապարզ մտքերին: Պետք է հիշել, որ Տերտուղիանոսը իր խոսքն ուղղում էր այն մարդկանց, որոնք հալածում էին Հիսուս Քրիստոսին, և որոնց համար ամենացանկալի բանն էր գտնել մի միջոց՝ հարձակվելու համար քրիստոնեական ուսմունքի և նույնիսկ այն պաշտպանողների վրա: Մենք կարիք չենք զգում ավելի առաջ մղելու այս ապացույցները և դրանք թողնում ենք

**մարդկանց, որոնք ուսումնասիրել են իտալական հին աղաճի ուսմունքների<sup>19</sup> ու քրիստոնեական բարձրագույն աստվածաբանությունը:**

Գալով այն պատկերներին, որոնք մեր տկար զգայարանների առաջ են դնում քրիստոնեական մեծագույն խորհուրդը, մենք դժվարանում ենք ըմբռնել, թե ամպերի մեջ դրոշմված կրակե ահավոր եռանկյունը ծիծաղելի ի՞նչ բան կարող է ունենալ բանաստեղծության մեջ: Հայր Աստծու՝ բոլոր ժամանակների մեր մեծասքանչ Նախահոր կերպարը, ներկայացված ծերունու կերպարանքով կամ հեղեղանման լույսի պատկերով, մի՞թե ավելի ցածրորակ գեղանկար կլինի, քան դիցաբանական գեղանկարները: Հրաշալի բան չէ՞ արդյոք տեսնել Սուրբ Հոգին՝ Տիրոջ վեհապանծ Հոգին՝ ներկայացված քաղցրության, սիրո և անմեղության խորհրդապատկերով: Աստվածիր խոսքը սերմանելու կարիքից կնեղվի՞ երբեք: Հոգին այլևս այն աղավնին չէ, որը մարդկանց ծածկում էր իր խաղաղարար թևերով. նա տեսանելի Բանն է, այն կրակե լեզուն, որ խոսում է աշխարհի բոլոր լեզուներով, և որի պերճախոսությունը բարձրացնում կամ տապալում է կայսրություններ: Աստվածորդուն պատկերելու համար բավական է, որ փոխ առնենք այն մարդու խոսքերը, որ Նրան տեսավ իր փառքի մեջ. «Նա նստած էր մի գահի վրա, ասում է առաքյալը, Նրա դեմքը փայլում էր ինչպես հրավառ արև, և Նրա ոտքերը՝ ինչպես հնոցի մեջ ծխացող հրաշեկ պղինձ: Նրա աչքերը կրակե զույգ բոցեր էին: Նրա բերանից գուրս էր գալիս սրած երկսայրի սուր: Իր աջ ձեռքում նա ուներ յոթը աստղեր, իսկ ձախ ձեռքում՝ մի գիրք՝ կնքված յոթը կնիքով: Նրա շրթների առջև կար լույսի մի հեղեղ: Աստծու յոթը հոգիները փայլում էին Նրա առաջ նման կրակի յոթը ջահերի, և Նրա աթոռից ելնում էին ձայներ, փայլատակումներ և որոտներ»\*:

\* Հայտնություն, գլ. 1 և 4:

## ՓՐԿԱԳՈՐԾՈՒԹՅԱՆ ԽՈՐՀՐԴԻ ՄԱՍԻՆ

### III

Ինչպես որ Երրորդության խորհուրդը պարունակում է բնազանցական կարգի գաղտնիքներ, նույնպես և փրկադորթյան խորհուրդը իր մեջ պարունակում է մարդու և նրա սրտի պատմության հրաշալիքները։ Եթե մի քիչ համենանք բարձրագույն կարգի խոկումների մեջ, զարմանքով կնկատենք առաջացումն այս երկու մեծ խորհուրդների, որոնք իրենց մեջ թաքցնում են Աստծու առաջին մտադրություններն ու տիեզերքի ամբողջ համակարգը։ Երրորդության խորհուրդը մեզ շշմեցնում և զգալ է տալիս մեր փոքրությունը, ճգմում մեր զգայարաններն իր փառքով, և մենք, ոչնչանալով, ետ ենք քաշվում նրա առջեկից։ Բայց Փրկագործության հուզիչ խորհուրդը, արցունքով լցնելով մեր աչքերը, արգելում է, որ դրանք չափից դուրս շլանան՝ թույլ տալով մեզ, գոնե մի պահ, մեր հայացքը սկեռել խաչի վրա։

Նախ տեսնում ենք, որ այս խորհրդից դուրս է գալիս սկզբնական մեղքի վարդապետությունը, որով բացատրվում է մարդը։ Առանց ընդունելու այս ճշմարտությունը, որին ավանդաբար ծանոթ են բոլոր ժողովուրդները, մենք կմնանք անթափանցելի մի խավարի մեջ։ Արդարեւ, առանց սկզբնական այդ արատի գոյության՝ ինչպե՞ս կարող ենք անդրադառնալ մեր բնության հոռի հակումներին՝ հաղթահարված այն ներքին ձայնից, որը մեզ հայտնում է, թե մենք ստեղծված ենք եղել առաքինության համար։ Ինչպե՞ս կարելի է բացատրել ցավին դիմանալու մարդու ունակությունը, նրա թափած քրտինքի կաթիլները, որոնք

սարսափելի կնճիռներ են առաջացնում նրա դեմքի վրա, ինչպե՞ս բացատրել արդար մարդու արցունքները, նրա կրած վշտերը, դժբախտությունները, չարագործի՝ անպատիժ մնացած հաղթանակներն ու հաջողությունները, այո՛, ասում եմ, ինչպե՞ս կարելի է բացատրել այս բոլորը՝ առանց մարդու սկզբնական անկման: Այդ անկումը, այդ այլասերումը չճանաչելու պատճառով է, որ հնադարի փիլիսոփաներն ընկան տարօրինակ սխալների մեջ և հնարեցին աղոտ վերհիշողության ուսմունքը: Համոզվելու համար այն ճակատագրական ճշմարտությանը, որից ծնվում է մեզ փրկագործող խորհուրդը, մենք կարիք չունենք ուրիշ ապացույցների, քան այն անեծքը, որ արտասանվեց Եվայի դեմ, անեծք, որ ամեն օր կատարվում է մեր աչքերի առջեւ: Ինչպիսի՛ խորհրդավոր բաներ կան կնոջ երկունքի գալարումների և ապա մայրության երջանկության մեջ, ինչպիսի՛ խորհրդավոր հայտնություններ մարդու և նրա կրկնակ ճակատագրի մասին, որը կանխագուշակվում է նրան ծննդաբերող կնոջ երկունքով և միաժամանակ նրա ուրախությամբ: Չենք կարող սխալ կարծիք կազմել Ամենաբարձրյալի ուղիների մասին՝ մարդու երկու մեծ նպատակները վերագտնելով իր մոր երկունքի մեջ: Պետք է Աստծուն ճանաչել մինչև իսկ իր անեծքի մեջ:

Ի վերջո, ամեն օր տեսնում ենք, որ զավակը պատժվում է իր հոր պատճառով, և չարագործի կատարած ոճրի հակահարվածը գնում խփում է նրա առաքինի որդուն, ինչը լավագույնս ապացուցում է սկզբնական մեղքի վարդապետությունը: Բայց բարի և ներողամիտ Աստված, գիտենալով, որ մենք կորսայան ենք մատնվում առաջին մարդու այդ անկումով, եկավ մեզ փրկելու իր մահվամբ: Մենք բոլորս, տկար և մեղավոր մարդիկ, հարց ուղղենք ոչ թե մեր մտքին, այլ՝ մեր սրտին, թե Աստված ինչպե՞ս կարող է մահանալ: Եթե բարի Որդու այս կատարելատիպը, հավա-

տարիմ Բարեկամի այս տիպարը, եթե նրա առանձնացումը Զիթենյաց լեռան վրա, դառնության այդ բաժակը, արյան կաթիլների նման թափած քրտինքը, հոգու այդ քաղցրությունը, մտքի վսեմությունը, այդ խաչը, պատոված վարագույրը, ճեղքված ժայռը, բնության այդ խավարը և, վերջապես, եթե մարդկանց համար ոգեվարող այդ Աստվածը չի կարող ո՛չ հրապուրել մեր սիրտը և ո՛չ էլ բոցավառել մեր մտածումները, ապա կասկածելի է, որ մեր գործերի մեջ երբեք գտնվեն «փառահեղ հրաշքներ»:

Շտապենք մի քանի խոսք ասել այստեղ Փրկագործության խորհրդի մասին՝ ցույց տալու համար, որ քրիստոնեության տեսությունն այնքան էլ անհեթեթ չէ, որքան կարծում են:

Եթե մարդն ստեղծված է, ապա նա ստեղծված է որևէ նպատակի համար: Արդ, ստեղծված լինելով կատարյալ՝ որի համար նա ստեղծված է, կարող է միայն կատարյալ լինել: Բայց մարդու վերջնական նպատակը խաթարված է արդյոք իր անկումով: Ո՞չ, քանի որ նա նորից չի ստեղծվել, քանի որ մարդկային ցեղը չի ոչնչացել իր տեղը տալու համար մի ուրիշ ցեղի:

Այսպես, մարդն իր անհնագանդության պատճառով դառնալով մահկանացու և անկատար՝ այսուհանդերձ պահպանել է անմահության և կատարելության նպատակը: Ինչպես նա կկարողանա հասնել իր նպատակին անկատարության իր ներկա վիճակի մեջ: Նա այդ բանն այլևս չի կարող անել իր սեփական ուժով ճիշտ այն պատճառով, ինչ պատճառով որ հիվանդ մարդը չի կարող հասնել մտածումների այն բարձրությանը, որին կարող է հասնել առողջ մարդը: Ուրեմն անհավասարություն կա ուժի և այն ծանրության միջև, որը պետք է բարձրացնել այդ ուժով: Այստեղ արդեն զգացվում է օգնության կամ փրկագործության անհրաժեշտությունը:

«Այս դատողությունը, ~ կասեն մեզ, ~ ճիշտ է առաջին մարդու համար, բայց մենք՝ այսօրվա մարդիկս, ի վիճակի՛ ենք հասնելու մեր նպատակին: Ինչպիսի՛ անարդարություն, ինչպիսի՛ անհեթեթություն է մտածել, թե մենք բոլորս պատժված ենք մեր նախահոր հանցանքի պատճառով»:

Առանց որոշելու այստեղ, թե Աստված իրավացի՞ է, թե՞ անիրավ՝ պատասխանատու համարելու մեզ՝ բոլորիս, ինչ որ գիտենք և ինչ որ բավական է, որ գիտենանք այժմ, այն է, որ այդ օրենքը գոյություն ունի: Մենք տեսնում ենք, որ ամենուրեք անմեղ զավակը իր վրա է կրում իր մեղավոր հոր պատիքը, որ այդ օրենքն այնքան է կապված իրերի էությանը, որ այն կրկնվում է մինչև անգամ տիեզերքի ֆիզիկական կարգի մեջ: Երբ մի երեխա աշխարհ է գալիս ախտահարված՝ իր հոր գեխությունների պատճառով, ինչո՞ւ չենք գանգատվում բնությունից, որովհետև, ի վերջո, ի՞նչ է արել այդ անմեղ նորածինը, որ ուրիշի հոռի կենցաղի համար ինքը պատժվի: Դե ինչ, հոգեկան հիվանդություններն էլ մարմնական հիվանդությունների նման, փոխանցվելով, տեսականանում են, և մարդը, մինչև իր վերջին սերունդը, պատժվում է այն սխալի համար, որը հարկադրվել է նրան իր մեջ կրել ոճրի առաջին սաղմը:

Անկումն, այսպիսով, հաստատվում է ընդհանուր ավանդությամբ, բարոյական և ֆիզիկական չարիքի փոխանցումով կամ վերածնումով: Մյուս կողմից՝ մարդու նպատակը, չնայած նրա այլասերվածությանը, պահպանված լինելով նույնքան կատարյալ, որքան անհնազանդությունից առաջ էր, հետեւում է, որ փրկագործությունը կամ որևէ միջոց, որ կարող է մարդուն ունակ դարձնել հասնելու իր նպատակին, բնական հետևանքն է այն վիճակի, որի մեջ ընկած է մարդկային բնությունը: Փրկագործության անհրաժեշտությունն ընդունած համարելով՝ այժմ

փնտրենք այն կարգը, որտեղ կկարողանանք այն գտնել:  
Այդ կարգը կարող է լինել կամ մարդու մեջ, կամ մարդու  
բնությունից վեր:

Մարդու մեջ: Որպեսզի փրկություն լինի, հարկավոր է,  
որ փրկագինը գոնե համապատասխան լինի փրկվելիք բա-  
նին: Արդ, ինչպե՞ս կարելի է ենթադրել, որ անկատար և  
մահկանացու մարդը կարողանա ինքն իրեն մատուցել՝  
վերստին ձեռք բերելու համար կատարյալ և անմահ մի  
վախճան: Սկզբնական մեղքին մասնակից մարդը փրկվելու  
համար կարո՞ղ էր բավարար լինել որքան իր մեղքի բաժ-  
նի, նույնքան և մարդկային ցեղի մնացած մասին վերաբե-  
րող մեղքի համար: Նման մի զոհողություն չէ՞ր պահանջի  
բնությունից գերիվեր եղող սեր և առաքինություն: Թվում  
է, թե երկինքը կամեցել է թույլ տալ, որ մարդու անկումից  
մինչև նրա վերահաստատումը անցնի չորս հազար տարի,  
որպեսզի ժամանակ տա մարդկանց, որ հենց իրե՛նք դա-  
տեն, թե իրենց խաթարված առաքինություններն ինչքան  
անբավարար էին այդպիսի մի զոհողության համար:

Մնում է երկրորդ ենթադրությունը, այսինքն՝ այն, թե  
փրկագործությունը պետք է բխի մարդկային բնությունից  
գերիվեր մի պայմանից: Տեսնենք, թե դա կարո՞ղ է արդյոք  
առաջ գալ մարդու և Աստծու միջև գտնվող միջնորդ էակ-  
ներից: Միլտոնը<sup>1</sup> մի գեղեցիկ գաղափար է ունեցել՝ են-  
թադրելով, որ առաջին մեղքից հետո Աստված հարցրել է  
վհատության մատնված երկնքին, թե կա՞ արդյոք երկնա-  
յին որևէ զորություն, որ կցանկանար իրեն զոհել մարդու  
փրկության համար: Երկնային բոլոր դասերը մնում են  
լուռ: Եվ բազմաթիվ սերովբեներից, քերովբեներից, հրեշ-  
տակապետերից և հրեշտակներից ոչ մեկը բավարար ուժ չի  
ունենում որպես զոհ մատուցվելու: Բանաստեղծի այս  
մտածումը աստվածաբանական անառարկելի մի ճշմար-  
տություն է: Հիրավի, հրեշտակները որտեղի՞ց պիտի ունե-

նային այն անսահման սերը մարդու հանդեպ, որ անհրաժեշտորեն պահանջում է խաչի խորհուրդը։ Կարող ենք սել, որ ստեղծված ամենաբարձր երկնային զորություններն անգամ բավականաչափ ուժ չէին ունենա այդպիսի սեր իրագործելու։ Հրեշտակային ոչ մի գոյացություն, իր էության տկարության իսկ պատճառով, չէր կարող հանձն առնել այն ցավերը, որոնք, ըստ Մասիյոնի<sup>2</sup>, Հիսուս Քրիստոսի գլխին կուտակեցին մարդկային ցեղերի գոյության սկզբից ի վեր գործված ենթադրյալ մեղքերի պատիժը հանդիսացող Փիզիկական այն բոլոր նեղությունները, բարոյական այն բոլոր տանջանքներն ու բոլոր խղճահարությունները, որ կարող էին զգացած լինել մեղավորները մեղք գործելիս։ Եթե մարդու Որդին հենց ինքը գտավ դառնության բաժակը, ապա մի հրեշտակ ինչպե՞ս կկարողանար այն տանել իր շրթներին։ Նա երբեք չէր կարողանա խմել մրուրը, և զոհողությունը լրիվ ի կատար ածված չէր լինի։

Ուրեմն, որպես Փրկիչ, մենք կարող էինք ունենալ հավիտենապես գոյություն ունեցող երեք անձերից միայն մեկին։ Արդ, տեսնում ենք, որ այս երեք անձերից Որդին, իր բնությամբ իսկ, միակ անձը պիտի լիներ մեզ փրկագործող։ Լինելով տիեզերքի մասերն իրար կապող Սեր, ծայրամասերն իրար միավորող Կենտրոն, բնության կենդանարար Սկզբունք՝ Նա՛ միայն կարող էր Աստծուն հաշտեցնել մարդու հետ։ Այս նոր Աղամը եկավ որպես մարդ ըստ մարմնի, որպես մարդ ըստ բարոյականի՝ իր Ավետարանով, որպես մարդ ըստ Աստծու՝ իր էությամբ։ Նա ծնվեց մի կույսից, որպեսզի մասնակից չլինի սկզբնական մեղքին և լինի անարատ զոհ։ Աշխարհ եկավ մի գոմում, մարդկային ամենահետին պայմաններում, որովհետեւ մենք ընկել էինք գոռողության պատճառով։ Այստեղ սկսվում է այս խորհր-

դի խորությունը. մարդը դողում է, և առագաստներն իջնում են:

Այսպես, այն նպատակը, որին կարող էինք հասնել անհանգանդությունից առաջ, կրկին առաջարկվում է մեզ, բայց դրան հասնելու ճանապարհն այլևս նույնը չէ: Անմեղ Աղամը դրան կհասներ զմայլելի ճանապարհներով, իսկ մեղավոր Աղամը այնտեղ կարող է բարձրանալ միայն անդունդներ եզերելով: Բնությունը փոխվեց այն օրից, երբ մեր նախահայրը գործեց իր առաջին հանցանքը, իսկ փրկագործության առարկան մի նոր նախահայր ստեղծել չէր, այլ գտնել վերջնական փրկություն առաջինի համար: Մարդու հետ, ուրեմն, ամեն ինչ մնաց այլայլասերված: Եվ տիեզերքի այս թագավորը, որ նախապես ծնվելով անմահ՝ առանց գոյափոխվելու պիտի բարձրանար ու հասներ երկնային զորությունների երջանկությանը, այժմ չի կարող այլևս վայելել Աստծու ներկայությունը՝ առանց անցնելու գերեզմանի անապատների միջով, ինչպես ասում է սուրբ Հովհան Ոսկեբերանը<sup>3</sup>: Փրկագործությամբ նրա հոգին փրկվեց վերջնական կործանումից, բայց նրա մարմինը, նյութի բնական դյուրաբեկությանը միացնելով մեղքի պատահական թուլությունը, ենթարկվում է սկզբնական վճռին իր ամբողջ խստությամբ. ընկնում է, հալվում, լուծվում, քայքայվում: Մեր առաջին հայրերի անկումից հետո Աստված, ընդառաջելով իր Որդու խնդրանքին և չկամենալով ամբողջապես կործանել մարդուն, հնարեց մահը որպես կեսանիություն, որպեսզի մեղավոր մարդը զգա սարսափն այն ամբողջական անհության, որին նա դատապարտված կլիներ առանց երկնային սիրո հրաշալիքների:

Համարձակվում ենք հավատալ, որ, եթե հստակ ինչ-որ բան կա բնագանցության մեջ, ապա դա դատողության այս շղթան է: Այստեղ չկան չարչարված բառեր, չկան բաժանումներ և ենթաբաժանումներ, չկան մթին և անճիշտ

**Եղբեր:** Քրիստոնեությունը այդպիսի բաներից բաղկացած չէ, ինչպես թերահավատներն ուզում են հավատացնել մեզ իրենց խայթող հեգնանքով։ Ավետարանը քարոզվել է հոգով աղքատներին և լսվել հոգով աղքատներից։ Նա գոյություն ունեցող ամենահստակ գիրքն է աշխարհում։ Նրա գահը չի հաստատված մարդու գլխում, այլ՝ նրա սրտում։ Նա չի սովորեցնում վիճել, այլ՝ լավ ապրել։ Այսուհանդերձ նա զերծ չէ գաղտնիքներից։ Աստվածաշնչի մեջ իսկապես անբացատրելի է այն, որ նա շարունակական մի խառնուրդ է խորագույն խորհուրդների և ծայրագույն պարզության, հատկանիշներ, որոնցից ծնվում են սրտառուչն ու վսեմը։ Զպետք է զարմանալ ուրեմն, որ Հիսուս Քրիստոսի գործն այնքան հուզիչ կերպով խոսում է մարդու սրտին։ Այդպիսին են մեր կրոնի ճշմարտությունները, հակառակ գիտական անբավարար այն հիմքին, ըստ որի ընդունելի մեկ կետը ձեզ ստիպում է ընդունել մյուս բոլորը։ Կա ավելին. եթե հույս ունեք խույս տալ այդ բանից՝ ուրանալով սկիզբը, ինչպես, օրինակ, սկզբնական մեղքը, ապա չուտով, հետևությունից հետևություն մղվելով, դուք ստիպված կլինեք ընկնել անաստվածության գիրկը և կորչել։ Հենց այն պահին, որ դուք ընդունում եք Աստծուն, քրիստոնեական կրոնը, ձեզնից անկախ, գալիս է դեպի ձեզ իր բոլոր վարդապետություններով, ինչպես այդ նկատել են Քլարքը<sup>4</sup> և Պասկալը<sup>5</sup>։ Ահա, թվում է մեզ, ամենաուժեղ ապացույցներից մեկը ի նպաստ քրիստոնեության։

Ի դեպ, չպետք է զարմանալ, որ նա, ով առանց շփոթելու միլիոնավոր աստղեր է թափալեցնում մեր գլխավերեւում, այսքան ներդաշնակություն սփռած լինի իր կողմից հաստատված մի կրոնի հիմունքների մեջ։ չպետք է զարմանալ, որ նա կարողանում է իր խորհուրդների հրապույրներն ու մեծությունները պտտեցնել իրենք իրենց վրա, որպեսզի նրանք ամեն տարի մեզ բերեն եղանակների

կա՛մ ծաղիկները, կա՛մ շանթերը: Ցավով ենք հաստատում  
 մեր դարի սանձարձակ հարձակումները քրիստոնեության  
 դեմ: Եթե ճիշտ է, որ կրոնն անհրաժեշտ է մարդկանց, ինչ-  
 պես դրան հավատացել են բոլոր փիլիսոփաները, ապա  
 ինչպիսի՞ կրոնով մարդիկ ուզում են փոխարինել մեր հայ-  
 րերի կրոնը: Դեռ երկար ժամանակ կհիշվեն այն օրերը, երբ  
 արյունարրու մարդիկ հավակնեցին առաքինության խո-  
 րաններ բարձրացնել քրիստոնեության փլատակների վրա:  
 Նրանք մի ձեռքով կառափնարաններ էին կանգնեցնում,  
 մյուսով մեր տաճարների ճակատներին մեծ տառերով:  
 Աստծուն երաշխավորում էին հավիտենություն, իսկ մար-  
 դուն՝ մահ: Եվ այդ նույն տաճարները, ուր մի ժամանակ  
 մենք տեսնում էինք համայն աշխարհին հայտնի այդ  
 Աստծուն և բազում դժբախտների միջթարող Աստվածա-  
 մոր նկարները, այդ նույն տաճարները նվիրված էին այն  
 «Ճշմարտությանը», որին ոչ մի մարդ ծանոթ չէ, և այն  
 «բանականությանը», որը երբեք չի չորացրել ոչ մի կաթիլ  
 արցունք:





## ՀՈԳՈՒ ԱՆՄԱՀՈՒԹՅՈՒՆԸ՝ ԱՊԱՑՈՒՑՎԱԾ ԲԱՐՈՅԱԿԱՆՈՎ ԵՎ ԶԳԱՑՈՒՄՈՎ

### Ա. Երշանկության ցանկությունը մարդու մեջ

Եթե որպես Աստծու գոյության ապացույցներ բնության հրաշալիքները լինեին միայն, ապա այդ ապացույցներն այնքան ուժեղ են, որ բավական կլինեին համոզելու ճշմարտություն որոնող ամեն մարդու: Բայց նրանք, ովքեր ժխտում են նախախնամությունը, առանց նրան չեն կարող բացատրել ստեղծագործության հրաշքները: Այդպիսիներն առավել ևս չփոխվում են՝ պատասխանելու համար իրենց սեփական սրտի առարկություններին: Ուրանալով գերագույն էակին՝ նրանք ստիպված են ուրանալ մի այլ կյանքի գոյությունը: Եվ, սակայն, նրանց հոգին խոռվում է նրանց: Նա, այսպես ասած, ներկայանում է նրանց առաջ և, ի հեճուկս սովեստներին, ստիպում նրանց խոստովանել իր գոյությունն ու իր անմահությունը:

Նախ և առաջ թող ասեն մեզ. Եթե հոգին հանգչում է գերեզմանում, ապա որտեղից է մեր մեջ երջանկության այն ծարավը, որ անընդհատ անհանգստացնում է մեզ: Մեր բոլոր կրքերն ու ցանկությունները այս արեգակի տակ կարող են հեշտությամբ հագեցում գտնել. սերը, փառատենչությունը, բարկությունը լիովին բավարարվելու հնարավուրություն ունեն: Երջանկության պահանջը միակն է, որ ո՞չ հագեցում ունի, ո՞չ էլ՝ առարկա, որովհետեւ մարդ չգիտե, թե ի՞նչ է այդ երջանկությունը, որին նա տենչում է: Պետք է համաձայնել, որ, եթե ամեն ինչ նյութ է, ապա բնությունն այս պարագայում տարօրինակ կերպով սիալվել է. ստեղծվել է մի զգացում, որ ոչնչի չի պատշաճում:

Ստույգ է, որ մեր հոգին հավիտենապես պահանջում է: Հազիվ իր տենչանքի առարկան ձեռք բերած՝ նա էլի է պահանջում: Ամբողջ աշխարհը չի գոհացնում նրան: Անհունը այն միակ դաշտն է, որը պատշաճում է նրան: Նա սիրում է մոլորվել թվերի մեջ, երևակայել ամենամեծ, ինչպես և ամենափոքր տարածությունները: Վերջապես փքված, բայց չհագեցած այն ամենից, ինչ արդեն կլանել սպառել է, նա վազում նետվում է Աստծու գիրկը, ուր գալիս միավորվում են անհունի գաղափարները որպես կատարելություն, որպես ժամանակ և տարածություն: Բայց նա խորասուզվում է Աստծու գաղափարի մեջ հենց նրա համար, որ այդ գաղափարը լեցուն է մթություններով. անընդունելի է Աստված: Եթե նա հստակ գաղափար ունենար նրա մասին, կարհամարհեր նրան, ինչպես այն բոլոր առարկաները, որ նա ի վիճակի է սահմանելու: Կարող ենք նույնիսկ ասել, որ նա որոշ չափով կլիներ իրավացի, քանզի, եթե հոգին կարողանար հասկանալ հավիտենական Սկզբնապատճառը, նա կլիներ կամ նրանից բարձր, կամ գոնե նրան հավասար: Աստվածային իրողությունների կարգը նույնը չէ, ինչ որ մարդկային իրողությունների կարգը. մարդ կարող է հասկանալ թագավորի հզորությունը առանց թագավոր լինելու, բայց, եթե մի մարդ հասկանար Աստծուն, ապա կլիներ Աստված:

Արդ, կենդանիները բնավ չեն խոռվածում այն հույսով, որը խոռվում է մարդու միրտը: Նրանք վայրկենապես հասնում են իրենց գերագույն երջանկությանը. մի քիչ խոտ գոհացնում է գառանը, մի քիչ արյուն հագեցնում է վագրին: Հստ մի քանի փելիսոփաների, եթե պաշտպանեինք այն տեսակետը, թե մարմնի զանազան մասերի կազմությամբ է բացատրվում միակ տարբերությունը մեր և անասունի միջև, կարող էինք այդ դատողությունն ընդունելի համարել առավելաբար նյութական գործունեու-

թյան համար։ Բայց ի՞նչ կարեղություն կարող է ունենալ իմ ձեռքը իմ մտածման համար, երբ, գիշերային անդորրության մեջ, ես սավառնում եմ՝ գտնելու համար անհաշիվ աշխարհներ կարգավորողին։ Ինչո՞ւեզը նույն բանը չի անում։ Նրա աչքերը բավական են նրան. և, եթե նա ունենար իմ ոտքերը կամ թեերը, դրանք բոլորովին անօգուտ կլինեին այդ բանի համար։ Նա կարող է պառկել մարդագետնի կանաչ խոտերի վրա, աչքերը բարձրացնել դեպի երկինք և իր բառաչներով կանչել անծանոթ էակին, որը լցնում է այդ անսահմանությունը։ Բայց ո՛չ. նախընտրելով իր տրորած մարդախոտը՝ նա հարց չի ուղղում երկնքի բարձունքում սփռված այն արեներին, որոնք մեծագույն ապացույցն են Աստծու գոյության։ Նա անգայ է բնության այդ տեսարանի դիմաց՝ առանց կասկածելու, որ այն ծառի տակ, ուր այժմ հանգստանում է, ինքը ևս մի փոքրիկ ապացույց է աստվածային իմացականության։

Ուրեմն միակ արարածը, որը որոնում է իրենից դուրս և ինքն իրենով ամբողջություն չի կազմում, մարդն է։ Ասում են, որ հասարակ ժողովուրդը չունի այդ անհանգստությունը։ Անկասկած նա նվազ դժբախտ է, քան մենք, որովհետեւ նա, կանված լինելով Փիզիկական աշխատանքով, մոռանում է իր ցանկությունների մասին։ Նա երջանկության ծարավը խեղդում է իր թափած քրտնքի մեջ։ Բայց, երբ դուք տեսնում եք նրան, որ շաբաթվա վեց օրը հյուծվում սպառվում է, որպեսզի յոթերորդ օրը մի քիչ ուրախանա, երբ նա, միշտ հուսալով հանգիստ գտնել և երբեք չգտնելով այն, հասնի մահվան շեմին առանց ցանկանալուց դադարելու, կասե՞ք, որ չի բաժանում անծանոթ գեղեցիկ մի կյանքի տենչանքը, որ հատուկ է բոլոր մարդկանց։ Իսկ, եթե ասեն, որ նրա համար այդ տենչանքը սահմանափակվում է երկրային հաճույքներով, դա, իհարկե, առավել քան հավաստի է. տվեք ամենաչքավոր մարդուն

աշխարհի բոլոր գանձերը, դադարեցրեք միաժամանակ նրա ծանր աշխատանքը, բավարարեք նրա կարիքները, և դուք կտեսնեք, որ մի քանի ամիս չանցած՝ նա կսկսի դարձյալ ձանձրանալ և հուսալ:

Ճի՞շտ է արդյոք, որ հասարակ ժողովուրդը, նույնիսկ իր թշվառ վիճակում, զուրկ է երջանկության այնպիսի ցանկությունից, որը տարածվում է սովորական կյանքից այն կողմ: Որտեղի՞ց է գալիս այն բնածին մելամաղձոտ վիճակը, որ մենք նկատում ենք հանդում աշխատող գյուղացու մեջ: Հաճախ կիրակի կամ տոնական օրերին, երբ գյուղի բնակչությունը գնում է աղոթելու լավ սերմը որոմից զատող Հնձվորի նկարի առջև, պատահում է, որ մենք ականատես ենք լինում իր խրճիթի դռան առանձին մնացած որևէ գյուղացու: Նա ականջ է գնում եկեղեցու զանգի դողանջին, կանգնած է մտախոհ մարդու դիրքով, անուշադիր չէ ո՛չ մոտակա կալում թռչկոտող ճնճղուկներին, ո՛չ էլ իր շուրջը բզզացող միջատներին: Հեթանոսական մի աստծու նման՝ իր խրճիթի սեմին կանգնած այդ մարդու ազնվական դեմքը, նրա վեհ ճակատը, հոգ չէ, թե հոգսերով բեռնավոր, սև վարսերով ծածկված նրա ուսերը, որոնք կարծես բարձրացել են իրենց վրա պահելու համար երկինքը, հոգ չէ թե կյանքի բեռան տակ կքած, նրա ամբողջ փառավոր արտաքինը, հոգ չէ, թե թշվառական, այդ պահին ոչ մի բանի մասին չէի՞ն խորհում կամ միայն այս աշխարհի բաների մասին էին մտորում: Նրա կիսաբաց շրթների արտահայտությունը, նրա անշարժ մարմինը, հողին գամված նրա հայացքը, այլ խոսքով՝ նրա ողջ էությունը այդ պահին այնտեղ չէր. այնտեղ Աստծու հիշողությունն էր եկեղեցու զանգերի կրոնաշունչ դողանջի հետ:

Եթե անհնար է ժխտել, որ մարդն իր հույսը չի կտրում մինչև գերեզման, եթե ճիշտ է, որ այս աշխարհի բարիքները ոչ միայն չեն գոհացնում մեր ցանկությունները, այլև

փորփրում են մեր հոգին՝ խորացնելով նրա դատարկությունը, ապա պետք է եղրակացնել, որ ինչ-որ բան կա ժամանակից այն կողմ:

«Աշխարհը, ~ ասում է սուրբ Օգոստինոսը, ~ ունի այնպիսի կապեր, որոնք լեցուն են իսկական բրտությամբ և կեղծ քաղցրությամբ, ունի որոշակի ցավեր, անորոշ հաճուքներ, տարապարհակ աշխատանք, տագնապալից հանգստություն, թշվառությամբ լեցուն բաներ և... երջանկության դատարկ հույս»: Փոխանակ գանգատվելու, որ երջանկության ցանկությունը գտնվում է այս աշխարհում, իսկ նրա նպատակը՝ այն աշխարհում, դրանում տեսնենք Աստծու բարությունը և հիանանք: Քանի որ վաղ թե ուշ դուրս ենք գալու այս կյանքից, Նախախնամությունը սահմանից այն կողմ դրել է մի կախարդանք, որ քաշում հրապուրում է մեզ, որպեսզի պակասեցնի մեր սարսափը գերեզմանից: Երբ մի մայր ուզում է իր երեխային անցկացնել մի արգելքի վրայից, նա մյուս կողմից նրան մեկնում է գրավիչ մի առարկա, որպեսզի ստիպի համարձակ անցնել այդ արգելքը:

### **Բ. Խղճի խայթի և խղճմտանքի մասին**

Հոգու անմահության երկրորդ ապացույցը մեր խղճմտանքն է: Յուրաքանչյուր մարդ իր սրտի խորքում ունի մի դատարան, ուր նա սկսում է դատել ինքն իրեն՝ սպասելով, որ գերագույն իրավաբարը հաստատի դատավճիռը: Եթե բարոյական արատը կազմախոսական երեսություն է և սոսկ հետևանք մեր ֆիզիկական առանձնահատկության, ապա որտեղից է գալիս այն սարսափը, որը պղտորում է մեր «մեղապարտ երջանկության» օրերը: Ինչո՞ւ խղճի խայթն այնքան սոսկալի է, որ մարդ նախընտրում է ենթարկվել աղքատության և հանձն առնել առաքինու-

թյան պարտադրած բոլոր խստությունները, քան թե ձեռք բերել անօրինական բարիքներ: Ինչո՞ւ մի ձայն կա արյան մեջ, մի խոսք՝ քարի մեջ: Վագրը պատառոտում է իր որսը և հանգիստ քնում: Մարդը դառնում է մարդասպան և մնում անքուն: Նա փնտրում է ամայի վայրեր, սակայն առանձնությունը սարսափեցնում է նրան, քարշ է գալիս գերեզմանների շուրջը, սակայն վախենում է գերեզմաններից: Նրա հայացքը շարժուն է և անհանգիստ, նա չի համարձակվում նայել խնջույքի սրահի պատերին՝ վախենալով, որ իր աչքերն այնտեղ կտեսնեն չարագուշակ գրեր: Նրա զգայարաններն ասես սրվում են՝ տանջելու համար նրան: Գիշերվա կեսին նա տեսնում է սպառնացող աղոտ լույսեր, ամեն ըոսե նախճիրի արյան հոտ է առնում իր շուրջը, թույնի համ է զգում իր իսկ պատրաստած ճաշերի մեջ, նրա ականջը, տարօրինակ գերզայնությամբ, աղմուկ է լսում այնտեղ, ուր լուսվածքուն է տիրում, և երբ, նա համբուրում է իր բարեկամին, կարծում է, թե նրա հագուստների տակ մի դաշույն կա թաքնված:

Ո՞վ խղճմտանք, երևակայությունից ծնված դու մի ուրվակա՞ն ես լոկ, թե՞ պատիմներից մարդկանց զգացած ահանք: Ես ինձ հաճախ հարցուվորձ եմ անում. ինքս ինձ տալիս եմ հետեւյալ հարցը. «Եթե, ցանկությունից մղված, կարողանայի սպանել մի մարդու Զինաստանում և նրա հարստությունը ժառանգել եվրոպայում այն հաստատ համոզումով, որ ոչ ոք ոչինչ չի իմանալու բնավ, կհամաձայնեի՞ր իրագործել այդ ցանկությունդ»: Ինչքան էլ ես փորձեմ ինքս ինձ արդարացնել՝ պատճառաբանելով իմ ծայրահեղ չքավորությունը, ինչքան էլ ուզենամ մեղմացնել այդ մարդասպանությունը՝ ենթադրելով, որ չինացին, ըստ իմ ցանկության, կմեռնի իսկույն առանց ցավ զգալու, որ նա չունի ժառանգ, և որ նրա մահից հետո նրա ամբողջ ունեցվածքը կորած կհամարվի պետության համար, ինչքան

էլ ես ինձ ասեմ, թե մահը բարիք է նրա համար, թե ինքն իսկ կանչում է այն, թե նա հազիվ մի վայրկյան ունի ապրելու, այնուամենայնիվ, հակառակ իմ ինքնարդարացման բոլոր ջանքերին, իմ սրտի խորքում ինչոր ձայն այնքան ուժեղ է բողոքում հենց միայն այդպիսի ենթադրության դեմ, որ մի րոպե անգամ չեմ կասկածում խղճմտանքի գոյությանը:

Ուստի տխուր մի անհրաժեշտություն պետք է համարել այն, որ ոմանք ստիպված են ժխտել խղճմտանքի գոյությունը, որպեսզի ժխտեն հոգու անմահությունն ու վրեժինդիր մի Աստծու գոյությունը: Մենք չենք անգիտանում, որ ծայրահեղության տարված անաստվածությունը դիմում է այդ ամօթալի ժխտմանը: Սովեստ մարդը սաստիկ հողացավերի մեջ բացականչում է. «Ո՞վ ցավ, ես երբեք չեմ խոսառվանելու, որ դու չարիք ես»: Իսկ, եթե ճիշտ է, որ կարող են գտնվել այնքան դժբախտ մարդիկ, որ խեղդեն իրենց մեջ խղճի ձայնը, ապա ի՞նչ պետք է եղրակացնել դրանից: Իր մարմնի անդամները ազատ կերպով գործածող մարդուն չդատենք բնավ անդամալույծ մարդու օրինակով, որն այլևս ի վիճակի չէ շարժելու իր ձեռքերն ու ոտքերը: Ոճիրը կատարման վերջին պահին նման է այն թույնին, որը խարանում անզգայացնում է խիղճը: Տապալելով կրոնը՝ մարդիկ ոչնչացրել են այն միակ դեղամիջոցը, որը կարող էր վերականգնել զգայնությունը սրտի մահացած մասերում: Քրիստոսի այս զարմանալի կրոնը մի տեսակ լրացումն էր այն բանի, որը պակասում էր մարդկանց: Մեղավոր՝ ենք դառնում մեր ծայրահեղության, անչափ բախտավորության կամ մեր դյուրաբորբոք բնավորության պատճառով. կրոնը միշտ ներկա է՝ ազդարարելու համար մեզ, որ բախտը հեղհեղուկ է, իսկ մեր բորբոքումը՝ վտանգավոր: Կամ, ընդհակառակը, մեր թերությունների՝, մեր կարոտությա՞ն, մեր հոգու անտարբերությա՞ն պատճառով

Ենք երեսի վրա թողնված. կրոնը մեզ սովորեցնում է արհամարհել բոլոր տեսակի հարստությունները, միաժամանակ ջերմացնում է մեր հոգու սառնությունը և մեզ տալիս է, այսպես ասած, ներքին ուժեղ մղումներ, ցանկություններ, մեծ կրքեր: Նրա գթասիրությունն անսպառ է մանավանդ մեղավորի հանդեպ: Զկա մի սրբապիղծ մարդ, որի զղջումը նա չընդունի, չկա մի պժգալի բորոտ, որին նա չդիպչի իր մաքրամաքուր ձեռքերով: Անցյալի համար նա պահանջում է միայն խղճահարություն, ապագայի համար՝ առաքինություն: «Ուր որ մեղքը շատացավ, - ասում է նա, - շնորհն առավել ևս շատացավ<sup>\*</sup>»: Միշտ պատրաստ լինելով զգուշացնելու մեղանչող մարդուն՝ Աստվածորդին հաստատել էր իր կրոնը որպես երկրորդ խղճմտանք այն մեղսագործի համար, որը կարող էր դժբախտությունն ունենալ կորցնելու իր բնական խղճմտանքը. դա ավետարանական խղճմտանք էր, բարեպաշտությամբ և քաղցրությամբ լեցուն մի խղճմտանք, որին Հիսուս Քրիստոս իրավունք էր տվել ներելու, և որից զուրկ էր առաջինը:

Խոսելուց հետո հանցագործությանը հետևող խղճահարության մասին, անօգուտ կլիներ այլևս խոսել առաքինությանն ուղեկցող գոհունակության մասին: Այն ներքին գոհունակությունը, որ մարդ զգում է մի լավ գործ կատարելիս, առաջ չի գալիս նյութական հաշվարկներից, ինչպես խղճի մեղաղբանքը՝ օրենքի վախից, երբ մարդ մի վատ արարք է կատարում:

Եթե սովեստները պաշտպանում են այն տեսակետը, թե առաքինությունն ուրիշ բան չէ, եթե ոչ քողարկված ինքնասիրություն, իսկ գթասրտությունը՝ եսապաշտություն, ապա հարց տանք նրանց, թե իրենց սրտի խորքում երբեք ոչինչ չե՞ն զգացել մի դժբախտի վիշտն ամոքելուց հետո,

---

\* Հոռմ 5, 20: Բնագրում լատիներեն:

կամ արդյո՞ք մանկամիտ դառնալու վախից է, որ նրանք այդպես գորովանք են զգում մի անմեղ նորածնի հանդեպ:

Առաքինությունն ու արցունքները մարդկանց հույսի աղբյուրն են և հավատի հիմքը: Արդ, այն մարդը, որ չի հավատում ո՛չ առաքինության իրականությանը և ո՛չ էլ արցունքների ճշմարտությանը, ինչպե՞ս կարող է հավատալ Աստծուն: Կարծում եմ, որ մեղանչած կլինեինք ընթերցողների առջև, եթե բավարպեինք ցույց տալով միայն, թե ինչպես հոգու անմահությունն ու Աստծու գոյությունը ապացուցվում են այն ներքին ձայնով, որ խղճմտանք է կոչվում: «Մարդու մեջ կա մի ուժ, ~ ասում է Յիցերոնը, ~ որ նրան մղում է դեպի բարին և հեռու պահում չարից, մի ուժ, որ գոյություն ունի ոչ միայն ավելի վաղ, քան բոլոր ժողովուրդների և քաղաքների առաջացումը, այլևս նույնքան հին է, որքան այն Աստվածը, որի միջոցով երկինքն ու երկիրը գոյատևում են և դեկավարվում. քանզի Բանականությունը էական մեկ հատկանիշն է աստվածային իմացականության, և այդ Բանականությունը, որ Աստծու մեջ է, անպայմանորեն ինքն է որոշում, թե ինչը բարոյական արատ է և ինչը՝ առաքինություն»:

#### **Գ. Եթե չկա հանդերձյալ կյանք, ապա չկա բարոյականություն**

Բարոյականությունը հասարակության հիմքն է կազմում. բայց եթե ամեն ինչ նյութ է մեր մեջ, ապա իրապես չկա ո՛չ արատ և ո՛չ էլ առաքինություն, հետևաբար, չկա նաև բարոյականություն: Մեր օրենքները, որոնք միշտ հարաբերական են և փոփոխական, չեն կարող որպես հենարան ծառայել բարոյականությանը, որ միշտ բացարձակ է և անեղծանելի: Պետք է, ուրեմն, նրա աղբյուրը լինի ավելի կայուն մի աշխարհում, քան մեր այս աշխարհն է, և

նա ունենա ավելի ապահով երաշխիքներ, քան մեր կասկածելի վարձատրություններն ու վաղանցուկ պատիժներն են: Մի քանի փիլիսոփաներ կարծում են, որ կրոնը հնարվել է ամուր պահելու համար բարոյականությունը: Նրանք չեն անդրադառնում, որ արդյունքը շփոթում են պատճառի հետ: Կրոնը չէ, որ բարոյականությունից է առաջանում, այլ բարոյականությունն է, որ ծնունդ է առնում կրոնից, քանի որ, ինչպես նշեցինք այդ մասին, ստույգ է, թե բարոյականության սկզբնաղբյուր չի կարող լինել Փիգիկական մարդը կամ պարզ նյութը. ստույգ է նմանապես, որ մարդիկ, երբ կորցնում են Աստծու գաղափարը, ընկնում են ամեն տեսակ ոճիրների մեջ, չնայած օրենքների և դաշիճների գոյության:

Մի կրոն, որ ուզեց բարձրանալ քրիստոնեության փլատակների վրա և կարծեց գերազանցել Ավետարանը, մեր եկեղեցիներում տարածեց Տամարքանյայի հետևյալ պատվիրանը. «Երեխանե՛ր, պատվեցե՛ք ձեր հայրերին և մայրերին»: Ինչո՞ւ աստվածամարդասերները\* Հապավել են պատվիրանի վերջին մասը՝ «որպեսզի նրանք երկար ապրեն»: Հավանաբար նրա համար, որ մի գաղտնի դժբախտություն նրանց սովորեցրել է, որ այն մարդը, որը ոչինչ չունի, ոչինչ չի կարող տալ: Մարդ ինչպե՞ս կկարողանա խոստանալ երկար տարիներ, երբ ապահով չէ, թե ինքը կապրի՞ արդյոք երկու վայրկյան: «Դու ինձ երկար կյանք ես պարզեռում, կասեին նրան, ~ բայց դու չես մտածում, որ ինքդ փոշիա-

\* Այս անունը էին կոչվում 1796թ. Ֆրանսիայում, Գիրեկոտրիայի իշխանության ժամանակ, ֆրանսիացի մի շաքք աստվածաբաններից և բարյազետներից բաղկացած մի աղանդի անդամները, որոնք ուսուցանում էին հավատալ միաժամանակ Աստծոն և միրել մարդկանց: Աստվածամարդասերները, ներշնչվելով 18-րդ դարի վիխտիքաների (ճասմավիրապես Վլյուերի և Ռուտոյի) աստվածաբանական մտքերից և գերագույն Էակի պաշտամունքի որոշ երևույթներից, Աստծո գոյության նկատմամբ բանական հավատի մեջ էին տեսնում անհատական և քաղաքացիական բարոյականի անհրաժեշտ հիմքը (ծնք. բարզմ.):

նում ես: Ինչպես Տերը, դու ինձ համար ապահովում ես երկարատև գոյություն. իսկ դու նրա նման տե՞րն ես հավետենության, որ կարողանաս այնտեղից օրեր դուրս հանել: Անխռհե՛մ մարդ, այն ժամը, որ դու հիմա ապրում ես, քեզ չի պատկանում. մա՛չն է միայն քո սեփականությունը. քո գերեզմանի խորքից դու ի՞նչ կարող ես դուրս բերել բացի անհությունից՝ վարձատրելու համար ինձ իմ լավության դիմաց»:

Եվ, վերջապես, հոգու անմահության վերաբերյալ կաբարոյական մի ուրիշ ապացույց, որի վրա պետք է կանգ առնել. դա մարդկանց ունեցած հարգանքն է գերեզմանների հանդեպ: Այնտեղ, անհաղթահարելի մի թովչանքով, կյանքը կապված է մահվան: Այնտեղ մարդկային բնությունն ավելի բարձր է դրսեռովում, քան մնացած ստեղծագործությունը: Անասունը գիտե՞՝, թե ինչ բան է դադաղը, մտահոգվո՞ւմ է իր աճույնով: Ի՞նչ նշանակություն ունեն նրա համար իր հոր ոսկորները, և կամ նա կիմանա՞՝, թե ո՞վ է եղել իր հայրը, երբ այլևս վերջացած լինեն իր մանկական կարիքները: Որտեղի՞ց է հաճախում մեզ մահվան մասին մեր ունեցած ուժեղ գաղափարը: Փոշու մի քանի հատիկ արժանի՞ են մեր պատվին ու մեծարանքին. ո՛չ անտարակույս: Մենք մեր նախնիների աճյունները հարգում ենք նրա համար, որ ներքին մի ձայն մեզ ասում է, թե ամեն ինչ ջնջված վերջացած չէ նրանց մեջ: Եվ այդ ձայնն է, որ սրբագործում է հոգեհանգստյան պաշտոնը երկրագնդի բոլոր ժողովուրդների մոտ: Բոլորն էլ հավասարապես համոզված են, որ քունը տեսական չէ նույնիսկ գերեզմանում, և որ մահն ուրիշ բան չէ, եթե ոչ փառավոր մի այլակերպություն:

## ԱՆԱՍՏՎԱԾՈՒԹՅԱՆ ՎՏԱՆԳԸ ԵՎ ԱՆՕԳՈՒՏ ԼԻՆԵԼԸ

Կան երկու տեսակի անաստվածներ՝ իրարից մեծապես տարբեր. առաջինները, սկզբունքային և հետեղական մարդիկ, առանց վարանելու հայտարարում են, որ Աստված չկա և, հետեաբար, չկա էական ոչ մի տարբերություն բարու և չարի միջև, որ աշխարհը պատկանում է ամենառածեղներին, ամենաճարպիկներին և այլն: Երկրորդները անաստվածության «ազնիվ» ներկայացուցիչներն են, կեղծավոր անհավատները, անհեթեթ անձինք, որոնք մեղմ ու անուշ խոսքերով կարող են գնալ ամեն տեսակ ծայրահեղությունների՝ պաշտպանելու համար իրենց տեսակետը: Նրանք ձեզ կկոչեն սիրելի եղբայր՝ խեղդելով ձեզ: Բարոյականություն, մարդկայնություն բառերը անվերջ նրանց բերանում են: Նրանք երիցս չար մարդիկ են, որովհետև անաստվածների հոռի բոլոր կողմերին միացնում են աղանդավորի անհանդուրժողությունն ու առաջնորդի եսասիրությունը:

Այս մարդիկ պնդում են, որ անաստվածությունը չի վերացնում ո՛չ երջանկությունը և ո՛չ էլ առաքինությունը, և այս կյանքում չկա մի պարագա, ուր անհավատությունը նույնքան օգտակար չլինի, որքան բարեպաշտությունը: Ահա այս հարցն է, որ ուզում ենք քննության առնել:

Եթե մի բան պիտի գնահատվի իր ավելի կամ նվազ օգտակարության պատճառով, ապա անաստվածությունը արժանի է ամենայն արհամարհանքի, որովհետև նա ոչ ոքի օգտակար չէ:

Աչքի անցկացնենք մարդկային կյանքը: Սկսենք աղքատներից և դժբախտներից, քանի որ նրանք մեծամաս-

նություն են կազմում երկրի վրա: Դե՛ ուրեմն, անթիվ-անհամա՛ր թշվառներ, անաստվածությունը ձե՞ղ համար է օգտակար, պատասխանեցե՛ք: Ի՞նչ է, ոչ մի ձայն չկա՞: Ես լսում եմ հուսո մի օրհներգ և հառաջանքներ, որ բարձրանում են առ Աստված: Սրանք հավատում են. անցնենք երշանիկներին:

Մեզ թվում է, որ երջանիկ մարդը ոչ մի շահ չունի անհավատ լինելու մեջ: Նրա համար անչափ քաղցր է մտածել, թե իր օրերը կշարունակվեն նաև մահվանից հետո: Ինչպիսի հուսահատությամբ նա կբաժանվեր այս աշխարհից, եթե հավատար, թե ընդմիշտ բաժանվում է իր երջանկությունից: Եթե աշխարհի բոլոր բարիքներն էլ թափվեին իր գլխին, դրանք կծառայեին միայն առավել սարսափելի դարձնելու անհությունը: Հարուստը նաև կարող է ապահով զգալ իրեն, որ կրոնը կավելացնի իր հաճույքները՝ անպատում մի քաղցրություն խառնելով դրանց: Նրա սիրառ երբեք չի կարծրանա, նա չի հագենա ուրախությունից: Կրոնը թույլ չի տա, որ հոգին չորանա: Հենց այդ նշանակությունն ունի սուրբ մյուռոնը, որով քրիստոնեությունը սրբագրում է թագավորական իշխանությունը, երիտասարդությունը և մահը, որպեսզի դրանք անպատող չլինեն:

Ուզմիկն առաջ է շարժվում մարտում. կարո՞ղ է միթե անաստված լինել փառքի այս զավակը: Ով փնտրում է անվախճան մի կյանք, համաձայն կլինի՞, որ այն վերջանա: Ո՞վ անհաշվելի զինվորներ, ո՞վ հայրենիքի վաղնջական լեգեոններ, երևացե՞ք ձեր որոտացող ամպերի վրա: Ֆրանսիայի անվանի՛ զորքեր, որ հիմա երկնքի զորություններ եք դարձել, ցույց տվեք ձեզ: Երկնային քաղաքի բարձունքից ասացե՞ք մեր դարի հերոսներին, որ քաջ մարդն ամբողջովին դերեզմանում չէ, որ նրանից հետո մնում է ինչ-որ բան, որ ավելին է, քան ունայն համբավը:

Հնադարի մեծ զորավարները հայտնի են եղել իրենց բարեպաշտությամբ։ Էպամինոնդասը<sup>1</sup>, իր հայրենիքի ազատարարը, համարվում է ամենաբարեպաշտ մարդկանցից մեկը։ Քսենոֆոնը՝ փիլիսոփա այս ռազմիկը, բարեպաշտության տիպար էր։ Ալեքսանդրը՝ աշխարհակալների հավերժական օրինակը, ինքն իրեն համարում էր Յուպիտերի որդի։ Հռոմի Հանրապետության հին հյուպատոսներ Ցինցինատոսը<sup>2</sup>, Ֆարիոսը<sup>3</sup>, Պապիրիոս Կուրսորը<sup>4</sup>, Էմիլիոս Պաուլոսը<sup>5</sup>, Սցիպիոն Աֆրիկացին<sup>6</sup> իրենց հույսը դնում էին միայն Կապիտոլի աստծու վրա։ Պոմպեոսը<sup>7</sup> մարտի էր գնում՝ ոգեկոչելով աստվածային օգնականությունը։ Կեսարն ուզում էր երկնային ազգի շառավիղ լինել։ Նրա հակառակորդը՝ Կատոնը, համոզված էր, որ հոգին անմահ է։ Կեսարին սպանող Բրուտոսը հավատում էր գերբնական զորություններին, իսկ նրա հաջորդ Օգոստոս կայսրը իշխեց սոսկ աստվածների անունով։ Ավելի ուշ ժամանակների ազգերի մեջ անհավա՞տ էր միթե հռոմեացիներին և գալիացիներին հաղթող հպարտ Սիկամբրը<sup>8</sup> որը, խոնարհվելով մի քահանայի ոտքերի առջև, Փրանսիական ժողովրդի հիմքերն էր գցում։ Անհավա՞տ էր միթե սուրբ Լուդովիկոսը<sup>9</sup>՝ թագավորների իրավարարը, որը հարգված էր նույնիսկ անհավատներից, Դյու Գեսլենը, որի դագաղը քաղաքներ էր գրավում, Բայարը<sup>10</sup>՝ անվեհեր և անստոյուտ ասպետը, Մոնմորանսիի<sup>11</sup> ծեր սպարապետը, որ իր աղոթքներն էր արտասահնում ռազմական ճամբարներում։ Այս բոլորը անհավա՞տ մարդիկ էին։

Զկա ավելի հիանալի կերպար, քան քրիստոնյա հերոսի կերպարը։ Այն ժողովուրդը, որին նա պաշտպանում է, ընդունում է նրան, ինչպես իր հորը։ Նա պաշտպանում է հոգագործին և նրա արտերի հունձը, հեռացնում անարդարությունը, նա մի տեսակ պատերազմի հրեշտակ է, որին Աստված է ուղարկել՝ մեղմացնելու համար այդ աղետը։

Քաղաքները բաց են անում նրա առջև իրենց գոները, պատնեշները խորտակվում են նրա առաքինությունների դիմաց, նա զինվորների սերն է, ազգերի կուռքը։ Նա ուազմական քաջությանը խառնում է ավետարանական սերը, նրա խոսակցությունը հուզում և դաստիարակում է, նրա խոսքերը կատարյալ պարզության շնորհն ունեն։ Մարդ զարմանում է այդքան քաղցրություն գտնելով մի մարդու մոտ, որը սովոր է իր կյանքն անցկացնել բազում վտանգների մեջ։ Այսպես մեղքն է թաքնվում կաղնու կեղեի տակ, որը դիմագրավել է ահավոր փոթորիկների։

Եզրակացնելով՝ ասենք, որ անաստվածությունը ոչ մի տեսակետից պիտանի չէ ուազմիկին։

Եթե բարոյականությունն ամբողջովին հենվումէ Աստծու գոյության և հոգու անմահության գաղափարի վրա, ապա հայրերը, որդիները, ամուսինները ոչ մի շահ չունեն անհավատ լինելու մեջ։ Ինչպես կարելի է մտածել, օրինակի համար, որ կինը կարող է անաստված լինել։ Ո՞վ պիտի պահպանի այս դյուրաբեկ եղեգին, եթե ոչ կրոնը։ Բնության ամենաթույլ այս էակը մահվան նախօրյակին կամ կանացի իր հրապույրները կորցնելուց հետո ո՞ւմ մոտ պաշտպանություն պիտի գտնի, եթե նրա հույսը վաղանցուկ այս գոյությունից այն կողմ չի անցնում։ Հենց միայն ի շահ իր գեղեցկության՝ կինը պետք է բարեպաշտ լինի։

Քաղցրությունը, հնագանդությունը, շնորհալիությունը, քնքությունը մեկ մասն են այն հրապույրների, որ Արարիչը շուայլորեն պարգևել է մեր առաջին մորը։ Կինը, որ բնական կերպով խորհրդավորության բնագդն ունի, որ հաճույք է զգում քողարկելով իրեն, որ իր շնորհների ու իր մտածման կեսն է բացահայտում միայն, որ կարող է գուշակվել, բայց չճանաչվել, որ, իբրև մայր և իբրև կույս, լեցուն է գաղտնիքներով, որ հրապուրում է մեզ մանավանդ իր անգիտությամբ, որ ստեղծվել է առաքինության, ամե-

նախորհրդավոր զգացման, ամոթխածության և սիրո համար, այս կինը, ուրեմն, հրաժարվելով իր սեռին հատուկ բնածին մղումներից, իր թույլ և հանդուգն ձեռքով պիտի փորձի վերացնե՛լ Աստծուն ծածկող հաստ վարագույրը: Ո՞ւմ է մտածում նա դուր գալ իր այդ սրբապիղծ արարքով:

Անհավատ կինը քիչ անգամ իր պարտականությունների գիտակցությունն ունի: Նա իր օրերն անց է կացնում կամ դատարկաբանելով առաքինության մասին առանց այն ի գործ դնելու, կամ էլ հետևելով իր հաճույքներին կյանքի հորձանքի մեջ: Նրա գլուխը դատարկ է, հոգին՝ ունայն: Զանձրույթը ուտում է նրան, նա չունի ոչ Աստված, ոչ ընտանեկան հոգսեր իր ժամերի անդունդը լցնելու համար:

Մոտենում է վրեժինդիր օրը. գալիս է ժամանակը՝ բերելով իր հետ Ծերությունը ձեռքից բոնած: Սպիտակ մազերով, կորացած ուսերով, սառած ձեռքերով ուրվականը նստում է անհավատ կնոջ տան սեմին: Կինը տեսնում է նրան և ճիչ արձակում: Բայց ո՞վ կարող է լսել նրա ձայնը: Նայելով իր անցյալին՝ նա այնտեղ տեսնում է միայն անապատ, ուր իր առաքինությունները բնավ հետք չեն թողել: Առաջին անգամ լինելով՝ նրա մտածումը դառնում է գեղի երկինք. նա սկսում է հավատալ, որ ավելի լավ կիներ, եթե ունենար մի կրոն: Սակայն անօդուտ է զղջումը: Այս աշխարհում աստվածության վերջին պատիմն է հավատալու ցանկություն ունենալն ու չկարողանալ այն ձեռք բերելը: Երբ մարդիկ իրենց կյանքի վերջալույսին անդրադառնում են կեղծ փիլիսոփայության ստություններին, երբ անէությունը, չարագուշակ աստղի նման, սկսում է բարձրանալ մահվան հորիզոնի վրա, ուզում են վերադառնալ Աստծուն, բայց արդեն ուշ է լինում. անհավատությամբ անզգայացած միտքը վանում է ամեն համոզունք: Օ՛հ, այդ պահին ինչքա՞ն խորն է լինում առանձ-

նությունը, երբ, թե՛ Աստված և թե՛ մարդիկ ետ են քաշ-  
վում միաժամանակ:

Որքա՛ն տարբեր է բարեպաշտ կնոջ ճակատագիրը: Նրա  
օրերը ուրախությամբ են անցնում, նրա կյանքը լցնում են  
սիրով: Նրա ամուսինը, երեխաները, սպասավորները հար-  
գում ու սիրում են նրան, բոլորն ունեն կույր վստահու-  
թյուն նրա հանդեպ, որովհետեւ հաստատապես հավատում  
են նրա հավատարմությանը, քանի որ ինքն էլ հավատա-  
րիմ է Աստծուն: Այս քրիստոնյա կնոջ հավատը զորանում  
է իր երջանկությամբ, իսկ երջանկությունն էլ՝ իր հավա-  
տով: Նա հավատում է Աստծուն:

Բավական է, որ մի մայր տեսնի իր երեխայի ժպիտը, որ-  
պեսզի համոզվի գերագույն մի երանության գոյությանը:  
Նախախնամության բարությունն ամբողջովին երեսում է  
մարդու օրորոցից սկսած:

Արդ, կյանքում ամեն ինչ այնպես լինելով՝ մարդ պետք  
է շատ համառ լինի, որպեսզի չթեքվի դեպի այն կողմը,  
ուր ոչ միայն բանականությունը գտնում է ամենամեծ  
թվով փաստեր, այլև բարոյականությունը, երջանկությու-  
նը, հույսը, նույնիսկ բնագդը և հոգու ցանկությունները  
բնական կերպով մեզ մզում են այնտեղ: Եթե ճիշտ լիներ  
(թեև սխալ է) այն տեսակետը, թե միտքը հավասար դիրքի  
վրա է պահում կշեռքի երկու թաթերը Աստծու և անաստ-  
վածության միջև, ապա կշեռքի մեկ թաթը վստահաբար  
շատ կթեքվեր առաջինի կողմը, քանզի մարդը, բացի իր  
բանականության կեսից, Աստծու նժարի մեջ դնում է իր  
սրտի ամբողջ ծանրությունը:

Մենք կհամոզվենք այս ճշմարտությանը, եթե քննենք  
այն եղանակը, որով առաջնորդվում են անաստվածու-  
թյունն ու կրոնը իրենց ապացույցների մեջ: Կրոնն օգտա-  
գործում է սոսկ ընդհանուր փաստեր. նա դատում է՝ հիմն-  
վելով միայն երկնային կարգավորության, տիեզերքի օ-  
րենքների վրա: Նա տեսնում է լոկ բնության ներդաշնա-

**կությունը, կենդանիների սքանչելի բնագդները և դրանց համապատասխանությունը մարդու հետ:**

Անաստվածությունը ձեզ տալիս է միայն շփոթեցնող բացառություններ. բնության մեջ նա տեսնում է սոսկ անկարգություններ, ճախճախուտներ, հրաբուխներ, վնասակար անասուններ և, կարծես ուզենար ցեխի մեջ թաքնվել, դիմում է սողուններին ու միջատներին, որպեսզի Աստծու դեմ ապացույցներ հայթայթի իր համար:

**Կրոնը խոսում է միայն մարդու մեծության և գեղեցկության մասին:**

Անաստվածությունը միշտ ձեզ մատուցում է բորոտությունն ու ժանտախտը: Կրոնն իր փաստարկները քաղում է հոգու զգայնությունից, կյանքի ամենաքաղցր զգացումներից՝ որդիական հարգանքից, ամուսնական սիրուց, մայրական գորովից:

Անաստվածությունը ամեն ինչ վերածում է անասնական բնագդի և, իբրև առաջին փաստարկ իր տեսակետի, պարծենկոտությամբ ձեզ ցույց է տալիս մի սիրտ, որին ոչ մի բան չի կարող հուզել:

Վերջապես, քրիստոնեական կրոնով մեզ վստահեցնում են, որ մեր ցավերը վերջ պիտի ունենան, մխիթարում են մեզ, սրբում մեր արցունքները, մեզ խոստանում են մի այլ կյանք:

Անաստվածի կրոնի մեջ մարդկային վշտերը խունկ են ծխում. մահը զոհարարն է, զոհասեղանը՝ դագաղը, և անհությունը՝ նրա աստվածը:



## ԱՆՀԱՎԱՏՈՒԹՅՈՒՆԸ ԳԼԽԱՎՈՐ ՊԱՏԺԱՌ ԾԱԾԱԿԻ ԵՎ ՈԳՈՒ ԱՆԿՄԱՆ

Երբ Աթենքում և Հռոմում մարդիկ ոչ մի բանի չհավատացին, աստվածներն անհետացան, և մուսաները բարբարոսությանը հանձնեցին այն մարդկանց, որոնք այլևս հավատ չունեին իրենց հանդեպ:

Հուսավորության այս դարում մարդ չի կարող հավատալ, թե մինչև ո՞ր աստիճան լավ բարքերը կախված են լավ ճաշակից, և լավ ճաշակը՝ լավ բարքերից: Բասինի երկերը, որոնք հետզհետե ավելի գեղեցիկ և ավելի անթերի էին դառնում այն չափով, որ չափով որ դրանց հեղինակն ինքը հետզհետե ավելի բարեպաշտ էր դառնում, ի վերջո ավարտվեցին «Աթալիա»-ով: Ընդհակառակը, ուշադրություն դարձրեք, թե Վոլտերի անկրոնությունն ու հանճարը միաժամանակ ինչպես են նրա գրվածքների մեջ ի հայտ գալիս ազնիվ զգացմունքների և ատելի բաների խառնուրդով: Վաս ճաշակը, երբ այն անսրբագրելի է, դատողության սխալ է և գաղափարների բնական շեղում: Արդ, քանի որ միտքը ներգործում է սրտի վրա, դժվար է, որ երկրորդի ճանապարհները լինեն ուղիղ, երբ ուղիղ չեն առաջինի ճանապարհները: Նա, ով սիրում է տգեղությունն այնպիսի մի ժամանակ, երբ հազարավոր գլուխգործոցներ այսօր կարող են զարթեցնել և վերականգնել նրա ճաշակը, այնքան էլ հեռու չէ հոռի և արատավոր բաներ սիրելուց: Ով անզգա է գեղեցիկի հանդեպ, նա կարող է և չդնահատել առաքինությունը:

Մի գրող, որ մերժում է հավատալ տիեզերքն ստեղծող Աստծուն՝ Դատավորին, որ մարդկանց հոգիներին անմահություն է տվել, նախ և առաջ իր ստեղծագործություննե-

րից վանում է անհունությունը։ Նա իր մտածումը պարփակում է տղմոտ մի շրջանակի մեջ, որից այլևս չի կարող դուրս գալ։ Նա ոչ մի ազնիվ բան չի տեսնում բնության մեջ, ամեն ինչ այնտեղ կատարվում է ապականության և այլասերվածության անմաքուր միջոցներով։ Ըստ նրան՝ անդունդն ուրիշ բան չէ, եթե ոչ կալրախառն մի ջրակույտ, լեռները՝ կրաքարից բաղկացած ուռուցիկ դարավանդներ, իսկ երկինքը, որտեղ առավոտյան արեգակը պատրաստում է անեղր ու անսահման մի առանձնարան՝ ասես որպես ճամբար ծառայելու համար աստղերի երկնային զորքին, որոնց այնտեղ է բերում գիշերն անաղմուկ, երկինքը, ուրեմն, ուրիշ բան չէ, եթե ոչ մի նեղ կամար՝ ժամանակավորապես առկախված Պատահականության քմահաճ ձեռքով։

Եթե անհավատն այսպես հոգով սահմանափակ է բնության վերաբերող բաներում, ապա ինչպես նա կկարողանա գեղեցկորեն պատկերել մարդուն։ Նրա համար բառերը զուրկ են հարստությունից, իսկ արտահայտության գանձերը՝ ընդմիշտ փակված։ Դիտեք գերեզմանի խորքում հանգչող այս դիակը՝ պատանքի մեջ փաթաթված անէության այս արձանը։ Հենց դա է անաստվածի մարդը՝ կնոջ մարմնից դուրս եկած պտուղ, որ բնազդով ավելի ցածր է, քան կենդանիները, փոշի է նրանց նման և կրկին փոշի է դառնալու ինչպես նրանք, որ չունի կրքեր, այլ միայն՝ խորժակներ, որ չի հնազանդվում բարոյական օրենքների, այլ միայն՝ ֆիզիկական մղումների և իր առջև, որպես ամեն բանի վախճան, տեսնում է միայն գերեզման և որդեր։ Ահա այսպիսին է այն էակը, որ ինքն իր համար ասում էր, թե տոգորված է անմահ շնչով։ Այլևս մի՛ խոսեք մեզ հոգու խորհուրդների, առաքինության հրապույրների մասին. ո՛վ մանկության շնորհներ, երիտասարդակա՞ն սերեր, ազնիվ բարեկամություն, մտածումների վեհություն, գերեզմանների և հայրենիքի հրապույր, ձեր կախարդանքները խորտակված վերջացա՛ծ են... :

Անհավատությունը նաև անպայմանորեն իր հետ բերում է տրամաբանող չոր միտք, վերացական սահմանումներ, գիտական ոճ և դրա հետ մեկտեղ նորաբանություն, որոնք հարված են հասցնում ճաշակին և պերճախոսությանը: Հնարավոր է, որ 18-րդ դարի հեղինակներին չնորհված տաղանդի չափը հավասար լինի այն գրողների տաղանդի չափին, որոնք պատկանում են 17-րդ դարին: Ինչո՞ւ, սակայն, 18-րդ դարի մեր գրականությունն ավելի ցածր է, քան դրան նախորդող դարինը. որովհետև (այդ բանը չենք կարող ծածկել այլևս) մեր դարի գրողներն ընդհանրապես չափազանց բարձր են դասված: Եթե Ռուսոյի և Վոլտերի գործերի մեջ կան շատ բաներ, որոնք վերանայման և ուղղվելու կարիք ունեն (այդ մասին կարծում եմ բոլորն ինձ հետ համաձայն են), ապա ի՞նչ պետք է ասել Ռենալի<sup>1</sup> և Դիդրոյի<sup>2</sup> երկերի մասին: Անչափ գովաբանվել է (անկասկած իրավացիորեն) մեր վերջին բնագանցագետների մեթոդը: Եվ, սակայն, պետք է նկատի առնվեր, որ գոյություն ունի երկու տեսակի հատակություն. մեկը բխում է գոեհիկ կարգի գաղափարներից (հասարակ, սովորական միտքը հստակ է բացատրվում), մյուսը առաջ է գալիս ուժեղ և բարդ մի մտածում հստակորեն հղանալու և արտահայտելու հիմնալի կարողությունից: Առվի հատակին գտնվող խիճերը դժվար չեն տեսնել, որովհետև ջուրը խորունկ չի լինում, բայց համպար, մարջան և մարգարիտներ հայտնաբերելու համար սուզակի աչքը պետք է միսրճվի անդունդի թափանցիկ ալիքների տակ գտնվող անսահման խորությունների մեջ:

Արդ, եթե մեր գրական դարը ցածր է Լուգովիկոս ԺԴի դարից, դրա պատճառը միայն մեր կրօնն է: Մենք արդեն ցույց ենք տվել, թե Վոլտերն ինչքան կշահեր, եթե քրիստոնյա լիներ: Նա այսօր կմըցակցեր Ռասինի հետ՝ տիրանալու համար մուսաների հաղթության պսակին: Նրա

գրվածքները կստանային այն բարոյական երանդը, առանց որի ոչինչ կատարյալ չէ: Դրանց մեջ տեղ կգտնեին նաև հին ժամանակների այն հիշատակները, որոնց բացակայությունը այնքան մեծ դատարկություն է կազմում այնտեղ: Ով ուրանում է իր երկրի Աստծուն, նման է այն մարդուն, որը հարգանք չունի իր հայրերի հիշատակի հանդեպ: Գերեզմանները անհետաքրքիր բաներ են նրա համար, նրա նախնիների հաստատած կանոնները, ավանդույթները նրան թվում են սոսկ բարբարոսական սովորություններ, նա ոչ մի հաճույք չի զգում վերհիշելով իր մոր ասացվածքները, նրա իմաստությունը, ճաշակը, հակումները:

Ճշմարիտ է, սակայն, որ մարդու հանճարի մեծ մասը բաղկացած է այդ կարգի հիշողություններից: Ամենագեղեցիկ բաները, որ մի հեղինակ կարող է դնել իր գրքում, նրա երիտասարդության առաջին օրերից եկող այն զգացումներն են, որոնք հիշողությամբ վերհայտնվում են նրա մեջ: Վոլտերը շատ է մեղանչել այս պարտադիր (և սակայն այնքան քաղցր) կանոնների դեմ, մի մարդ, որ տևապես ծաղրել է իր նախնիների բարքերն ու սովորությունները: Ինչպես կարող է պատահել, որ այն, ինչ հմայում է ուրիշ մարդկանց, լինի ճիշտ այն բանը, ինչ զզվանք է պատճառում անհավատին:

Կրոնը ամենահզոր շարժիչ ուժն է հայրենասիրության: Բարեպաշտ գրողները այս ազնիվ զգացումը միշտ լայնորեն դրսեորել են իրենց գրվածքներում: Ինչպիսի՛ բարձր գնահատանքով են խոսում 17-րդ դարի մեր գրողները Ֆրանսիայի մասին: Վա՛յ նրան, ով նախատում է իր երկիրը. հայրենիքն ինչքան էլ ապերախտ լինի մեր նկատմամբ, մենք չդադարենք այն սիրելուց: Թող մեր սիրտն ավելի մեծ լինի, քան նրա անարդարությունները:

Եթե հավատացյալ մարդը սիրում է իր հայրենիքը, նշանակում է, որ նրա հոգին պարզ է, և այն բնական զգա-

ցումները, որ նրան կապում են իր նախնիների դաշտերին ու լեռներին, նույնքան պարզ են, որքան նրա սրտի խորքը և նրա սովորությունները: Նա իր ձեռքը տալիս է իր հայրերին և իր գավակներին. նա տնկված է հայրենի հողի մեջ՝ նման այն կաղնուն, որ իր ներքեռմ զգում է հողի մեջ միսրճված իր հին արմատները, իսկ իր գագաթին՝ նորածին բողբոջներ, որոնք ձգտում են դեպի երկինք:

Ուստի մեկն է 18-րդ դարի այն գրողներից, որի ոճը մենից ավելի գրավիչ է, որովհետև այս մարդը, որ շինծու տարօրինակություններ ուներ, գոնե իր համար ստեղծել էր կրոնի պես ինչ-որ բան: Նա հավատում էր մի բանի, որ Քրիստոսը չէր, բայց Ավետարանն էր: Քրիստոնեության այս ուրվականը, ինչպիսին որ կա, երբեմն նրա հանճարին տվել է մեծ շնորհ և վայելչություն: Նա, որ այնպիսի ուժով ծառացել է սովեստների դեմ, ավելի լավ բան արած չէ՞ր լինի, եթե իրեն հանձներ իր հոգու քնչությանը, փոխանակ նրանց նման մոլորվելու փիլիսոփայական այնպիսի դրույթների մեջ, որոնցով նա նորոգեց միայն հին սխալները:

Բյուֆոնին<sup>3</sup> ոչինչ չէր պակասի, եթե ունենար նույնքան զգայնություն, որքան պերճախոսություն: Առանց կրոնի չկա զգայնություն. սա անսովոր մի դիտողություն է, որը մենք տեղին ենք համարել անել ամեն ըոպե, կրկնում ենք առանց ձանձրանալու, բայց չենք կարողանում մեր ժամանակակիցներին համոզել, որ դա ճիշտ է: Բյուֆոնը մեզ զարմացնում է իր ոճով, բայց հազվադեպորեն է հուզում: Կարդացե՞ք նրա սքանչելի մեկ գրվածքը շան մասին. բոլոր տեսակի շներն այդտեղ են՝ որսորդական շունը, հովվական շունը, վայրի շունը, ազնվացեղ շունը, փոքր, երիտասարդ շունը և այլն: Ո՞րն է պակասում դրանց մեջ. կույր մարդուն առաջնորդող շունը: Ամենից առաջ հենց դրա մասին կհիշեր քրիստոնյա գրողը:

Զգացական հարաբերություններն ընդհանրապես վրիպել են Բյուֆոնի ուշադրությունից։ Այսուհանդերձ արդար պետք է լինենք բնության այս մեծ նկարչի հանդեպ։ Նրա ոճը փայլում է հազվագյուտ կատարելությամբ։ Լավագույնս պահպանելու համար պատշաճությունները, չինելու համար ո՛չ չափազանց բարձր և ո՛չ չափազանց ցածր, մարդի ի՞նքը պետք է ունենա չափի մեծ զգացում ինչպես իր մտքի, այնպես էլ վերաբերմունքի մեջ։ Գիտենք, որ Բյուֆոնը հարգում էր այն ամենը, ինչ հարկավոր է հարգել։ Նա չէր հավատում, որ փիլիսոփայության նպատակն է հրապարակավ անհավատություն քարոզել, նախատել քսանչորս միլիոն մարդկանց<sup>\*</sup> կրօնը։ Նա օրինապահ էր քրիստոնյայի իր պարտականությունների մեջ և իր ծառաներին էլ օրինակ էր հանդիսանում։ Ոուսոն, կապված լինելով քրիստոնեության խորքին և մերժելով քրիստոնեական պաշտամունքի ձևերը, իր գրվածքներում դրսեղորում է կրօնական զգացմունք, բայց սովեստի վատ տոնով։ Դրան հակառակ, Բյուֆոնն ունի փիլիսոփայական չորություն՝ կրօնական պատշաճություններով։ Քրիստոնեությունը առաջինի ոճի մեջ դրել է թովչանք, անբռնագրոսություն և սեր, իսկ երկրորդի ոճի մեջ՝ կարգավորություն, պայծառություն և շքեղություն։ Այսպիսով, այս հռչակավոր մարդկանց ստեղծագործությունները, իրենց լավ և վատ կողմերով, կրում են դրոշմն այն բանի, ինչ մերժել են կրօնից։

Մոնտեսկյոյի<sup>4</sup> անունը տալիս՝ մենք հիշում ենք 18-րդ դարի իսկական մեծ մարդուն։ «Օրենքների ոգին» և «Նկատողություններ հռոմեացիների մեծության և նրանց անկման պատճառների մասին» երկերը կապրեն այնքան երկար, որքան այն լեզուն, որով գրանք գրվել են։ Եթե

---

\* Հեղինակի ակնարկությունը ֆրանսիացի ժողովրդի նախին է, որն այդ բվականին բարկացած էր քանչորս միլիոն մարդուց (Ժաք. քարզմ.)։

*Մոնտեսկյոն երիտասարդական շրջանի իր մի գրվածքի մեջ մեր բարքերի դեմ ուղղված իր խայթող սլաքներից մի քանիսն էլ կրոնի դեմ արձակեց, դա ժամանակավոր, անցողիկ սխալ եղավ միայն, մի տեսակ հարկ, որ նա վճարեց Խնամակալության ժամանակաշրջանի ապականված բարքերին: Բայց իր այն գրքով, որը նրան դասեց համբավավոր մարդկանց շարքում, նա հիանալիորեն ուղղեց իր սխալները՝ գովաբանելով այն կրոնը, որի վրա հարձակվելու անխոհեմությունն էր ունեցել: Տարիների ընթացքում իր ձեռք բերած հասունությունը և իր փառքի նկատմամբ ունեցած շահագրգությունը հասկացնել տվեցին նրան, որ մնայուն մի հուշարձան բարձրացնելու համար հարկավոր է նրա հիմքերը հաստատել այնպիսի հողի մեջ, որը նվազ շարժուն լինի, քան այս աշխարհի փոշին: Նրա հանճարը, որն ընդգրկում էր բոլոր ժամանակները, հենվեց այն միակ կրոնի վրա, որին խոստացված են բոլոր ժամանակները:*

*Մեր ժամանակաշրջանում, չհաշված մի քանի բացառություններ, տեղի է ունեցել տաղանդների մի տեսակ վիժում: Կարելի է նույնիսկ ասել, որ անկրոնությունը, որն ամեն ինչ ամլացնում է, դրսեռքվում է նաև մարդու ֆիզիկական կառուցվածքի աղքատացումով: Մի հայացք գցեք այն սերունդների վրա, որոնք հաջորդեցին Լուղովիկոս ԺԴի ժամանակաշրջանին: Ու՞ր են խաղաղ և վեհաշուք դեմքով, ազնվական քայլվածքով, վայելուչ զգեստներով, բարեկիրթ և մաքուր խոսվածքով, դասական տեսքով, տիրական կեցվածքով, արվեստներով ներշնչված այն մարդիկ: Փնտրում ենք նրանց և այլևս չենք գտնում: Աֆրիկյան թզուկների նման փոքրիկ անծանոթ մարդիկ այժմ ման են գալիս մի այլ դարաշրջանում կառուցված կամարակապ բարձր ճեմասրահների տակ: Նրանց պինդ ճակատների վրա դրոշմված է եսասիրությունը և արհամարհանքն Աստծու հանդեպ: Նրանք կորցրել են թե՛ հագվածքի վա-*

*յելչությունը և թե՛ խոսվածքի մաքրությունը։ Նրանք ասես լինեն ոչ թե զավակները, այլ խեղկատակներն այն մեծ ցեղի, որ նախորդել է նրանց։*

*Նոր դպրոցի աշակերտներն աղարտում են երևակայությունը չգիտես ինչպիսի մի ճշմարտությամբ, որ իրական ճշմարտությունը չէ։ Այս մարդկանց ոճը չոր է, արտահայտչածեր՝ ոչ անկեղծ, երևակայությունը՝ առանց սիրո և առանց հրայրքի։ Նրանք չունեն ոչ մի չնորհալիություն, ոչ մի բնականություն, ոչ մի պարզություն։ Նրանց գրվածքներում չես զգում լիարժեք, միտք սնուցող ինչ-որ բան։ Այնտեղ չկա անհունություն, որովհետև չկա աստվածայինը։ Փոխանակ քրիստոնեական հոգեպարար կրոնին՝ այն ներդաշնակ գործիքին, որ 17-րդ դարի հեղինակներն օգտագործում էին գտնելու համար իրենց պերճախոսությանը հարազատ տոնը, ժամանակակից գրողները դավանում են սահմանափակ մի փիլիսոփայություն, որ բաժանում է ամեն ինչ, կարկինով է չափում զգացումները, հոգին ենթարկում է հաշվարկի և տիեզերքը, ներառյալ նաև Աստված, վերածում անէության վաղանցուկ մասնիկի։ 18-րդ դարը, ապագայի հեռանկարի վրա, ամեն օր նվազում փոքրանում է, մինչդեռ 17-րդ դարը, թվում է, բարձրանում է՝ ինչքան մենք հեռանում ենք նրանից. մեկը կըում իջնում է, մյուսը՝ բարձրանում երկինք։ Իզուր են ճգնում նսեմացնել Բոսյուեի և Ռասինի հանճարը, նրանք կունենան ճակատագիրը Հոմերոս կոչվող այն մեծ դեմքի, որը մենք տեսնում ենք դարերի հեռվից. այդ դեմքը երբեմն խավարում է կործանվող մի դարի հարուցած փոշով, բայց հենց որ փարատվում է փոշին, վերհայտնվում է նույն վեհաշուք դեմքը առավել մեծացած՝ իշխելու համար նոր փլատակների վրա։*

## ՀՈՒՅԱՐՁԱՆՆԵՐԻ ԱՎԵՐԱԿՆԵՐԻ ՄԱՍԻՆ

Հուշարձանների ավերակները մեր հոգում արթնացնում են վեհագույն հիշողություններ, իսկ արվեստագետների համար դրանք հանդիսանում են աղբյուր հուզիչ ստեղծագործությունների: Փորձենք նվիրել մի քանի էջ ննջեցյալների բանաստեղծական այս աշխարհին:

Բոլոր մարդիկ գաղտնի մի մղում են զգում ավերակների հանդեպ: Այդ զգացումը առաջ է գալիս մեր մարդկային բնության անկայունությունից, այն գաղտնի նմանությունից, որ որ կա այդ կործանված հուշարձանների և մեր վաղանցուկ գոյության միջև: Բացի այդ, դրան միանում է նաև մեր տկար անձերը մխիթարող այն միտքը, որ ամբողջ ժողովուրդներ, երեխն նույնիսկ այնքան անվանի և հզոր մարդիկ, այնուամենայնիվ, չեն կարողացել ապրել մեր անշուք կյանքի համար սահմանված սակավ օրերից անդին: Այսպես, ուրեմն, բնության զանազան վայրերում գտնվող ավերակները բարոյական մեծ խորհրդածության առիթ են տալիս մարդկանց: Երբ դրանք տեղադրված են բնության որևէ անկյունում, մարդ իզուր փորձում է իր աչքերն ուղղել այլ տեղ. նրա հայացքը միշտ գալիս կանգ է առնում դրանց վրա: Իսկ ինչո՞ւ մարդկանց ձեռքի գործերն անցավոր չպիտի լինեին, երբ դրանք լուսավորող արել ինքն անդամ մի օր պիտի ընկնի իր կամարից: Նա, ով այդ արել տեղադրեց երկնքում, այն միակ գերագույն էությունն է, որի թագավորությունը բնավ չի ճանաչում ավերակներ:

Կան երկու տեսակի ավերակներ. մեկը ժամանակի կատարած գործն է, մյուսը՝ մարդկանց ձեռքի գործը: Առաջինները աչքի համար տհաճ ոչինչ չունեն, որովհետև բնությունը տարիների հետ աշխատում ու կատարում է իր

**գործը:** Ուր որ տարիները փլատակներ են առաջացնում, բնությունն այնտեղ ծաղիկներ է ցանում, ուր որ տարիները մի գերեզման են բաց անում, բնությունն այնտեղ տեղադրում է աղավնու մի բույն։ Անընդհատ զբաղված լինելով վերարտադրելով՝ բնությունը մահը շրջապատում է կյանքի ամենաքաղցր պատրանքներով։

Երկրորդ տեսակի ավերակներն ավելի չուտ քանդումներ են, քան ավերակներ. դրանք ներկայացնում են անդարմանելի ոչնչության պատկերը։ Լինելով ոչ թե տարիների, այլ գժբախտության, չարիքի գործը, դրանք նման են երիտասարդների անժամանակ սպիտակած մազերին։ Մարդկանց ձեռքով կատարված ավերումներն ավելի սոսկալի, ավելի ամբողջական են լինում, քան դարերի կատարած ավերումները. Երկրորդները կամաց-կամաց են կրծում քայքայում, առաջնները՝ միանգամբ տապալում-կործանում։ Երբ Աստված, մեզ անհայտ պատճառներով, ուզում է փութացնել աշխարհի կործանումը, հրամայում է, որ ժամանակը իր գերանդին տա մարդու ձեռքը, և ժամանակը սարսափով է տեսնում, որ մարդը մի ակնթարթում քարուքանդ է անում այն, ինչ ինքը դարեր պիտի տրամադրեր ավերելու համար։

Մի օր մենք զբունում էինք Լյուքսեմբուրգի պալատի հետեւում և անցնում այն մենաստանի մոտից, որի գովքն է հյուսել պրն. դը Փոնտանը<sup>1</sup>։ Այնտեղ մենք տեսանք մի եկեղեցի, որի տանիքը փլամած էր, պատուհանների արճիճները պոկված էին և դռները փակված ուղղահայաց դիրքով դրված գերաններով։ Մենաստանի մյուս շինությունների մեծ մասը գոյություն չուներ։ Մենք երկար թափառեցինք սև մարմարե գերեզմանաքարերի մեջ, որոնք այս ու այն կողմ ցրված էին գետնի վրա։ Դրանցից մի քանիսը լրիվ ջարդուփշուր էին եղած, մյուսների վրա դեռ երկում էին տապանագրերի որոշ մնացորդներ։ Մենք մտանք մենաս-

տանի բաց սյունաշարերով ներքին ճեմասարահը, որի բակում աճել էին վայրի սալորենիներ բարձր խոտերի և փլատակների կույտի մեջ։ Պատերին երեռում էին կիսով չափ ջնջված որմնանկարներ, որոնք ներկայացնում էին սուրբ Բրունոյի<sup>2</sup> կյանքը։ Արեգակնային մի ժամացույց էր մնացել եկեղեցու արտաքին եռանկյունաձև պատի վրա, իսկ ավագ խորանում խաղաղական այն մեղեդիի փոխարեն, որը մի ժամանակ բարձրանում էր ննջեցյալների պատվին, լսվում էր գերեզմանաքարեր սղոցող բանվորի գործիքի խլացուցիչ ճռնչյունը։

Այն խորհրդածությունները, որ մենք արեցինք այս վայրում, կարող է անել ամեն մարդ։ Մենք այնտեղից դուրս ելանք ճմլված սրտով և խորացանք հարեւան արվարձանի մեջ՝ առանց իմանալու, թե ուր ենք գնում։ Գիշերը մոտենում էր։ Երբ երկու նեղ պատկերի միջով մտանք մի ամայի փողոց, հանկարծ մեր ականջին հասավ մի երգեհոնի քաղցրալուր հնչյունը, և մոտակա եկեղեցու խորքից լսվեցին «Փառաբանե՛ք Տիրոջը, բոլո՛ր մարդիկ» օրհներգի բառերը։ Գոհաբանության Խորհրդի ութօրյակն էր։ Զեմ կարող նկարագրել այն հուզումը, որ մեզ պատճառեցին կրոնական այդ երգերը։ Մեզ թվաց, թե երկնքից լսում ենք մի ձայն, որ ասում էր. «Անհավա՛տ քրիստոնյա, ինչո՞ւ ես կորցնում հույսդ։ Կարծո՞ւմ ես, որ ես կփոխեմ իմ մտադրությունները մարդկանց նման, կարծո՞ւմ ես, որ ես կհրաժարվեմ դրանցից, որովհետեւ պատժում եմ։ Փոխանակ պարսավելու իմ հրամանները, ընդօրինակի՛ր այս հավատարիմ սպասավորներին, որոնք օրհնում են իմ ձեռքի հարվածները, նույնիսկ, երբ ես նրանց վերածում եմ ճգմված բեկորների»։

Մենք մտանք եկեղեցուց ներս այն պահին, երբ քահանան իր օրհնություններն էր բաշխում։ Աղքատ կանայք, ծերունիներ, երեխաներ ծնրադրել էին։ Խսկույն մենք ծնկի

իջանք գետնին նրանց մեջտեղում։ Արցունքները հոսում  
էին մեր աչքերից։ Մեր սրտի խորքից ասացինք. «Ո՞վ Տեր,  
ների՛ր մեզ, որ տրտնջացինք՝ տեսնելով քո ավերված տա-  
ճարը, ների՛ր մեր ցնցված բանականությանը»։ Մարդն  
ինքն իսկ տապալված ընկած մի շինություն է միայն, մեղ-  
քի և մահվան բեկոր. նրա սերը գաղջ է, հավատը՝ երերուն,  
գթասրտությունը՝ սահմանափակ, զգացումները՝ թերի,  
մտածումները՝ անբավարար, սիրու՝ փշրված. նրա մեջ ա-  
մեն ինչ սոսկ ավերակ է։



## Ավերակների գրավիչ գեղեցկությունը

### Ա.

Ավերակները, եթե դրանք դիտվեն որպես բնապատկեր, ավելի գրավիչ են մի գեղանկարի մեջ, քան նորակառույց ամբողջական հուշարձանը։ Այն տաճարների մեջ, որ դարերը դեռ չեն հերձատած, պատերը ծածկում են տեղանքի և արտաքին առարկաների մեկ մասը և խափանում կառույցի սյունաշարի և կամարների տեսքը։ Բայց, երբ այդ տաճարները փուլ են գալիս, և մնում են միայն առանձին բեկորներ, դրանց միջից աչքը, վերեում և հեռվում, նշմարում է աստղերը, ամպերը, լեռները, գետերն ու անտառները։ Այդ ժամանակ, տեսողական մի պատրանքով, հորիզոնը ետ է գնում, և ճեմասրահների՝ օղում կախված ուրվագծերն իրարից անջատվում են երկնքի և երկրի ֆոնի վրա։ Այս առանձին երեսույթներն անծանոթ չեն եղել հներին, որոնք կրկեսներ էին կառուցում առանց միակտոր փակ զանգվածի՝ ազատ ընթացք տալու համար հեռանկարի պատրանքներին։

Ավերակներն այնուհետև առանձնահատուկ ներդաշնակություններ ունեն իրենց միջավայրի հետ ըստ իրենց ճարտարապետական ոճի, ըստ այն վայրերի, ուր տեղադրված են, և ըստ այն բանի, թե ո՞ր միջօրեականի վրա բնության ինչպիսի՝ պայմաններում են գտնվում։

Տաք երկրներում, որոնք այնքան էլ նպաստավոր չեն խոտերի և մամուռների առաջացման համար, ավերակներն զուրկ են այն սիզատեսակներից, որոնք զարդարում են մեր դղյակներն ու աշտարակները։ Բայց նաև կան բարձր բույսեր, որոնք ներդաշնակվում են դրանց ճարտարապետական բարձր ձևերի հետ։ Պալմիրում<sup>3</sup> արմավենին կարծես ճեղքում է մարդկանց և առյուծների գլուխները, ու

բոնք պահում են «Արևի տաճարի» խոյակները։ Նարգիլակենին<sup>\*</sup> իր երկարավուն վերասլաց բունով փոխարինում է տաճարի տապալված սյունը, իսկ դեղձենին, որ հները ընծայաբերում էին Հարպոկրատեսին<sup>4</sup>, բարձրանում է լոռության այս կայանում։ Այստեղ կա նաև ծառի մի տեսակ, որի խառնիխուռն տերեները և բյուրեղանման թափանցիկ մրգերը ավերված տաճարի առկախալ բեկորների հետ գեղեցիկ, բայց տխուր մի ներդաշնակություն են կազմում։ Երբեմն ուղտերի մի քարավան, կանգ առնելով այս անպատճերում, բազմապատկում է շրջավայրի տպավորիչ գեղեցկությունը։ Արևելյան գունագեղ հագուստները ներդաշնակվում են այս ավերակների վեհության հետ, իսկ ուղտերն, ասես, առավել զգալի են դարձնում այդ վեհությունը, երբ, պառկելով այս ու այն կողմ տարտղնված բեկորների մեջ, ցույց են տալիս միայն իրենց ճաղատ գլուխներն ու կուզիկ կռնակները։

Ավերակներն իրենց բնույթը փոխում են եգիպտոսում։ Հաճախ, մի փոքր տարածության մեջ, դրանք ներկայացնում են բազմատեսակ ճարտարապետություն՝ արթնացնելով այլազան հիշողություններ։ Հին ոճի եգիպտական սյուները բարձրանում են կորնթական ոճի սյուների կողքին։ տոսկանական սյունակարգի մի կտոր միանում է արաբական հորինվածքով մի աշտարակի, կամ խաչնարածժողովրդի մի հուշարձան՝ հոռմեական մի հուշարձանի։ Սփինքսներ, Անուբիսներ<sup>5</sup>, բազմաթիվ կոտրված արձաններ, խորտակված կոթողներ գլորված են նեղոս գետի մեջ, թաղված՝ հողի տակ, ծածկված՝ բրնձի արտերում կամ բակլայի և առվույտի դաշտերում։ Երբեմն, գետերի վարարումների ժամանակ, այս ավերակները նմանվում են ջրերի վրա լողացող մի մեծ նավատորմիղի, իսկ, երբեմն բուրգերի կողերին քսվող ալիքաձև ամպեր բաժանում են դրանք

\* Հնդկանկույզի բարձր ծառ։

Երկու մասի: Դատարկ մի պատվանդանի վրա բարձրացած շնագայլն իր դունչը երկարում է խոյի գլխով մի Պանի կիսանդրու հետեւից. վիթը, ջայլամը, եղիպտահավը (իբիս), աֆրիկյան ճագարը ցատկուում են փլատակների մեջ, մինչև սուլթանահավը անշարժ կանգնում է ավերակի մի բեկորի վրա գրանիտե և պորփյուրե մեհենադրոշմ թռչնի նման:

Տամպեի<sup>6</sup> հովտում, *Օլիմպոսի անտառներում*, Ատտիկեի և Պելոպոնեսի ափերին սփռված են Հունաստանի ավերակները: Այստեղ արդեն սկսում են երկալ մամուռները, մագլցող բույսերն ու առապարների մեջ աճող ծաղիկները: Հասմիկի մոլորված մի դրասանդ համբուրում է արձանացած մի վեներայի՝ կարծես նրան վերադարձնելու համար նրա գոտին. սպիտակ մամուռից մի մորուք է կախված Հերեի<sup>7</sup> կղակից. խաշխաշն<sup>\*</sup> աճում է Մնեմոզինայի<sup>8</sup> գրքի թերթերի վրա, որը խորհրդանիշն է անցյալում համբավված, իսկ այժմ մոռացված այս վայրերի: Եգեականի ալիքները, որոնք գալիս խորտակվում են խարխլված կամարակապ ճեմարահների տակ, ֆիլոմելան<sup>9</sup>, Հեծեծող Ալկիոնը<sup>10</sup>, Կաղմուսը<sup>11</sup>, որն իր օղակները ոլորում է մի զոհասեղանի շուրջը, կարապը, որն իր բույնը դնում է ինչ-որ Լեդայի<sup>12</sup> գրկում, հազարավոր դեպքեր, որոնք, թվում է, առաջացել են երեք Շնորհների կողմից, կախարդանք են հաղորդում այս բանաստեղծական բեկորներին: Ասես աստվածային մի շունչ տակավին կենդանացնում է Ապոլոնի և մուսաների տաճարների փոշին: Ծովի ջրերով ողողված ամբողջ բնանկարը նման է Ապելեսի<sup>13</sup> մի նկարի՝ նվիրված Նեպտունին<sup>14</sup> և կախված նրա ափերին:

---

\* Բոլորակածն, մուգ կարմիր վայրի կակաչ:

## Քրիստոնեական հուշարձանների ավերակները

### Բ

Քրիստոնեական հուշարձանների ավերակները չունեն այն վայելչագեղությունը, որ հատուկ է Հռոմի և Հունաստանի հուշարձանների ավերակներին: Բայց, այլ տեսանկյուններից դիտած, դրանք կարող են համեմատվել: Ամենագեղեցիկները, որ ծանոթ են այս տեսակի մեջ, այն ավերակներն են, որոնք գտնվում են Անգլիայում, Քրմբեռլենդ<sup>15</sup> լճի ափին, Շոտլանդիայի լեռներում, մինչև Օրքնեյի<sup>16</sup> կղզիները: Եկեղեցու դասի երկու թևերը, լուսամուտների կամարները, դրանց քանդակագարդ մասերը, ճեմարահների մույթերը և զանգակատների անկյունավոր ճակատները գլխավորապես այն մասերն են, որոնք ամենից ավելի դիմացել են ժամանակի ավերներին:

Հունական ոճի հուշարձանների մեջ կամարներն ու ներքնակամարները զուգահեռ են երկնքի կամարին, այնպես որ ամպերի գորշ հյուսվածքի կամ մութ մի բնանկարի վրա դրանք կորչում են խորքերում: Գոթական ոճի մեջ, ընդհակառակը, հուշարձանների սուր ծայրերը հակադրություն են կազմում երկնքի կլորությունների և հորիզոնի կորությունների հետ: Գոթական ոճի հուշարձանները, բաղկացած լինելով դատարկ մասերից, հետագայում ավելի հեշտությամբ են զարդարվում խոտերով և վայրի ծաղիկներով, քան հունական ոճի հուշարձանների լեցուն մասերը: Մույթերի կրկնակի գծազարդերը, տերևաձև կտրվածքով կամ մրգի սակառիկի ձևով փորված գմբեթները դառնում են յուրատեսակ զամբյուղներ, որտեղ քամիները, փոշու հետ միասին, բերում լցնում են սերմեր: Գառնադմակը միսրճվում ու կպչում է կրաղյուսե շաղախին, մամուռները փլատակների անհավասար կույտեր են փաթաթում իրենց

առաձգական մազմզուկներով, մորմենին մի պատուհանի նեղ անցքից դուրս է հանում իր շրջանակածև թուխ ճյուղերը, իսկ բաղեղը, սողոսկելով հյուսիսային ճեմասրահի երկայնքով, իր դրասանգներն է կախում կամարներից:

Զկա մի ավերակ, որ ավելի գեղեցիկ ու տպավորիչ լինի, քան այս փլատակները: Ամպամած մի երկնքի տակ, քամիների և փոթորիկների մեջտեղում, այն ծովի ափին, որի սաստկաշունչ մրրիկներն է երգել Օսիանը<sup>17</sup>, ավերված այս կառույցների գոթական ճարտարապետությունն ունի մեծդղի և մռայլ ինչ-որ բան՝ նման Սինայի Աստծուն, որի հիշատակն է նա հավերժացնում: Նստած խորտակված մի խորանի վրա, Օրքնեյի այս կղզում, ճանապարհորդը զարմանում է այս վայրենի տիսրության վրա. կատաղի մի օվկիանոս, մառախլապատ շարժուն ավազակույտեր, լայն հովիտներ, որտեղ բարձրանում է մի շիրմաքար, հեղեղատներ, որոնք հոսում են մի ցախաստանի միջով և մի քանի կարմրավուն սոճիներ՝ անփութորեն կանգնած ձյան շերտերով ծածկված մի տիսուր զառիթափի մերկության վրա. ահա այն ամենը, ինչ պարզվում է մարդու հայացքին: Քամին պտտվում է ավերակների մեջ, և դրանց անհամար ճեղքերը դառնում են երգեհոնի փողեր, որտեղից ողբագին հեծեծանքներ են դուրս գալիս: Անցյալում երգեհոնն ուներ նվազ հառաջանքներ այս կրոնաբույր կամարների տակ: Երկարավուն խոտեր դողդողում են գմբեթների ճեղքերի մեջ: Այդ ճեղքերի հետեւում երկում են չփող ամպի մի ծվեն և թւածող հյուսիսային մի թուչուն: Երբեմն ճանապարհը կորցրած մի նավ, ծածկված իր ուռած առագաստների տակ ինչպես ջրերի մի ոգի, որ քողարկված է իր թևերի մեջ, ակոսում է ամայի ալիքները: Հյուսիսային սաստկաշունչ հողմի ազդեցության տակ նա կարծես ամեն քայլափոխի ծնրադրում և ողջույն է տալիս ծովերին, որոնք թրջում են Աստծու ավերված տաճարի բեկորները:

Այս անծանոթ ավերից են անցել այն մարդիկ, որոնք պաշտում էին Խմաստությունը, որը ման էր եկել այս ալիքների վրա: Երբեմն, հանդիսավոր օրերին, նրանք առաջանում էին ծովեղերքի երկայնքով՝ Սաղմոսերգուի հետ երգելով. «Որքա՞ն ընդարձակ է այս ծովը, որն իր լայնատարած թևերը երկարում է հեռվում»: Երբեմն էլ, նստած Ձինդալի<sup>18</sup> քարայրում, օվկիանոսի մոտ, նրանք կարծես լսում էին այն ձայնը, որ ասում էր Հոքին. «Գիտե՞ս, թե ով է փակել ծովն ամբարտակներով, երբ այն հորդում էր՝ դուրս գալով իր մոր որովայնից» (Հոք, 38, 8): Գիշերը, երբ ձմեռային փոթորիկներն իջնում էին, երբ վանքն անհետանում էր պտուտահողմերի մեջ, խաղաղ վանականները, քաշված իրենց խցիկները, քնում էին փոթորիկների մոնչյունի տակ՝ երջանիկ, որ պատսպարզել են Տիրոջ այս նավի մեջ, որը երբեք չի խորտակվելու:

Ով սրբազն բեկորներ քըիստոնեական հուշարձանների, ինչպես ուրիշ շատ ավերակներ, դուք բնավ չեք հիշեցնում արյուն, անարդարություններ, բռնություններ: Դուք պատմում եք միայն խաղաղ պատմությունների կամ, ամենաշատը, Աստվածորդու խորհրդավոր տառապանքների մասին: Իսկ դուք, սուրբ ճգնավորներ, դուք, որ ավելի հանգիստ, ավելի բախտավոր մենաստաններ գտնելու համար աքսորել էիք ձեզ մինչև բևեռային սառույցները, այժմ վայելում եք ձեր զոհողությունների պտուղը: Եթե հրեշտակների մոտ էլ, ինչպես մարդկանց մոտ, կան բնակեցված գյուղեր և ամայի վայրեր, դուք, ինչպես որ ձեր առաքինությունները ծածկեցիք երկրային մենաստանների մեջ, այնպես էլ, անկասկած, կընտրեիք երկնային մենաստանները՝ այնտեղ թաքցնելու համար ձեր երջանկությունը:

## ԲԱՐՈՅԱԿԱՆ ՆԵՐԴԱՅՆԱԿՈՒԹՅՈՒՆՆԵՐ ԵՎ ԺՈՂՈՎՐԴԱԿԱՆ ԶԵՐՄԵՇՄԱՆԴՈՒԹՅՈՒՆ

Մենք բաժանվում ենք կրոնական հուշարձանների և բնության տեսարանների ֆիզիկական ներդաշնակություններից՝ մուտք գործելու համար քրիստոնեության բարոյական ներդաշնակությունների մեջ։ Այդ ներդաշնակությունների առաջին շարքում պետք է դասել ժողովրդական ջերմեռանդությունը, որը կայանում է որոշ հավատալիքների և ժողովրդի կողմից գործադրվող որոշ ծեսերի մեջ։ Այդ հավատալիքները և այն ծեսերը, որ գործադրում են մարդիկ առանց անպայման լինելու ո՞չ եկեղեցու պաշտպաններ և ո՞չ էլ նրա կողմից բացարձակապես մերժված անձինք, իրապես կրոնի և բնության ներդաշնակություններ են միայն։ Երբ ժողովուրդը կարծում է, թե լսում է մեռելների ձայնը քամիների միջից, երբ նա խոսում է գիշերային ուրվականների մասին կամ երբ ուխտագնացության է մեկնում իր ցավերն ամոքելու համար, այդ հավատալիքները սոսկ հուզիչ հարաբերություններ են բնական որոշ երկույթների, որոշ անխախտ համոզումների և մեր սրտի թշվառության միջև։ Դրանից հետեւում է, որ ինչքան մի դաշտանանք կամ մի կրոն հարուստ է այդպիսի կրոնական ջերմեռանդությամբ, այնքան նա բանաստեղծական է, քանի որ բանաստեղծությունը հիմնվում է հոգու շարժումների և բնության երկույթների վրա, որոնք առավել խորհրդավոր են դառնում կրոնական գաղափարների միջամտությամբ։

Կարեկցանքի արժանի կհամարվեինք մենք, եթե, ուզենալով ամեն ինչ ենթարկել բանականության կանոններին, խստորեն դատապարտեինք այդ հավատալիքները, որոնք օգնում են ժողովրդին տանելու կյանքի ցավերը և, որոնք

ուսուցանում են այնպիսի մի բարոյականություն, որ ամենալավ օրենքները երբեք չեն սովորեցնի նրան։ Ինչ էլ որ ասեն, լավ է, գեղեցիկ է, որ մեր բոլոր գործերը լեցուն լինեն Աստուծով, և մենք անընդհատ շրջապատված լինենք նրա հրաշքներով։

Ժողովուրդը շատ ավելի իմաստուն է, քան փիլիսոփաները։ Ամեն աղբյուր, ճանապարհի վրա գտնվող ամեն խաչ, գիշերային քամու ամեն հառաչ իր հետ բերում է զարմանահրաշ մի բան։ Հավատացյալ մարդու համար բնությունը մշտական մի հրաշալիք է։ Եթե նա կարիք ունի վերստին տեսնելու իր մեկ ազգականին կամ բարեկամին, ապա ուխտ է անում, վերցնում է ուխտավորի իր ցուպը, կտրում-անցնում Ալպյան կամ Պիրենյան լեռները, այցելում Աստվածամոր կամ սուրբ Հակոբոս առաքյալի<sup>1</sup> եկեղեցին Գալիցիայում<sup>2</sup> և աղոթում սրբին, որ վերադարձնի իրեն իր որդին (գուցե ծովերի վրա թափառող մի խեղճ նավաստի), երկունքի ցավերից ազատի իր կնոջը և երկարի իր հոր կյանքի օրերը։ Նրա սիրտը թեթևանում է։ Նա մեկնում է վերադառնալու համար իր խրճիթը։ Բեռնավորված ծովային խեցիներով՝ նա իր հետ բերած մեծ շեփորի ձայնով լցնում է շրջակա գյուղերն ու ավանները և ժողովրդական միամիտ ու տխուր մի երգով գովաբանում Աստվածամոր բարությունը։ Ամեն մարդ ուզում է ունենալ ուխտավորին պատկանող ինչ-որ բան։ Որքա՛ն ցավեր, որոնք բուժել են սրբագործված մի կտոր ժապավենով։ Ուխտավորը ժամանում է իր գյուղը։ Առաջին անձը, որ ընդառաջ է գնում նրան, ծննդաբերությունից նոր վեր կացած իր կինն է կամ իր վերադարձած որդին, իր երիտասարդացած հայրը։

Երջանիկ են, երիցս երջանիկ են նրանք, ովքեր հավատում են։ Նրանք ժպտում են, որովհետեւ հավատում են, որ մի՛շտ պիտի ժպտան. լաց են լինում, որովհետեւ մտածում

են, որ իրենց արցունքները շուտով վերջ պիտի գտնեն։ Այդ արցունքները չեն կորչում բնավ. կրոնը դրանք վերցնում դնում է իր սափորի մեջ և ներկայացնում Աստծուն։

Ճշմարիտ հավատացյալի քայլերը երբեք առանձին չեն լինում. մի բարի հրեշտակ միշտ հսկում է նրա կողքին, խորհուրդներ է տալիս նրա երազների մեջ և պաշտպանում չար հրեշտակի դեմ։ Երկնքում բնակվող այս բարեկամն այնքան նվիրված է նրան, որ համաձայն է նրա համար նույնիսկ աքսորվել երկրի վրա։

Հների մոտ ոչինչ այնքան հիացման արժանի չէր, որքան այն բազում սքանչելի սովորությունները, որոնք անցյալում գործ էին ածվում կրոնի մեջ։ Եթե նրանք անտառի մի անկյունում հանդիպում էին սպանված մի մարդու մարմնին, մի խաչ էին տնկում այնտեղ ի նշան ողորմության։ Այդ խաչը բարի սամարացուց<sup>3</sup> խնդրում էր մի կաթիլ արցունք այդ դժբախտ մարդու համար, իսկ քաղաքի հավատացյալ բնակչից՝ մի բերան աղոթք իր եղբոր համար։ Եվ հետո, գուցե այդ ճանապարհորդը մի օտարական էր, որ ընկել էր իր երկրից հեռու, ինչպես այն հռչակավոր Անծանոթը, որ զոհվեց մարդկանց ձեռքով՝ հեռու իր երկնային հայրենիքից։ Ինչպիսի՝ հարաբերություն Աստծու և մեր միջև, ինչպիսի՝ վեհություն է հաղորդում դա մարդկային բնությանը, ինչպիսի՝ զարմանալի համարձակություն, որ փորձում է նմանություններ գտնել մեր մահկանացու օրերի և աշխարհի Տիրոջ հավերժական գոյության միջև։

Մենք չենք խոսելու հնագարյան զվարժալի խաղերին փոխարինող այն հոբելյանական տարիների<sup>4</sup> մասին, որոնք քրիստոնյաներին ընկղմում են զղջումի ավազանի մեջ, նորոգում խղճմտանքը և մեղավորներին հրավիրում կրոնական հավաքական թողության. ոչ էլ ասելու ենք, թե ինչպես համընդհանուր աղետների ժամանակ մեծերն ու փոք-

ըերը ոտաբռբիկ գնում էին եկեղեցուց եկեղեցի՝ մեղմացնելու համար Աստծու ցասումը։ Հոգեոր հովիվը, պարանը վզին, քայլում էր նրանց առջեկից, որպես անձնուրաց խոնարհ զոհ իր հոտի փրկության համար։

Բայց ժողովուրդը վախ չէր զգում բնավ այդ աղետներից, քանի որ իր հարկի տակ ուներ եքենոսե փայտից պատրաստված Քրիստոսի խաչելությունը, օրհնված դափնին կամ ընտանիքի հովանավոր սրբի պատկերը։ Քանի՛-քանի՛ անգամ նրանք ծնրադրել են այդ մասունքների առաջ՝ խնդրելու համար այն օգնությունը, որ չէին ստացել մարդկանցից։

Ո՞վ չի ճանաչում Անտառների Աստվածամոր՝ հին փշենու բնում կամ աղբյուրի մամուակալած խոռոչում ապրող այդ բնակչուհուն։ Իր գործած հրաշքներով նա մեծ անուն ունի այս ավանում։ Բազմաթիվ մեծահասակ կանայք կասեն ձեզ, որ իրենց երկունքի ցավերն այնպես սաստիկ չեն եղել, օգնություն են աղերսել Անտառների բարի Աստվածամորից։ Այն աղջիկները, որոնք կորցրել են իրենց նշանածներին, հաճախ, լուսնի լույսի տակ, տեսել են այդ երիտասարդների հոգիները այս մենավոր վայրերում։ Նրանք ճանաչել են նրանց ձայնը աղբյուրի հառաչանքի մեջ։ Աղավնիները, որոնք խմում են այդ աղբյուրի ջրից, միշտ ձվեր են ունենում իրենց բնի մեջ, և այն ծաղիկները, որոնք աճում են նրա եղերքներին, միշտ բողբոջներ են ունենում իրենց ցողունների վրա։ Շատ բնական է, որ անտառների Սրբուհին կատարեր այդպիսի հրաշքներ, որոնք սիրում են, ինչպես այն մամուռները, որոնց մեջ բնակվում է նա, և հրապուրիչ, ինչպես այն ջրերը, որոնք ծածկում են նրան։

Կյանքի մեծ իրադարձությունների ժամանակ է, որ կրոնական սովորությունները միսիթարություն են տալիս դժբախտներին։ Մի անգամ մենք ականատես եղանք նավաբեկության ենթարկված մարդկանց։ Հասնելով ծովե-

զերք, նրանք հանեցին իրենց հագուստները՝ իրենց վրա պահելով միայն իրենց թրջված տաբատներն ու շապիկները։ Փոթորկի ժամանակ նրանք ուխտ էին արել Աստվածամորը։ Թափոր կազմելով՝ նրանք ուղղվեցին դեպի մի փոքրիկ մատուռ, որ նվիրված էր սուրբ Թովմաս առաքյալին<sup>5</sup>։ Նրանց առջևից գնում էր նավապետը, իսկ ժողովուրդը հետեւում էր նրանց՝ երգելով «Ողջու՛յն ծովի աստղին»։ Քահանան մատուցեց նավարեկյալներին նվիրված պատարագը, և նավաստիները ծովի ջրով թրջված իրենց հագուստները, որպես էքսվոտոռ\*, կախեցին մատուռի պատերից։ Փիլիսոփայությունը կարող է հոյակապ խոսքերով լցնել իր էջերը, բայց կասկածում ենք, որ դժբախտացած խեղճ մարդիկ երբեկցն գան իրենց հագուստները կախելու նրա տաճարից։

**Մահը,** որ բանաստեղծական է (որովհետև վերաբերում է անմահ բաներին) և այնքան խորհրդավոր իր լոռության պատճառով, բնականաբար, պիտի ունենար հազար ու մի ձևեր՝ հայտնվելու ժողովրդին։ Մարդու վախճանը մերժ կանխատեսվում էր ինքն իրեն հնչող զանգի զողանջներով, մերթ այն մարդը, որ պիտի մեռներ, լսում էր, որ երեք հարված են խփում իր սենյակի տախտակամածին։ Սուրբ Բենեդիկտոսի<sup>6</sup> մի կրօնավորուչի, որ մոտ էր հրաժեշտ տալու այս աշխարհին, տեսնում էր, որ մի սպիտակ փշե պսակ է դրված իր խուցի սեմին։ Երբ մի մայր իր որդուն կորցնում էր հեռավոր մի երկրում, հենց նույն պահին նա այդ իմանում էր իր երազի մեջ։ Նրանք, ովքեր ժխտում են նախազգացումները, երբեք չեն ճանաչելու այն գաղտնի ճանապարհները, որտեղով միմյանց սիրող երկու սրտեր հաղորդակցվում են իրար հետ աշխարհի մեկ ծայրից մյուսը։ Հաճախ սիրելի մի ննջեցյալ, դուրս գալով իր գերեզմանից,

---

\* ՈՒխտով եկեղեցուն նվիրված մի պատկեր կամ փորագրված մի ցուցանակ, որ կախում են եկեղեցու պատից (Ճճք. քարզմ.)։

ներկայանում էր իր բարեկամին և հանձնարարում նրան աղոթքներ ասել՝ վրկելու համար իրեն դժոխքի բոցերից և առաջնորդելու ընտրյալների երանությանը։ Այսպես, ուրեմն, կրոնը բարեկամությունը բաժնեկից էր դարձրել հավիտենական երջանկություն տվող այն գեղեցիկ մենաշնորհին, որ Աստծուն է պատկանում։

Տարբեր տեսակի, բայց միշտ կրոնական բնույթ ունեցող գաղափարներ ներշնչել են մարդկությանը. դրանք երբեմն այնքան միամիտ են լինում, որ շփոթեցնում են գրողին։ Զեռք տալ ծիծեռնակի բնին, սպանել մի կարկրալանջ, մի թագվորակ<sup>\*</sup>, մի ծղրիդ, որ գյուղացու օջախի հյուրն է, կամ ծերացած թույլ ու անզոր մի շուն, որ երկար տարիներ ծառայել է ընտանիքին, համարվում էր մի տեսակ սրբապղծություն, որ անպայման, ասում էին, իր հետեւից բերում է մի դժբախտություն։

Ծերության հանդեպ ունենալով խոր հարգանք՝ մարդիկ հավատում էին, որ տարիքն առած անձանց ներկայությունը բարենշան է տան մեջ, և որ հին ծառան բախտավորություն է բերում իր տիրողը։ Այստեղ մենք տեսնում ենք ընտանեկան օջախի հովանավոր հոռմեական հին աստվածների մատուցված հուզիչ պաշտամունքի որոշ հետքեր և վերհիշում Լաբանի<sup>6</sup> աղջկանը, որն իր հետ էր տանում իր հայրական կուռքերը։ Ժողովուրդը համոզված էր, որ ոչ ոք չի կատարի մի վատ արարք առանց իրեն դատապարտելու այն բանին, որ իր կյանքի մնացած մասն անցկացնելու է ուրվականային սարսափելի տեսիլների մեջ։ Հնադարյան մարդիկ, որոնք մեզնից ավելի իմաստուն էին, զգուշանում էին քանդել կրոնի, խղճի և բարոյականության այս օդտակար ներդաշնակությունները։ Նրանք հավանաբար չէին մերժի նաև այն մյուս գաղափարը, ըստ որի ճշմարիտ էր համարվում, որ վատ ճանապարհով հաջողության հասած

\* վորքը մի բոչուն

ամեն մարդ դաշինք է կնքել չար ոգու հետ և իր հոգին կտակել դժոխվին:

Վերջապես քամիները, անձրևները, արևները, եղանակները, մշակույթները, արվեստները, ծնունդ, մանկություն, ամուսնություն, ծերություն, մահ, ամեն ինչ ունեցել է իր սրբերն ու իր պատկերները, բայց ոչ մի ժողովուրդ այնպես շրջապատված չի եղել բարեհոգի աստվածություններով, ինչպես եղել է քրիստոնյա ժողովուրդը:

Խնդիրը չի վերաբերում այս հավատալիքները մանրամասնորեն քննելուն: Կրոնը, հեռու լինելով դրանց մասին որևէ բան հրահանգելուց, ընդհակառակը, ծառայում էր այն բանին, որ դրանք չչարաշահվեին և ծայրահեղության չտարվեին: Պետք է միայն գիտենալ, թե դրանց նպատակը բարոյակա՞ն է, թե ոչ, և թե դրանք ի վիճակի՞ն արդյոք ամբոխին դեպի առաքինություն առաջնորդելու ավելի լավ, քան օրենքները: Իսկ խելքը գլխին ո՞ր մարդը կարող է կասկածել այդ մասին: Անընդհատ ճառելով նախապաշտումների գեմ՝ մարդ ի վերջո ճանապարհ է բաց անում ամեն տեսակ հանցագործությունների: Զարմանալին այն կլինի սովեստների համար, որ իրենց պատճառած բազում չարիքների մեջ, նրանք նույնիսկ գոհունակությունը չեն ունենա ժողովրդին տեսնելու ավելի անհավատ: Եթե ժողովուրդը դադարի միտքը կրոնին ենթարկելուց, նա կտարվի այլանդակ գաղափարներով: Նրան կպատի մի սարսափ, որ առավել ևս մեծ կլինի հենց նրա համար, որ նա չի իմանա դրա պատճառը: Նա վախից կդողա մի գերեզմանոցի մեջ, որտեղ փորագրված կլինի, թե՝ Մահը հավիտենական քուն է. և, ձևացնելով, թե արհամարհում է Աստծու զորությունը, կդնա մի գնչուհու մոտ՝ հարցումներ անելու նրան կամ՝ որոնելու իր բախտը խայտաբղետ խաղաքարտերի մեջ:

Մարդուն հարկավոր է հրաշալիք, ապագա, հույսեր, որովհետեւ նա զգում է, որ ինքը ստեղծված է անմահության

*Համար: Մեռելահարցությունը, կախարդությունը, մոգությունը ժողովրդի մոտ ուրիշ բան չեն, եթե ոչ բնազդական մի մղում դեպի կրօնը և ամենացայտուն ապացույցներից մեկը պաշտամունքի անհրաժեշտության: Մարդ պատրաստ է ամեն ինչի հավատալու, երբ ոչնչի չի հավատում, նա գուշակներին է մեծարում, երբ այլևս մարդարեներ չունի, կախարդությունների հետեւից է գնում, երբ հրաժարվում է կրօնական արարողություններից, և բաց է անում վհուկների որջերը, երբ փակում է Տիրոջ տաճարները:*



## ՀԻՍՈՒՄ ՔՐԻՍՏՈՍԻ ԵՎ ՆՐԱ ԿՅԱՆՔԻ ՄԱՍԻՆ

Երկրի վրա Փրկչի երևմանը նախորդող ժամանակաշրջանում ազգերն սպասում էին մի երևելի անձի գալստյանը: «Մի հին և հաստատուն կարծիք էր տարածվել Արևելքում, ասում է լատին պատմագիր Սուետոնուսը<sup>1</sup>, որ մի մարդ պիտի հայտնվեր Հուդայի երկրում և պիտի տիրանար ամբողջ կայսրությանը»: Նույն բանն է վկայում Տակիտոսը<sup>2</sup> գրեթե նույն բառերով: Ըստ այս պատմիչի՝ «Հրեաների մեծ մասը համոզված էր, որ իրենց քահանայական հին գրքերում պահպանված աստվածային մի պատգամի համաձայն, այդ ժամանակաշրջանում (Վեսպահանոս՝ կալվար ժամանակ - ծնն. հետ.) Արևելքը պիտի գորանար, և մի մարդ պիտի ելներ Հուդայի երկրից ու իր իշխանությունը տարածեր ամբողջ աշխարհում»: Հովսեփոս Ֆլավիոսը<sup>4</sup>, խոսելով Երուսաղեմի կործանման մասին, հիշատակում է, որ Հրեաները ապստամբության մղվեցին հռոմեացիների դեմ գլխավորապես մթին մի մարդարեության պատճառով, որը հայտնում էր իրենց, թե այդ ժամանակաշրջանում «մի մարդ պիտի ելներ իրենց միջից և իրեն պիտի ենթարկեր ամբողջ աշխարհը»:

Նոր կտակարանում նույնպես որոշ ակնարկություններ կան իսրայելում տարածված այդ հույսի մասին. օրինակ՝ դեպի անապատ վազող ամբոխը հարցնում է սուրբ Հովհաննես Մկրտչին, թե ի՞նքն է արդյոք երկար ժամանակ սպասված մեծ Մեսիան՝ Աստծու Օծյալը: Էմմավուսի<sup>5</sup> աշակերտները տիրությամբ են համակվում, երբ իմանում են, որ Հովհաննեսն այն մարդն չէ, որ պիտի փրկի իսրայելը: Դանիելի<sup>6</sup> յոթանասուն շաբաթները կամ Երուսաղեմի տաճարի վերակառուցման 490 տարիները լրացել էին: Վերջապես

Որոդինեսը<sup>7</sup>, հիշատակելուց հետո հրեաների այս ավանդությունները, ավելացնում է, որ «նրանց միջից մեծ թվով մարդիկ ընդունեցին Հիսուս Քրիստոսին որպես մարդարեների կողմից խոստացված ազատարարի»:

Այսուհանդերձ երկինքը պատրաստում էր մարդու Որդու ճանապարհները: Ազգերը երկար ժամանակ բաժանված լինելով իրարից իրենց բարքերով, վարչական համակարգով և լեզվով՝ ժառանգաբար պահպանել էին իրենց հին թշնամությունները միմյանց հանդեպ: Եվ, ահա, հանկարծ զենքերի աղմուկը դադարում է, և ժողովուրդները, հաշտված կամ պարտված, զանգվածորեն կորչում են հռոմեացի ժողովրդի մեջ:

Մի կողմից կրոնը և մարդկանց բարքերը հասել էին ապականության այնպիսի մի աստիճանի, որը առաջ է բերում մարդկային գործունեության բոլի փոփոխության անհրաժեշտություն, մյուս կողմից սկսում էին տարածվել միաստվածության և հոգու անմահության վարդապետությունները: Այսպիսով ճանապարհ էր բացվում ավետարանական ուսմունքի համար, որի տարածմանը պիտի ծառայեր համաշխարհային մի լեզու:

Հռոմեական այս կայսրությունը բաղկացած էր բազմաթիվ ազգերից, ոմանք՝ վայրենի, ուրիշներ՝ քաղաքակրթված, իսկ մեծ մասը՝ ծայրահեղորեն դժբախտ: Քրիստոսի պարզությունը առաջինների համար նրա բարոյական առաքինությունները երկրորդների համար, իսկ բոլորի համար նրա ողորմածությունն ու գթասրտությունը միջոցներ էին փրկության, որը վերապահված էր երկնքում: Եվ այդ միջոցներն այնքան ազդեցիկ ու արդյունավետ էին, որ Մեսիայի գալստից երկու դար հետո Տերտուղիանոսն<sup>8</sup> ասում էր Հռոմի դատավորներին. «Մենք երեկվաններն ենք, բայց մենք լցնում ենք ամեն ինչ՝ ձեր քաղաքները, ձեր կղզիները, ձեր ամրոցները, ձեր դադութները, ձեր հարկե-

րը, ձեր դասակները, ձեր խորհրդաժողովները, ձեր պալատը, ծերակույտը, փորումը, մենք ձեզ թողնում ենք միայն ձեր տաճարները»:

Բնական այս բազում նախապատրաստություններին միանում է զարմանահրաշ նշանների փայլը. ճշմարիտ պատգամախոսները, որոնք երկար ժամանակ լռել էին Երուսաղեմում, վերստին բարձրացնում են իրենց ձայնը, իսկ կեղծ մարգարեռները՝ հատուկ կանայք, լռում են. Արևելքում երևում է մի նոր աստղ, Գաբրիել հրեշտակապետն իջնում է երկնքից կույս Մարիամի մոտ, և երանելի հրեշտակների խումբը գիշեր ժամանակ երգում է երկնքի բարձունքից. «Փա՛ռք Աստծուն, խաղաղություն մարդկանց»:

Հանկարծ աղմուկ է տարածվում, որ մի Փրկիչ է ծնվել Հուդայի երկրում: Նա չի ծնվել ծիրանագույն հանդերձների մեջ, այլ՝ չքավորության օթևանում: Նրա ծնունդը չի ծանուցվել մեծերին և գոռոզամիտ անձանց, այլ հրեշտակները նրա ծննդի մասին հայտնել են խոնարհ ու պարզ հոգիներին: Նրա օրորոցի շուրջը չեն հավաքվել այս աշխարհի երջանիկները, այլ՝ աղքատ և թշվառ մարդիկ, և նրա կյանքի առաջին գործը եղել է իրեն հայտնել ավելի շուտ որպես թշվառների Աստված:

Այստեղ կանգ առնենք մի պահ և անենք հետևյալ խորհրդածությունը. դարերից ի վեր մենք տեսնում ենք, որ թագավորները, հերոսները, երևելի մարդիկ դառնում են ազգերի աստվածներ: Բայց, ահավասիկ, մի հյուսնի որդին, Հրեաստանի մի խուլ անկյունում ներկայանում է մեզ որպես վշտերի և թշվառության օրինակ: Նա հրապարակավ խոշտանգվում է և հյուծվում տանջանքների մեջ: Նա իր աշակերտներին ընտրում է հասարակության ամենախոնարհ խավերից. քարոզում է միայն զոհողություն, հրաժարում աշխարհի շքեղություններից, հաճույքներից, իշխա-

նությունից. նախընտրում է ստրուկը՝ տիրոջից, աղքատը, հարուստից, բորոտը՝ առողջ մարդուց. ով ողբում է, ով վերքերով է պատած, ով լքված է աշխարհից ու մարդկությունից, արժանանում է նրա սիրուն ու կարեկցանքին. իշխանությունը, հարստությունն ու անհագ երջանկությունը, ընդհակառակը, ենթակա են նրա սպառնալիքներին: Նա տապալում է բարոյականի ընդհանրացած հասկացությունները, հաստատում նոր հարաբերություններ մարդկանց միջև, մարդկային նոր իրավունք, հասարակական նոր հավատ: Այսպիսով նա վեր է հանում իր աստվածությունը, նշավակում կեսարների կրոնը, նստում նրանց գահի վրա և նվաճում երկիրը: Օ՛, ո՛չ, եթե ամբողջ աշխարհի ձայնը բարձրանար Հիսուս Քրիստոսի դեմ, եթե բոլոր փիլիսոփայական գիտությունները ի մի գային ընդդեմ նրա ուսմունքի, երբեք մեզ չէին կարողանա համոզել, որ նման հիմքի վրա խարսխված մի կրոն մարդու կողմից ստեղծված կրոն է: Նա, ով կարողացավ պաշտել տալ խաչը, ով մարդկանց առաջարկեց, որ տառապող մարդկությունը, հալածված առաքինությունը լինեն պաշտամունքի առարկա, այդպիսի մեկը, երդվում եմ, կարող էր միայն Աստված լինել:

Հիսուս Քրիստոս երեաց մարդկանց մեջ՝ լի չնորհով և ճշմարտությամբ: Նրա խոսքի զորությունն ու քաղցրությունը հմայում հափշտակում էին նրանց: Նա եկավ լինելու մահկանացուների մեջ ամենաղմբախտը: Նրա բոլոր զարմանահրաշ գործերը թշվառների համար էին: «Նրա հրաշքները, ~ ասում է Բոսյուեն<sup>9</sup>, ~ բխում էին ավելի շուտ նրա բարությունից, քան նրա զորությունից»: Իր պատգամներն ուսուցանելու համար նա ընտրեց բարոյախրատական խոսքը կամ առակը, որը հեշտությամբ էր դրոշմվում ժողովրդի մտքի մեջ: Նա իր դասերը տալիս էր դաշտերում և գյուղերում շրջելիս: Տեսնելով դաշտային ծաղիկներ՝ հորդորում էր իր աշակերտներին, որ հույս ունե-

նա նախախնամող Աստծու վրա, որը վեր է պահում տկար բույսերը և կերակրում փոքրիկ թռչուններին։ Նշմարելով ծառերի վրայի մրգերը՝ նա ուսուցանում էր դատել մարդուն ըստ իր գործերի։ Երբ նրա մոտ մի երեխա էին բերում, նա հանձնարարում էր անմեղ լինել նրա նման։ Գտնվելով հովիվների մեջ՝ նա ինքն իրեն տալիս էր հոգի-ների հովիվ տիտղոսը և իրեն ներկայացնում որպես մի հովիվ, որ իր ուսերի վրա առած՝ բերում է մոլորված ոչխարը։ Գարնանը նա նստում էր մի լեռան վրա, իր շուրջը գտնվող առարկաներ էր վերցնում և դրանցով ուսուցանում իր ոտքերի առաջ նստած ամբոխին։ Հենց այդ խեղճ ու դժբախտ ամբոխի տեսքից էլ ծնունդ էին առնում նրա երանիները։ «Երանի՛ նրանց, որ սգավոր են..., երանի՛ նրանց, որ քաղցած են ու ծարավ...» և այլն։ Նրանք, ովքեր պահում էին այս պատվիրանները, և նրանք, ովքեր արհամարհում էին դրանք, համեմատվում էին երկու մարդկանց հետ, որոնք կառուցում են երկու տներ, մեկը՝ հաստատուն ժայռի վրա, մյուսը՝ շարժուն ավագի։ Հստ որոշ մեկնաբանների՝ Հիսուս այս խոսքերն ասելիս ցույց էր տալիս մի բլրակի վրա բարեշեն մի ավան, իսկ բլրակի ներքեւում՝ հեղեղումից ավերված տնակներ։ Երբ նա ջուր էր խնդրում սամարացի կողից, նրան իր ուսմունքը ներկայացնում էր կենդանի ջրի գեղեցիկ պատկերով։

Հիսուսի ամենակատաղի թշնամիները երբեք չեն համարձակվել հարձակվել նրա անձի վրա։ Յելսուսը<sup>10</sup>, Հուլիանոսը<sup>11</sup>, Վոլուզիանուսն<sup>12</sup> ընդունում են նրա գործած հրաշքները, իսկ Պորֆիյուրը<sup>13</sup> պատմում է, որ նույնիսկ հեթանոսների պատգամախոսները նրան համարում էին իր բարեպաշտությամբ հոչակված մի մարդ։ Տիբերիոսը<sup>14</sup> կամեցել էր նրան դասել աստվածների շարքում։ Հստ Լամպրիդիուսի<sup>15</sup> Աղրիանոսը<sup>16</sup> տաճարներ էր կառուցել նրա պատվին, իսկ Ալեքսանդր Սևերիոսը<sup>17</sup> սրբերի նկարների

կողքին մեծարում էր նաև նրան՝ նրա նկարը զետեղելով Օրփեոսի<sup>18</sup> և Աբրահամի նկարների միջև։ Հայտնի է Պի-նիուսի<sup>19</sup> նշանավոր վկայությունը այն առաջին քրիստոն-յաների անմեղության մասին, որոնք հավատարմորեն հե-տեւում էին Փրկչի օրինակին։ Հնադարի ոչ մի փիլիսփա-չկա, որին մեղադրած չլինեն այս կամ այն արատի, այս կամ այն թերության համար։ Առաջին պատրիարքներն անդամ ունեցել են տկարություններ։ Քրիստոսն է միայն անարատ. նա վեհագույն գեղեցկության ամենապայծառ օ-րինակն է՝ բազմած երկնային գահի վրա։ Մաքուր և սուրբ ինչպես Տիրոջ խորանը, ոգեշնչված միայն Աստծու և մարդկանց սիրով, անհունորեն գերիվեր աշխարհային սին փառքերից՝ նա վշտերի ու ցավերի միջով հետամուտ է լի-նում մեր փրկության մեծ գործին՝ իր առաքինությունների ազգեցությամբ ստիպելով մարդկանց որդեգրել իր ուս-մունքը և ընդօրինակել այնպիսի մի կյանք, որով նրանք կարող էին միայն հիանալ։

Նա ուներ սիրալիր, սրտաբաց և մեղմ բնավորություն, նրա գթասիրությունն ու բարությունը սահման չունեին։ Առաքյալն այդ մասին մեզ գաղափար է տալիս երկու բա-ռով՝ «Նա գնում էր բարիք անելով»։ Նրա անտրտունջ հպատակությունն Աստծու կամքին ցայտուն կերպով դրսեռվում է նրա կյանքի բոլոր պահերին։ Նա սիրում, ճանաչում էր բարեկամությունը. այն մարդը՝ Ղազարոսը, որին դուրս բերեց գերեզմանից, նրա բարեկամն էր։ Կյան-քի հանդեպ իր ունեցած մեծագույն զգացումից թելադր-ված էր, որ նա կատարեց իր այդ ամենամեծ հրաշքը։ Հայ-րենիքի սերը նրա մեջ արտահայտվեց հետեւյալ օրինակով. «Երուսաղեմ, Երուսաղեմ, - բացականչում էր նա՝ խորհե-լով այն դատաստանի մասին, որն սպասում էր այդ մեղա-վոր քաղաքին, - քանի՛ անդամ կամեցա հավաքել քո մա-նուկներին, ինչպես հավն է հավաքում իր ձագերին թեերի

տակ, բայց դու չկամեցար»։ Բլրի բարձունքից աչքերը հառելով իր ոճիրների համար սոսկալի կործանման դատապարտված այդ քաղաքին՝ նա չկարողացավ զսպել իր արցունքները. «Նա նայեց քաղաքին, և ասում է առաքյալը, և լաց եղավ»։ Նրա ներողամտությունը պակաս ուշագրավ չեղավ, երբ իր աշակերտները խնդրեցին նրան, որ երկնքից կրակ թափի սամարացիների մի գյուղի վրա, որ մերժել էր հյուրընկալել նրան։ Նա նրանց պատասխանեց վրդովմունքով. «Դուք չգիտեք, թե ինչ եք պահանջում ինձնից»։

Եթե մարդու Որդին դուրս եկած լիներ երկնքից իր ամբողջ ուժով, վստահաբար նա մեծ դժվարություն չէր ունենա կատարելու այդքան առաքինություններ և կրելու այդքան շատ ցավեր։ Բայց հենց այստեղ է փառավոր խորհուրդ. Քրիստոն զգում էր ցավեր, նրա սիրտը ճմլվում էր ինչպես ամեն մարդու սիրտը, բայց նա զայրույթի ոչ մի նշան ցույց չէր տալիս բնավ, նա զայրանում էր միայն խստասրտության և անզգայության դեմ։ Նա մշտապես կրկնում էր. «Սիրեցե՛ք միմյանց»։ «Հա՛յր իմ, և բացականչում էր դահիճների կապանքների տակ, և ների՛ր դրանց, որովհետև չգիտեն, թե ինչ են անում»։

Պատրաստվելով բաժանվել իր սիրելի աշակերտներից՝ նա հանկարծ փղձկաց։ Նա խորապես ապրում էր գերեզմանի սարսափին ու խաչի անձկությունները. արյունոտ մի քրտինք հոսեց նրա աստվածային այտերի երկայնքով, գանգատվեց, որ իր հայրը լքել է իրեն։ Երբ հրեշտակը բաժակը մոտեցրեց նրան, նա ասաց. «Հա՛յր իմ, եթե կարելի է, այս բաժակը թող ինձնից հեռու անցնի, բայց ոչ՝ ինչպես ես եմ կամենում, այլ՝ ինչպես դու»։ Եվ ահա այդ պահին էր, որ հետեւյալ խոսքը, որի մեջ զգացվում էր իր վշտի ամբողջ վեհությունը, դուրս թռավ նրա բերանից. «Հոգիս տխուր է մինչև մահ»։ Ա՛հ, եթե ամենամաքուր բարոյականությունն ու ամենաքնքուշ սիրտը, եթե սխալների դեմ

կովելով և մարդկանց ցավերն ամռելով անցկացված  
 կյանքը աստվածության հատկանիշներ են, ապա ո՞վ կա-  
 րող է ուրանալ Հիսուս Քրիստոսի աստվածությունը։ Լի-  
 նելով բոլոր առաքինությունների տիպար՝ նրա մեջ բարե-  
 կամությունն էր խոսում, երբ նա քննեց սուրբ Հովհաննեսի  
 կրծքի վրա կամ, երբ իր մորը հանձնեց իր այդ աշակեր-  
 տին. նրա մեջ գթասիրությունն էր արտահայտվում, երբ  
 նա դատում էր պոռնկության մեջ բռնված կնոջը. ամենու-  
 րեք գութն ու կարեկցանքն էին շարժում նրա սիրտը, երբ  
 նա օրհնում էր թշվառների թափած արցունքները. մա-  
 նուկների հանդեպ իր ունեցած սիրո մեջ ի հայտ էին գա-  
 լիս նրա անմեղությունն ու սրտի պարզությունը, նրա հո-  
 գու ուժը փայլատակում էր խաչի վրա իր զգացած տագ-  
 նապների մեջ, իսկ նրա վերջին հառաչանքը ներողամտու-  
 թյան հառաչանք էր։



## ՍՈՒՐԲ ԳԻՐՔԸ ԵՎ ՆՐԱ ԳԵՐԱԶԱՆՑՈՒԹՅՈՒՆԸ

### Ա.

Տարբեր գրվածքների մի կուռ ամբողջություն է կազմում այն եղակի Գիրքը, որն սկսվում է Ծննդոցով և վերջանում Հայտնությամբ, սկսվում է հստակագույն ոճով և ավարտվում ամենաայլաբանական երանգավորությամբ։ Զէ՞ որ ամեն ինչ մեծ է ու պարզ Մովսեսի գրքում, ուր նկարագրված են աշխարհի ստեղծագործությունն ու նախնական մարդկանց անմեղությունը, և ամեն ինչ զարհուրելի է ու գերբնական վերջին մարգարեական գրքում, ուր ներկայացված են այլասերված հասարակություններն ու աշխարհի վախճանը։ Մեր քրիստոնեական բարքերին օտար մյուս ստեղծագործությունները՝ այլակրոն հին ագղերի սրբազան գրքերը, ինչպիսիք են՝ զրադաշտական Զենդ-Ավեստան<sup>1</sup>, բրահմանական Վեդաները<sup>2</sup>, մահմեդականների Ղուրանը, սկանդինավյան ծողովուրդների Էդդաները<sup>3</sup>, Կոնֆուկիոսի<sup>4</sup> առածները, սանսկրիտ լեզվով գրված բանաստեղծությունները, մեզ չեն զարմացնում բնավդրանց մեջ գտնում ենք մարդկային գաղափարների սովորական շղթան, դրանք ինչ-որ ընդհանուր բան ունեն իրարմիջւ թե՛ իրենց շարադրանքի և թե՛ մտածման մեջ։ Միայն Աստվածաշունչն է, որ նման չէ ոչ մեկին. դա մյուսներից անջատ մի հուշարձան է։ Բացատրեցե՛ք այն մի թաթարի, մի քաֆիրի<sup>\*</sup>, կանադացի մի բնիկի, դրե՛ք այն չինացի կամ ճապոնացի մի քրմի կամ մի դերվիշի ձեռքերի մեջ։ Նրանք բոլորն էլ կզարմանան։ Դա հրաշքի համազոր մի բան է։

\* Քաֆիր (արաբ. =անհավատարիմ) Այսպես էին անվանում Եվրոպացիք Աֆրիկայի հարավում ապրող ցեղերին (ծնբ. քարզմ.)։

Քսան հեղինակներ, որոնք ապրել են իրարից շատ հեռավոր դարաշրջաններում, աշխատել են այս սուրբ գրքերի վրա: Եվ չնայած, որ նրանք գործածել են քսան տարբեր ոճեր, սակայն այդ ոճերին, որոնք անընդօրինակելի են, մենք չենք հանդիպում ուրիշ ոչ մի ստեղծագործության մեջ: Նոր Կտակարանը, որն այնքան տարբեր է Հին Կտակարանից իր շարադրանքի ոճով, այնուամենայնիվ բաժանում է Հնի հետ այս զարմանալի ինքնատպությունը:

Սա Սուրբ Գրքին հատուկ արտակարգ միակ փաստը չէ, որի շուրջ մարդիկ համաձայն են միմյանց հետ. նույնիսկ նրանք, ովքեր չեն ուզում հավատալ Աստվածաշնչի վավերականությանը, այնուհանդերձ, հակառակ իրենց, հավատում են ինչ-որ բանի այս նույն Աստվածաշնչում: Աստվածապաշտ թե՛ անաստված, մեծ թե՛ փոքր, հրապուրված չգիտես ինչ անծանոթ բանից, ձեռքից բաց չեն թողնում և անընդհատ թերթատում են այս գիրքը, որով ոմանք հիանում են, իսկ ուրիշներ՝ թերթնահատում այն ու մըստում: Կյանքում չկա մի վիճակ կամ մի դրություն, որի վերաբերյալ Աստվածաշնչում չհանդիպենք մի համարի, որը կարծես թելադրված լինի հատուկ դրա համար: Դժվար թե կարելի լինի մեզ համոզել, որ կյանքում հնարավոր բոլոր իրադարձությունները, բախտավոր կամ դժբախտ, իրենց բոլոր հետևանքներով հանդերձ, նախատեսված լինեն մարդկանց ձեռքով գրված մի գրքում: Արդ, ստույգ է, որ Սուրբ Գրքում գտնում ենք՝

Աշխարհի ծագումը և նրա վախճանի հայտնությունը.

Մարդկային գիտությունների հիմքը.

Քաղաքական բնույթի պատվիրաններ՝ հոր կողմից ընտանիքի կառավարումից սկսած մինչև թագավորական իշխանություն, հովվական ժամանակներից սկսած մինչև բարքերի ապականության դարաշրջան.

Բարոյական բնույթի պատվիրաններ, որոնք վերաբերում են հարստությանն ու թշվառությանը, ժողովրդի ամենաբարձր, ինչպես և ամենախոնարհ խավերի կյանքին:

Վերջապես ոճերի բոլոր տեսակները, որոնք տարբեր գրքերի մեջ մի ամբողջություն են կազմում և սակայն ոչ մի նմանություն չունեն մարդկանց ոճերի հետ:

### **Աստվածաշնչի երեք գլխավոր ոճերը**

1. Պատմողական ոճը, որով շարադրված են «Ծննդոցը», Մովսեսի և Հոբի գրքերը և այլն:
2. Բանաստեղծական ոճը, որը գրակորվում է սաղմոսներում, մարդարեական գրքերում, բարոյախրատական գրվածքներում և այլն:
3. Ավետարանական ոճը:

Այս երեք ոճերից առաջինը, անասելի մի գրավչությամբ, մերթ ընդօրինակում է դյուցազներգությանը հատուկ շարադրանքը, ինչպես Հովսեփի պատմության մեջ, մերթ փոխ է առնում այն կշռույթավոր ընթացքը, որը հատուկ է ներբողներին, ինչպես, օրինակ՝ Կարմիր ծովի անցքից հետո նկարագրված գեղեցիկ հատվածը, մի տեղ լսում ենք սուրբ արաբացու եղերերգերի հառաչանքը, մի այլ տեղ՝ Հռութի<sup>5</sup> սրտաշարժ հովվերգությունը:

Այն ժողովուրդը, որի պատմության բոլոր էջերը լի են նորանշան ուշագրավ իրադարձություններով, այն ժողովուրդը, որի համար արել կանգ էր առնում, ժայռը ջրեր էր հոսեցնում, երկինքը առատ մանանա տեղացնում, այդպիսի ժողովուրդը չէր կարող ունենալ սովորական, ոչ պերճաշուք հանդիսություններ: Արարողությունների ծանոթ ձևերը հատուկ չեն եղել նրան: Նրա պատմական հեղաշրջումները սերնդից սերունդ պատմվել են շեփորներով, քնարներով ու սրինգներով: Նրա պատմության ոճը ինքն

իսկ շարունակական մի հրաշք է. այդ ոճը վկայում է հրաշքների ճշմարտության մասին, որոնց հիշատակը նաև ժամանակագնում է:

Աստվածաշնչի մեկ ծայրից մյուսը ամեն ինչ կատարելապես զարմացնում է մեզ: Ի՞նչ բան կարելի է համեմատել «Ծննդոց»-ի հենց սկզբի տողերի հետ: Լեզվի այդ զարմանալի պարզությունը, հակառակ նկարագրվող եղելությունների չքեղությանը, մեզ թվում է հանճարի վերջին խոսքը:

«Ի սկզբանէ արար Աստուած զերկին եւ զերկիր: Եւ երկիր էր ամայի եւ թափուր, եւ խաւար ի վերայ անդնդոց. եւ Հոգի Աստուծոյ շրջէր ի վերայ ջուրց: Եւ ասաց Աստուած. «Եղիցի լոյս». եւ եղեւ լոյս: Եւ ետես Աստուած զլոյսմ զի բարի է. եւ մեկնեաց Աստուած ի մէջ լուսոյն եւ ի մէջ խաւարին»:

Հնարավոր չէ ցույց տալ, թե նման մի ոճ ինչպե՛ս է գեղեցիկ: Եվ, եթե մեկն ու մեկն այն քննադատի, մարդ չի իմանում ի՞նչ պատասխանել: Մենք կը ավարարվենք միայն դիտել տալով, որ Աստված, որը տեսնում է լույսը և իր կատարած գործից գոհ մի մարդու նման ծափահարում է ինքն իրեն և գտնում, որ լույսը լավ է, դա մեկն է այն յուրահատուկ երկույթներից, որ գոյություն չունեն մարդկային գործերի կարգի մեջ: Դա բնական կերպով չի ընկնում մարդու մտքում: Հոմերոսն ու Պլատոնը, որոնք այնքան վսեմորեն են խոսում աստվածների մասին, ոչինչ չունեն, որ նման լինի այս սքանչելի, այս տպավորիչ միամտությանը: Աստված է, որ իջնում է ցած և գործածում մարդկանց լեզուն, որպեսզի հասկացնի նրանց իր հրաշալի գործերը:

Երբ մտածում ենք, որ նա ոչ մի առասպել չի խառնել իր պատմություններին, երբ նրան համարում ենք մի մեծ ժողովրդի ազատարարը, ծանոթ ամենագեղեցիկ օրենսդրություններից մեկի հեղինակը և ամենասքանչելի գրողը, որ

Երբեմէ գոյություն է ունեցել, երբ նրան տեսնում ենք իր օրորոցում Նեղոսի ջրերի վրա օրորվելիս, այնուհետև բազում տարիներ անապատներում թաքնվելիս և ապա կրկին անապատ վերադառնալիս, որպեսզի ճեղքի ծովը, ժայռից աղբյուրներ հոսեցնի, ամպերի մեջ խոսի Աստծու հետ և վերջապես անհայտանա մի լեռան կատարին, մեզ պատում է մի մեծ զարմանք: Բայց, երբ քրիստոնեական տեսանկյունից գալիս ենք այն մտածման, որ իսրայելացիների պատմությունը ոչ միայն իրական պատմությունն է անցած հին օրերի, այլև հարազատ պատկերը ներկա ժամանակների, որ յուրաքանչյուր եղելություն, յուրաքանչյուր փաստ ունի կրկնակի իմաստ և իր մեջ պարունակում է պատմական մի ճշմարտություն և մի խորհուրդ, որ հրեա ժողովուրդը մարդկային ցեղի խորհրդանշական մեկ ամփոփումն է, որի հետ պատահած բոլոր դեպքերը ներկայացնում են այն ամենը, ինչ տեղի է ունեցել, և այն ամենը, ինչ տեղի է ունենալու աշխարհում, որ երուսաղեմը միշտ պետք է դիտվի որպես մի ուրիշ քաղաք, Սիոնը՝ մի ուրիշ լեռ, Ավետյաց երկիրը՝ մի ուրիշ երկիր, իսկ Աբրահամի ընտրությունը՝ որպես մի ուրիշ ընտրություն, ու տակավին, երբ խորհում ենք, որ այս պատմության բարոյական մարդը քողարկված է ֆիզիկական մարդու տակ, որ Աղամի անկումը, Աբելի արյունը, Նոյի ծածկված մերկությունը և որդուն ուղղված հոր անեծքը դեռ այսօր էլ իրենց արտահայտությունն են գտնում կնոջ ցավագին ծննդաբերության, մարդու թշվառության ու գոռոզության, Կայենի եղբայրասպանությունից ի վեր մեր երկրագնդի վրա թափված հեղեղանման արյան և Քամից<sup>6</sup> սերված ու աշխարհի ամենագեղեցիկ ցամաքամասերից մեկի վրա ապրող նզովյալ ցեղերի մեջ, վերջապես, երբ տեսնում ենք, որ Դավթին խոստացված որդին գալիս է ճիշտ ժամանակին՝ վերահաստատելու ճշմարիտ բարոյականությունն ու ճշմարիտ կրո-

նը, վերամիավորելու ժողովուրդներին, արյունաթաթախսողակեղները փոխարինելու ներքին մարդու զոհագործությամբ, ապա բառ չենք գտնում արտահայտվելու կամ պարզապես ուզում ենք բացականչել մարդարեի հետ. «Աստված մեր թագավորն է բոլոր ժամանակներից առաջ»:

Աստվածաշնչի պատմողական ոճը, ինչպես նշեցինք, ամենից ավելի Հոքի գրքում է, որ ստանում է եղերերգի տոնայնություն: Ոչ մի գրող մարդու հոգու տիմրությունն իր ծայրակետին չի հասցըել այնպես, ինչպես այն արել է սուրբ արաբացին, ոչ իսկ Երեմիա մարդարեն, որը միակն է, որ կարող է հավասարվել «Վշտի ողբասացություններին», ինչպես նշում է Բոսյուեն<sup>7</sup>: Ճիշտ է, որ հարավային բնությունից փոխառնված պատկերները՝ անապատային կիզիչ ավազը, մենավոր արմավենին, անբերրի լերկ լեռները պատշաճում են դժբախտ մի մարդու լեզվին և զգացումներին, բայց Հոքի թափծի ու մելամաղձության մեջ կա ինչ-որ գերբնական մի բան: Անհատ մարդը, ինչքան էլ դժբախտ լինի, չի կարող իր հոգուց դուրս բերել այդպիսի հառաչանքներ: Հոքը տառապող ամբողջ մարդկության կերպարն է, և ներշնչված գրողը կարողացել է գտնել բավականաչափ ողբեր՝ արտահայտելու համար մարդկային ցեղի միջև բաժանված անթիվ-անհամար ցավերը: Ավելին. քանի որ Աստվածաշնչում ամեն ինչ կապված է Նոր Ուխտի հետ, կարելի է կարծել, որ Հոքի եղերերգերը նախապատրաստում էին նաև Քրիստոսի եկեղեցու սգո օրերը: Աստված իր մարդարեների միջոցով հորինել էր տալիս մահացած սուրբ քրիստոնյաներին արժանի տիսուր օրհներգեր նրանց վախճանումից և հավիտենական կյանքին տիրանալուց երկու հազար տարի առաջ:

«Կորիցէ օրն յորում ես ծնայ, և գիշերա՞ յորում ասացի՞ն, թէ՝ ահա արու\*» (Հոք, Գ, 3):

\* «Թող կորչի այն օրը, երբ ես ծնվեցի, և այն գիշերը, երբ ասվեց, թե արու մի երեխս է սաղմնավորվել»:

*Ողբալու ի՞նչ տարօրինակ եղանակ: Այսպես խոսում է  
միայն Աստվածաշունչը:*

*«Ընդէ՞ր տուեալ իցէ անձանց դառնացելոց լոյս, և կեանս ցաւագ-  
աելոց ոգուվը»\* (Հոք, Գ, 13):*

*Մարդու սրտի խորքերից երբեք դուրս չի եկել ավելի  
ցավագին մի ճիչ, քան այս խոսքերը:*

*«Այր կանանցածին սակաւակեաց է և լի բազում տառապանօր»\*\*  
(Հոք, ԺԴ, 1):*

*Այստեղ «կանանցածին» բառը թեև ավելորդաբանու-  
թյուն է համարվում, բայց իրականում ոճական սքանչելի  
մի հնարանք է. մարդու բոլոր տկարությունները գալիս են  
իր մոր տկարություններից: Ամենահազվագյուտ ոճը  
կյանքի ունակությունն այնպիսի ուժով չէր կարողանա  
արտահայտել, ինչպես այն արտահայտված է այստեղ քիչ  
բառերով. «Մարդն ապրում է սակավ օրեր, բայց լեցուն է  
բազում տառապամբերով»:*

*Ի դեպ, ամեն ոք ծանոթ է այն հատվածին, որ Աստված  
բարեհածում է ցույց տալ իր ամենազորությունը Հոքի առ-  
ջև՝ ի դերև հանելով մարդու բանականությունը: Ահա թե  
ինչու հարկ չենք համարում այդ մասին խոսել այստեղ:*

*Աստվածաշնչի պատմողական ոճի երրորդ հատկանիշը, ո-  
րը նկատի պետք է առնենք, նրա հովվերգական հատկա-  
նիշն է: Բայց մենք առիթ կունենանք այն լայնորեն  
քննարկելու հաջորդ գլխում:*

*Գալով Սուրբ Գրքի համար ընդհանուր երկրորդ ոճին,  
այն է՝ սրբազան բանաստեղծությունը, մեծ թվով քննադատներ  
առանձին ուսումնասիրություններ գրած լինելով այդ  
նյութի շուրջ՝ ավելորդ ենք համարում կանգ առնել դրա  
վրա: Ո՞վ չի կարդացել Եսթերի<sup>8</sup> և Աթալիայի<sup>9</sup> պարերգու-*

\* «Ինչո՞ւ է տրվել լույսը դառնացած անձանց և կյանքը՝ հոգով ցավագնածնե-  
րին»:

\*\* «Կնոջից ծնված մարդը սակավ օրեր է ապրում, բայց լեցուն է բազում տա-  
ռապամբերով»:

թյունները կամ Ռուսոյի և Մալերբի<sup>10</sup> ներքողները։ Դոկտ.  
Լովթի աշխատասիրությունը բոլոր գրականագետների  
ձեռքում է, իսկ Հահարպը<sup>11</sup> տվել է Սաղմոսների մեծապես  
գնահատված արձակ թարգմանությունը։

Վերջապես Աստվածաշնչի երրորդ և վերջին ոճը նոր  
Կտակարանի ոճն է։ Այստեղ է, որ մարգարեների ոճի վսե-  
մությունը փոխվում է ոչ նվազ վսեմ մի քնքշության,  
այստեղ է, որ խոսում է աստվածային սերը, այստեղ է, որ  
Բանն իրապես մարմացել է։ Ինչպիսի՞ քաղցրություն, ինչ-  
պիսի՞ պարզություն։

Յուրաքանչյուր ավետարանչի գործ ունի յուրահատուկ  
մի դրոշմ, բացի սուրբ Մարկոսից, որի ավետարանը թվում  
է, թե սուրբ Մատթեոսի ավետարանի համառոտությունն  
է։ Այսուհանդերձ սուրբ Մարկոսը սուրբ Պետրոսի աշա-  
կերտն է եղել, և շատերը մտածում են, որ նա կարող էր իր  
ավետարանը գրած լինել նրա թելադրության տակ։ Նկա-  
տառման արժանի է այն փաստը, որ նա ևս պատմել է իր  
ուսուցչի կատարած հանցանքի մասին։ Մեծ և հուզիչ մի  
խորհուրդ է թվում մեզ այն, որ Հիսուս, որպես իր Եկեղե-  
ցու առաջնորդ, իր աշակերտներից ընտրել է հատկապես  
այն միակ մարդուն, որը ուրանալու էր իրեն։ Քրիստո-  
նեության ամբողջ ողին հենց այդտեղ է։ սուրբ Պետրոսը  
նոր Օրենքի Աղամն է, նոր իսրայելացիների մեղավոր և  
զղացող հայրն է։ Բացի այդ, նրա անկումը մեզ ուսուցա-  
նում է, որ քրիստոնեական կրօնը գթության և ողորմածու-  
թյան կրոն է, և որ Հիսուս Քրիստոս իր օրենքը հաստատեց  
սխալանքի և մոլորության ենթակա մարդկանց մեջ՝ այն էլ  
ոչ այնքան նրանց անմեղության, որքան նրանց զղջման  
համար։

Մատթեոսի ավետարանն արժեքավոր է մանավանդ բա-  
րոյականության համար։ Այս առաքյալն է մեզ փոխանցել  
զգացումներով գեղուն այն բազմաթիվ պատվիրանները, ո-

բոնք առատորեն դուրս էին գալիս Քրիստոսի սրտի խոր-քերից:

Սուրբ Հովհաննեսն ունի ինչ-որ ավելի մեղմ և ավելի քնքուշ մի բան: Նրա ավետարանում մենք ճանաչում ենք այն աշակերտին, որին Հիսուս սիրում էր և որին ուզեց իր կողքին ունենալ Զիթենյան պարտեզում իր հոգեվարքի ժամանակ: Դա մի մեծ և խոր ընտրություն էր անկասկած, քանզի միայն մեր հոգեհարազատ բարեկամն է, որ արժանի է մտնելու մեր վշտերի խորհրդի մեջ: Հովհաննեսը միակը եղավ առաքյալների մեջ, որ ուղեկցեց Աստվածորդուն մինչև խաչը: Այդտեղ էր, որ Փրկիչը նրան հանձնեց իր մորը՝ ասելով. «Կի՞՛ն դու, ահա՛ որդի քո: Ապա ասէ ցաշակերտն՝ ահա՛ մայր քո»\* (Հովհ. ԺԹ, 26-27): Ի՞նչ աստվածային, ի՞նչ անպատում խոսք:

Հիսուսի սիրեցյալ աշակերտը, որ ննջել էր Տիրոջ կրծքի վրա, իր մեջ անջնջելի մի պատկեր էր պահել նրանից, ահա թե ինչու նա առաջինը եղավ, որ նրան ճանաչեց նրա հարությունից հետո: Հովհաննեսի սիրտը չսխալվեց իր աստվածային բարեկամի դիմագծերը տեսնելիս. նրա մեջ այդ հավատն առաջացավ իր սիրուց:

Ի դեպ, սուրբ Հովհաննեսի ավետարանի ամբողջ ոգին արտահայտված է այն խոսքի մեջ, որ նա անընդհատ կրկնում էր իր ծերության ժամանակ: Այս առաքյալը, որն արդեն լրացրած էր իր կյանքի օրերն ու բարի գործերը, այլևս չկարողացավ արտասանել երկար ճառեր Քրիստոսի համար վերափոխված իր ժողովրդին, նա բավարավում էր ասելով նրանց «Իմ փոքր զավակներ, սիրեցե՛ք միմյանց»:

Սուրբ Հերոնիմոսը<sup>12</sup> հաստատում է, որ Ղուկաս ավետարանիչը եղել է բժիշկ (հնադարում բժշկությունը համար գումար էր շատ ազնիվ և շատ գեղեցիկ մի մասնագիտու-

\* «Ո՞վ կի՞ն, ահա՛ քո որդին: Ապա ասաց իր աշակերտին՝ ահա՛ քո մայրը» (բնագրում լատիներեն):

թյուն), և որ նրա ավետարանը հոգու բժշկություն է: Այս առաքյալի լեզուն մաքուր է և վսեմ. երկում է, որ նա գրականությանը հմուտ անձնավորություն է եղել և քաջածանոթ իր ժամանակի հասարակական գործերին ու մարդկանց: Նա մուտք է գործում իր պատմության մեջ հին պատմագիրների ձեռվ: Զեզ թվում է, թե Հերոդոտին<sup>13</sup> եք լսում.

«Քանի որ շատերը ձեռնարկեցին շարադրել մեզ մոտ կատարված դեպքերի պատմությունը, ինչպես մեզ ավանդեցին նրանք, որ սկզբից խոսքի ականատեսներն ու սպասավորները եղան, ես էլ, որ սկզբից ստուգությամբ հետամուտ էի եղել ամեն բանի, կամեցա կարգով գրել քեզ, ո՞վ գերազանցդ թեոփիլե, որպեսզի ճանաչես ճշմարտությունն այն խոսքերի, որոնց աշակերտեցիր» (Ղուկ. Ա, 14):

Այսօր մեզ մոտ գիտությունն այնքան է տարածված, որ մեր մեջ գուցե կան գրականագետներ, որոնք կզարմանային իմանալով, որ սուրբ Ղուկասը շատ մեծ գրող է, որի ավետարանն արտահայտում է հունական և եբրայական հնագարի հանճարը: Ի՞նչ կա ավելի գեղեցիկ, քան այն ամբողջ հատվածը, որը նախորդում է Հիսուս Քրիստոսի ծննդին.

«Հրեաստանի Հերովդես թագավորի օրով, Աբիայի քահանայական ընտանիքից Զաքարիա անունով մի քահանա կար, որի կինը Ահարոնի դուստրերից էր. նրա անունը Եղիսաբեթ էր:

«Նրանք երկուսն էլ Աստծու առաջ արդար էին... որդի չունեին, որովհետեւ Եղիսաբեթն ամուլ էր, և երկուսն էլ իրենց առաջացած տարիքում էին» (Ղուկ. Ա, 57):

Զաքարիան զոհ է մատուցում. մի հրեշտակ է երկում նրան՝ խնկերի սեղանի կողքին կանգնած: Նա ասում է Զաքարիային, որ որդի կունենա, որ այդ որդին կկոչվի Հովհաննես, կլինի Մեսիայի առաջից գնացողը և կմիավորի հայրե-

րի ու որդիների սրտերը։ Այնուհետև նույն հրեշտակը գնում է մի կույսի մոտ, որն իսրայելում էր բնակվում, և ասում է նրան. «Ուրախացի՛ր, ո՛վ շնորհընկալ. Տերը քեզ հետ է»։ Մարիամը գնում է Հուդայի լեռնային շրջանի քաղաքներից մեկը։ Նա հանդիպում է Եղիսաբեթին, և երեխան, որ այս վերջինը կրում էր իր որովայնում, սկսում է խայտալ՝ լսելով կույսի ձայնը, որը պիտի ծներ աշխարհի Փրկչին։ Եղիսաբեթը հանկարծ լցված Սուրբ Հոգով՝ բարձրացնում է իր ձայնը և ասում. «Օրհնյալ ես դու բոլոր կանանց մեջ, և օրհնյալ կլինի քո որովայնի պտուղը։ Որտեղից է ինձ այս երջանկությունը, որ իմ Փրկչի մայրն ինձ մոտ գա, որովհետև, երբ դու ինձ ողջունեցիր, քո ողջույնի ձայնը դեռ իմ ականջին չհասած՝ երեխաս ուրախությունից սարսուաց իմ որովայնում» (Ղուկ. Ա, 42-44)։ Այն ժամանակ Մարիամն սկսում է երգել սքանչելի օրհներգը. «Ո՛վ իմ հոգի, փառավորի՛ր Տիրոջը...»։

Այնուհետև գալիս է մսուրի և հովիվների պատմությունը։ Երկնային զորքերի մի բազմություն գիշեր ժամանակ երգում է. «Փա՛ռք Աստծուն երկնքում, խաղաղությո՛ւն երկրի վրա և հաճությո՛ւն մարդկանց մեջ»։ Հրեշտակներին արժանի մի խոսք, որ կարծես ամփոփումը լինի ամբողջ քրիստոնեական կրոնի։

Կարծում եմ, որ մի քիչ ծանոթ եմ անտիկ գրականությանը և համարձակվում եմ վստահեցնել ձեզ, որ դուք կարող եք երկարորեն ուսումնասիրել հին Հունաստանի և հին Հռոմի ամենաբարձր և ամենագեղեցիկ հանճարների ստեղծագործությունները և դուք այնտեղ չեք գտնի այնպիսի մի երկ, որը միաժամանակ լինի այսքան պարզ և այսքան հրաշալի։ Ով որ մի քիչ ուշադրությամբ կարդա Ավետարանը, այնտեղ ամեն ըոսկե կհայտնաբերի սքանչելի բաներ, որոնք սկզբում վրիպում են մարդու ուշադրությունից իրենց անչափ պարզության պատճառով։ Սուրբ

Ղուկասը, օրինակի համար, Քրիստոսի ազգաբանությունը շարադրելիս ետ է գնում մինչև աշխարհի ծագումը։ Հասնելով առաջին սերունդներին և շարունակելով անվանել ցեղերին՝ ասում է. «...Կայնանը, որը սերվեց Ենոսից, և սա՝ Սեթից, և սա՝ Աղամից, և սա՝ ԱՍԾՈՒՅՑ»։ «Եվ սա՝ ԱՍԾՈՒՅՑ» պարզ բառերը, որոնք նետված են այստեղ հենց այնպես, առանց մեկնության և խորհրդածության՝ պատմելու համար մարդու ստեղծումը, ծագումը, բնությունը, նպատակը, խորհուրդը, մեզ թվում է ոճի բարձրագույնը։

Աստվածամոր՝ Մարիամի Որդու կրոնը գանազան կրոնների էությունն է կազմում կամ այն, ինչ որ կա դրանց մեջ ամենից ավելի երկնային ու աստվածային։ Փորձենք մի քանի բառով արտահայտել ավետարանական ոճի յուրահատկությունը. դա հայրական հեղինակության ոճ է՝ միախառնված չգիտես ինչպիսի եղբայրական ներողամտության, աստվածային ինչպիսի հայեցողության հետ, մի Աստված, որ, փրկելու համար մեզ, հանձն առավ դառնալ մարդկանց որդի և եղբայր։

Ասենք վերջում, որ ինչքան շատ ենք կարդում առաքյալների թղթերը, մանավանդ Պողոս առաքյալի թղթերը, այնքան շատ ենք զարմանում. չգիտես ո՛վ է այս մարդը, որը մի տեսակ ընդհանրական քարոզի ձեռվ վսեմ բառեր է օգտագործում, խորագույնս թափանցում մարդկային սրտի մեջ, բացատրում գերագույն էակի բնությունը և կանխատեսում ապագան։



## ԶՈՒԳԱՀԵՌ ԱՍՏՎԱԾԱԾՆՉԻ ԵՎ ՀՈՄԵՐՈՍԻ ՄԻՋԵՎ. ՀԱՄԵՄԱՏՈՒԹՅԱՆ ԵԶՐԵՐ

### Բ

Այնքան շատ է գրվել Աստվածաշնչի մասին և այնքան շատ է մեկնաբանվել այն, որ նրա գեղեցկություններն զգալ տալու միակ միջոցը, որ մեզ մնում է այսօր, այն մոտեցնելն է Հոմերոսի պոեմներին: Այդ պոեմները, դարերով նվիրագործված լինելով, ժամանակի ընթացքում ստացել են մի տեսակ սրբության դրոշմ, որն էլ արդարացնում է մեր այս զուգահեռը և վերացնում սրբազնության ամեն գաղափար: Եթե Հակոբն ու Նեստորը<sup>14</sup> նույն ընտանիքից չեն, համենայն դեպս թե՛ մեկը և թե՛ մյուսը ապրել են աշխարհի առաջին օրերին, և մեզ թվում է, թե մի քայլ է բաժանում միայն Պիլոսի<sup>15</sup> պալատները իսմայիլի<sup>16</sup> վրաններից:

Ինչո՞վ է Աստվածաշունչն ավելի գեղեցիկ, քան Հոմերոսի ստեղծագործությունները: Որո՞նք են այն նմանություններն ու տարբերությունները, որ գոյություն ունեն Աստվածաշնչի և այս բանաստեղծի գործերի միջև. ահա թե ինչ ենք առաջադրում անել սույն գլխում: Նկատի առնենք գրական այս երկու մեծ հուշարձանները որպես երկու առանձին սյուներ, որոնք զետեղված են Հանճարի տաճարի մուտքին և կազմում են դրա սյունազարդ ճակատը:

Նախ շատ զարմանալի բան է տեսնել, որ աշխարհի ամենահին այս երկու լեզուները դեմ դիմաց կռվում են իրար հետ, լեզուներ, որոնցով Մովսեսն ու Լիկուրգոսը<sup>17</sup> հրապարակել են իրենց օրենքները, իսկ Պինդարոսն<sup>18</sup> ու Դավիթը երգել են իրենց օրհներգերը:

Եբրայերենը, որը սեղմ է, զորեղ և ազդու, որի բառերը գրեթե չունեն ներքին թեքում, և որը մեկ տառի հավելումով արտահայտում է մտածման քսան նրբերանգներ, ա-

ուանձնահատուկ է հրեա ժողովրդին, որը նախնական պարզությանը զարմանալիորեն միացնում է մարդկանց խոր ճանաչողություն։ Հունարենը իր անորոշ, խառնիխուռն խոնարհումներով, բայերի ներքին թեքումներով, իր երկարաբան պերճախոսությամբ հատուկ է նմանակող և ընկերական ոգու տեր մի ազգի, որը շնորհալի է երազկոտ, և որի խոսքերը շուայլ են ու քաղցրածայն։

Շատ ավելի շփոթեցուցիչ է հունարեն լեզվի ընթացքը. պետք է ի նկատի ունենալ բայական ժամանակների որոշ դեմքերը բնորոշող հատկանիշը, վերջավորությունը, բայարմատի առջև դրված ածականը և բառի նախավերջին վանկը։ Այս բոլորն առավել ևս դժվար է լինում ճանաչել, երբ մանավանդ այդ բնութագրող հատկանիշը, այսինքն՝ հայտարար նշանը, կորչում է կամ տեղափոխվում, և կամ դրա վրա ավելանում է անծանոթ մի տառ՝ նայած թե այս վերջինը ո՞ր տառի առջև է դրված։

Եբրայերենի և հունարենի այս երկու խոնարհումները՝ մեկը շատ պարզ և շատ կարճ, մյուսը՝ շատ բարդ և շատ երկար, թվում է, թե իրենց վրա կրում են այս երկու լեզուները կազմավորող ժողովուրդների ոգու և բարքերի կնիքը. առաջինը ցույց է տալիս սեղմ և հստակ խոսվածքը այն հրեա նահապետի, որը մենակ գնում է այցելելու իր հարեանին արմավենու ջրհորի մոտ, երկրորդը հիշեցնում է երկարաբան պերճախոսությունը այն պելասգի<sup>19</sup>, որը ներկայանում է իր հյուրընկալին նրա դուանը։

### Աստվածաշնչի և Հոմերոսի ատեղծագործությունների համեմատության եզրերը

Մեր համեմատության եզրերը կլինեն հետևյալները.  
Պարզությունը.  
Բարքերի վաղեմությունը.  
Շարադրանքը.

Նկարագրությունը.  
Համեմատությունները կամ պատկերները.  
Վսեմությունը:  
Այժմ քննարկենք առաջին եղբը:

### 1. Պարզությունը

Աստվածաշնչի պարզությունն ավելի կարճ է և ավելի ծանր: Հոմերոսի պարզությունն ավելի երկար է և ավելի զվարթ:

Առաջինը առակավոր է և գրեթե միշտ վերադառնում ու օգտագործում է նույն ասացվածքները՝ արտահայտելու համար նոր երկութներ:

Երկրորդը սիրում է տարածվել ճոխ խոսքերով և հաճախ նույն նախադասությունների մեջ կրկնում է այն, ինչ արդեն ասել է:

Աստվածաշնչի պարզությունը նման է հին ժամանակների մի քրմի պարզությանը, որը, լի աստվածային և մարդկային գիտություններով, իր սրբարանի խորքից թելադրում է իմաստության հստակ պատճամներ:

Քիոս<sup>20</sup> կղզու բանաստեղծի պարզությունը նման է մի ծեր ճանապարհորդի պարզությանը, որը, նստած իր հյուրընկալի օջախում, պատմում է ինչ որ սովորել է իր երկար կյանքի և թափառումների ընթացքում:

### 2. Բարքերի վաղեմությունը

Արևելքի հովիվների որդիներն իրենց հոտերը պահում են՝ ինչպես իլիոնի<sup>21</sup> թագավորների որդիները, բայց, երբ Պարիսը<sup>22</sup> վերադառնում է Տրոյա<sup>23</sup>, ապրում է մի պալատում հեշտանքների մեջ՝ ունենալով բազմաթիվ ստրուկներ:

Մի վրան, պարզ և աղքատիկ մի սեղան և գեղջուկ սպասավորներ. ահա այն ամենը, ինչ սպասում էր Հակոբի զավակներին իրենց հոր տանը:

Հոմերոսի ստեղծագործության մեջ, եթե մի օտար հյուր  
 է գալիս մի իշխանի մոտ, կանայք և երբեմն նույնիսկ թա-  
 գավորի աղջիկը օտարականին իսկույն առաջնորդում են  
 բաղնիք, ապա անուշահոտ յուղերով օծում նրան, լվացվե-  
 լու համար ջուր են բերում ոսկյա և արծաթյա ջրամաննե-  
 րի մեջ, հագնում են ծիրանագույն մի վերարկու, առաջ-  
 նորդում խնջույքի սրահը, նստեցնում ոտքի գեղեցիկ պատ-  
 վանդանով զարդարված փղոսկրյա շքեղ մի աթոռի վրա:  
 Ստրուկները գինին և ջուրը խառնում են բաժակների մեջ  
 և նրան ներկայացնում կերես<sup>24</sup> աստվածուհու ընծաները՝  
 դրված մի զամբյուղի մեջ: Տանտերը նրան մատուցում է  
 զոհված անասունի մեջքի հյութեղ մսից մի կտոր՝ հինգ  
 անգամ ավելի մեծ, քան մյուսներին: Բոլորն ուտում են  
 մեծ ուրախությամբ, և չուտով առատությունը վերացնում  
 է քաղցր: Ճաշի ավարտին խնդրում են օտարականին, որ  
 պատմի իր պատմությունը: Վերջապես մեկնելու պահին  
 նրան տալիս են ճոխ նվերներ, ինչքան էլ սկզբից համեստ  
 երևացած լինի նրա հանդերձանքը, որովհետև ենթադրում  
 են, որ նա մի աստված է, որ, այդպես ծպտված, անսպասե-  
 լիորեն եկել է հանկարծակի բերելու թագավորներին, կամ  
 էլ թշվառության մատնված մի մարդ, ուրեմն՝ Յուպիտե-  
 րի<sup>25</sup> սիրելին:

Աբրահամի վրանի տակ ընդունելությունը տեղի է ու-  
 նենում այլ կերպ. տոհմապետը դուրս է ելնում վրանից՝  
 ընդառաջ գնալու իր հյուրին, ողջունում է նրան և ապա  
 պաշտամունք մատուցում Աստծուն: Շրջապատի տղաները  
 բերում են ուղտերը, և աղջիկները ջուր են տալիս նրանց  
 խմելու: Ապա լվանում են ճանապարհորդի ոտքերը: Նա  
 նստում է գետնին և լուռ ընդունում հյուրընկալների մա-  
 տուցած ճաշը: Նրան չեն խնդրում պատմել իր պատմու-  
 թյունը, չեն հարցաքննում: Նա, ըստ իր կամքի, մնում է  
 այնտեղ կամ շարունակում իր ճանապարհը: Մեկնելու պա-

Հին ուխտ են կնքում նրա հետ և կանգնեցնում վկայության խորանը։ Այդ խորանը պիտի ասի գալիք դարերին, որ հին օրերում երկու այրեր հանդիպեցին իրար կյանքի ճանապարհին և, երկու եղբայրների նման, միասին սեղան նստելուց հետո բաժանվեցին իրարից՝ այլևս երբեք միմյանց չտեսնելու և իրենց գերեզմանների միջև ընդարձակ շրջաններ հաստատելու համար։

Ի նկատի ունեցեք, որ Հոմերոսի մոտ անծանոթ հյուրը մի օտարական է, իսկ Աստվածաշնչում՝ մի ճանապարհորդ։ Մարդկայնության ինչպիսի՛ տարբեր հայացքներ։ Հույնը դրսեռում է քաղաքական և տեղային վերաբերմունք, մինչ հրեան առաջնորդվում է բարոյական և տիեզերական գգացումով։

Հոմերոսի մոտ քաղաքային գործերը կատարվում են աղմուկ-աղաղակով և մեծ հանդիսավորությամբ։ Հույն դատավորը, հանրային հրապարակի մեջտեղում նստած, բարձրածայն արտասահնում է իր դատավճիռները։ Նեստորը ծովափին զոհեր է մատուցում կամ հրապարակային հանդիսավոր ճառեր է ասում ժողովրդին։ Հունական հարսանիքում գույնգույն ջահեր են վառվում, հարսանեկան երգեր երգվում, ծաղկեպսակներ կախվում դռներին։ Թագավորների հուղարկավորության հանդեսին ներկա է լինում մի զորաբանակ, մի ամբողջ ժողովուրդ։ Երգումները կատարվում են հանուն ֆուրիաների<sup>26</sup> ուղեկցված սարսափելի անեծքներով և այլն։

Հակոբը, արմավենու տակ, իր վրանի մուտքին արդարություն է հորդորում իր հովիվներին։ «Դի՛ր քո ձեռքը իմ բարձուսկրին<sup>\*</sup>, ~ ասում է Աքրահամն իր ծառային, ~ և երդ-

\* Բարձուսկր=ազբի կամ երանքի ուկրը։ Երդելու այս սովորությունը միամիտ մի պատկեր է աշխարհի առաջին օրերի բարքերին վերաբերող, երբ դեռ մեր երկիրն ուներ անձայրածիր անապատներ, և մարդը մարդու համար համարվում էր աշխարհում գոյություն ունեցող ամենազեղեցիկ և ամենամեծ քանը։ Հույները նույնական ծանոթ էին այս սովորությանը։

վի՛ր, որ կգնաս Միջագետք»: Բավական է երկու բառ, որպեսզի ամուսնության համաձայնություն ձեռք բերվի աղբյուրի մոտ: Ծառան հարսնացուին տանում է իր տիրոջ որդու մոտ, կամ որդին հանձն է առնում յոթ տարի պահել իր աներոջ ոչխարների հոտը՝ տիրաանալու համար նրա աղջկան: Ընտանիքի նահապետը իր մահից հետո որդիների կողմից տարվում է իր նախահայրերի գետնադամբանը Եփրոնի դաշտում: Բարքերն ու սովորույթներն ավելի հին են, քան հոմերական սովորույթները, որովհետև ավելի պարզ են: Արանք նաև ունեն այնպիսի հանդարտություն և ծանր լրջություն, որ պակասում են առաջիններին:

### 3. Ծարադրանքը

Հոմերոսի երկերի շարադրանքը կտրատված է նյութից դուրս զանազան շեղումներով՝ ճառերով, սափորների, հագուստների, զենքերի, արքայական գայիսոնների նկարագրություններով, ինչպես նաև մարդկանց և իրերի ծագումնաբանությամբ և այլն: Մարդկանց անուններն այնտեղ խճողված են մակդիրներով. հազվագեպ է, որ մի հերոս չինի «աստվածային», «նման անմահների» կամ «մեծարված ժողովուրդներից ինչպես աստված» և այլն: Մի իշխանուհի օժտված է միշտ «գեղեցիկ թներով», նա միշտ նման է «Դելոսի<sup>27</sup> արմավենու ցողունին» և իր վարսերը փոխ է առել «երեք Ծնորհների ամենակրտսերից»:

Աստվածաշնչի շարադրանքն արագընթաց է, առանց շեղումների, առանց ճառերի. հարուստ է իմաստալից ասույթներով, և գործող անձինք այստեղ անվանվում են առանց չափազանցված գովասանքի: Անուններն անվերջ կրկնվում են և քիչ անգամ փոխարինվում դերանուններով, մի հանգամանք, որ միացած որ շաղկապի հաճախակի գործածությանը, իր այդ պարզությամբ պատկերում է բնությանը շատ ավելի մոտ կանգնած մի հասարակություն, քան այն հասարակությունը, որ նկարագրված է

Հոմերոսի կողմից: «Ողիսականում» հանդես եկող մարդկանց մեջ ինքնասիրության զգացումն արդեն արթնացած է, մինչդեռ «Ծննդոց» գրքի մարդկանց մեջ այն դեռևս քնած վիճակում է:

#### 4. Նկարագրությունը

Հոմերոսի նկարագրությունները երկար են, ինչ բնույթի էլ եղած լինեն դրանք՝ գողտրիկ կամ զարհուրելի, կամ տխուր, կամ հմայիչ, կամ ուժեղ, կամ վսեմ:

Աստվածաշունչը, իր բոլոր սեռերի մեջ, սովորաբար մեկ հատկանշական գիծ ունի միայն, բայց այդ գիծը շատ ուշագրավ է. առարկան ուղղակի բերում դնում է աչքերիդ առջեւ:

#### 5. Համեմատությունները

Հոմերական համեմատությունները երկարաձգված են միջանկյալ բազմաթիվ հանգամանքներով: Դրանք մի տեսակ փոքրիկ նկարներ են, կախված ճարտարապետական մի կառույցի շուրջբոլորը, մեղմացնելու համար նրա գմբեթների վերասլաց տեսքը՝ դիտողի ուշագրությունն ուղղելով դեպի դաշտային բնապատկերներն ու կենցաղային բարքերը:

Աստվածաշնչի համեմատություններն ընդհանրապես արտահայտված են մի քանի սեղմ բառերով՝ ահեղամոռնչ առյուծ, ուղղահոս հեղեղատ, ավերիչ ամարոպ, լափլիզող հրդեհ և այլն: Այսուհանդերձ կան նաև լայն, մանրամասն համեմատություններ, բայց այս դեպքում շարադրանքն ստանում է արեելյան երանգ և անձնավորում առարկաները, ինչպես՝ հպարտ մայրի և այլն:

#### 6. Վսեմությունը

Վերջապես վսեմությունը Հոմերոսի մոտ սովորաբար ծնունդ է առնում մասերի ամբողջությունից և աստիճանաբար հասնում իր վախճանին:

Աստվածաշնչում այն գրեթե միշտ անսպասելի է. ընկ-նում է վրադ փայլակի նման, մնում ես ծխածածկ և կայ-ձակնահար՝ առանց իմանալու, թե կայձակն ինչպես հար-վածեց քեզ:

Հոմերոսի մոտ վսեմությունը ի հայտ է գալիս նաև բա-ռերի գեղեցկությունից, որոնք ներդաշնակություն են կազմում մտածման վեհության հետ:

Աստվածաշնչում, ընդհակառակը, բարձրագույն վսե-մությունը կամ մեծափայելչությունը հաճախ առաջ է գա-լիս գաղափարի մեծության և այն արտահայտող բառի անշքության, երբեմն նույնիսկ գոեհկության միջև եղած հակադրությունից: Դրանից էլ բխում է հոգու համար ան-հավատալի մի ներքին ցնցում, ճմլում, որովհետեւ, երբ հո-գին, մտածումից գերագրգոված, սլանում է դեպի բարձրա-գույն ոլորտները, հանկարծ արտահայտչաձեկը, փոխանակ այն վեր պահելու, թողնում է, որ ընկնի երկնքից գետին, Աստծու գրկից գահավիժի դեպի այս աշխարհի տիղմը: Այս կարգի վսեմությունը, բոլորից ավելի ուժգին, առանձնա-պես պատշաճում է անչափելի և ահեղ մի էակի, որը կապ-ված է միաժամանակ թե՛ ամենամեծ և թե՛ ամենափոքր բաների հետ:



## ԲՆՈՒԹՅԱՆ ԵՐԿՈՒ ՀԵՌԱՆԿԱՐՆԵՐ

Մենք ընթերցողներին ներկայացնում ենք երկու հեռանկար. մեկը՝ ծովային, մյուսը՝ ցամաքային, մեկը՝ Ատլանտյան ծովերի մեջտեղում, մյուսը՝ նոր աշխարհի անտառներում, որպեսզի այդ տեսարանների վեհասաքանչ գեղեցկությունը հնարավոր չլինի վերագրել մարդկանց ձեռակերտներին:

Այն նավը, որով մենք գնում էինք Ամերիկա, երբ դուրս եկավ ծովի մեջ երկարած հրվանդաններից, շուտով մեր առջև տարածությունը ձգվեց ծովի և երկնքի կրկնակ կապույտով, նման անսահման մի կտավի, որ պատրաստված է իր վրա ընդունելու ինչ-որ նկարչի ապագա ստեղծագրոծությունները: Ջրերի գույնը դարձավ ինչպես հեղուկ ապակու գույնը: Արևմուտքից գալիս էր մի հսկայական ալիք, թեև քամին արևելքից էր փչում: Բլրածե վիթխարի ջրակույտեր տարածվում էին հյուսիսից հարավ՝ հովտանման երկար ու նեղ բացվածքներ առաջացնելով օվկիանոսի անապատներում: Այս շարժուն բնապատկերները ամեն ըուղե փոխում էին իրենց տեսքը. կանաչավուն բազմաթիվ ջրակույտեր մերթ ներկայացնում էին շիրիմների երկար շարքեր անսահման մի գերեզմանոցում, մերթ ջրի տափակ շերտեր, որոնք, փշրվելով և իրենց կատարների վրա առաջացնելով մանր փրփուրներ, նմանվում էին ցախաստանների մեջ ցրված սպիտակ ոչխարների հոտի: Հաճախ տարածությունը թվում էր փակ՝ համեմատության որևէ կետի բացակայության պատճառով: Բայց, եթե մի ալիք էր բարձրանում կամ մի կոհակ կռանում ու փշրվում ինչպես հեռավոր ծովափում, և կամ, եթե շնաձկների մի երամ էր անցնում հեռավոր հորիզոնում, տարածությունն իսկույն

բացվում էր մեր առջև: Տարածության մասին մենք գաղափար էինք ունենում մասավանդ, երբ թեթև մի մառախուղ էր սողոսկում ծովի մակերեսին և թվում էր ընդարձակել անսահմանությունը: Օ՛հ, այդ ժամանակ օվկիանոսի պատկերն ինչքա՞ն վեհ է լինում ու տիսուր: Ինչպիսի՛ երազանքների մեջ է խորասուզում ձեզ, լինի այն ժամանակ, երբ ձեր երեակայությունը թոփչք է առնում հյուսիսային ծովերի սառը մշուշների և փոթորիկների մեջտեղում, լինի երբ նա թեածում է հարավային ծովերի խաղաղ և երանավետ կղզիների վրա:

Պատահում էր հաճախ, որ մենք վեր էինք կենում գիշերվա կեսին և գնում նստում նավի կամրջակի վրա, որտեղ գտնում էինք նավն առաջնորդող սպային և մի քանի նավաստիների, որոնք լուռ ծխում էին իրենց ծխամորճը: Միակ աղմուկը, որ մենք լսում էինք, նավի ցոռուկի բախումն էր ալիքներին, մինչ սպիտակ փրփուրի հետ կրակի կայծեր էին վազում նավի կողերի երկայնքով: Ո՛վ քրիստոնյաների Աստված, ջրերի անդունդներում և երկնքի խորություններում է մանավանդ, որ դու փորագրել ես քո ամենազորության նշանները. երկնային գմբեթի մութ կապույտի մեջ ճառագայթող միլիոնավոր աստղեր, լուսինը երկնակամարի մեջտեղում, անեղր, անսահման ծովը և անհունը երկնքում ու ալիքների վրա: Քո մեծությամբ դու ինձ այնպես չես հուզել, ինչպես այն գիշերներին, երբ, աստղերի և օվկիանոսի միջև առկախված, անսահմանությունն էի զգում իմ գլխավերեւում, անսահմանությունը իմ ոտքերի տակ:

Ես ոչինչ եմ, ես մի պարզ մենակյաց եմ: Ես հաճախ եմ լսել գիտնականների վեճը գերագույն էակի մասին և երբեք չեմ հասկացել նրանց: Բայց ես միշտ նկատել եմ, որ հատկապես բնության մեծ տեսարանների առջև է, որ այդ անծանոթ էակը հայտնվում է մարդկանց սրտում:

**Մի երեկո, երբ խորը հանդարտություն էր տիրում,**  
մենք գտնվում էինք այն գեղեցիկ ծովի ջրերում, որոնք ո-  
ղողում են Վերջինիա նահանգի եզերքները։ Բոլոր առա-  
գաստները ծալված էին։ Ես զբաղված էի կամրջակի ներ-  
քմում, երբ լսեցի զանգի ձայնը, որ աղոթքի էր կանչում  
նավի անձնակազմին։ Շտապեցի գնալ և իմ կրոնական  
մաղթանքները միախառնել ուղեկիցներիս աղոթքներին։  
Նավի պաշտոնյաները հավաքված էին նավի հետնամա-  
սում գտնվող բարձրագիր սրահում ճանապարհորդների  
հետ։ Քահանա հայրը, մի գիրք ձեռքում, կանգնած էր  
նրանցից մի փոքր առաջ։ Նավաստիները ցրված էին այս ու-  
այն կողմ նավի տախտակամածի վրա։ մենք բոլորս կանգ-  
նած էինք մեր դեմքը դարձրած նավի ցոռուկին, որն ուղղ-  
ված էր դեպի արևմուտք։

Արեկի գունդը, որը մոտ էր սուզվելու ալիքների մեջ,  
նավի պարանների արանքից երկում էր անպարագիծ տա-  
րածությունների մեջտեղում։ Նավախելի համաչափ օրո-  
րումներից այդ հրեղեն աստղն ասես ամեն ըոպե հորիզոն  
էր փոխում։ Ամպի մի քանի ծվեններ անկարգ կերպով  
նետված էին արևելյան կողմում, որտեղից դանդաղորեն  
բարձրանում էր լուսինը։ Երկնքի մնացած մասը անամպ  
էր ու ջինջ։ Դեպի հյուսիս, պրիսմայի գույներով փայլա-  
տակող մի պտուտահողմ, արեգակի և լուսնի հետ կազմե-  
լով փառավոր մի եռանկյուն, բարձրանում էր ծովից ինչ-  
պես բյուրեղյա մի սյուն, որ իր վրա է պահում երկնքի կա-  
մարը։

Երիցս ողբալու արժանի կլիներ այն մարդը, որն այսպի-  
սի տեսարանի առջև չճանաչեր Աստծու գեղեցկությունը։  
Ինձնից անկախ, արցունքներ հոսեցին աչքերիցս, երբ իմ  
ընկերները, հանելով իրենց կպրածեփ յուղոտ գլխարկները,  
սկսեցին խռպոտ ձայնով երգել իրենց պարզ մեղեղին՝  
նվիրված Բարեգութ-Օգնական Աստվածամոր՝ ծովայիննե-  
րի Տիրուհուն։ Որքա՞ն ազդեցիկ էր այս մարդկանց աղոթ-

քը, որոնք դյուրաբեկ մի լաստակի վրա, օվկիանոսի մեջ-  
տեղում, դիտում էին արևամուտը ալիքների վրա: Ինչպես  
էր մարդու հոգու մեջ թափանցում խեղճ նավաստիների ա-  
ղերսանքը՝ ուղղված վշտակիր Աստվածածնին: Ի տես այս  
անհունության, մեր փոքրության գիտակցությունը, հեռ-  
վում կոհակների վրա տարածվող մեր երգերը, իր բազում  
որոգայթներով մոտեցող գիշերը, մեր նավի հրաշալիքը  
այդքան հրաշալիքների մեջ, հիացմունքով և երկյուղա-  
ծությամբ բոնված բարեպաշտ մի անձնակազմ, աղոթասաց  
պատկառազդու մի քահանա, անդունդների վրա հակված  
Արարիչը, որ մի ձեռքով բոնել է արևը արևմուտքի դոնե-  
րի առջև, մյուսով բարձրացը էլ լուսինը արևելքում և  
անսահմանության միջից ուշադիր ականջ դրել իր արա-  
րածների ձայնին, ահա այն, ինչ մարդ չի կարող նկարագ-  
րել, և այն, ինչ մարդու ամբողջ հոգին հազիվ թե բավա-  
րի զգալու համար:

**Անցնենք ցամաքային տեսարանին:**

**Մի երեկո ես մոլորվել էի անտառում Նիագարայի ջրվե-  
ժից ոչ հեռու: Շուտով նկատեցի, որ օրը մթնում է իմ շուր-  
ջը, և սկսեցի վայելել նոր աշխարհի անապատների գիշե-  
րային հիասքանչ տեսարանը իր ամբողջ առանձնության  
մեջ:**

**Մայրամուտից մի ժամ անց ծառերի վրայից երևաց լու-  
սինը հորիզոնի մյուս կողմում: Անուշահոտ զեփյուռը, որ  
գիշերների այդ թագուհին Արևելքից բերում էր իր հետ, ա-  
սես, իր թարմ շունչը լիներ, որ իրենից առաջ եկել ողողել  
էր անտառները: Մենավոր աստղը կամաց-կամաց բարձրա-  
ցավ երկնքում: Նա մերթ խաղաղորեն շարունակում էր իր  
ընթացքը կապտագույն երկնքում, մերթ հանգստանում էր  
ամպերի կույտերի վրա, որոնք նման էին ձյունով պսակ-  
ված բարձրաբերձ լեռների կատարներին: Այդ ամպերը,  
ծալելով և պարզելով իրենց առագաստները, ծավալվում  
էին իրենց սպիտակ սնդուսե թափանցիկ շերտերով, ցրվում**

փրփրանման թեթև ծվեններով կամ երկնքում կազմում բամբակի շլացուցիչ կույտեր, այնքան ակնահաճո, որ կարծես զգացվում էր նրանց փափկությունն ու առաձգականությունը:

Յամաքային այս տեսարանը նվազ գրավիչ չէր: Լուսնի կապտավուն ու թագչային լույսը իջնում էր ծառերի բացվածքներից և լուսեղեն խուրձեր առաջացնում թանձրամած խավարի մեջ: Իմ ոտքերի առջեկից հոսող գետակը մեկ անհետանում էր անտառում, մեկ կրկին հայտնվում գիշերային աստղերի բույլով փայլվուն իր մակերեսով: Գետակի մյուս կողմում, ընդարձակ մի արոտավայրում, լուսնի պայծառ լույսը կարծես անշարժ նիրհում էր մարգախոտերի վրա: Մեղմ քամուց տարուբերվող կեչիները, այս ու այն կողմ ցրված, ստվերների ծփացող կղզյակներ էին կազմում լույսի այս անշարժ և համատարած ծովի վրա: Շրջակայքում ամեն ինչ լուռ ու հանգիստ կլիներ, եթե երբեմն գետին չթափեին մի քանի տերեներ, եթե քամին հանկարծակի չփչեր և չլսվեր անտառային բուլի ողբագին հեծեծանքը: Ժամանակ առ ժամանակ հեռվից լսվում էր Նիագարայի ջրվեժի խուլ մոնչյունը, որը գիշերային հանդարտության մեջ երկարաձգվում էր անապատից անապատ և մարում մենավոր անտառներում:

Այս տեսարանի վեհությունն ու զարմանալի մելամաղձությունը հնարավոր չէ արտահայտել մարդկային լեզուներով: Եվրոպայի ամենագեղեցիկ գիշերները դույզն իսկ գաղափար չեն կարող տալ դրա մասին: Մեր մշակված դաշտերում մարդու երևակայությունը իզուր փորձում է տարածվել. նա ամեն կողմից հանդիպում է մարդկային բնակությունների: Մինչդեռ այս անմարդաբնակ, այս վայրի շրջաններում հոգին հաճույքով է խորանում անծայրածիր անտառներում, թևածում ջրվեժների վիճի վրա, խոկում լճերի և գետերի եղերքներին և, այսպես ասած, մնում մենակ Աստծու առջե:



## ՀԱՅՐԵՆԻՔԻ ԲՆԱԶԴՈԾ

Ինչպես բոլոր կենդանիները, այնպես էլ մարդիկ ունեն իրենց բնազդները։ Բայց, քանի որ մարդն իր մեջ ամփոփում է Աստծու ստեղծած տարբեր տեսակի էակների զգացումները, դրանցից ընտրենք այն, որը հատուկ է մարդուն։ Արդ, այն բնազդը, որ տրված է մարդուն, բնազդների ամենից գեղեցիկն ու ամենից բարոյականացնողը, հայրենիքի սերն է։ Եթե բնության այդ օրենքը պահպանված չլիներ մշտապես գոյատեղ մի հրաշքով, որին, ինչպես ուրիշ շատ հրաշքների, ոչ մի ուշադրություն չենք դարձնում, մարդիկ կխուժեին դեպի բարեխառն գոտիներ՝ երկրագնդի մնացած մասը թողնելով ամայի։ Կարելի է պատկերացնել, թե ինչպիսի աղետներ կառաջանային երկրի մի կետի վրա մարդկային ցեղի այդպիսի համախմբումից։ Խուսափելու համար այդ դժբախտություններից՝ Նախախնամությունը յուրաքանչյուր մարդու ոտքերը, այսպես ասած, կապել է հայրենի հողին անհաղթելի մի մագնիսով։ Իսլանդիայի սառուցները և Աֆրիկայի կիզիչ ավագները բնակիչներից զուրկ չեն եղել բնավ։

Նկատառման արժանի է նույնիսկ այն պարագան, որ ինչքան մի երկրի հողն անպտուղ է լինում, ինչքան նրա կլիման՝ խիստ ու դաժան, կամ (ինչ որ միևնույնն է) ինչքան մենք տառապած ու հալածված լինենք այդ երկրում, այնքան ավելի նա հրապուրիչ է դառնում մեզ համար։ Տարօրինակ, բայց վեհացնող մի բան է այն, որ մի պարզ խրճիթ կորցնող մարդը շատ ավելի է ափսոսում իր հայրական օջախը։ Այս երկույթի պատճառն այն է, որ արդավանդ հողից ստացված առատ բերքը, հարստացնելով մեզ, խորտակում է բնական կապերի պարզությունը, որն առաջ

է գալիս մեր կարիքներից: Երբ դադարում ենք մեր ծնողներին սիրելուց, որովհետև նրանք այլևս մեզ պետք չեն, մենք փաստորեն դադարում ենք մեր հայրենիքը սիրելուց:

Ամեն ինչ հաստատում է այս իրողության ճշմարտացիությունը: Վայրենի մարդն ավելի կապված է լինում իր փայտաշեն հյուղակին, քան իշխանը՝ իր պալատին: Լեռնաբնակ գյուղացու համար ավելի հրապուրիչ է լեռը, քան դաշտաբնակի համար՝ իր ակոսները: Հարցրե՛ք շոտլանդացի հովին, թե կցանկանա՞ր իր ճակատագիրը փոխել իր երկրի առաջին իշխանավորի հետ: Հեռանալով իր բնակավայրից՝ ամենուրեք նա պահում է նրա հիշատակը, ամենուրեք փնտրում է իր ոչխարները, իր լեռների հեղեղատները, իր ամպերը: Նա ցանկանում է ուտել միայն գարու հաց, խմել իր այծի կաթը, իր հովտում երգել այն գեղոններն ու երգերը, որ իր պապերն էլ էին երգում: Նա կտկարանա ու կհյուծվի, եթե չվերադառնա իր ծննդավայրը: Նա լեռնային բույս է, նրա արմատը պիտի լինի ժայռի մեջ, նա չի կարող աճել և ուռճանալ, եթե քամիներն ու անձրևները չծեծեն նրան: Հողը, պատսպարանները, դաշտային արեր մեռցնում են նրան: Ինչպիսի՛ ուրախությամբ նա կրկին կտեսնի ցախի դալար ճյուղերով ծածկված իր կտուրը, ինչպիսի՛ կարոտով կփարվի իր թշվառության սուրբ մասունքներին:

Ո՞վ ավելի երջանիկ է, քան էսկիմոսն իր ահավոր հայրենիքում: Ի՞նչ արժեք ունեն նրա համար մեր ծաղիկները Լարրադորի<sup>1</sup> ձյուների մոտ, մեր պալատները՝ նրա կտրի ծղապատ անցքի մոտ: Գարնանը նա իր կնոջ հետ նստում էր ջրի երեսին լողացող մի առցակտորի վրա և, քշվելով հոսանքից, բաց ծովում առաջ շարժվում՝ բազմած ամպրոպների Աստծու այդ գահի վրա: Լեռը օրորում է ալիքների վրա իր լուսափայլ գագաթներն ու իր ձյունաշեն ծառերը: Ծովագայլերը սիրաբանում են իր հովիտներում, իսկ

կետերը օվկիանոսում հետևում նրա քայլերին։ Խիզախ վայրենին, ապաստանած իր շարժուն խութի վրա, կրծքին է սեղմում իր կնոջը, որ Աստված է տվել իրեն, և նա անծանոթ ուրախություններ է ապրում հեշտանքի և վտանգների այդ խառնուրդի մեջ։

Ի դեպ, այս բարբարոսը շատ պատճառներ ունի նախընտրելու իր երկիրն ու իր վիճակը մեր երկրից և մեր վիճակից։ Որքան էլ մեզ անշուք և անարժեք թվա նրա էությունը, պետք է ընդունել, որ թե՛ իր և թե՛ իր կատարած գործերի մեջ, այնուամենայնիվ, կա ինչ-որ բան, որ հայտնում է տակավին իր մարդկային արժանավորությունը։ Եվրոպացին նավարկելիս ամեն օր վախից կորցնում է իրեն մի մեծ նավի վրա, որ մարդկային ճարտարվեստի գլուխգործոցն է, այն դեպքում, երբ էսկիմոսը, մի ծովափոկի մորթու մեջ մտած, օվկիանոսի ջրերում տարութերվելիս, ծիծաղում է բոլոր վտանգների վրա։ Մերթ նա լսում է օվկիանոսի ջրերի շառաչյունը, որոնք բարձրանում են իր գլխից հարյուր ոտք վերև ու ծածկում իրեն, մերթ ալիքների կատարին բարձրացած՝ իր թևերի մեջ է առնում երկինքը։ Նստած իր տիկի մեջ՝ նա խաղ է անում կոհակների հետ, ինչպես մի երեխա, որ ճոճվում է ծառերի իրար միացած ճյուղերի վրա անտառի խաղաղ խորքերում։ Աստված այդ մարդուն զետեղելով մըրիկների շրջանում՝ նրա վրա դրել է արքայական մի նշան «Գնա՛, ~ գոչել է նրան ջրի հորձանքների միջից, ~ ես քեզ մերկ նետում եմ երկրի վրա, բայց ինչքան էլ որ դու թշվառ ես, որպեսզի մարդիկ չկարողանան ուրանալ քո ճակատագիրը, դու մի պարզ եղեգով պիտի իշխես ծովային բոլոր հրեշների վրա և փոթորիկները պիտի դնես քո ոտքերի տակ»։

Այսպես, մեզ մեր հայրենիքին կապելով, Նախախնամությունը միշտ հաստատում է իր ճանապարհները, և մենք մեր երկրի նկատմամբ ունենում ենք սիրո հազարավոր

պատճառներ: Արաբը երբեք չի մոռանում իր ուխտի ջրհորը, չի մոռանում իր այծյամին և մանավանդ իր ձիուն՝ իր ճանապարհի ընկերոջը: Սևամորթը միշտ հիշում է իր տնակը, իր նիզակը, իր բանանի ծառը և գերբայի ու փղի նեղ արահետը:

Պատմում են, որ անգլիացի մի կրտսեր նավաստի այնպիսի սիրով էր կապվել այն նավին, որի մեջ ծնվել էր ինքը, որ մի բոպե անգամ չէր կարողանում բաժանվել նրանից: Երբ ուզում էին նրան պատժել, սպառնում էին՝ ասելով, թե նավից ցած կիջեցնեն: Այն ժամանակ նա վազում թաքնվում էր նավամբարում՝ աղմուկ-աղաղակ բարձրացնելով: Ո՞վ էր տվել այդ պատանուն քամիներից ծեծված հասարակ մի նավի հանդեպ այդ ուժգին սերը: Անտարակույս դա չէր բխում զուտ տեղական և ֆիզիկական սովորույթներից: Միգուցե բարոյական որոշ համանմանությունների կային մարդու և նավի ճակատագրերի միջև, կամ ավելի շուտ, պատանին առանձին մի հրապո՞ւյր էր գտնում իր ուրախություններն ու վշտերը կենտրոնացնելով իր այդ այսպես ասած, օրորոցի մեջ: Միրտը, բնականաբար, սիրում է կծկվել. ինչքան քիչ է ցույց տալիս իրեն դրսից, այնքան քիչ է մակերես հանում իր վերքերը: Ահա թե ինչու, գերզգայուն մարդիկ, ինչպիսին հաճախ լինում են դժբախտները, սիրում են մեկուսանալ, քաշված ապրել խոնարհ տներում: Զգացումը ինչ-որ շահում է իր ուժգնությամբ, կորցնում է տարածվելով: Երբ Հռոմեական հանրապետությունը Ավենտինի<sup>2</sup> բարձունքից այն կողմ չէր անցնում, նրա զավակները ուրախությամբ էին մեռնում նրա համար, բայց երբ նրա սահմանները հասան մինչև Ալպյան և Տավրոսյան լեռները, նրանք դադարեցին նրան սիրելուց: Այս կարգի մի պատճառ էր անկասկած այն, որ անգլիացի պատանու մեջ առաջ էր բերում այդ նախասիրությունը իր հայրական նավի նկատմամբ: Լինե-

լով անծանոթ մի անցորդ կյանքի օվկիանոսի վրա՝ նա տեսնում էր, որ ծովեր են բարձրանում իր և մեր վշտերի միջև: Երանի՛ նրան, որ հեռվից էր նշմարում միայն աշխարհի տիսուր եղերքները:

Քաղաքակրթված ժողովուրդների մոտ հայրենիքի սերը հրաշքներ է գործել: Աստծու ծրագրերի մեջ միշտ անընդհատականություն կա. բնության մեջ նա հաստատել է սեր ծննդավայրի հանդեպ: Կենդանին որոշ չափով բաժանում է այդ բնազդը մարդու հետ: Բայց մարդն այն ավելի հեռու է մղում. նա առաքինության է վերածում այն, ինչը սովորույթ դարձած ընդհանրական մի զգացում էր սոսկ: Այսպես տիեզերքի ֆիզիկական և բարոյական օրենքները կապված են միմյանց հիանալի մի շղթայով: Առանց հայրենիքի սիրո մենք կասկածում ենք, որ հնարավոր լինի ունենալ ճշմարիտ առաքինություն և ճշմարիտ տաղանդ: Պատերազմում, մանավանդ, այդ սերը հրաշքներ է գործում: Գրականության մեջ նա ծնունդ է տվել Հոմերոսին և Վիրգիլիսին: Կույր բանաստեղծը նախընտրում է նկարագրել Հոնիայի<sup>3</sup> իր ծննդավայրի բարքերը, իսկ Մանտովայի<sup>4</sup> կարապը ոգեկոչում է միայն իր հայրենի երկրի հիշատակները: Վերջինս ծնվել է մի խրճիթում և զրկվել իր նախնիների ժառանգությունից: Այս երկու հանգամանքները, թվում է, առանձնապես ազդել են իր հանճարի վրա. դրանք նրա ստեղծագործություններին տվել են թախծի այն երանգը, որ այդ հանճարի գլխավոր հրապույրներից մեկն է կազմում: Նա անընդհատ մտաբերում է այդ իրադարձությունները, և երեսում է, որ նա միշտ քաղցրությամբ է վերհիշում այն Արգոսը<sup>5</sup>, ուր անց է կացրել իր երիտասարդությունը:

Բայց քրիստոնեական կրոնը եկավ իր պատշաճ չափի մեջ դնելու հայրենիքի սերը: Հների մոտ այս զգացումը պատճառ է դարձել բազում ոճիրների, որովհետեւ այն

տարված էր չափազանցության: Քրիստոնեությունը այն դարձրեց գլխավոր սեր և ոչ թե այլամերժ սեր: Ամենից առաջ նա մեզ ուսուցանում է լինել արդար: Նա ուզում է, որ մենք մեր հոգու չափ սիրենք Աղամի ընտանիքին, որովհետեւ այն մե՞ր ընտանիքն է, թեև մեր հայրենակիցները իրավունք ունենան սպասելու, որ մեր սերը նախ իրե՛նց վրա տարածվի: Այս բարոյականությունը անծանոթ էր մարդկությանը քրիստոնյաների օրենսդիր առաքինությունից: Հանիրավի են պնդում, որ նա ուզում է ոչնչացնել սիրո ուժգին զգացումները. Աստված չի փչացնում իր գործը: Ավետարանը սրտի մահը չէ, նա սրտի օրենքն է: Նա այն է մեր զգացումների համար, ինչ որ ճաշակն է արվեստների համար: Նա մեր զգացումներից պոկում հանում է այն, ինչ չափազանցված է, սխալ, հասարակ, գոեզիկ, և թողնում է այն, ինչ գեղեցիկ է, ճշմարիտ, իմաստուն: Ճիշտ ըմբռնված քրիստոնեական կրոնը հենց նախնական բնությունն է՝ մաքրված սկզբնական արատից:

Երբ հեռու ենք գտնվում մեր երկրից, այն ժամանակ ենք զգում մանավանդ այն բնազդը, որ մեզ կապում է մեր հայրենիքին: Իրականության բացակայության պատճառով ձգտում ենք երազներով սնվել: Սիրտը խաբուսիկ բաների փորձառությունն ունի: Ով կնոջ գրկից դուրս չի եկել, նա խմել է պատրանքների բաժակից: Մերթ մի խրճիթ է, որ ծառայել է մեզ որպես պապական օջախ, մերթ մի անտառ է, մի ձորակ, մի ըլուր, որոնցից յուրաքանչյուրը հայրենիք քաղցր անունով ենք հորջորջել: Անդրոմակեն<sup>6</sup> Սիմոհս<sup>7</sup> անունն է տալիս սովորական մի առվի: Ի՞նչ հուզիչ ճշմարտություն կա այդ փոքրիկ առվակի մեջ, որ հայրենի երկրի մեծ գետի պատկերով է դրսեորում: Երբ հեռու ենք այն ափերից, որ մեր ծնունդն են տեսել, բնությունը կարծես նվազում փոքրանում է, և մեզ թվում է, թե նա սոսկ ստվեր է այն բնության, որը մենք կորցրել ենք: Հայրենի-

քի բնագդի մեկ ուրիշ խարկանքն էլ այն է, որ մենք մեծ գին ենք տալիս մի առարկայի, որն ինքնին այնքան էլ արժեքավոր չէ, բայց, որը մեր երկրից է գալիս, և մենք այն մեղ հետ ենք տարել այնտեղից հեռանալիս։ Մեր հոգին ասես տարածվում է մինչև իսկ անշունչ անկենդան բաների վրա, որոնք բաժանել են մեր ճակատագիրը։ Մեր կյանքի մի մասը կապված է մնում հողի այն շերտին, ուր անցել է մեր երջանկությունը, և մանավանդ այն շերտին, որը մեր թշվառությունն է տեսել։

Նկարագրելու համար հոգեկան այն լքվածությունը, որ մարդ զգում է հայրենիքից հեռու, ժողովուրդն ասում է. «Այս մարդը հայրենիքի ցավով է տառապում»։ Դա իսկապես մի ցավ է, որ կարող է բուժվել միայն վերադարձով։ Բայց բացակայությունը ինչքան էլ ոչ երկար, միայն մի քանի տարի տեսած լինի, վերադառնալիս ի՞նչ ենք գտնում այն վայրերում, ուր ծնվել ենք։ Քանի՞սն են կենդանի մնացել այն մարդկանցից, որոնց թողեցինք այդ վայրերում։ Այստեղ, ուր պալատներ կային, հիմա գերեզմաններ են. այնտեղ, ուր գերեզմաններ կային, հիմա պալատներ են։ Հայրական արտը տատակներով է լցված, կամ հողը օտար մի արոր է ակոսում։ Եվ այն ծառը, որի տակ կերակուր ենք կերել, կտրվել դեն է գցվել։

Լուիսագանիայի նահանգում<sup>8</sup> կային երկու կանայք՝ մի սեամորթ և մի տեղաբնիկ վայրենի կին, որոնք երկու հարեան գաղութարարների մոտ ստրուկներ էին։ Այս երկու կանանցից յուրաքանչյուրը մի երեխա ուներ. սեամորթ կինը՝ երկու տարեկան մի աղջիկ, իսկ Հնդկուհին՝ նույն տարիքի մի տղա։ Որոշ ժամանակ անց՝ տղան մահանում է, և երկու մայրերը, համախորհուրդ, մի հարմար վայր են որոշում անապատում և երեք գիշեր հաջորդաբար գնում են այնտեղ։ Մեկը տանում էր իր մեռած որդուն, մյուսը՝ իր կենդանի աղջնակին. մեկը՝ իր Մամիտոհամ<sup>9</sup>, մյուսը՝ իր Ֆե-

տիշիճ<sup>10</sup>: Նրանք չէին զարմանում բնավ, որ այդպիսով նույն հավատն են դավանում՝ երկուսն էլ լինելով թշվառ: Հնդկուհին վերջին հարգանքն էր մատուցում առանձնության մեջ. «Սա իմ երկրի ծառն է, - ասում էր նա իր ընկերուհուն, - նստի՛ր և լա՛ց եղիր»: Այնուհետև, վայրենիների մոտ գոյություն ունեցող սովորության համաձայն, նրանք իրենց երեխաներին կախում էին մի թխկու կամ մի սարդենու ճյուղերից և օրորում՝ յուրաքանչյուրն իր երկրի երգերը երգելով:

Մայրական այս խաղերը, որոնք հաճախ քննցնում էին անմեղ երեխային, դժբախտաբար չէին կարող արթնացնել մեռածին: Այսպիսով միսիթարվում էին այս երկու կանայք, որոնցից մեկը կորցրել էր իր երեխային և իր ազատությունը, մյուսը՝ իր ազատությունը և իր հայրենիքը: Նրանք միսիթարվում էին արցունք թափելով:

Ասում են, որ մի ֆրանսիացի, ֆրանսիական մեծ հեղափոխության բռնապետական շրջանի<sup>11</sup>, ստիպված լինելով փախչել իր երկրից, իր ունեցած մի քանի արծաթ դահեկանով մի նավակ էր գնել Հռենոս գետի վրա և նրա մեջ էր բնակվում իր կնոջ և երկու երեխաների հետ: Դրամ չունենալով՝ նա ոչ մի տեղ չէր հյուրընկալվում: Երբ նրան վտարում էին գետի մի ափից, նա առանց տրտնջալու անցնում էր մյուս ափը, իսկ հաճախ երկու ափերից էլ հետապնդվելով՝ ստիպված էր լինում խարիսխ գցել գետի մեջտեղում: Նա ձուկ էր որսում կերակրելու համար իր ընտանիքին, բայց մարդիկ ուզում էին նրան զրկել նախախնամության այդ օգնությունից էլ: Գիշերները նա գնում չոր խոտ էր հավաքում մի քիչ կրակ վառելու համար, և մինչև նրա վերադարձը կինը տանջվում էր սաստիկ անձկությունների մեջ: Ստիպված լինելով վայրենու կյանք վարել քաղաքակիրթ չորս ազգերի միջև՝ այս ընտանիքը ընդարձակ երկրագնդի վրա մի հողակտոր չուներ, որի վրա

Համարձակվեր ոտք դնել։ Այսպես թափառելով ֆրանսիացի շրջակայքում՝ նրա ամբողջ մխիթարանքն այն էր, որ կարողանար երբեմն ազատ շնչել այն օդը, որ իր երկրի վրայով էր անցել։ Եթե մեզ հարցնեին, թե որո՞նք են այն ուժեղ կապերը, որոնցով մենք շղթայվել ենք մեր ծննդավայրին, մենք կդժվարանայինք պատասխանել։ Գուցե դա մի մոր, մի հոր կամ մի քրոջ ժպի՞տն է, գուցե մեր հին ուսուցչի հիշատա՞կը, որը մեզ կրթել ու դաստիարակել է, մեր մանկության ընկերնե՞րը, կամ գուցե այն խնա՞մքը, որ մենք ստացել ենք մի դայակից, մեծահասակ մի սպասավորից, որոնք ընտանեկան օջախի էական մասն են կազմում, և վերջապես, գուցե կյանքի ամենապարզ, եթե ուզում եք՝ նույնիսկ ամենահասարակ հանգամանքնե՞րն ու դեպքե՞րն են գիշերը դաշտում հաչող շունը, ամեն տարի մրգաստան վերադարձող սոխակը, ծիծեռնակի բույնը պատուհանի վրա, ծառերի վերևից երևացող եկեղեցու զանգակատունը, մենավոր սոճին գերեզմանատանը, գոթական ոճի դամբարանը, ահա՛ այս ամենը։ Բայց այս մանր ու անհան բաները լավագույնս ապացուցում են նախախնամության իրականությունը նրանով, որ դրանք չէին կարող դառնալ աղբյուրը հայրենիքի սիրո, ինչպես նաև այն բարձր առաքինությունների, որոնց ծնունդ է տալիս այդ աղբյուրը, եթե գերագույն մի կամք այդպես տնօրինած չլիներ։





**ԻՆՉ ԿԼԻՆԵՐ ԱՅՍՈՐ ՄԱՐԴԿԱՅԻՆ  
ՀԱՍԱՐԱԿՈՒԹՅԱՆ ՎԻԾԱԿԲ, ԵԹԵ  
ՔՐԻՍՏՈՆԵՈՒԹՅՈՒՆԸ ԵՐԵՎԱՆ ԵԿԱԾ ԶԼԻՆԵՐ  
ԵՐԿՐԻ ՎՐԱ**

Այս կարեոր հարցի ուսումնասիրությամբ մեր նպատակն է ցույց տալ, թե ինչ ենք պարտական քրիստոնեությանը, որպեսզի սովորենք ավելի լավ գնահատել այս հրաշալի կրոնը:

Օգոստոս<sup>1</sup> կայսրը իշխանության հասավ ոճիրների միջոցով և իշխեց առաքինությունների քողի տակ: Նա հաջորդեց աշխարհակալ մի կայսրի և, տարբերվելու համար նրանից, ապրեց խաղաղ կյանքով:

Զկարողանալով դառնալ մեծ մարդ՝ ուզեց լինել երջանիկ մի իշխանավոր: Նա երկարատև խաղաղություն պարգևեց իր հպատակներին: Եվ, ահա, ապականված մի մեծ հասարակություն ընկավ թմբիրի մեջ. այդ խաղաղությունը կոչվեց բարգավաճում: Օգոստոս կայսրը հանգամանքներից օգտվելու հանճարն ուներ. նա քաղեց այն պտուղները, որ պատրաստել էր իսկական հանճարը: Նա հետեւում էր նրան, բայց միշտ չէր ուղեկցում:

Տիբերիոս<sup>2</sup> կայսրը շատ էր արհամարհում մարդկանց և մանավանդ շատ էր ցույց տալիս այդ արհամարհանքը: Միակ զգացումը, որի մեջ անկեղծություն դրեց, հենց այն զգացումն էր, որ նա պետք է ծածկեր, բայց դա ուրախության այնպիսի մի ճիչ էր, որ նա չէր կարող չարձակել՝ տեսնելով, որ հոռմեացի ժողովուրդն ու ծերակույտը ավելի ստոր են, քան իր սեփական սրտի ստորությունը:

Հռոմը սիրեց Ներոնին<sup>3</sup>: Այս բռնակալի մահվանից դեռ երկար ժամանակ անց, նրա ուրվականները ուրախացնում և հուսադրում էին կայսրությանը: Այստեղ է, որ պետք է կանգ առնել՝ խորապես ըմբռնելու համար հոռմեական

բարքերը: Ո՞չ Տիտոսը<sup>4</sup>, ո՞չ Անտոնիոսը<sup>5</sup>, ո՞չ Մարկոս Ավ-  
րելիոսը<sup>6</sup> չկարողացան փոխել դրանց խորքը. դա կարող էր  
անել միայն Աստված:

Հռոմեացի ժողովուրդը միշտ եղել է զարհուրելի ժողո-  
վուրդ: Այն մոլություններն ու հոռի բարքերը, որոնց մեջ  
թափալվեց նա իր տիրակալների օրոք, չէին կարող ի հայտ  
գալ առանց բնածին որոշ այլասերվածության և սրտի  
խորքում անթեղված ախտավորության: Ապականված Ա-  
թենքը երբեք գարշելի չեղավ. նույնիսկ երկաթե կապանք-  
ների մեջ՝ նա մտածեց միայն ուրախանալու մասին: Նա  
գտավ, որ օտար նվաճողները ամեն ինչ չէին խլել իրենից,  
քանի որ թողել էին Մուսաների տաճարը:

Եթե Հռոմն առաքինություններ ցույց տվեց, ապա  
դրանք եղան հակաբնական առաքինություններ: Առաջին  
Բրուտոսը խեղդամահ արեց իր որդիներին, իսկ երկրորդն  
սպանեց իր հորը: Կան դիրքի հետ կապված առաքինու-  
թյուններ, որոնք շատ հեշտությամբ կարելի է ընդհանուր  
առաքինությունների տեղ ընդունել, և որոնք սոսկ տեղա-  
կան բնույթ ունեն: Ազատ Հռոմը նախապես ժուժկալ էր,  
որովհետև աղքատ ու խեղճ էր: Նա քաջասիրտ էր, որովհե-  
տեւ նրա հաստատությունները երկաթե կապանք էին  
դնում նրա ձեռքերին, և, որովհետև նա ավազակների քա-  
րայրից էր գուրս գալիս: Նա վայրագ էր, դաժան, անար-  
դար, ագահ, պերճասեր: Նրա հանճարն էր միայն գեղեցիկ,  
նրա նկարագիրն ատելի էր, տհաճ:

Տասնապետության շրջանի իշխանության դեկավարնե-  
րը ոտքի կոխան են անում Հռոմը: Կայոս Մարիոսը<sup>7</sup> հա-  
ճույքով է թափում ազնվականների արյունը, իսկ Սուլլան՝  
ժողովրդի արյունը: Որպես վերջին նախատինք, այս վեր-  
ջինը հրապարակավ ուրանում է բռնապետությունը: Կա-  
տիլինայի<sup>8</sup> դավակիցները հանձն են առնում սպանել իրենց  
հարազատ հայրերին և շատ հեշտությամբ տապալում են  
մեծ Հռոմը, որ Յուգուրթան<sup>9</sup> մտադրվել էր գնել:

Ապա գալիս են եռապետության շրջանի առաջնորդները՝ առանց դատաստանի ու քննության իրենց սահմանած մահապատիժներով։ Օգոստոս կայսը հրամայում է, որ հայրեն ու որդիները իրար սպանեն, և հայրեն ու որդիները սպանում են միմյանց։ Ծերակույտն իրեն չափազանց վատ է դրսերում նույնիսկ Տեքերիսի նկատմամբ։ Ներոն աստծու համար տաճարներ են կառուցում։ Ել չենք խոսում այն մատնիչների մասին, որոնք գուրս էին եկել պատրիկյան առաջնակարգ ընտանիքներից, չենք մատնանշում միենանույն գավագրության պարագլուխներին, որոնք իրար էին մատնում ու փողոտում, չենք հիշատակում հենց Ներոնի գեխությունների ժամանակ առաքինության մասին ճառող փիլիսոփաներին՝ հայրասպանությունն արդարացնող Սենեկային<sup>10</sup> նույն հայրասպանությունը, միաժամանակ գովաբանող ու որբացող Բուռհուսին<sup>11\*</sup>, չենք թվարկում Գալբայի<sup>12</sup>, Վիտելիոսի<sup>13</sup>, Դոմիտիանոսի<sup>14</sup>, Կոմմոդոսի<sup>15</sup> օրոք գործադրված այն ստոր արարքները, որոնց մասին հարյուր անգամ կարդացել ու լսել ենք, և, որոնք միշտ էլ զարմացնում են մեզ։ Առանց անդրադառնալու այս բոլորին, հատկանշական մի դեպք միայն մեզ ցույց կտա հռոմեական ստորության չափը։ Սեներոս կայսը<sup>16</sup> նախարար Պլառուտոսը, ամուսնացնելով իր աղջկանը կայսրի ավագ որդու հետ, ամորձատել տվեց հարյուր ազատ հռոմեացիների, որոնցից մի քանիսն արդեն ամուսնացել և ընտանիքի հայրեր էին դարձել, «որպեսզի, ~ ասում է պատմագիրը, ~ իր աղջիկը արևելյան թագուհու արժանի իրեն հետեւող ներքինիներ ունենա»<sup>\*\*</sup>։

\* Տակիտոս, Տարեգրություններ, հատ. ԺԴ, գլ. ԺԵ։ Պապինիանոսը, որը Հռոմեական կայսերական առյանում հնուտ իրավագետ էր և չէր հավակնում փիլիսոփայել, ի պատասխան Կարակալլա<sup>21</sup> կայսրի, որը հրամայում էր նրան արդարացնել իր եղբոր՝ Գետայի սպանությունը, ասում է. «Ավելի հեշտ է հայրասպանություն կատարելը,քան այն արդարացնելը»։

\*\* Դիոն Կապիտոս, հատ. 76, էջ 1271։

Նկարագրի այս ստորությանը միացրե՛ք բարքերի սարսափելի մի ապականություն։ Լրջմիտ Կատոնը<sup>17</sup> գալիս է ներկա լինելու Ֆլորա<sup>18</sup> աստվածուհուն նվիրված պոռնկական խաղերին։ Նա Մարսիա անունով իր կնոջը, որը հղի էր, զիջում է Հորտենսիոսին<sup>19</sup>։ Որոշ ժամանակ անց՝ Հորտենսիոսը մահանում է, և քանի որ նա Մարսիային էր թողել իր ամբողջ ունեցվածքը, Կատոնը նորից կնության է առնում նրան՝ ի վնաս Հորտենսիոսի որդու։ Ցիցերոնը<sup>20</sup> բաժանվում է իր Տերենտիա կնոջից՝ ամուսնանալու համար իր խնամակալությանը հանձնված որբուհու՝ Պուբլիլիսի հետ։ Սենեկան մեզ տեղեկացնում է, որ Հռոմում կային կանայք, որոնք իրենց տարիներն այլևս չեն հաշվում մեկ տարվա համար ընտրված ջյուղատոսներով, այլ՝ իրենց ամուսինների թվով։ Ներոնը հրապարակավ ամուսնանում է Պիթագոր անունով ազատագրված մի ստրուկի հետ, իսկ Հելիոդաբալը<sup>22</sup> տոնախմբում է իր ամուսնությունը Հիերոկլեսի հետ։

Արդեն քանի անգամ հիշատակված այս նույն Ներոնն էր, որ հաստատեց Յուվենալյան<sup>\*</sup> տոնակատարությունները։ Ասպետները, ծերակույտի անդամներն ու կանայք, որոնք գրավում էին թատրոնի առաջին շարքը, կայսրի օրինակով ստիպված էին բարձրանալ բեմ և երգել լկտի երգեր՝ ընդօրինակելով խեղկատակների շարժումները։ Ագրիպպայի<sup>23</sup> ջրավազանի մոտ, լճի եզերքին կառուցել էին տներ, որտեղ հռոմեացի ամենաազնվական կանայք նստում էին մերկամարմին, վայելչագեղ պոռնիկների դեմհանդիման։ Երբ գիշերն իջնում էր, ամեն կողմ լուսավորում էին, որպեսզի զեխություններն առանձին իմաստ ունենան և լինեն նվազ քողարկված։

---

\* Երիտասարդության աստվածուի Յուվենտայի պատվին կազմակերպված սոնակատարություններ Հռոմում (ծմբ. թարգմ.)։

*Մահը էական մաս էր կազմում այս հնադարյան գվար-  
ճություններին։ Նա միշտ ներկա էր այնտեղ որպես հա-  
կադրություն՝ առավել ցայտուն դարձնելու համար կյան-  
քի հաճույքները։ Որպեսզի կերուխումն ավելի զվարժ  
անցներ, բերել էին տալիս գլադիատորներ, որոնց ընկե-  
րակցում էին հանրային կանայք և սրնգահարներ։ Դուրս  
գալով անառակ կանանց թերի միջից՝ մարդիկ գնում էին  
տեսնելու, թե վայրի մի գազան ինչպես է խմում մարդկա-  
յին արյունը։ Պոռնկության մի տեսարանի ներկա լինելուց  
անմիջապես հետո գնում էին դիտելու վերջին շունչը փչող  
մի մարդու մարմնի ցնցումներն ու մկանների կծկումները։  
Օ՛հ, ինչպիսի՝ ահավոր ժողովուրդ է եղել հռոմեացի այս  
ժողովուրդը, որ նախատինքի առարկա է դարձրել թե՝  
ծնունդը և թե՝ մահը և բեմահարթակի վրա բարձրացրել  
բնության այդ երկու մեծ խորհուրդները՝ միանգամից ան-  
պատվելու համար Աստծու ողջ ստեղծագործությունը։*

*Հողի վրա աշխատող ստրուկները մշտապես երկաթե  
շղթաներ էին կրում իրենց ոտքերին։ Որպես սնունդ՝  
նրանց տալիս էին միայն մի քիչ հաց, ջուր և աղ։ Գիշերը  
նրանց արգելափակում էին գետնափոր նկուղների մեջ, ուր  
օդ էր մտնում միայն այդ խավարչտին զնդանների կամա-  
րածե երդիկի վրա բացված մի նեղ լուսամուտից։ Կար մի  
օրենք, որ արգելում էր սպանել առյուծներին, որոնք վե-  
րապահված էին Հռոմի հրապարակային խաղերին։ Եթե մի  
գյուղացի իր կյանքի պաշտպանության համար փորձեր  
կռվել այդ կենդանիներից մեկի դեմ, ապա խստորեն  
կպատճեր։ Երբ դժբախտ մի մարդ կատաղի հովագից պա-  
տառութելով կամ վայրի մի եղջերվի եղջյուրներից խո-  
ցոտվելով ընկնում մահանում էր կրկեսում, որոշ հիվանդ-  
ներ իսկույն վազում էին թաթախվելու նրա արյան մեջ և  
այն լակելու իրենց անհագ շրթունքներով։ Կալիգուլան<sup>24</sup>  
ուզում էր, որ հռոմեացի ժողովուրդն ունենար միայն մեկ*

գլուխ, որպեսզի սրի մի հարվածով թրատեր այն։ Այս նույն կայսրը, կրկեսի խաղերին սպասելիս, առյուծներին կերակրում էր մարդկային մսով, իսկ Ներոնն ստիպում էր մի եգիպտացու, որը հայտնի էր իր որկրամոլությամբ, ուտել կենդանի մարդկանց։ Տիտոսն իր հոր՝ Վեսպասիանոսի տոնը նշելու համար երեք հազար հրեաների հոշոտել տվեց գազաններին։ Տիբերիոսին խորհուրդ էին տալիս, որ սպանել տա իր վաղեմի բարեկամներից մեկին, որը, հալումաշ եղած, տանջվում էր բանտում։ «Ես չեմ հաշտված նրա հետ», ՝ պատասխանում է բռնակալը մեկ բառով, որն արտահայտում է հին Հռոմի ամբողջ ոգին։

Շատ սովորական բան էր, որ ամեն խավի, ամեն սեռի և ամեն տարիքի հինգ հազար, վեց հազար, տասը հազար, քսան հազար մարդիկ սրախողիսող արվեհին կայսրի մի պարզ կասկածանքի պատճառով։ Իսկ զոհերի ծնողները իրենց տները զարդարում էին տերևախիտ ոստերով, համբուրում էին կայսրաստծու ձեռքերը և ներկա լինում նրա կազմակերպած տոնակատարություններին։ Սեժանի<sup>25</sup> ինը տարեկան աղջիկը, որն ասում էր՝ այլև չեմ անի, և բանտ տարվելիս խնդրում էր, որ մտրակեն իրեն, պղծվեց դահճի կողմից և ապա խեղդամահ արվեց։ Ահա թե ինչպիսի՞ հարդանք ունեին այս «առաքինի» հռոմեացիները օրենքների հանդեպ…։ Կլաուդիոս<sup>26</sup> կայսրի իշխանության ժամանակ (և Տակիտոսն<sup>27</sup> այս դեպքը հիշատակում է որպես մի գեղեցիկ ներկայացում) տասնինը հազար մարդիկ փողոտեցին միմյանց Ֆուցին լճի վրա՝ զվարճացնելու համար հռոմեացի խաժամուժ ամբոխին։ Նախքան ձեռնամարտի անցնելը ուազմիկները ողջունում էին կայսրին՝ գոչելով։ «Ո՞վ մեծդղեսար, ովքեր մեռնելու են, ողջունում են քեզ»։ ՝ մի խոսք, որ որքան զզվելի է, նույնքան և հուզիչ։

Բարոյական զգացողության բացարձակ վերացումն էր, որ հռոմեացիներին թույլ էր տալիս հեշտությամբ գնալ

դեպի մահ, և դա հիացման էր արժանացել այնքան հիմարաբար: Ինքնասպանությունները միշտ էլ ընդհանուր երեսութեն եղել ապականված ժողովուրդների մոտ: Անբան անասունի բնազդին վերածված մարդը անտարբերությամբ է մեռնում, ինչպես անասունը: Մենք չենք խոսի տակավին հռոմեացիների մյուս հոռի կողմերի մասին, ինչպիսիք են՝ մանկասպանությունը, որը թույլատրվեց Ռոմուլոսի<sup>28</sup> կողմից և վավերացվեց Տասներկու աղյուսակների օրենքով<sup>29</sup>, ինչպես նաև այն զազրելի ընչաքաղցությունը, որը հատուկ է եղել այս նույն անվանի ժողովրդին: Ակապտիոսը Սալամինայի ծերակույտին փոխ էր տվել որոշ մի գումար: Վերջինս, չկարողանալով այդ գումարը վերադարձնել նշված ժամկետին, Ակապտիոսը իր ձիավորներով այնքան երկար ժամանակ պաշարման մեջ պահեց ծերակույտը, որ բազմաթիվ ծերակուտականներ քաղցից մահացան: Ատոյիկ Բրուտոսը, ինչոր գործարքի մեջ մտնելով այս հարստահարչի հետ, հետաքրքրվում է նրա անձով Ցիցերոնի մոտ, որը, իմանալով այդ մասին, չի կարողանում զսպել իր զայրույթը:

Եթե հռոմեացիները հետագայում ստրկության մեջ ընկան, ապա դրա համար նրանք պետք է մեղավոր համարեին միմիայն իրենց բարքերը: Ստորությունն է, որ նախ ծնում է բոնակալությունը և, բնական մի հակազդեցությամբ, բոնակալությունն այնուհետև երկարածգում է ստորությունը: Զգանգատվենք բնավ հասարակության ներկա վիճակից. արդի ամենաայլասերված ժողովուրդն անգամ խելոք ժողովուրդ է հեթանոս ազգերի համեմատությամբ:

Եթե ենթադրենք մի պահ, որ հների քաղաքական կարգն ավելի գեղեցիկ է եղել, քան մերը, նրանց բարոյական կարգը, սակայն, երբեք չմոտեցավ այն բարոյական կարգին, որին քրիստոնեությունը ծնունդ տվեց մեր մեջ:

Եվ, վերջապես, քանի որ բարոյականությունը, վերջին հաշվով, ընկերային ամեն հաստատության հիմքն է կազմում, մենք բնավ չենք հասնի հնադարի բարքերի ապականությանն այնքան ժամանակ, որ կմնանք քրիստոնյա:

Երբ քաղաքական կապերը խորտակվեցին Հռոմում և Հունաստանում, ի՞նչ արգելակ էր մնում սանձելու համար մարդկանց կրքերը: Այդքան անարդ աստվածությունների պաշտամունքը կարո՞ղ էր միթե անխաթար պահել այնպիսի ազնիվ բարքեր, որ օրենքներն ի վիճակի չէին պահպանելու այլևս: Այդ պաշտամունքը, հեռու լինելով դարմանելու ապականությունը, ընդհակառակը, դարձավ ապականության ամենաուժեղ ազդակներից մեկը: Սարսուռ պատճառող ծայրահեղ մի դժբախտություն է այն, որ աստվածների գոյության գաղափարը, որը սնում դաստիարակում է առաքինությունը մարդկանց մեջ, պահում և խորացնում էր հոռի գծերը հեթանոսների մոտ և թվում էր տեսականացնել հանցագործությունը՝ հավերժական սկզբունքի վերածելով այն:

Մարդկանց չարագործությունների ավանդություններ են մնացել մեզ մոտ, և սարսափելի աղետներ մշտապես հետեւել են բարքերի ապականությանը: Հնարավոր չէ՞ր արդյոք, որ Աստված տիեզերքի ֆիզիկական և բարոյական կարգը դասավորեր այնպես, որ մի տակնուվրայություն այս վերջինի մեջ իր հետեւից բերեր անհրաժեշտ փոփոխություններ մյուսի մեջ, և մեծ հանցագործությունները բնական կերպով առաջացնեին մեծ հեղափոխություններ: Միտքը, մտածումը ներգործում է մարմնի վրա անբացարելի կերպով. մարդը գուցե տիեզերքի մեծ մարմնի մտածումն է: Դա շատ կպարզացներ բնությունը և մեծապես կընդարձակեր մարդու հնարավորությունների ոլորտը: Դա նաև կլիներ բանալի՝ բացատրելու համար հրաշքները, որոնք կմտնեին իրերի բնական ընթացքի մեջ: Եթե ջրհե-

ղեղները, մեծ հրդեհները, պետությունների տապալումը տեղի ունեցած լինեին մարդու բարոյական արատների պատճառով, եթե ոճիրն ու պատիժը աշխարհի բարոյական և ֆիզիկական կշեռքի երկու թաթերի մեջ դրված երկու շարժիչ կշռաքարերը եղած լինեին, հարաբերակցությունը կլիներ գեղեցիկ և կազմեր սոսկ մեկ և ամբողջական մի ստեղծագործություն, որ առաջին հայացքից թվում է երկակի:

Կարող է պատահել, որ հոռմեական ապականված կայսրությունը քաշած բերած լինի իրենց անապատների խորքից բարբարոսներին, որոնք առանց իմանալու ամեն ինչ կործանելունչացնելու իրենց առաքելությունը, բնագդով իրենց կոչել էին Աստծու պատիժը: Ի՞նչ կդառնար աշխարհը, եթե քրիստոնեության մեծ տապանը փրկած չլիներ մարդկային ցեղի մնացորդներին այդ նոր ջրհեղեղից: Ինչպիսի՞ բախտ կսպասեր արդյոք գալիք սերունդներին, որտե՞ղ կպահանվեին գիտության լույսերը:

Բազմաստվածյան կրոնի քրմերը, բացի Պարսկաստանից և Եգիպտոսից, գրագետ մարդկանցից բաղկացած մի դասակարգ չէին կազմում: Բայց Եգիպտացի մոգերն ու քրմերը, որոնք, ի դեպ, իրենց գիտությունը չէին հաղորդում ուսմիկներին, բարբարոսների ներխուժման ժամանակ արդեն որպես դասակարգ գոյություն չունեին այլևս: Գալով Աթենքի և Ալեքսանդրիայի փիլիսոփայական աղանդներին՝ գրանք գրեթե ամբողջությամբ կենտրոնացել էին հիշյալ երկու քաղաքներում և ամենաշատը բաղկացած էին մի քանի հարյուր հուետորներից, որոնք հավանաբար խողիսողեցին այդ քաղաքների մնացած բնակչության հետ:

Հավատարմության ոչ մի ձգտում չէր մնացել այլևս հների մոտ. ոչ մի ջերմեռանդություն ուսուցանելու. ոչ մի մենաստան անապատներում՝ ապրելու համար այնտեղ Աստծու հետ և փրկելու գիտությունները: Յուպիտերի<sup>30</sup> ո՞ր քրմապետը պիտի համարձակեր քայլել Ատտիլայի<sup>31</sup>

առջեկից՝ կասեցնելու համար նրան, կամ ո՞ր դետացի քահանան պիտի համոզեր Ալարիկին<sup>32</sup>, որ իր զորքերը հետքաշեր Հռոմից։ Հռոմեական կասրություն մտնող բարբարոսներն արդեն կիսով չափ քրիստոնյա էին. բայց տեսե՛ք, թե ինչպես էին քայլում նրանք սկանդինավյան աստծու կամ թաթարների արյունոտ դրոշի տակ՝ իրենց ճանապարհին չհանդիպելով ո՛չ կրոնական զսպող մի ուժի, որ ստիպեր նրանց հարգել որևէ բան, ո՛չ էլ արմատավորված կայուն բարքերի, որոնք նոր էին սկսում կազմավորել Հռոմեացիների մոտ քրիստոնեության միջոցով։ Զկասկածենք բնավ, նրանք ամեն ինչ կկործանեին։ Դա նույնիսկ Ալարիկի ծրագիրն է եղել. «Իմ մեջ զգում եմ, ասում էր այս բարբարոս թագավորը, ինչոր բան, որ ինձ մղում է այրելու Հռոմը»։ Նա ավերակների վրա բարձրացած մի մարդ էր և թվում էր վիթխարի։

Այն բազմազան ժողովուրդներից, որոնք ներխուժեցին Հռոմեական կայսրություն, թվում է, թե գոթերը միակն էին, որոնց մոտ թույլ էր ավերելու ողին։ Մեծն թեոդորիկը<sup>33</sup> Օդոակը<sup>34</sup> թագավորին պարտության մատնողը, մեծ իշխանավոր էր, բայց նա քրիստոնյա էր. նրա նախարարապետ Բոետիուսը<sup>35</sup> նույնպես քրիստոնյա գրող էր։ Այս փաստը, սակայն, ի դերև է հանում բոլոր ենթադրությունները։ Ի՞նչ կանեին, օրինակ, կոապաշտ գոթերը. նրանք, անտարակույս, քարուքանդ կանեին ամեն ինչ, ինչպես մյուս բարբարոսները։ Արդեն շուտով նրանք այլասերվեցին։ Եվ, եթե Հիսուս Քրիստոսին պաշտելու փոխարեն, նրանք սկսեին պաշտել Պրիապին<sup>36</sup>, Վեներային<sup>37</sup> և Բակոսին<sup>38</sup>, ինչպիսի՛ զարհուրելի խառնուրդ առաջ կգար Օդինի<sup>39</sup> արյունալի կրոնից և Հունաստանի լկտի առասպելներից։

Բազմաստվածությունը այնքան անընդունակ էր պահպանելու որևէ բան, որ ինքն իսկ փուլ էր գալիս ամեն կողմից։ Մաքսիմինն<sup>40</sup> ուզեց քրիստոնեական ձեեր տալ նրան՝

կանգուն պահելու համար այն: Այս կայսրը յուրաքանչյուր նահանգում նշանակեց մի դևտացու որպես քահանայապետ, որ համապատասխանում էր քրիստոնյա եպիսկոպոսին և ներկայացնում մայրաքաղաքային կրոնական իշխանությունը: Հուլիանոսը<sup>41</sup> հիմնեց հեթանոսական վանքեր և Բաաղի<sup>42</sup> պաշտոնյաներին քարոզել տվեց իրենց տաճարներում: Քրիստոնեությունից ընդօրինակված այս խարիսուլ կառույցը շուտով փլուզվեց, որովհետև այն չէր պաշտպանված առաքինության ոգով և չէր հենվում մաքուր բարքերի վրա:

Հեթանոսներից հարգված միակ պարտված դասակարգը քահանաների դասակարգն էր: Վանքերն ու մենաստանները դարձան մեծ թվով օջախներ, որտեղ արվեստների սրբազն կրակը պահպանվեց հունարեն և լատիներեն լեզուների հետ: Կարելի է պատկերացնել այն անդունդը, որի մեջ մենք թաղված կլինեինք այսօր, եթե հեթանոսները բազմաստվածության տակ պահած լինեին աշխարհը ագգերի ներկա վիճակով, որտեղ քրիստոնեությունը հանգած է: Մենք բոլորս կլինեինք թուրք ստրուկներ կամ ավելի վատ մի բան, որովհետև մահմեղականությունը գոնե ունի բարոյական ինչ-որ հիմք, որ գալիս է քրիստոնեական կրոնից, որի շատ հեռավոր մեկ աղանդն է նա վերջին հաշվով: Բայց ինչպես որ առաջին հսմայիլը<sup>43</sup> եղավ աստվածաշնչական Հակոբի թշնամին, երկրորդ հսմայիլը նույնպես նորի հալածիչն է:

Շատ հավանական է, ուրեմն, որ առանց քրիստոնեության՝ հասարակության և գիտության կործանումը ամբողջական լիներ: Զենք կարող հաշվել, թե քանի դարեր անհրաժեշտ կլինեին մարդկային ցեղին՝ դուրս գալու համար տգիտության և ապականված բարբարոսության ճահճից, որի մեջ նա կմնար թաղված: Բավական էր միայն երկրագնդի երեք ցամաքամասերում ցրված և նույն նպատա-

կի համար միասնաբար աշխատող վանականների մի մեծ խումբ՝ պահպանելու համար այն կայծերը, որոնք արդի մարդկության մեջ վերստին վառեցին գիտությունների ջահը: Մի անգամ ևս կրկնենք, որ հեթանոսական հասարակության քաղաքական, փիլիսոփայական կամ կրոնական ոչ մեկ համակարգ չէր կարող կատարել այն անգնահատելի ծառայությունը, որ կատարեց քրիստոնեական կրոնը հօգուտ մարդկության: Նախնիների գրվածքները, ցըված լինելով վանքերում և մենաստաններում, մասամբ զերծ մնացին գոթերի ավերածություններից: Վերջապես բազմաստվածությունը, քրիստոնեության նման, գրագետ մի կրոն չէր (եթե թույլ տրվի մեզ այսպես արտահայտվել), որովհետև նրա նման նա բնագանցությունն ու բարոյականությունը չէր միացնում կրոնական ուսուցումներին: Իրենց սեփական միջոցներով գրքեր հրատարակելու անհրաժեշտությունը, որի առաջ կանգնեցին քրիստոնյա հոգևորականները՝ լինի իրենց հավատը տարածելու, լինի հերետիկության դեմ պայքարելու համար, մեծապես նպաստեց գիտությունների պահպանմանն ու վերածննդին:

Երևակայելի բոլոր վարկածները ի նկատի ունենալով՝ դարձյալ ու միշտ գտնում ենք, որ Ավետարանը կանխել է հասարակության կործանումը. որովհետև, ենթադրելով մի պահ, որ նա բնավ երևան եկած չլիներ երկրի վրա, իսկ մյուս կողմից՝ բարբարոսները մնացած լինեին իրենց անտառներում, հռոմեական աշխարհը, նեխսելով իր ապականված բարքերի մեջ, կգտնվեր զարհուրելի քայլայման սպառնալիքի տակ:

Կասեք, թե ստրուկները կապստամբեի<sup>o</sup>ն այդ գեպքում: Բայց նրանք նույնքան այլասերված էին, որքան իրենց տերերը: Նրանք բաժանում էին նույն հաճույքներն ու ամոթը, դավանում էին նույն կրոնը, և այդ մոլեռանդ կրոնը խորտակում էր բարոյական սկզբունքներում փոփոխու-

թյան ամեն հույս: Գիտություններն այլևս առաջ չէին գնում, նահանջում էին. արվեստներն անկում էին ապրում. փիլիսոփայությունը ծառայում էր միայն անկրոնության տարածմանը, անկրոնություն, որ սակայն չէր առաջնորդում կուռքերի ոչնչացմանը, այլ մեծահասակների մեջ առաջ էր բերում անաստավածության բոլոր ոճիրներն ու դժբախտությունները, իսկ անչափահասների մեջ՝ սնոտիապաշտություն: Մարդկային ցեղն արդյոք առաջադիմություն արձանագրեց նրա համար, որ Ներոնն այլևս չէր հավատում Կավիտոլի<sup>44</sup> աստվածներին և արհամարհանքով պղծում էր աստվածների արձանները:

Տակիտոսը վկայում է, որ հոռմեական նահանգների խորքում դեռևս պահպանվում էին մաքուր բարքեր : Բայց այդ նահանգներն ակսել էին դառնալ քրիստոնյա: Եվ մենք ենթադրելով տրամաբանում ենք. իսկ ի՞նչ կլիներ, եթե քրիստոնեությունը ծանոթ չլիներ նրանց, և բարբարոսները դուրս ելած չլինեին իրենց անտառներից: Գալով հոռմեական բանակներին՝ նրանք, ամենայն հավանականությամբ, կանդամահատեին կայսրությունը, որովհետև զինվորները նույնքան այլասերված էին, որքան մնացած քաղաքացիները: Նրանք շատ ավելի այլասերված կլինեին, եթե զորակոչված չլինեին գոթերի և գերմանական ցեղերի կողմից: Ինչ որ կարող ենք ենթադրել այս ամենից, այն է, որ քաղաքացիական երկար պատերազմներից և ընդհանուր ապստամբությունից հետո, որը կարող էր տեսլ երկար դարեր, մարդկային ցեղը վերածված կլիներ ավերակաների վրա թափառող սակավաթիվ մարդկանց: Բայց քանի՛քանի՛ տարիներ հարկավոր կլինեին ժողովուրդների այս նորատունկ ծառին, որպեսզի իր ճյուղերը տարածեր ավերակաների այդքան բեկորների վրա: Որքա՛ն ժամանակ անհրաժեշտ կլիներ մոռացված կամ կորստյան մատնված գիտություններին՝ վերածնվելու համար, և մանկական ինչպիսի վիճակում կլիներ հասարակությունը դեռ այսօր:

Ինչպես որ քրիստոնեությունը փրկեց մարդկությանը ամբողջական կործանումից՝ դարձի բերելով բարբարոսներին և հավաքելով քաղաքակրթության և արվեստների մնացորդները, այնպես էլ նա կփրկեր հռոմեական աշխարհն իր իսկ ապականությունից, եթե այդ աշխարհն ընկած չլիներ՝ օտար զորքերի իշխանության տակ: Միայն կրոնը կարող է վերանորոգել և փրկել ժողովրդին իր արմատներից: Քրիստոնեական կրոնն արդեն վերահաստատում էր բարոյական բոլոր հիմքերը: Հներն ընդունում էին մանկասպանությունը և ամուսնական կապի խզումը, որը, իրականում, առաջին կապն է ընկերային կյանքում: Նրանց ուղղամտությունն ու արդարությունը առնչվում էին հայրենիքի գաղափարի հետ, դրանք չէին անցնում իրենց երկրի սահմաններից այն կողմ: Ժողովուրդները խմբովին ունեին ուրիշ սկզբունքներ, քան առանձին քաղաքացին: Ամոթխածությունը և մարդկայնությունը դասվում էին առաքինությունների շարքին: Ամենաբազմամարդ դասակարգը ստրուկների դասակարգն էր: Հասարակությունները մշտապես տարբերվում էին ժողովրդական իշխանության և բռնապետության միջև: Ահա այն չարիքները, որոնց դեմ քրիստոնեությունը բերում էր ստույգ դարձանելու, ինչպես նա այդ ապացուցեց՝ նշված չարիքներից փրկելով ժամանակակից հասարակությունները: Առաջին քրիստոնյաների խստակրոնության ծայրահեղությունն իսկ անհրաժեշտ էր. պետք է, որ լինեին ժուժկալ կյանքի մարտիրոսներ, երբ ամենուրեք կային ժողովրդական պոռնկություններ. պետք է, որ լինեին մոխրով և մազեղենով ծածկված ապաշխարողներ, երբ օրենքը թույլատրում էր մեծագույն հանցագործությունները բարքերի դեմ, եղբայրասիրության հերոսներ, երբ կային բարբարոս հրեշներ: Վերջապես, ամբողջ մի ժողովուրդ պոկել դուրս բերելու համար կրկեսների անարդ մրցամարտերից, պետք է, որ

կրոնն ունենար, այսպես ասած, իր ըմբիշներն ու իր ներկայացումները թեքայիդի<sup>45</sup> անապատներում:

Ուրեմն Հիսուս Քրիստոս, նյութական իմաստով, ամենայն իրավամբ կարող է կոչվել աշխարհի փրկիչը, ինչպիսին որ նա է հոգեսոր իմաստով։ Նրա երեսումը երկրի վրա, մարդկային պատմության տեսակետից, ամենամեծ եղելությունն է, որը երբեք պատահած լինի մարդկանց, քանի որ Ավետարանի քարոզությամբ է, որ սկսվեց աշխարհի վերանորոգումը։ Շատ ուշագրավ է Մարդու Որդու գալստյան պահը. եթե դա լիներ մի քիչ ավելի շուտ, նրա բարոյախոսությունը բացարձակապես անհրաժեշտ չէր լինի, ժողովուրդները կշարունակեին դեռ մնալ իրենց նախկին բարքերի և օրենքների մեջ. իսկ եթե լիներ մի քիչ ավելի ուշ, աստվածային Մեսիան աշխարհ եկած կլիներ հասարակության կործամումից հետո միայն։

Մենք պարծենում ենք այս գարում, որ գիտակ ենք փիլիսոփայությանը, բայց հիրավի, այն թեթևամտությունը, որ ցուցաբերում ենք քրիստոնեական հաստատությունների նկատմամբ, բոլորովին էլ փիլիսոփայական չէ։ Ավետարանը, ամեն տեսանկյունից, փոխել է մարդկանց, նրանց հսկայական քայլ է կատարել տվել դեպի կատարելություն։ Դիտեցեք այն որպես մի մեծ կրոնական հաստատություն, ուր մարդկային ցեղը վերածնվել է. և ահա բոլոր մանր-մունք առարկությունները, հակակրոնական բոլոր արհամարհոտ բանսարկություններն անհետանում են։ Ստույգ է, որ հեթանոս ազգերը մի տեսակ բարոյական մանկության մեջ էին՝ համեմատած այն վիճակի հետ, որ մենք ներկայացնում ենք այսօր։ Որոշ հին ժողովուրդների մոտ նկատվող արդարության առանձին գեղեցիկ գծեր չեն ժիւտում այս ճշմարտությունը և չեն այլափոխում իրողությունների խորքը։ Քրիստոնեությունը, անտարակույս, մեզ բերել է նոր հայտնություններ։ Դա մի կրոն է, որ

պատշաճում է այն ժողովրդին, որին հասունացրել է ժամանակը. դա, եթե համարձակվենք այսպես ասել, աշխարհի ներկա տարիքին բնորոշ կրոն է, ինչպես որ աստվածաշնչական դեմքերի իշխանությունը պատշաճում էր սկզբնական շրջանի իսրայելին: Քրիստոնեությունը երկնքում դրեց միայն մեկ Աստված, իսկ երկրի վրա վերացրեց ստրկությունը: Մյուս կողմից, եթե դուք նայեք նրա խորհուրդներին որպես բնության օրենքների սկզբնատիպ, դրանցում տիսրեցնող կամ վհատեցնող ոչինչ չկա մեծ մտածողի համար. քրիստոնեության ճշմարտությունները, հեռու լինելով բանականության հնագանդություն պահանջելուց, ընդհակառակը, պահանջում են մտքի բարձրագույն գործունեություն: Այս դիտողությունն այնքան ճիշտ է, և քրիստոնեական կրոնը, որը մարդիկ ուզեցին ցույց տալ որպես բարբարոսների կրոն, այնքան խորապես փիլիսոփաների կրոն է, որ կարող ենք ասել, թե Պլատոնը համարյա այդ կանխագուշակել էր: Սոկրատի աշակերտի ոչ միայն բարոյագիտությունը, այլև նրա վարդապետությունը ակնբախ նմանություններ ունի Ավետարանի վարդապետության հետ: Դասիեն<sup>46</sup> դա ամփոփում է այսպես.

«Պլատոնն ապացուցում է, որ Բանը կարգավորեց և տեսանելի դարձրեց այս տիեզերքը, որ Բանի ճանաչումն այս աշխարհում խոստանում է երջանիկ կյանք և մահվանից հետո ապահովում հավիտենական երանություն, որ հոգին անմահ է, որ մեռելները հարություն են առնելու, որ տեղի է ունենալու բարի և չար մարդկանց համար վերջին դատաստան, որտեղ մարդիկ երևալու են իրենց առաքինություններով ու հոռի կողմերով, որոնք և պատճառ են դառնալու նրանց հավիտենական երջանկության կամ դժբախտության»:

«Վերջապես, ավելացնում է թարգմանիչը, Պլատոնն այնքան մեծ և այնքան ճիշտ գաղափար ուներ գերագույն

արդարության մասին, այնքան լավ էր ճանաչում մարդկանց այլասերվածությունը, որ նա ցույց է տվել, որ, եթե գերազանցապես արդար մի մարդ գար երկրի վրա, նա այնքան հակառակություններ կդաներ աշխարհում, որ կբանտարկվեր, կծաղրվեր, կանարգվեր, կմտրակվեր և վերջապես կխաչվեր նրանց կողմից, ովքեր, անարդարությամբ լեցուն լինելով հանդերձ, կնկատվեին որպես արդար մարդիկ»:

Քրիստոնեության մասին չարախոսողները գտնվում են այնպիսի դրության մեջ, որ նրանց համար դժվար է չընդունել իրենց սխալը. եթե նրանք պնդում են, որ քրիստոնեությունը գոթերի և վանդալների կողմից ձևավորված կրոն է, ապա նրանց հեշտությամբ կարելի է ապացուցել, որ Հունաստանի դպրոցներն ունեցել են քրիստոնեական ուսմունքից բավականաչափ տարբեր գաղափարներ, իսկ եթե նրանք, ընդհակառակը, պաշտպանեն այն տեսակետը, թե ավետարանական վարդապետությունը սոսկ հների փիլիսոփայական վարդապետությունն է, ինչո՞ւ, ուրեմն, մերժում են այդ վարդապետությունը: Նույնիսկ նրանք, ովքեր քրիստոնեության մեջ տեսնում են միայն վաղնջական երկնային այլաբանական պատկերներ, մոլորակներ, նշաններ և այլն, չեն համարձակվում խորտակել այս կրոնի մեծությունը: Դրանից հետեւում է միշտ, որ քրիստոնեությունը խոր է ու հիասքանչ իր խորհուրդների մեջ, հին է ու սրբազն իր ավանդությունների մեջ, ավանդություններ, որոնք գնում հասնում են մինչև աշխարհի սկիզբը: Տարօրինակ է, անտարակույս, որ անհավատների բոլոր մեկնաբանությունները ի վիճակի չեն թեկուզ փոքր կամ միջակ որևէ բան տալու քրիստոնեությանը:

Գալով ավետարանական բարոյականությանը՝ բոլորն ընդունում են դրա գեղեցկությունը: Այդ բարոյականությունն ինչքան ավելի ճանաչվի և գործադրվի, այնքան մարդիկ ավելի կգիտակցեն իրենց երջանկությունն ու ի-

րենց իրական շահերը։ Քաղաքական գիտությունը չափազանց սահմանափակ է։ Կատարելության վերջին աստիճանը, որին նա կարող է հասնել, ներկայացուցչական այն համակարգն է, որը ծնունդ է առել քրիստոնեությունից։ Բայց մի կրոն, որի պատվիրանները բարոյականի և առաքինության դատաստանագիրք են, այնպիսի մի հաստատություն է, որ կարող է փոխարինել ամեն ինչի և սրբերի ու իմաստունների ձեռքում դառնալ երջանկության համընդհանուր միջոց։ Գուցե մի օր կառավարման զանազան ձևեր, բացի բռնակալությունից, անկարեռ կժվան այլես, և մարդիկ կբավարարվեն բարոյական և կրոնական պարզ օրենքներով, որոնք հանդիսանում են հասարակությունների մնայուն հիմքը և մարդկանց կառավարման ճշմարիտ եղանակը։

Նրանք, ովքեր մտածում են հին դարերի մասին և ուզում են մեզ վերադարձնել այդ դարերի հաստատություններին, մոռանում են միշտ, որ այսօրվա կարգը նույնը չէ և չի կարող նույնը լինել։ Առ ի չգոյե բարոյական մի ուժեղ իշխանության, անհրաժեշտ է գոնե արգելակող մի մեծ ուժ մարդկանց մեջ։ Հին դարերի հանրապետություններում ամբոխը, ինչպես գիտենք, ստրուկ էր. Հողը մշակող մարդը պատկանում էր մի ուրիշ մարդու. կային ժողովորդներ, չկային ազգեր։

Բազմաստվածությունը, որ իր բոլոր ձևերով անկատար մի կրոն է, կարող էր համապատասխանել հասարակության այդ անկատար վիճակին, որովհետեւ յուրաքանչյուր ստրկատեր մի տեսակ բացարձակ իշխանավոր էր, որի սարսափելի բռնակալությունը ստրուկին մշտապես պահում էր իր պարտականության մեջ և կրոնական բարոյական ուժի պակասը լրացնում էր երկաթե կապանքներով։ Հեթանոսական կրոնը, չլինելով բավականաշափ կատարյալ՝ իսեղճին առաքինի դարձնելու համար, ստիպված էր թողնել, որ նրանք կատարուին, ինչպես մի չարագործի հետ։

Բայց իրերի ներկա դրության մեջ, դուք կարո՞ղ եք զսպել ազատ և իշխանավորի աչքից հեռու գտնվող գյուղացիների հսկայական մի զանգված, կարո՞ղ եք մի մեծ մայրաքաղաքի արվարձաններում կանխել խաժամուժ ամբոխի ոճիրները առանց այնպիսի մի կրոնի, որը քարոզում է անհատի պարտականություններն ու առաքինությունները կյանքի բոլոր պայմաններում։ Կործանեցեք ավետարանական կրոնի մոլեուանդ աստվածների խորանները վերականգնվեին արդի ժողովուրդների մոտ, եթե ընկերային այնպիսի մի վարչակարգում, որտեղ վերացվել է ստրկությունը, մարդիկ գնային պաշտելու գող Հերմեսին<sup>47</sup> և պոռնիկ Վեներային, ապա մարդկային ցեղի վերջը եկած կլիներ։

Եվ հենց այստեղ է մեծ սխալն այն մարդկանց, որոնք գովաբանում են բազմաստվածությունը, որ բաժանել է բարոյական ուժերը կրոնական ուժերից։ Նրանք, միաժամանակ, պախարակում են քրիստոնեությունը, որ հետևել է հակառակ համակարգից։ Նրանք չեն անդրադառնում, որ հեթանոսական կրոնն ուղղված էր ստրուկների հսկայական մի բանակի և, հետևաբար, պետք է վախենար մարդկությանը լուսավորելուց, պետք է ամեն ինչ մատուցեր մարդու զգայարանքներին և ոչինչ չաներ նրա հոգու դաստիարակության համար։ Ընդհակառակը, քրիստոնեությունը, որ ուզում էր կործանել ստրկությունը, պետք է մարդկանց բացահայտեր իրենց էության արժանավորությունը և նրանց ուսուցաներ բանականության և առաքինության հիմունքները։ Կարող ենք ասել, որ ավետարանական կրոնը ազատ ժողովրդի կրոնն է հենց միայն նրա համար, որ նա բարոյականությունը միացնում է կրոնին։

Ժամանակն է վերջապես սարսափել այն վիճակից, որի մեջ ապրեցինք մի քանի տարուց ի վեր: Մտածենք այն սերնդի մասին, որը հասակ է առնում մեր քաղաքներում և գյուղերում, այն բոլոր երեխաների մասին, որոնք, ծնված լինելով Հեղափոխության տարիներին, երբեք ոչինչ չեն լսել ո՛չ Աստծու մասին, ո՛չ իրենց հոգու անմահության մասին և ո՛չ էլ այն ցավերի վարձատրությունների մասին, որ սպասում են իրենց հանդերձյալ կյանքում: Մտածենք, թե ինչ կարող է դառնալ նման մի սերունդ, եթե չշտապենք դեղ դնել բացված վերքի վրա: Արդեն երեան են դալիս ամենատագնապալի ախտանշանները. անչափահաս երեխաներ անմեղության տարիքը պղծել են իրենց բազմաթիվ հանցագործություններով<sup>\*</sup>: Փիլիսոփայությունը, որ վերջին հաշվով չի կարող թափանցել աղքատի խրճիթից ներս, թող գոհանա բնակություն հաստատելով մեծահարուստի ապարանքներում և խրճիթները գոնե թող թողնի կրօնին. կամ, ավելի շուտ, լավագույն ձեռվ առաջնորդվելով և ավելի արժանի լինելով իր անվանը, թող ինքն իսկ խորտակի այն պատճեշները, որ ցանկացել էր բարձրացնել մարդու և նրա Արարչի միջև:

Բերենք մեր վերջին եզրակացությունները՝ հենվելով այն հեղինակությունների վրա, որոնք, հուսով ենք, անվատահելի դեմքեր չեն լինի փիլիսոփաների համար: Այսպես՝ «Մի քիչ փիլիսոփայություն, ~ ասում է Ֆրանսիս Բեկոնը<sup>48</sup>, ~ հեռացնում է կրօնից, շատ փիլիսոփայություն՝ բերում հանգեցնում է նրան: Ոչ ոք չի մխտում, որ Աստված կա, բացի այն մարդուց, որի համար շահավետ է, որ Աստված չլինի»:

---

\* Օրաբերթերը արձագանքում են այն բազմաթիվ հանցագրություններին, որոնք կատարվում են տասնմեկ-տասներկու տարեկան դժբախտ երեխաների կողմից: Պետք է, որ վտանգը շատ լուրջ եղած լինի, քանի որ գյուղացիներն իրենք են գանգատվում իրենց երեխաների հոռի վարքից (օճք. հեղինակի):

Հստ Մոնտեսկյոյի<sup>49</sup> «ասել, թե կրոնը սանձահարող միջոց չէ (որովհետև միշտ չէ, որ նա սանձահարում է), նշանակում է ասել, թե քաղաքացիական օրենքները նույնպես սանձահարող միջոց չեն... Ավելի լավ է, որ որևէ մարդ կամ որևէ ժողովուրդ բոլորովին կրոն չունենա, քան չարաշահի իր ունեցած կրոնը»\*:

«Վերջապես, - բացականչում է ժան-ժակ Ռուսոն<sup>50</sup>, - փախե՛ք նրանցից, ովքեր, բնությունը բացատրելու պատրվակով, մարդկանց սրտերում սերմանում են ցավալի ուսմունքներ, և որոնց թվացյալ սկեպտիկությունը հարյուր անգամ ավելի հաստատակամ և ավելի վարդապետական է, քան այն վճռական շեշտը, որ դրսեորում են նրանց հակառակորդները։ Այն մեծամիտ պատճառաբանությամբ, թե իրենք են միակ լուսավորյալները, ճշմարիտներն ու ողջամիտները, փորձում են ամբարտավանորեն ենթարկել մեզ իրենց կտրուկ որոշումներին և հավակնում են մեզ տալ, որպես ճիշտ սկզբունքներ, այն անիմանալի դրույթները, որ նրանք կառուցել են իրենց երևակայության մեջ։ Եվ, սակայն, տապալելով, կործանելով, ոտնատակ անելով այն ամենը, ինչ մարդիկ հարգում են, նրանք վշտահարներից խլում են իրենց թշվառության վերջին միսիթարանքը, հզորներից և մեծահարուստներից՝ իրենց կրքերի միակ արգելակը, նրանք մարդկանց սրտի խորքից պոկում են խղճի խայթը, առաքինության հույսը և դեռ պարծենում էլ են, թե իրենք մարդկային ցեղի բարերարներն են։ Նրանք ասում են, որ ճշմարտությունը բնավ վնասակար չէ մարդկանց։ Ես էլ եմ դրան հավատում, և դա, իմ կարծիքով, մի մեծ ապացույց է, որ այն, ինչ նրանք ուսուցանում են, ճշմարտությունը չէ։

Կեղծ փիլիսոփաների խմբի ամենասովորական սովետություններից մեկն այն է, որ նրանք հակադրում են լավ

\* Մոնտեսկյոն, «Օրենքների ոգու մասին» (Փրանս.), հատ. Ի՞՞ գլ. Բ:

փիլիսոփաներ ունեցող մի ժողովուրդ վատ քրիստոնյաներից բաղկացած մի այլ ժողովորդի, կարծես թե ավելի հեշտ լիներ ստեղծել լավ փիլիսոփաներ ունեցող մի ժողովուրդ, քան իսկական քրիստոնյաներից բաղկացած մի այլ ժողովուրդ: Երբ հարցը վերաբերում է անհատ մարդկանց, ես չգիտեմ, թե ո՞ր մեկին ավելի հեշտ է գտնել՝ լավ փիլիսոփայի՞ն, թե՞ իսկական քրիստոնյային: Բայց հենց որ հարցը ժողովրդին է վերաբերում, ես լավ գիտեմ, որ կլինեն ժողովուրդներ, որոնք կչարաշահեն փիլիսոփայությունը առանց կրոնի, ինչպես մերոնք չարաշահում են կրոնը առանց փիլիսոփայության: Եվ ինձ թվում է, որ դա շատ է փոխում հարցի հությունը:

Ի դեպ, հեշտ է գեղեցիկ ասացվածքներ հրապարակել գրքերում, բայց հարցն այն է, թե դրանք ճիշտ համապատասխանո՞ւմ են տվյալ ուսմունքին, անհրաժեշտորեն բխո՞ւմ են դրանից: Եվ հենց դա է, որ բնավ չի երևացել մինչև օրս: Մնում է տակավին գիտենալ, թե փիլիսոփայությունը, իր գահի վրա նստած, հեշտ ու հանգիստ պիտի պարտադրի՞ իր իշխանությունը սնափառությանը, շահամոլությանը, փառատենչությանը ու մարդկանց մանրմունը կրքերին և պիտի գործադրի՞ արդյոք այն քաղցր մարդասիրությունը, որով նա պարծենում է մեզ գրիչը ձեռքին: Որպես կանոն, փիլիսոփայությունը չի կարող անել այնպիսի լավ բան, որից ավելի լավը չանի կրոնը, իսկ կրոնը կանի շատ լավ բաներ, որ փիլիսոփայությունը չի կարող անել:

Մեր արդի կառավարությունները իրենց ամուր հեղինակությունն ու իրենց ոչ հաճախակի հեղաշրջումները անժիստելիորեն պարտական են քրիստոնեությանը: Քրիստոնեությունների հետ: Կրոնը, եթե ավելի մոտիկից ճանաչենք այն և մի կողմ թողնենք մոլեռանդությունը, ավելի մեղ-

մություն է տվել քրիստոնեական բարքերին։ Այս փոփոխությունն ամենևին մշակույթի կամ գրականության գործը չէ, որովհետեւ ամենուրեք, ուր գրականությունը փայլել է, մարդկությունն ավելի հարգված չի եղել։ Աթենացիների, եգիպտացիների, հռոմեացի կայսրերի, չինացիների վայրագությունները հաստատում են այդ։ Բարեգթության ինչպիսի՝ օրինակներ կան, որ պարտական ենք Ավետարանին։

Ինչ վերաբերում է մեզ, մենք համոզված ենք, որ քրիստոնեությունը պիտի հաղթական դուրս գա այն սարսափելի փորձությունից, որ վերջերս մաքրագործեց նրան։ Այս համոզումը մեզ ներշնչում է, որ նա կատարելապես բռնում է բանականության քննությունը, և որ ինչքան ավելի խորը ուսումնասիրենք այն, այնքան ավելի խորություններ կդառնենք նրա մեջ։ Նրա խորհուրդները բացատրում են թե՛ մարդուն և թե՛ բնությունը, նրա գործերը հաստատում են նրա պատվիրանները, նրա գլխասիրությունը, արտահայտված հազար ու մի ձեւերով, փոխարինել է հների վայրագությանը։ Նա ոչինչ չի կորցրել իր նախկին շքեղությունից, և նրա պաշտամունքը առավել ևս գոհացնում է մարդու և՛ սիրտը, և՛ միտքը։ Մենք ամեն ինչ պարտական ենք նրան՝ գրականություն, գիտություն, հողագործություն, գեղարվեստ և այլն։ Նա բարոյականությունը միացնում է կրոնին, իսկ մարդը՝ Աստծուն։ Հիսուս Քրիստոս՝ բարոյական մարդու Փրկիչը, նաև Փրկիչն է ֆիզիկական մարդու։ Նա եկավ որպես մի մեծ, մի երջանիկ եղելություն՝ հակակլուելու բարբարոսների հորդահոս հեղեղը և բարքերի ընդհանուր ապականությունը։ Եթե նույնիսկ ժխտենք քրիստոնեության գերբնական հրաշքները, նրա բարոյական վեհությունից, նրա բարիքների անսահման մեծությունից, նրա շլացնող գեղեցկությունից տակավին կմնա ինչ-որ բան, որ բավարար չափով կապացուցի, թե նա ամենահրաշալի և ամենամաքուր կրոնն է, որ մարդիկ երբեք պաշտած լինեն։

«Կան մարդիկ, ~ ասում է Պասկալը<sup>51</sup>, ~ որոնք արհամարհանք ունեն կրոնի հանդեպ. այդպիսիներին պետք է սկսել նախ ցույց տալ, որ կրոնը ամենեին հակառակ չէ բանականությանը, հետո՝ արժանի է հարգանքի, հետևաբար պետք է հարգել այն. այնուհետև պետք է այն սիրելի դարձնել և այնպես անել, որ մարդիկ ցանկան, որ կրոնը ճշմարիտ լինի, և ապա անհերքելի ապացույցներով ցույց տալ, որ այն ճշմարիտ է և, վերջապես, պարզել նրա հնությունն ու սրբությունը նրա մեծությամբ և վեհությամբ»:

Այսպես է այն ճանապարհը, որ գծել է այս մեծ մարդը, և որին մենք փորձեցինք հետևել: Մենք չգործածեցինք քրիստոնեության ջատագովների սովորական փաստարկները, սակայն ապացույցների մի ուրիշ շղթայաշարք, այնուամենայնիվ, մեզ բերում է նույն եզրակացության. և դա կլինի այս գործի<sup>\*</sup> արդյունքը:

Քրիստոնեությունը կատարյալ է. մարդիկ է, որ անկատար են: Արդ, կատարյալ մի հետևանք չի կարող դուրս գալ անկատար մի սկզբունքից: Ուրեմն, քրիստոնեությունը չի եկել մարդկանցից. եթե նա չի եկել մարդկանցից, ապա կարող է եկած լինել միայն Աստծուց:

Եթե Աստծուց է եկել, մարդիկ կարողացել են այն ճանաչել միայն հայտնությամբ:

Ուրեմն, քրիստոնեությունը հայտնութենական կրոն է:



\* Խոսքը վերաբերում է հեղինակի «Քրիստոնեության հանճարը» գրքին (Ժն. քայլամ.):

## ԾԱՆՈԹԱԳՐՈՒԹՅՈՒՆՆԵՐ

### ԲԱՐՈՅԱԿԱՆ ՄՐԱՏՆԵՐ ԵՎ ԱՌԱՔԻՆՈՒԹՅՈՒՆՆԵՐ

**1. Լիկուրգոս-** Սպարտացի օրենսդիր: Ապրել է մեր թվագրությունից առաջ 9-րդ դարում: Ըստ ավանդության՝ նա իր հաստատած խստագույն օրենքների նախնական օրինակները ձեռք է բերել Կրետեում, Եգիպտոսում և Ասիայում: Մի այլ ավանդության համաձայն՝ Սպարտայի սահմանադրությունը նրան թելադրել է դելփյան պատգամախոսը: Իր մահից առաջ Լիկուրգոսը երդվեցրել է իր հայրենակիցներին, որ բնավ չփոխեն այդ սահմանադրությունը: Թվում է, թե այս ավանդությունը տարածվել է 7-րդ դարում (մ.թ.ա.) սպարտական ազնվականության կողմից՝ հեղինակություն տալու համար տվյալ ժամանակաշրջանում սովորության իրավունք ստացած այդ օրենքներին:

**2. Կողրոս-** Արենքի վերջին առասպելական թագավորը, որը կամովին զոհաբերեց իր անձը դորիացիների դեմ կռվի ժամանակ, որովհետև մի գուշակ հաղթանակը խստացել էր երկու ժողովուրդներից նրան, որի դեկավարը սպանվելու էր:

**3. Պուլադես-** Յույն առասպելական հերոս՝ Օրեստի զարմիկն ու բարեկամը, որն օգնեց Օրեստին վրեժ լուծելու Ազամեմնոնին սպանողներից և ամուսնացավ նրա քրոջ՝ Էլեկտրայի հետ: Այս երկու հերոսների բարեկամությունը ոգեկոչված է Եսքիլեսի «Օրեստ» և Եվրիափիդեսի «Օրեստը և Իֆիգենյան Տավրիդուն» ողբերգությունների մեջ:

**4. Ռեգուլոս-** Յումեացի զորավար և քաղաքական գործիչ, որը 256 թ. (Ա.թ.) դեկավարեց Աֆրիկայի ճակատամարտը կարթագենացիների դեմ: 255 թ. գերեվարվելով կարթագենացիներից՝ խոշտանգվելով սպանվեց Կարթագենում 250 թ.:

**5. Առիիանոս-** (95-175) Յույն պատմաբան և փիլիսոփա, Էպիկտետի աշակերտը: Մասնակցել է Յուսիսային Կովկասում ալանների դեմ մղված մի ճակատամարտի, ձեռք է բերել հռոմեական քա-

ղաքացիություն, ապա դարձել կոնսուլ և այնուհետև՝ Կապադովկիայի կառավարիչ: Կյանքի վերջին տարիներն անցկացրել է Աթենքում:

**6. Դյու Գեսլեան-** Միջնադարի ֆրանսիացի նշանավոր ռազմական գործիչ, նաև նաև կցել է բազմաթիվ ճակատամարտերի, աչքի է ընկել հատկապես Հայութանյա պատերազմի ժամանակ անգլիացիների դեմ մղված մարտերում՝ տանելով փայլուն հաղթանակներ և մարմնավորելով ֆրանսիացի ժողովրդի հայրենասիրությունը:

**7. Բայար-** Ազնվական ծագումով միջնադարի ֆրանսիացի հայտնի ռազմական գործիչ, որը հաղթական կրիվներ է մղել իսպանացիների և վենետիկյան իշխանությունների դեմ՝ վաստակելով «Անվեհեր ասպետ» առասպելական անունը:

**8. Ռուսպո, Օրե, Բրես-** Դաշտավայրեր ֆրանսիայի տարբեր շրջաններում, ուր միջին դարերուն տեղի են ունեցել վճռական ճակատամարտեր:

**9. Սուրբ Ամբրոսիոս-** Ընդհանուր Եկեղեցու նշանավոր Հայրերից մեկը, գրող և բարձրաստիճան պաշտոնյա Հռոմեական կայսրությունում: 374 թ., դեռ նորընծա Եկեղեցական, նշանակվել է Միլանի եպիսկոպոս՝ հավատացյալ ժողովորդի ցանկությամբ: 386 թ. քրիստոնյա է մկրտել սուրբ Օգոստինոսին: Գրել է քարոզներ, ճառեր, դամբանականներ, բարոյագիտական աշխատություններ և հորինել մի շարք կրոնական տաղեր, որոնք ծանոթ են «Ամբրոսյան շարականներ» անունով: Ընդհանուր Եկեղեցում նրա հիշատակը տոնվում է դեկտեմբերի 7-ին:

**10. Պյութագորաս (570-480)-** Հույն նշանավոր մաթեմատիկոս և փիլիսոփա, մաթեմատիկական և միստիկական մի դպրոցի հիմնադիր, որի բազմաթիվ աշակերտները նրա մահից հետո կազմեցին գիտական, ինստիտուտական, քաղաքական և կրոնական մի աղանդ և կոչվեցին Պյութագորականներ: Պյութագորասը հավատում էր հոգիների բնակափոխությանը:

## **ԲԱՐՈՅԱԿԱՆ ՕՐԵՆՔՆԵՐԻ ԵՎ ՏԱՍՆԱԲԱՆՅԱ ՊԱՏՎԻՐԱՆՆԵՐԻ ՄԱՍԻՆ**

**1. Միանու-** Մեր թվագրությունից առաջ երկրորդ հազարամյակում ապրած կրետե կղզու թագավոր, որի անունը կապված է շատ հարուստ մի առասպելի հետ: Մինոսը համարվել է կրետացիներին քաղաքակրթող մի արդար դատավոր և իմաստուն օրենսդիր:

**2. Զարաթուստրա կամ Զորոաստր (ապրել է մ. թ. ա. 7-ից 4-րդ դարերի միջև)-** Իրանցի մարգարե և կրոնական բարեփոխիչ: Նրա ասմունքը, որը դատապարտում էր չարի իշխանությունը և ամրացնում միաստվածությունը, հետզհետե տարածվեց Իրանում, որի պատճառով նա հալածվեց և աքսորվեց Աֆղանստան: Նրան են վերագրվում «Ավեստայում» պահպանված գարաները (երգ, տաղ), որտեղ հեղինակը երկխոսության մեջ է նտնօւմ իր աստծու՝ Ահուրա Սազայի հետ:

**3. Օրմուզդ, Ահրիման-** Մազդեզական կրոնում Զուրվանի երկվորյակ որդիները, որոնցից առաջինը մարմնավորում է բարու աստվածությունը, իսկ երկրորդը՝ չարի աստվածությունը:

**4. Վիշնու-** Բրահմանական կրոնի երեք աստվածություններից մեկը և հնդկական բազմաթիվ աղանդների գերազույն աստվածը: Վիշնուն պաշտվում էր զանազան ձևերի տակ՝ իր արժանիքները խորհրդանշող հազարավոր անուններով: Նա ընդհանրապես պատկերված է նստած առասպելական մի թռչնի վրա, իր չորս թևերով, որոնցից մեկը կրում է մի սկավառակ, մյուսը՝ ծովային գոգածն մի մեծ խեցի, երրորդը՝ մի լոտոս, չորրորդը՝ մի մահակ: Վիշնուի պաշտոնն էր հսկել, որ երկնային մարմինների ներդաշնակ կարգավորությունը չխանգարվի, և պահովվի տիեզերքի պահպանությունը:

**5. Օգիրիս-** Եգիպտական աստված՝ Խսիսի եղբայրը և ամուսինը, որին նախանձուն է իր եղբայր Սեթը և նրան գցում Նեղոս գետը: Խսիսը նրան գտնում է Բիբլոսում և ետ բերում, բայց Սեթը նորից է բռնում նրան, ծվատում նրա մարմինը տասնչորս նասի և ցրում ամեն կողմ: Խսիսն սկսում է նորից փնտրել իր ամուսնուն, գտնում է և Անուբիսի օգնությամբ վերակազմում նրա մարմինն ու կյանք պար-

գեում նրան: Այսպիսով հարություն առաջ աստծուց նա ունենում է մի որդի՝ Յորուսին, որին զաղտնի մեծացնում է Նեղոսի գետաբերանի ճահիճներում: Յետագայում Յորուսը ժառանգում է իր հոր Երկրային թագավորությունը, իսկ այս վերջինը կառավարում է ննջեցյալների ստորերկրյա թագավորությունը: Յարություն առաջ աստծու այս առասպելի հիման վրա Եգիպտոսում, ապա նաև հունահռոմեական աշխարհում ստեղծվել է հուղարկավորական ծեսերի և վերակենդանացնան հավատալիքների մի ամբողջ ավանդություն:

6. **Տիֆոն**- Յունական առասպելաբանության հրեշներից մեկը, որը պատկերված է ամենազարհուրելի գժերով. լեռներից ավելի բարձր հասակ, թևավոր մարմին՝ ծածկված թեփերով կամ իժերով, վիշապների հարյուր գլուխ և բոց ժայթքող աչքեր: Տիֆոնը, որին իր նայրը ծնել էր Զևսից պարտված իր որդիների վրեժը լուծելու համար, հարձակվում է Օլիմպոսի վրա և փախուստի մատնում օլիմպիական աստվածներին, որոնք, գալով Եգիպտոս, թաքնվում են անապատում՝ ընդունելով կենդանիների կերպարանք: Զևսը նախ պարտվում, ապա շանթահարում և ճզմում է նրան այն լեռների տակ, որ հրեշն իզուր էր ճզմում արձակել նրա վրա:

7. **Սոլոն** (640-558)- Արենացի անվանի պետական գործիչ, Յունաստանի յոր իմաստուններից մեկը: Նրա անունը կապված է քաղաքական և զնկերային մի քարենորդությամբ: Նրա անունը կապված է քաղաքավաճեց և զարգացավ Արենքը: Անցնելով իշխանության գլուխ՝ նա քաղաքացիներին բաժանեց չորս դասերի, ըստ որում հարուստները գրավում էին կառավարման բարձրագույն աստիճանները, իսկ աղքատները մասնակցում էին քաղաքացիական խորհուրդներին և մաս կազմում ժողովրդական դատարանին: Սոլոնը Աստիկեում զարգացրեց արհեստագործությունն ու վաճառականությունը:

8. **Տրոֆոնիոս**- Ըստ ավանդության՝ Ապոլոնի տաճարը կառուցող ճարտարապետը, որն ուներ ստորերկյա մի սրբարան՝ նեղ ու խոր մի քարանձավ, ուր նրա պատգամախոսը տեսիլների և ձայների միջոցով գուշակություններ էր անում, որոնք հետագայում մեկնարանվում էին քրմերի կողմից:

**9. Յերես-** Յնձի և արգասավորության աստվածութի, որ պաշտվում էր Յունաստանում մեր թվագրությունից առաջ 6-ից 5-րդ դարերում:

**10. Էլ-զինա-** Քաղաք հին Յունաստանում:

**11. Դելփիս-** Քաղաք հին Յունաստանում, ուր գտնվում էր Ապոլոնի տաճարը, և ուր Պյութիա պատգամախոսը գուշակություններ էր անում՝ հաճախ Երկդիմի, որոնք մեկնաբանվում էին քրմերի կողմից:

**12. Բաաղ-** Ըստ քանանացիների և փյունիկեցիների՝ ամպրոպի, անձրևի և արգասավորության աստվածը, որի պաշտամունքը կատարվում էր բարձրադիր մի վայրում:

**13. Մերապիս-** Եգիպտական աստված՝ Երիտասարդ և հաղթահասակ, որը գլխավորապես պաշտվում էր Մեմֆիսում, ապա նաև Ալեքսանդրիայում և Յունաստանում:

**14. Թերես-** Քաղաք հին Յունաստանում: 336թ. (Ա. թ.) կործանվեց Ալեքսանդր Մակեդոնացու կողմից:

**15. Ցուպիտեր-** Յօնմեական աստված՝ Սատուրնի և Ուեյի որդին, որը միաժամանակ Երկնքի հայրն էր ու տերը: Պաշտվել է Կապիտոլի մեջ տաճարում:

**16. Կապիտոլի-** Յօնմի բլուրներից մեկը, որի գագաթին գտնվում էր Յուպիտերի տաճարը:

### **ՄՈՎՍԵՍԻ ԱՎԱՆԴՈՒԹՅԱՆ ԳԵՐԱԶԱՆՑՈՒԹՅՈՒՆԸ ՄՅՈՒՄ ԲՈԼՈՐ ԿՈՍՄՈԳՈՆԻԱՆԵՐԻ ՆԿԱՏՄԱՄԲ**

**1. Զարաթուստրա կամ Զորոաստր** (ապրել է մ.թ.ա. 7-ից 4-րդ դարերի միջև)- Իրանցի մարգարե և կրոնական բարենորոգիչ: Նրա ուսմունքը, որը դատապարտում էր չարի իշխանությունը և ամրացնում միաստվածությունը, հետզհետեւ տարածվեց Իրանում, որի պատճառով նա հալածվեց և աքսորվեց Աֆղանստան: Նրան են վերագրում «Ավեստայում» պահպանված գարաները (Երգ, տաղ), ո-

րոնցում հեղինակը երկխոսության մեջ է մտնում իր աստծու՝ Ահուրա Մազդայի հետ:

**2. Հուսիեն Սամոսատեցի** (125-192)- Հույն նշանավոր երգիծաբան, սովեստների դպրոցի հետևորդ: Մասնագիտությամբ եղել է իրավաբան: Կյանքի վերջին տարիներն անցկացրել է Եգիպտոսում որպես Հռոմեական կայսրության բարձր պաշտոնատար: Հեղինակ է շուրջ 70 աշխատությունների՝ երգիծական գրվածքներ, պամֆլետներ, երկխոսություններ, որոնցից հայտնի են՝ «Սեռելների երկխոսություններ», «Աստվածների երկխոսություններ», «Կուրտիզանների երկխոսություններ» և այլն:

**3. Պլուտարկոս** (շուրջ 50-125)- Հույն կենսագիր և բարոյագետ: Գրել է մեծ թիվ աշխատություններ, որոնք խճված են երկու վերնագրերի՝ «Զուգահեռ կյանքեր» և «Բարոյական երկեր»: Այս վերջիններն ընդգրկում են բարոյագիտական, քաղաքական, նաև կավարժական, պատմական և գրական բնույթի աշխատություններ, որոնք հաճախ շարադրված են պլատոնական երկխոսությունների ձևով: Պլուտարկոսը քննադատում է գլխավորապես ստոյիկյաններին և էպիկուրյաններին:

**4. Էդդա-** Այս անունով հայտնի են սկանդինավյան հին ժողովուրդների դիցարանական և առասպելական ավանդություններին վերաբերող երկու ժողովածուներ՝ «Բանաստեղծական Էդդա», որը 8-ից 13-րդ դարերում ստեղծված ժողովրական տաղերի մի հավաքածու է, և «Արծակ Էդդա», որը վերագրվում է 13-րդ դարում ապրած Սնորրի Ստուրլուսոն անունով մի հեղինակի:

**5. Թերես-** Քաղաք իին Հունաստանում, որը 336 թ. (ն. թ.) կործանվեց Ալեքսանդր Մակեդոնացու կողմից:

**6. Թալես-** Հույն մաթեմատիկոս և փիլիսոփա: Ապրել է 7-ից 6-րդ դարերում (ն. թ.): Հռչակավոր դարձավ՝ կանխատեսելով 585 թ. տեղի ունեցած արևի խավարումը: Նրան է վերագրվում ժամանակի առաջին ճշգրիտ չափումը արեգակնային նախնական մի սլաքի միջոցով:

**7. Զենոն** (335-264)- Կիպրոս կղզում ծնված հույն նշանավոր իմաստասեր: Պատանեկան տարիքից տեղափոխվել է Աթենք և

ստեղծագործել այնտեղ: Նրա փիլիսոփայական աշխատություններից միայն պատարիկներ են հասել մեզ: Նրա մահից հետո արենացիները նրա պատվին կանգնեցրել են նրա բրոնզե արձանը:

8. **Էպիկուր** (341-270)- Յույն փիլիսոփա: Արենքում հիմնել է իր դպրոցը և ունեցել բազմաթիվ հետևորդներ, որոնք հետագայում կոչվեցին էպիկուրյաններ: Ըստ Էպիկուրի՝ մարդու ճանաչողության և բարոյականի չափանիշը նրա գգայություններն են, որոնցից բխում են հաճույքները, որոնք երջանկության սկիզբն են, պայմանված որ մարդը կարողանա տիրապետել դրանց:

9. **Դեկալիոն**, **Պիրհա-** Պրոմեթեսի որդին: Ըստ առասպելի՝ Դեկալիոնը և նրա կինը՝ Պիրհան, եղել են միակ արդար մարդիկ, որոնք բրոնզե դարում փրկվել են աշխարհը կործանող ջրհեղեղից: Նրանք մի տապանի մեջ հասնելով Պառնասի գագաթը՝ վերաբնակեցրել են երկիրը իրենց հետևից նետելով իրենց մոր քարացած ոսկորները ըստ աստվածների պատգամի: Դեկալիոնի նետած ոսկորները դաշնում են տղամարդիկ, իսկ Պիրհայի նետածները՝ կանայք:

10. **Ասկուս, Էմիա-** Ըստ սկանդինավյան ժողովուրդների դիցարանական ավանդության՝ Ասկուսը և Ենլան եղել են մարդկային ցեղի նախահայրն ու նախամայրը:

11. **Օդիս-** Գերմանասկանդինավյան հին ցեղի գլխավոր աստվածը, որը եղել է միականի և ահազդեցիկ: Նրան մատուցվել են մարդկային զոհեր: Օդինը իշխել է պատերազմի, իմաստության և բանաստեղծության վրա: Նա միաժամանակ եղել է հնարողն ու մեծ վարպետը այբուբենի:

12. **Հեռերուս, Լեդուր-** Սկանդինավյան դիցարանական աստվածներ:

## ԽՈՐՀՐԴԻ ԷՌԻԹՅԱՆ ՄԱՍԻՆ

1. **Գոդունե-** Յին Յունաստանի քաղաքներից մեկը, որ կարևոր դեր է խաղացել Յունաստանի քաղաքական գործերում Զևսի հնագույն պատգամախոսներից մեկի շնորհիվ: Քաղաքի քրմերն ու

քրմուիհները աստվածների պատասխանը հայտնում էին՝ մեկնաբանելով սրբազն կաղնիների տերևների սոսափյունը, որն առաջանում էր քանուց կամ աղավնիների թռիչքից:

2. **Գիմառոտֆիստ-** Այսպես էին կոչվում հնդիկ հին փիլիսոփաները, որոնք համարյա ներկ էին շրջում, իրաժարվում մսից ու ամեն տեսակ գրգանքներից և ապրում հայեցողական կյանքով:

### ԵՐՐՈՐԴՈՒԹՅԱՆ ԽՈՐՀՐԴԻ ՄԱՍԻՆ

3. **Հերակլիոն** (388-312 Ա. թ.)- Հույն աստղագետ՝ Պլատոնի աշակերտը: Առաջին գիտնականն էր, որ հաստատեց, թե Երկիր մոլորակը թափալվում է իր առանցքի շուրջը:

4. **Պորփիոր** (234-305)- Սիրիական ծագումով հույն փիլիսոփա, Պլատոնի հետևորդ: Գրել է Պյութագորասի կենսագրությունը, ինչպես նաև մեկնություններ Պլատոնի և Արիստոտելի երկերի մասին: Պահպանվել են որոշ հատվածներ նրա «Հոգու վերադարձը Աստուն» և «Պատգամախոսների մասին» աշխատություններից:

5. **Սերապիս-** Հեթանոսական աստված, որի պաշտամունքը մուտք էր գործել Եգիպտոս Պտղոմեոս Ա-ի կողմից: Այս աստվածն իր մեջ միավորում էր հունական տարրեր աստվածությունների հատկությունները. նա միաժամանակ թե՛ բուժող աստված էր, թե՛ մեռելների և թե՛ արգասավորության աստված: Նրա պաշտամունքը, բացի Եգիպտոսից, տարածված էր նաև Հունաստանում, Հռոմում և Փոքր Ասիայում:

6. 7. 8. **Մատրիս, Օրոմասիս, Արամիմիս-** Հին իրանական աստվածներ, որոնք խորհրդանշում էին կատարելությունը, ճերդաշնակությունը և արևալույսը: Նրանց պաշտամունքը տարածված էր հնդեվրոպական ժողովուրդների մեջ:

9. **Դեմիսիոս Կրտսեր** (397-344 Ա. թ.)- Սիրակուսացի բռնակալ միապետ, որը Պլատոնին բերել տվեց իր մոտ, որպեսզի կազմակերպի իդեալական մի հանրապետություն: Եղել է մեծ մեկնաս:

10. **«ԷպիԱռմիս»-** Պլատոնի իմաստասիրական աշխատություններից մեկը:

**11. Տիմալոս Լոկրեսացի-** Յույն փիլիսոփիա, Պյութագորասի հետևորդ: Ապրել է հինգերորդ դարում (մ.թ.ա.): Մեծ ազդեցություն է ունեցել Պլատոնի մտածողության վրա:

**12. Մարսիլիո Ֆիչինո (1433-1499)-** Իտալացի հումանիստ փիլիսոփիա: Յելլենիզմի ներկայացուցիչ այս հոգևորականը եղել է միջնադարյան պլատոնական դպրոցի մեջ վարպետը: Թարգմանել է Պլատոնի Երկխոսությունները և նեոպլատոնականներ՝ Պորֆիորի, Պլոտինի և Պրոկլեսի երկերը: Նրա գրչին են պատկանում «Պլատոնական աստվածաբանություն» և «Քրիստոնեական կրոնի մասին» աշխատությունները: Ֆիչինոյի փիլիսոփայությունը ներդաշնակվում էր իր ժամանակի այն մտավորականների բարոյական մտահոգությունների հետ, որոնց ցանկությունն էր կերպարանափոխել քրիստոնեական Եկեղեցին:

**13. Յամրիքոս (250-330)-** Նեոպլատոնական փիլիսոփիա, որը ինաստասիրական մի դպրոց էր հիմնադրել Ասորիքում: Նրա մոտ նեոպլատոնիզմը դառնում էր քրիստոնեության հակադիր մի ուսմունք: Գրել է Պյութագորասի կենսագրությունը և մի աշխատություն խորհուրդների մասին:

**14. Մաքիմոս Տյուրոսացի-** Յույն փիլիսոփիա: Ապրել է մեր թվագրության Բ դարի կեսերին: Նա իրեն համարում էր Պլատոնի աշակերտ, հավատում էր գերազույն և անտեսանելի մի Աստծու, հոգու անձահությանը, ինչպես նաև դևերին: Այս վերջինները, ըստ նրա, Նախախնամության գործիքներն են: Տյուրոսացուց մեզ հասել են 41 ճառեր:

**15. Հայր Կալմետ-** Ֆրանսիացի միսիոներ, որ բազմաթիվ ճանապարհորդություններ է կատարել գլխավորապես Ասիայում և նոտիկից ուսումնասիրել հին հնդկական և չինական կրոնները:

**16. Լամաստամբաւ-** Յին հնդկական սրբազն գրքերից մեկը:

**17. Տարտարոս-** Ըստ հունական դիցաբանության՝ աշխարհի ամենախորունկ շրջանը, որը գտնվում էր դժոխքի ներքևում: Աստվածային ծագում ունեցող առաջին սերունդները այստեղ էին նետում իրենց թշնամիներին և հարազատ երեխաներին, ինչպես արեց Ուրանոսը: Ավելի ուշ, Զևսը այն դարձրեց ըմբռստ աստվածների բան-

տղ: Ժամանակի ընթացքում Տարտարոսը շփոթվել է դժոխքի հետ և ցույց է տվել այն վայրը, ուր չարչարվում էին հանցագործները:

18. **Տերտողիանոս** (155-225)- Լատիներենով ստեղծագործող քրիստոնյա առաջին գրողներից մեկը: Լինելով հեթանոսությունից դարձած կարթագենացի ջերմեռանդ հավատացյալ՝ Հյուսիսային Աֆրիկայում նա ծավալել է վարդապետական հսկայական աշխատանք: Իր ստեղծագործություններում նա քննադատում էր հեթանոսությունը («Ազգերին») և միաժամանակ պաշտպանում քրիստոնեությունը («Զատագովական»)՝ հակադրվելով հատկապես գնոստիկյանների ուսմունքին («Ընդդեմ Մարկիոնի»): Տերտողիանոսը կարթագենացի Կիպրիանոսի հետ սկիզբ դրեց լատինական աստվածաբանությանը:

19. **Իտալական հիմ աղամդի ուսմունքը**- Խոսքը վերաբերում է այսութագորյան փիլիսոփայությանը:

### ՓՐԿԱԳՈՐԾՈՒԹՅԱՆ ԽՈՐՀՐԴԻ ՄԱՍԻՆ

1. **Միլտոն Ջոն** (1608-1674)- Անգլիացի բանաստեղծ, հեղինակ փիլիսոփայական և հովվերգական բազմաթիվ բանաստեղծությունների և ներքողների: ճանապարհորդելով Ֆրանսիայում և Իտալիայում և ներշնչվելով գլխավորապես Վիրջիլիոսից և Վերածննդի մեջ բանաստեղծներ Պանտեհից, Պետրարկայից և Տասոյից՝ իր սկզբնական շրջանի բանաստեղծությունները գրել է լատիներեն լեզվով և նրանց ազդեցության տակ: Իր հայրենիքում նա եռանդուն պայքար է մղել ի նպաստ Եկեղեցու բարեկարգության և քարոզել վերաբարձ դեպի Քրիստոսի սկզբնական Եկեղեցին: Միլտոնը գործուն մասնակցություն է ունեցել նաև իր երկրի քաղաքական գործերում, սակայն 1652 թ. կորցնելով իր տեսողությունը՝ քաշվել է ասպարեզից և ամբողջությամբ նվիրվել գրականությանը՝ հորինելով 12 երգերից բաղկացած իր աստվածաշնչական մեջ պոեմը՝ «Դրախտ Կորուսյալը», որը կոսմիկական մի ողբերգություն է, ուր, որպես գլխավոր հերոս, հանդես է գալիս ոչ թե Ադամը, այլ՝ սատանան:

**2. Մասիյոն ժամ Բատիստ** (1663-1742)- Ֆրանսիացի մեծ քարոզիչ և հռետորական արվեստի դասախոս: Լինելով պերճախոս Եպիսկոպոս՝ նա հաճախ է հրավիրվել Լուդովիկոս ԺԴ-ի արքունիք՝ պալատական մեծ իշխանների և հայտնի մարդկանց մահվան առթիվ արտասանելու դամբանականներ: Յայտնի է նրա «Քարոզներ» ժողովածում՝ գրված համոզիչ պերճախոսությամբ և պարզ, հղկված լեզվով: Որպես մեծ բարոյագետ, Մասիյոնը քարոզել է խաղաղության և բարության իրեալը՝ համարձակորեն դատապարտելով աղետաբեր պատերազմները: 1719 թ. ընտրվել է ֆրանսիական ակադեմիայի անդամ:

**3. Սուրբ Հովհան Ուկեբերան** (344-407)- Յունական Եկեղեցու մեծ Տայրերից: Սկզբում եղել է Անտիոքում պարզ քահանա և վարելով ճգնավորական անբասիր կյանք՝ մեծ համբավ է ձեռք բերել և հետագայում բարձրացել ու դարձել Կոստանդնուպոլիսի պատրիարք: Որպես քարոզիչ՝ նա փայլել է իր պերճախոսությամբ և ստացել «Ուկեբերան» մականունը: Եկեղեցական կարգապահությանը վերաբերող նրա խիստ կեցվածքը և Եկեղեցին բարեկարգելու համար նրա ցուցաբերած նախանձախնդրությունը ի վերջո նրա վրա հրավիրեցին քաղաքական և Եկեղեցական բարձրաստիճան անձանց թշնամանքը և պատճառ դարձան նրա իշխանազուկնան ու աքսորին:

Ուկեբերանի երկերը բաղկացած են ճգնավորական կյանքին վերաբերող աշխատություններից և գրական ու փիլիսոփայական բովանդակությամբ մեծ թվով քարոզներից ու ճառերից: Այդ երկերը իրենց վրա կրում են անտիոքյան մեկնաբանական դպրոցի դրոշմը, և դրանցից շատերը քարզմանված են ոսկեդարյան հայ քարզմանիշների կողմից:

**4. Քլարք Սամուել** (1675-1729)- Անգլիացի փիլիսոփա և աստվածաբան: Քեմբրիջի համալսարանում ուսանել է դեկարտյան փիլիսոփայություն, ապա անցել անգլիկան հոգևորականության շարքերը: Նրա «Աստծու գոյության և ստորոգելինների մասին» աշխատությունը, որը պարունակում է նրա քարոզների ամբողջությունը, ուղղված է Սահմանօպայի փիլիսոփայության դեմ: Ժամանակի և տարածության մասին փիլիսոփա Լայբնիցի հետ փոխանակած իր

հայտնի «Նամականու» մեջ Քլարքը որդեգրել է Նյուտոնի ռեալիստական դիրքը, ըստ որի ժամանակն ու տարածությունը Աստվածաշուրջություն է: 1705 թ. Քլարքը հրատարակել է նաև իր կարևոր աշխատություններից մեկը «Զատագովություն քրիստոնեական կրոնի մասին» վերնագրով:

**5. Պասկալ Բլեզ** (1623-1662)- Ֆրանսիացի ականավոր գորոդական փիլիսոփա, մաթեմատիկոս և ֆիզիկոս: 1654 թ. Պասկալն ունեցել է հոգեկան հափշտակության մի գիշեր, որի հետևանքով որոշել է իր կյանքը նվիրել քրիստոնեական հավատին և բարեպաշտությանը: Լինելով խորապես քրիստոնյա՝ նա ձեռնամուխ է եղել գրելու ընդարձակ մի «Զատագովություն» քրիստոնեական կրոնի մասին, որը դժբախտաբար չի ավարտել իր կանխահաս մահվան պատճառով: Այդ աշխատությունից հրատարակվել են առանձին հատվածներ «Մտածումներ» վերնագրով:

## **ԱՆԱՍՏՎԱԾՈՒԹՅԱՆ ՎՏԱՆԳԸ ԵՎ ԱՆՕԳՈՒՏ ՀԻՆԵԼԸ**

**1. Էպամինոնտաս** (418-362 Ա. թ.)- Զորավար և պետական գործիչ իին Հունաստանուն, Թեքես քաղաքի ժողովողավարական կուսակցության առաջնորդներից մեկը, որը 371 թ. ջախջախեց սպառտացիներին և ազատեց իր հայրենիքը:

**2. Ցինցինատոս**- Գյուղական ծագումով հռոմեացի պարզ գինվոր, որը հետագայում իր փայլուն հաղթանակների համար դարձավ Հռոմի ազգային հերոս: Ապրել է 5-րդ դարում (Ա. թ.):

**3. Ֆարիոս** (275-203 Ա. թ.)- Հռոմեացի քաղաքական գործիչ: Հինգ անգամ եղել է հյուպատոս: 217 թ. նշանակվել է հռոմեական քանակի գերագույն հրամանատար և երկարատև, մաշեցնող պատերազմ մղել Հաննիբալի դեմ:

**4. Պապիրիոս Կուրսոր**- Հռոմայեցի ռազմական գործիչ, որը 325 թ. (Ա. թ.) նշանակվել է բանակի գերագույն հրամանատար: Հինգ անգամ եղել է հյուպատոս: Մեծ հռչակի է տիրացել որպես քաջ, եռանդուն և խիստ գինվորական:

**5. Էմիլիոս Պաուլոս-** Հռոմեացի զորավար, որը 216 թ. (Ա. թ.) պարտվեց և սպանվեց Կաննի (հարավային Իտալիա) ճակատամարտում Հաննիբալի դեմ մղված փյունիկյան երկրորդ ճակատամարտի ժամանակ:

**6. Սցիպիոն Աֆրիկացի** (235-183)- Հռոմեացի զորավար: 202թ. Աֆրիկայում Հաննիբալի դեմ իր տարած հաղթանակով վերջ դրեց փյունիկյան երկրորդ պատերազմին:

**7. Պոմպեոս** (106-48 Ա. թ.)- Հռոմեացի զորավար և պետական գործիչ: 66 թ. ավարտեց հռոմեացիների պատերազմը Պոնտոսի թագավոր Միհրդատ 6-րդի դեմ իր տարած հաղթանակով և նվաճեց Փոքր Ասիան, Ասորիքը և Պաղեստինը: Վերադառնալով Իտալիա՝ նա Կրասոսի և Կեսարի հետ 60 թ. կազմեց մի եռապետություն: Կրասոսի մահը նրան դեմ առ դեմ կանգնեցրեց Կեսարի հետ, որն այդ ժամանակ գտնվում էր Գալիայում: Այս երկու մարդկանց փառասիրությունը անխուսափելի դարձրեց քաղաքացիական պատերազմը: 48 թ. Ֆարսալի ճակատամարտում Պոմպեոսը պարտվելով՝ քաշվեց Եգիպտոս, որտեղ և սպանվեց:

**8. Միկամբը-** Այս անունով էր կոչվում հին գերմանական ժողովուրդը, որը մեր թվագրության 12 թվականին նվաճվելով հռոմեացիների կողմից՝ քշվեց Բելգիական Գալիա, որտեղ հետագայում խառնվեց ֆրանկների հետ:

**9. Սուրբ Լուիսիկոս** (1214-1270)- Ֆրանսիայի թագավոր՝ Լուիսիկոս 8-րդի որդին, որը 1242 թ. գահ բարձրանալով՝ սկսեց կառավարել Երկիրը: Նույն թվականին նա հաղթանակ տանելով Անգլիայի թագավոր Յենրիկոս 3-րդի դեմ՝ Փարիզի դաշնագրով վերջ դրեց ֆրանկունգլիական հակամարտությանը: Լինելով քրիստոնյա օահակալ՝ նա իր նավատորմիղով մասնակցեց խաչակրաց 7-րդ արշավանքին, սակայն Եգիպտոսում պարտվելով՝ բանտարկվեց և Սիրիայում չորս տարի գերի մնալուց հետո ազատվեց մեծ փրկագնով: Ապա խաչակրաների մի նոր արշավանք կազմակերպեց դեպի Յունիսային Աֆրիկա, ուր վարակիչ մի հիվանդությունից մահացավ Տունիսի պատերի տակ: Լինելով բարեպաշտ թագավոր՝ նա

ապրեց աղոթքով և պահեցողությամբ և 1297 թ. սրբադասվեց Բոնիֆացիոս 8-րդ պապի կողմից:

10. **Բայար** (1476-1524)- Ֆրանսիացի գինվորական, որը 1503 թ. հտալիայի դեմ մղված պատերազմի ընթացքում իր քաջագործություններով մեծ հռչակ ձեռք բերեց և ստացավ «անվեհեր ասպետ» մականունը:

11. **Մոնորանսի**- Ֆրանսիացի ազնվականների հայտնի ընտանիք, որի ներկայացուցիչներից մեկն էր Մոնորանսի դուքսը՝ (1493-1567) անվանի սպարապետը և Ֆրանցիսկոս Ա-ի մանկության ընկերն ու խորհրդականը:

### **ԱՆՀԱՎԱՏՈՒԹՅՈՒՆԸ ԳԼԽԱՎՈՐ ՊԱՏԺԱՌ ԺԱՇԱԿԻ ԵՎ ՈԳՈԽ ԱՆԿՄԱՆ**

1. **Ռենալ** (1713-1796)- Ֆրանսիացի հայտնի պատմաբան և փիլիսոփա: Եղել է հոգևորական, բայց հետագայում թողել է քահանայական կարգը՝ նվիրվելու համար փիլիսոփայությանը: Նրան մեծ ճանաչում է բերել հատկապես նրա «Եվրոպական հաստատությունների և վաճառականության փիլիսոփայական և քաղաքական պատմությունը երկու Յնդկաստաններում» աշխատությունը, որի հակակրոնական և հակագաղութարարական բովանդակությունը պատճառ է դարձել, որ նա աքսորվի Գերմանիա, ապա՝ Ռուսաստան:

2. **Դիդրո** (1713-1784)- Ֆրանսիացի հռչակավոր գրող, փիլիսոփա, մաթեմատիկոս և արվեստի տեսաբան: Երկար տարիներ աշխատել է «Ֆրանսիական հանրագիտարանի» պատրաստության վրա, որի նախաձեռնողներից մեկը և ապա տնօրենն է եղել: Յեղինակել է գրական, գեղարվեստական, փիլիսոփայական, քաղաքական բովանդակությամբ բազմաթիվ երկեր: Որպես փիլիսոփա, Դիդրոն աստվածաբանությունից անցնելով փորձարարական նախերիալիզմի՝ աշխատեց իրար հետ հաշտեցնել անաստվածությունն ու առաքինությունը՝ իր բարոյագիտությունը հիմնելով երկու մեծ ցանկությունների՝ երջանկության և բարեգործության բավարարման վրա:

**3. Բյուֆոն** (1707-1788)- Ֆրանսիացի ականավոր բնագետ և փիլիսոփա: Յանաշխարհային հոչակ է վայելել 36 հատորներից բաղկացած նրա «Բնական պատմություն» աշխատությունը: Երկրագնդի և երկրաբանական դարաշրջանների մանրամասն ուսումնասիրությունը նրան բերել էր այն համոզմանը, որ աշխարհը կազմվել է բարեշրջության օրենքով՝ անցնելով դանդաղ և երկար կերպարանափոխություններից:

**4. Մոնտեսկյո** (1698-1755)- Ֆրանսիացի գրող: Յայտնի է նրա «Պարսկական նամականի» փիլիսոփայական վեպը, որը երևակայական մի նամակագրություն է Եվրոպա ժամանած երկու պարսիկների միջև, որոնց տպավորությունները, իրու օտարականների, առիթ ծառայեցնելով՝ հեղինակը քննադատել է իր ժամանակի ֆրանսիական հասարակության, մասնավորապես փարիզյան բարքերը: Մոնտեսկյոյի «Օրենքների ոգու մասին» աշխատության հիման վրա հետագայում կազմվեց 1791 թվականի Ֆրանսիայի սահմանադրությունը լիբերալսահմանադրական կառուցվածքով:

**5. Խնամակալություն**- Լուդովիկոս ԺԴ-ի մահից հետո Ֆրանսիայում երկրի կառավարումը ժամանակավորապես հանձնվեց նրա եղբորորդի, Օոլեանի դուքս Ֆիլիպ իշխանին որպես խնամակալ, քանի որ գահի օրինական ժառանգ Լուդովիկոս ԺԵ-ն անչափահաս տարիքում էր: Այս ժամանակաշրջանը, որը տևեց 1715-ից մինչև 1723 թվականը, կոչվեց Խնամակալության կամ Իշխանապետության շրջան (ֆրանս. Régence): Խնամակալության ժամանակաշրջանը հատկանշվում է նախորդ՝ բացարձակատիրական վարչակարգի դեմ ազնվական դասակարգի ուժեղ հակագդեցությամբ:

### ՀՈՒՅԱՐՁԱՆՆԵՐԻ ԱՎԵՐԱԿՆԵՐԻ ՄԱՍԻՆ

**1. Լուի դը Ֆոնտան** (1757-1821)- Ֆրանսիայի բանաստեղծ և քննադատ: Գրել է դասական ոճի բանաստեղծություններ: Եղել է համալսարանի ճանաչված դասախոս և 1803 թ. ընտրվել է ֆրանսիական ակադեմիայի անդամ:

**2. Սուլք Բրուն** (1030-1101)- Միջնադարի կրոնավոր: 1084 թ. հիմնադրել է Կարտուսյան միաբանության մեծ վանքը Գրենորլի

մոտ, որը հետագայում դարձավ ճգնավորական կարևոր մի կենտրոն:

**3. Պալմիր-** Պատմական բնակավայր Սիրիայում, Դամասկոսի և Եփրատի միջև: Հնում եղել է քարավանների քառուղի: Պալմիրը 634 թ. վերջնականապես կործանվեց արաբների կողմից: Նշանավոր են հռոմեական և հելլենիստական ժամանակաշրջանից մնացած նրա ավերակները:

**4. Հարպոկրատես-** Եգիպտական աստված, որը ներկայացված է մատը ծծող մի երեխայի կերպարանքով: Պատկերում է Յորուս աստծու մանկությունը: Պաշտվել է Եգիպտական Իսիս և Օսիրիս աստվածների հետ: Յուներն ու հռոմեացիները որդեգրեցին այն և դարձրին լռության աստված, որին մեծարում էին միստիկ փիլիսոփաները:

**5. Անուրիս-** Ծնագայլի գլխով կամ շնագայլի գլուխ ունեցող մարդու կերպարանքով ներկայացված Եգիպտական աստված, որը նախագահում էր հուղարկավորության կամ բաղման ծեսերին և պաշտվում որպես մեռելների աստված:

**6. Տամաք-** Յովիտ, որը բաժանում է Օլիմպոսի և Օսսայի բարձրավանդակները, և որի միջով հոսում է Պինիոս գետը դեպի Եգեական ծով: Հնում Տամաքն հռչակված էր որպես սաղարթագեղ մի զով հովիտ և նվիրված էր Ապոլոնին:

**7. Հերե-** Զևսի և Յերայի դուստրը, որը մարմնավորում էր Երիտասարդությունը և նեկտար մատուցում աստվածներին: Հերեն ամուսնացավ Յերակլեսի հետ, երբ վերջինս անցավ աստվածների կարգը:

**8. Մանուկինա -** Տիտանների վեց քույրերից մեկը, որը մարմնավորում է հիշողությունը: Ըստ հունական ոիցարանության՝ Մանուկինայի և Զևսի կենակցությունից ծնվել են ինը մուսաները:

**9. Ֆիլոնելա-** Աբենքի առասպելական իշխանութիւն: Նրա զարմիկը, որ Թրակիայի թագավորն էր, բռնաբարում է նրան և ապա կտրում լեզուն, որպեսզի արգելի նրան խոսել: Բայց Ֆիլոնելան գտնում է միջոցը վրեժինդիր լինելու. նա հյուսում է մի գորգ, որի վրա պատ-

կերում է այդ արարքը և այն ուղարկում իր քողջը: Խայտառակված թագավորը հետապնդում է երկու քույրերին՝ սպանելու համար նրանց: Բայց աստվածները երկուսին էլ ազատում են՝ մեկին կերպարանափոխելով ծիծեռնակի, իսկ Ֆիլոմելային՝ սոխակի:

**10. Ալկիու-** Ծովային առասպելական թօչուն: Ըստ ավանդության՝ ալկիոնները երբ իրենց բույնը դնում են ծովի վրա, ծովը խաղաղվում է, և նավաստինները այդ համարում են բարենշան:

**11. Կադմուս-** Փյունիկյան ծագումով հույն առասպելական հերոս, Կադմեա բերդաբաղաքի հիմնադիրը: Ըստ ավանդության՝ նա եղել է կադմեացինների թագավորը, ամուսնացել է Արեսի և Աֆրոդիտեի դուստր Յերմիոնեի հետ, որից ունեցել է բազմաթիվ զավակներ: Յույնները նրան վերագրել են քաղաքակրթական մեջ դեր (քաղաքների հիմնադրում, փյունիկյան այբուբենի ստեղծում, հանքերի շահագործում և այլն):

**12. Լեռա-** Ըստ հունական դիցարանության՝ Սպարտայի թագավոր Տինդարեոսի կինը: Զևսը նրան հրապուրելու համար կերպարանափոխվում է կարապի: Նրանց կենակցությունից ծնվում են երկու գույգ երկվորյակներ՝ Կլիտեմնեստրան և Կաստորը, Յեղինեն և Պոլուքսը:

**13. Ապելես-** Յնադարի ամենանշանավոր հույն նկարիչը, որը եղել է Ալեքսանդր Մակեդոնացու բարեկամը և պաշտոնական դիմանկարիչը: Նրա գործերից ոչ մեկը չի պահպանվել: Մնացել են միայն մի քանի որմնանկարներ, որոնցից մեկը՝ Պոմպեյի խճանկարը, պատկերում է Մեծն Ալեքսանդրին Զևսի կերպարանքով:

**14. Նեպտոն-** Սկզբնապես հռոմեացինների մոտ պաշտվել է որպես ջրի աստված և ձկնորսների ու նավավարների հովանավոր: Նրան նվիրված տոնակատարությունները, որոնք կոչվում էին **Անպուռապիաներ**, տեղի էին ունենում ամռանը, երաշտի ժամանակ: Յետագայում հույնները որդեգրում են այն՝ անվանելով Պոսեյդոն և պաշտելով որպես ծովի աստված:

**15. Քըմբեռլենդ-** Բաֆին կղզու խորունկ մեկ ծովախորշը, որը գտնվում է հյուսիսում համանուն թերակղզու և հարավում Յալեյի թերակղզու միջև:

**16. Օրբելի-** Բրիտանական կղզեխումբ Շոտլանդիայի հյուսիսում՝ բաղկացած 70 կղզիներից, որոնցից երեսունը բնակեցված են:

**17. Օսիան-** Մեր թվագրության Գ դարում ապրած շոտլանդիացի բանաստեղծ և ռազմիկ, որի դյուցազներօքական բանաստեղծությունները բանավոր ճանապարհով հասել են մինչև 18-րդ դար: Անգլիացի բանաստեղծ Զեյմս Մակֆերսոնը 1760թ. կազմեց և հրատարակեց ութ գրքերից բաղկացած սիրային և ռազմական բովանդակությամբ նրա ստեղծագործությունները, որոնք հորինված են կշռությավոր արձակով և հարուստ են գեղեցիկ փոխարերություններով: Օսիանի բանաստեղծությունները մեծ ընդունելության են արժանացել Եվրոպայում:

**18. Ֆինդալ-** Կղզի Շոտլանդիայում: Այստեղ է գտնվում Ֆինդալի հայտնի քարանձավը, որից ներս թափանցելով ծովի ջրերը՝ հորինում են հաճելի մի երաժշտություն: Այդ երաժշտությունից ներշնչված՝ Մենդելսոնը հորինել է իր սիմֆոնիկ մեկ պոեմը՝ հիմնվելով Օսիանի բանաստեղծությունների վրա:

## **ԲԱՐՈՅԱԿԱՆ ՆԵՐԴԱՅՆԱԿՈՒԹՅՈՒՆՆԵՐ ԵՎ ԺՈՂՈՎՐԴԱԿԱՆ ԶԵՐՄԵՌԱՆԴՈՒԹՅՈՒՆ**

**1. Սուրբ Հակոբոս Ավագ-** Յիսուսի 12 աշակերտներից մեկը՝ Զեբեդեոսի որդին և Յովիաննես առաքյալի եղբայրը: Ըստ «Գործք Առաքելոցի» (գլ. ԺԲ, 2)՝ նա Յերովդես Ագրիպայի հրամանով սպանվել է հավանաբար մեր թվագրության 44 թ.: Յանաձայն մի ավանդությամ՝ նրա մահից հետո նրա աճյունը տարվել է Խսանիա:

**2. Գալիցիա-** Ինքնավար պատմական մի շրջան Խսանիայի հյուսիս արևմուտքում, որի մայրաքաղաքն է Սանտիագո դե Կոնպոստելլան: Այստեղ է գտնվում Սր. Յակոբոս առաքյալի գերեզմանը նրա անունը կրող Վեհաշուր տաճարում, որը դարձել է հոչակավոր սրբավայր արևմտյան քրիստոնյաների համար:

**3. Բարի սամարացի-** Ավետարանի առակներից մեկում հիշատակված այն բարեսիրտ անձը (Ղուկ. Ժ, 29-37), որը կարեկցելով

խնամեց ավագակների կողմից հարձակման ենթարկված և կիսամեռ վիճակում ճանապարհին ընկած մի մարդու, որին չէին կամեցել օգնել նույն ճանապարհից անցնող մի քահանա և մի ղևտացի:

**4. Հոքելյանական տարիներ-** Այսպես էին կոչվում 1300 թ. Յոռմի Բոնիֆացիոս պապի կողմից հաստատված հարյուրամյակները որպես սուրբ տարիներ: Այդ տարիներին զանազան երկրներից ուխտավորներ էին գալիս Յոռմ և ստանում մեղքերի թողություն: Յետագայում մի քանի անգամ կրծատվեց հոբեյանական այդ տարիների միջև ընկած ժամանակաշրջանը:

**5. Սուրբ Թովմաս առաքյալ-** Յիսուսի 12 առաքյալներից մեկը: Ըստ ավանդության՝ նա Քրիստոսի Ավետարանը քարոզել է պարսիկներին, մեղացիներին, պարթևներին և գնացել մինչև Յնդկաստան՝ այնտեղ իհմնելով Մալաբարի Եկեղեցին, որի հավատացյալներին դեռ այսօր էլ կոչում են «Սր. Թովմասի քրիստոնյաներ»: Քրիստոսի հարության ավետման կապակցությամբ իր ցուցաբերած վերաբերմունքի պատճառով Թովմասը հետագայում խորհրդանշեց այն մարդու կերպարը, որը հավատում է միայն իր տեսածին:

**6. Լաքան-** Աստվածաշնչական կերպար (Ծննդոց, գլ. ԻՂ և ԻՒ-Լ), Ոեբեկայի եղբայրը և Լիայի ու Ռաքելի հայրը: Սա իր երկու դուստրերին կնության տվեց իր քրոջ որդուն՝ Յակոբին: Ռաքելն իր հորից բաժանվելուց առաջ գողացավ նրա կուռքերը:

### ՀԻՍՈՒՍ ՔՐԻՍՏՈՍԻ ԵՎ ՆՐԱ ԿՑԱՆՔԻ ՄԱՍԻՆ

**1. Կայուս Սուետոնուս-** Մեր թվագրության առաջին և երկրորդ դարերում ապրած լատին պատմագիր: Եղել է Ադրիանոս կայսեր քարտուղարը: Յետագայում, շնորհագրկվելով նրանից, առանձնացել է և գրել «Տասներկու կեսարների կյանքը» հայտնի կենսագրական երկը, որը համարվում է Յոռմի նշանավոր կայսրերի մասին տեղեկությունների անգնահատելի աղբյուր:

**2. Տակիտոս (55-120)-** Լատին նշանավոր պատմագիր, պաշտոնավարել է Յոռմի ասիական տիրույթներում որպես հյուպատոս: Նրա պատմական երկու կարևոր աշխատություններն են՝ «Տարե-

գրություններ» և «Պատմություններ»: Իր խիտ, հստակ և արտահայտիչ ոճով Տակիտոսը համարվում է լատինական արձակի մեջ վարպետ:

**3. Վեսպաշիանոս-** Յոռմեացի կայսր. իշխել է 69-79 թվականներին: Նրա իշխանությամբ Յոռմում վերջ գտավ քաղաքացիական պատերազմը, որն սկիզբ էր առել Ներոնի մահից հետո: Լինելով խաղաղաւեր և եռանդուն միապետ՝ նա խաղաղություն հաստատեց Յրեաստանում, Յոռմում կարգավորեց վարչական գործը, վերահստատեց տնտեսությունը, սկսեց Կոլիզեի շինարարությունը և Կապիտոլիումի վերակառուցումը:

**4. Հովսեփոս Ֆլավիոս (37-100)-** Յրեա պատմագիր: Յոռմի դեմ Յրեաստանի պատերազմի ժամանակ նա ստանձնել էր Գալիլիայի գորքի հրամանատարությունը: Յամոզվելով, որ ազատագրական այդ պատերազմն անհույս է, նա անձնատուր եղավ և տարվեց Յոռմ՝ Վեսպաշիանոսի մոտ, որի հովանավորությունը կարողացավ ձեռք բերել և ազատվեց ստրկությունից: 70 թվականին նա ականատես եղավ Երուսաղեմի գրավմանը: Ապա տեղափոխվելով Յոռմ՝ հունարեն լեզվով գրեց «Յրեաների պատերազմ» իր հայտնի աշխատությունը:

**5. Էմմավուս-** Փոքրիկ գյուղ Երուսաղեմի հյուսիսում, որտեղ, ըստ Ղուկաս ավետարանչի, Յիսուս իր հարությունից հետո Երևաց իր աշակերտներից Երկուսին, որոնք ճանաչեցին նրան, Երբ նրա հետ միասին սեղան էին նստել:

**6. Դամիել-** Աստվածաշնչի մարգարեներից մեկը: Ըստ քրիստոնեական ավանդության, նա համարվում է չորրորդ մեծ մարգարեն: Շատ հրեաների հետ նա ևս աքսորվել է Բաբելոն մեր թվագրությունից առաջ 6-րդ դարում: Աստվածաշնչում նրա անունով կա մի գիրք՝ բաղկացած 12 գլուխներից: Բնագիրը, որի հեղինակն անծանոթ է, գրված է մասամբ Եբրայերեն և մասամբ արամերեն լեզվով:

**7. Որոգիմես-** Յուլի Եկեղեցու նշանավոր աստվածաբան Յայրենից. ապրել է շուրջ 185 թ. մինչև 252/254 թվականները: Ալեքսանդրիայի աստվածաբանական դպրոցում ծավալած իր ուսմունքի պատճառով նա Ենթարկվում է հալածանքի և ապաստանում Պա-

ղետինի Կեսարիա քաղաքում, ուր վերահաստատում է իր դպրոցը: Յօնմի կայսր Ղեցիոնի հալածանքներին զոհ դառնալով՝ մահանում է ծանր խոշտանգումներից հետո: Թողել է հարուստ գրական ժառանգություն՝ մեծ մասամբ Աստվածաշնչի գրքերի մեկնություններ, ճառեր, որոնք կարևոր տեղ են գրավում հայրաբանական գրականության մեջ:

8. **Տերտուղիանոս** (155-222)- Լատիներեն լեզվով գրող առաջին աստվածաբաններից մեկը: Կրոնական մեծ աշխատանք է ծավալել Հյուսիսային Աֆրիկայում: Լինելով հեթանոսությունից քրիստոնյա դարձած հեղինակ՝ իր երկերում («Ընդդեմ ազգերի», «Զատագովական ճառեր», «Ընդդեմ Մարկիոնի») նա քննադատում է հեթանոսությունը և պաշտպանում քրիստոնեությունը:

9. **Ժակ R. Բոսյոն** (1627-1704)- Ֆրանսիացի հոչակավոր աստվածաբան, գրող, քարոզիչ, բարոյագետ, որ հովական մեծ աշխատանք է կատարել իր հայրենիքում որպես կաթոլիկ Եկեղեցու եպիսկոպոս: Թողել է գրական մեծ ժառանգություն՝ մեծ մասամբ կրոնական բովանդակությամբ: 1671 թ. ընտրվել է ֆրանսիական ակադեմիայի անդամ: Բոսյուեի ամենահայտնի երկն է «Դամբանական ճառեր»-ը, որով նա ձեռք բերեց մեծ համբավ և հեղինակություն:

10. **Յելսոն** (Ասուլուս Կոռնելիուս)- Օգոստոս կայսեր ժամանակակից հօռմեացի բժիշկ և հմուտ մտավորական: Ծնվել է Վերոնայում Յուլիոս Կեսարի իշխանության տարիներին:

11. **Հովհանոս** (331-363)- Յօնմեացի կայսր, որ Կոստանդիանոս կայսեր եղբորորդին էր և Կոստանդ Երկրորդի հաջորդը: Իշխել է միայն երկու տարի: Յուլիանոսը ծանրը է «Ուրացող» մականունով, որովհետև բողնելով քրիստոնեական կրոնը՝ դարձավ հեթանոս և դրանով էլ նպաստեց հեթանոսության տարածմանը Յօնմում: Յուլիանոսն սպանվեց պարսիկների դեմ մղված մի ճակատամարտի ընթացքում:

12. **Վոլուգիանոս** (Կայուս Վիբրիուս)- Յօնմեացի կայսր. իշխել է 251-253 թվականներին: Որդին էր Գալլուս կայսեր: Սրանք՝ հայր և որդի, սպանվեցին իրենց զինվորների կողմից:

**13. Պորփյուր** (234-305)- Ասորական ծագումով հույն փիլիսոփա: Սովորել է Աթենքում, ապա տեղափոխվել Հռոմ: Գրել է «Պյութագորասի կյանքը», Արիստոտելի «Կատեգորիաների» ներածությունը, ինչպես նաև Պլատոնի և Արիստոտելի երկերի մասին մեկնություններ: Պահպանվել են որոշ հատվածներ նրա «Հոգու վերադարձը առ Աստված» աշխատությունից:

**14. Տիբերիոս-** Հռոմեացի կայսր, որ իշխել է 1437 թվականներին: Որդեգիրն էր Օգոստոս կայսեր, որի նահից հետո ժառանգեց նրա գահը: Տիբերիոսի գահակալության ժամանակաշրջանը, հատկապես Սեֆանի սպանությունից հետո (31 թ.), որը տենչում էր նրա գահին, Հռոմի ծերակույտի կողմից ներկայացվել է որպես տեռորիզմի ժամանակաշրջան:

**15. Լամպրիդիոս-** Հռոմեացի պատմաբան:

**16. Աղրիանոս-** Հռոմեացի կայսր. իշխել է 117-138 թթ.: Հաջորդեց Տրայանոս կայսեր, որը որդեգրել էր նրան: Աղրիանոսը եղել է գարզացած, գրագետ տիրակալ և մեծ ճանապարհորդ: Բարեգարդել է Հռոմի մերձակայքում գտնվող այն ընդարձակ պալատը, որը նրա անունն է կրում: Հռոմում նրա դամբարանը այժմ դարձել է սուրբ Անջելոսի դոյլակ:

**17. Ալեքսանդր Սեվիրիոս-** Հռոմեացի կայսր, որ 222 թ. տասներեք տարեկան հասակում գահ բարձրացավ և իշխեց մինչև 235 թ.: Լինելով գարզացած, բարեհամբույր, բայց թուլակամ մի նարդ՝ նա կայսրության պատասխանատվությունը թողեց իր տատին և երկու խորհրդականներին, որոնք փորձեցին հաստատել կայուն մի վարչակարգ՝ հենվելով Հռոմի ծերակույտի վրա: Արևելքում նա մղեց դժվարին մի ճակատամարտ պարսիկների դեմ, որոնց ի վերջո կարողացավ ետ մղել: Բայց, ավելի ուշ, Հռենոսում նա ի վիճակի չեղավ կռվելու գերմանացիների դեմ և սպանվեց իր մոր հետ:

**18. Օրփեոս-** Հին Հունաստանի առասպելներում հիշատակված բանաստեղծ և երաժիշտ: Ըստ ավանդության՝ նա շանթահարվել է Զևսի կողմից: Նրա անվան հետ է կապված Հունաստանում 65-րդ դարերում (մ.թ.ա.) առաջացած «Օրփեոսյան բանաստեղծություններ» անունով ծանոթ կրոնական մի շարժում, որ հատկանշվում է

ընկերային կարգուսարքի քննադատությամբ և միստիկական ու ճգնավորական կյանքի որոնումով՝ ի խնդիր հոգու փրկության:

**19. Պլիախոս (Կրտսեր)** (61-114)- Լատին գրող, որ եղել է միաժամանակ հայտնի իրավաբան և կոնսուլ: Յեղինակել է «Ներբող Տրայանոսի» և «Սամականի» վերնագրերով երկու գործեր, որոնք արժեքավոր փաստաթղթեր են իր ժամանակի հասարակության մասին:

### ՍՈՒՐԲ ԳԻՐՔԸ ԵՎ ՆՐԱ ԳԵՐԱԶԱՆՑՈՒԹՅՈՒՆԸ

**1. Զենդ-Ավեստա-** Ձենդական լեզվով գրված մազդեզական կրոնի սրբազն գրքերի ժողովածու, որի բնագիրը ոչնչացվել է Մեծն Ալեքսանդրի արշավանքի ժամանակ և հետագայում վերակազմվել բանավոր ավանդության հիման վրա: Ժողովածուի հնագույն մասը բաղկացած է **գարա-ներից** (Երգ, տաղ), որոնք ավանդաբար վերագրվում են Զարաքուստրային, և որտեղ նա երկխոսության մեջ է մտնում Աստծու՝ Ահուրա Մազտայի հետ և իր աղոթքներն է առաջում նրան:

**2. Վեդա-** Սանսկրիտերեն նշանակում է «Իմացություն»: Վեդաները չորս երկար սրբազն գրքերի մի ամբողջություն են կազմում և համարվում են բրահմանական և հինդու կրոնի հիմնական բնագրերը: Այս գրքերը, որոնք կազմված են մեր թվագրությունից առաջ 1800-1200 թվականներին, բաղկացած են աղոթքներից, օրիներգություններից, ծիսական բանաձևերից, որոնք վերաբերում են զոհագործությանը և կրակի պաշտամունքին:

**3. Էղդա-** Այս անունով հայտնի են սկանդինավյան հին ժողովուրդների դիցաբանական և առասպելական ավանդություններին վերաբերող երկու ժողովածուներ՝ «Զափածո Եղդա», որը 8-ից 13-րդ դարերում ստեղծված ժողովորդական տաղերի մի հավաքածու է, և «Արձակ Եղդա», որը վերագրվում է 13-րդ դարում ապրած Սնորրի Ստուրլուսոն անունով մի հեղինակի:

**4. Կոճֆուկիոս-** Զինացի մեջ գրող և ինմաստասեր, ապրել է մեր թվագրությունից առաջ 551-475 թվականներին: Գրել է բարոյագի-

տական և քաղաքական բովանդակությամբ գործեր: Հետագայում նրա ուսմունքը տարածեցին նրա աշակերտներն ու հետևողները:

**5. Հռութ-** Յին Կտակարանում մովաբացի երիտասարդ այրի մի կին, որ ամուսնացավ Բուզ անունով հարուստ մի մարդու հետ և որից ունեցավ Ովբեր անունով մի որդի, որ Դավթի նախնին էր:

**6. Քամ-** «Ծննդոց» գրքում Նոյ նահապետի որդիներից էր, որից սերվեցին իին եգիպտացիները, եթովպացիները, սոմալիցիները և աֆրիկյան մյուս ժողովուրդները:

**7. Ժակ Բ Բույուկ (1627-1704)-** Ֆրանսիացի հռչակավոր աստվածաբան, գրող, քարոզիչ և բարոյագետ, որ հովական մեծ աշխատանք է ծավալել իր հայրենիքում որպես կաթոլիկ Եկեղեցու եպիսկոպոս: Թողել է գրական մեծ ժառանգություն՝ մեծ նասանք կրոնական բովանդակությամբ: Նրա ամենահայտնի երկն է «Դամբանական ճառեր»-ը, որով նա ձեռք բերեց մեծ համբավ և հեղինակություն: 1671 թ. ընտրվել է Ֆրանսիական ակադեմիայի անդամ:

**8. Եսթեր-** Յին Կտակարանի համանուն գրքերից մեկը: Եսթերը հրեա գեղանի մի աղջիկ էր, որին աքսորել էին Պարսկաստան: Այստեղ Պարսիկ Արտաշես թագավորը, տեսնելով նրա գեղեցկությունը, ամուսնանում է նրա հետ՝ առանց ինանալու, որ նա հրեա է: Եսթերը, դառնալով Պարսկաստանի թագուհի և Վտանգելով իր կյանքը՝ իր հայրենակիցներին փրկում է մի կոտորածից, որ տեղի էր ունենալու իր ամուսնու հրամանով: Ներշնչվելով աստվածաշնչական այս պատմությունից՝ 17-րդ դարի ֆրանսիացի դասական գրող Ռասինը հորինել է իր համանուն ողբերգությունը:

**9. Աթալիա-** Իսրայելի թագավոր Աքարի դուստրը: Ամուսնանում է Յուդայի թագավոր Յորամի հետ և դառնում թագուհի: Պահելու համար իր իշխանությունը, նա կոտորել է տալիս բոլոր իշխաններին: Կոտորածից փրկվում է միայն իր թոռը՝ Յովասը: Աթալիան վերջում գահազուրկ է լինում և դավադրությամբ սպանվում: Գահին տիրանում է Յովասը: Ռասինը աստվածաշնչական այս պատմությունը ևս վերածել է թատերական ստեղծագործության:

**10. Մալերը (1555-1628)-** Ֆրանսիացի հայտնի արքունական բանաստեղծ, որ ունեցավ իր հատուկ դպրոցը: Նրա բանաստեղ-  
206

ծությունները հետմահու հավաքվեցին և հրատարակվեցին առանձին մի հատորով:

**11. Ժան Ֆրանսուա դը Լահարա** (1739-1803)- Ֆրանսիացի բանաստեղծ, թատերագիր, քննադատ: Յեղինակ է մի շարք թատերական գործերի, որոնցից են՝ «Վարվիկ», «Կորիոլան» ողբերգությունները: Դայտնի է նրա «Դասընթաց հին և ժամանակակից գրականության» երկը, որ իր ժամանակին վայելել է համաշխարհային հռչակ: 1776 թ. Լահարպն ընտրվել է Ֆրանսիական ակադեմիայի անդամ:

**12. Սուրբ Հերոզիմոս** (347-420)- Լատինական Եկեղեցու ականավոր հայրերից մեկը, որ իր կյանքի մեջ մասն անցկացրել է Արևելքում և Եռանդուն մասնակցություն ունեցել իր ժամանակի աստվածաբանական վեճերին: Միրել է վանական կյանքը և նվիրվել Աստվածաշնչի ուսումնասիրությանը: Նրա գրչին է պատկանում Աստվածաշնչի լատիներեն թարգմանությունը Եբրայական բնագրից, որի հիման վրա հետագայում կազմվեց Վուլգատան՝ կաթոլիկ Եկեղեցու կողմից ընդունված Աստվածաշնչի պաշտոնական թարգմանությունը:

**13. Հերոդոս** (484-420)- Յույն համբավավոր պատմաբան, որ երկար ճանապարհորդություններ է կատարել Ասիայում, Աֆրիկայում և Եվրոպայում: Եղել է արենացի Պերիկլեսի և Սոֆոկլեսի բարեկամը: Նրա պատմական աշխատությունները հանդիսանում են մեդական պատերազմների ուսումնասիրության գլխավոր աղբյուրը:

### **Զուգահեռ Աստվածաշնչի և Հոմերոսի միջև. Բամեմատության եզրեր**

**14. Նեստոր-** Պիլոսի առասպելական թագավորը, որ «Իլիականում» և «Ողիսականում» հանդես է գալիս որպես իմաստուն ծերունու կերպար: Մասնակցել է Տրոյան Պատերազմին:

**15. Պիլոս** (հունարենում՝ Πηλούս)- Յունական հին քաղաք Պելոպոնեսում: Եղել է միկեյան քաղաքակրթության ամենակարևոր

կենտրոններից մեկը, ուր իշխել է Նեստորը Տրոյան պատերազմների ժամանակաշրջանում:

**16. Իսմայիլ-** Աստվածաշնչում Աբրահամի և նրա Եգիպտացի սպասուին՝ Հագարի որդին: «Ծննդոց» գրքում իշխատակված մի ավանդության հաճածայն, նա եղել է անապատաբնակ արաբների նախահայրը, որոնք նրա անունով կոչվել են իսմայելացիներ:

**17. Լիկուրգոս (390-324)-** Աքենացի ճարտասան և քաղաքական գործիչ, որը դաշնակցեց Դեմոստենեսի հետ ընդդեմ Փիլիպոս Բ Մակեդոնացու:

**18. Պիանարոս (518-438)-** Հույն քնարերգակ բանաստեղծ՝ սերված դորիական ազնվական ընտանիքից: Անաղարտ պահպանված նրա չորս գրքերը ներբողներ են՝ նվիրված օլիմպիական խաղերի հաղթողներին:

**19. Պելասգ-** Հույն գրողները այս անունով էին կոչում Եգեական կղզիների նախնական բնակիչներին նախքան հելլենների գալուստը: Պելասգները համարվում էին բնիկ և բարբարոս մի ժողովուրդ կամ թափառաշրջիկ ցեղեր, որոնք հունարեն չէին խոսում և տարածված էին Միջերկրական ծովի ափերի մեջ մասում, մանավանդ Հելլադայում, Իլիրիայում և այլն:

**20. Քիոս-** Հունական կղզի Եգեական ծովում: Ըստ ավանդության՝ Քիոսը եղել է Հոմերոսի ծննդավայրը:

**21. Իլիոս (կամ Տրոյա)-** Փոքր Ասիայի Յյուսիս Արևմուտքում գտնվող հին քաղաք Եգեական ծովի ափի մոտ:

**22. Պարիս-** Տրոյայի թագավոր Պրիամոսի որդին: «Իլիականում» նա երիսի նետած ոսկե խճճորը տալիս է երեք աստվածուին՝ ներից ամենագեղեցկին՝ Աֆրոդիտեին, որը նրան խոստացել էր Սպարտայի թագավոր Մենելավոսի կնոջ՝ Յեղինեի սերը:

**23. Տրոյա-** Այլ անվամբ՝ Իլիոն, ուր հույների և տրոյացիների միջև տեղի ունեցավ Տրոյան հայտնի պատերազմը, որի ընթացքում Պարիսն իր նետով մահացու հարված հասցրեց Աքիլեսին՝ խոցելով նրա գարշապարը:

**24. Կերես-** Հնձի աստվածուիի, որը պաշտվել է հին Յօնմում մեր թվագրությունից առաջ 5-րդ դարում՝ նույնացվելով հունական Դեմետր աստվածուին հետ:

**25. Յուպիտեր-** Յօնմեական աստված՝ Սատուրնի և Ռեայի որդին, որը միաժամանակ երկնքի հայրն էր ու տերը: Պաշտվել է Կապիտոլի մեջ տաճարում:

**26. Ֆուրիաներ-** Վրեմինդրության դժոխաբնակ աստվածուիիներ՝ ըստ հռոմեական կրոնի:

**27. Դելոս-** Եգեական ծովի ամենափոքր կղզին, որտեղ գտնվում էր Ապոլոնի մեջ սրբավայրը: Դելոսը հռչակված է եղել իր շքեղ պալատներով և սբանչելի ծառուղիներով: Ավերվել է 88 թ. (Ա. թ.) Միհրատի կողմից:

## ՀԱՅՐԵՆԻՔԻ ԲՆԱՇԴՈՅ

**1. Լարրադոր-** Անցյալում այս անունով էր կոչվում Կանադայի թերակղզին՝ Ատլանտյան օվկիանոսի, Յուլսոնի ծովախորշի և Սեն Լորանի միջև, որտեղով անցնում էին սառը հոսանքներ: Այսօր նույն անունով ծանրոք է այդ թերակղզու արևելյան մասը միայն:

**2. Ավենսիա-** Յօնմի յոթ բլուրներից մեկը, որտեղ 494 թ. (Ա. թ.) ամրացավ պատրիկների դեմ ապստամբած հռոմեացի ռամիկ ժողովորդը իր իրավունքներին տիրանալու համար:

**3. Հոնիա-** Փոքր Ասիայի ծովեզերյա շրջանի կենտրոնական մասը, որտեղ 12-11-րդ դարերում (Ա. թ.) բնակվում էին հույները, որոնք Եվրոպայից այնտեղ էին գաղթել դորիական արշավանքների հետևանքով:

**4. Մանտովա-** Իտալիայի հին քաղաքներից մեկը Լոնբարդիայի շրջանում, որտեղ ծնվել ու մեծացել էր իտալացի հռչակավոր բանաստեղծ Վիրգիլիոսը, և որին անվանում էին «Մանտովայի կարապ»:

**5. Արգոս-** Յունաստանի հնագույն քաղաքներից մեկը Պելոպոնեսում, որի անվան հետ են կապված դիցաբանական առասպելներ:

ոի երկար շաղքեր: Արգոսը մեծ ազդեցություն ձեռք բերեց Հռոմեական, ապա բյուզանդական կայսրության շրջանում:

**6. Անդրուսակե-** Տրոյայի առասպելական իշխանություն՝ Դեկտորի կինը Հոմերոսի «Իլիականում»:

**7. Սիմոն-** Աննշան մի գետակ Տրոյայում:

**8. Լուիզիանա-** Հյուսիսային Ամերիկայի միացյալ նահանգներից մեկը Մեքսիկայի ծովածոցում:

**9. Մամիտո-** Հյուսիսային Ամերիկայի հնդկացիների որոշ ցեղախմբերի կողմից պաշտված ոգի, որը կարող էր մարմնանալ զանազան օտար անձերի և խորհրդավոր առարկաների մեջ:

**10. Ֆետիշ-** Որևէ առարկայի կամ կենդանու կերպարանք ունեցող կուռք, որին Աֆրիկայի սևամորթները վերագրում էին մոգական օգտակար հատկություններ:

**11. Բոնապետական շրջան-** Ֆրանսիական մեծ հեղափոխությունն ունեցել է բռնապետական երկու շրջան. առաջինը 1792 թ. օգոստոսի 10-ից մինչև սեպտեմբերի 20-ը տևած շրջանն էր, երբ Լուլովիկոս 16-րդը ձերբակալվեց, և տեղի ունեցան սեպտեմբերյան կոտորածները, իսկ երկրորդը՝ 1793 թ. սեպտեմբերից մինչև 1794 թ. երկարող ժամանակաշրջանը, երբ ժիրոնդենների իշխանությունը տապալվեց, և Ֆրանսիայի պաշտպանությունն ապահովելու համար արտաքին և ներքին թշնամիներից՝ շուրջ կես միլիոն մարդ բանտարկվեց, որոնցից 40 000-ը գլխատվեցին:

## **ԻՆՉ ԿԼԻՆԵՐ ԱՅՍՈՐ ՄԱՐԴԿԱՅԻՆ ՀԱՍԱՐԱԿՈՒԹՅԱՆ ՎԻՃԱԿԸ, ԵԹԵ ՔՐԻՍՏՈՆԵՈՒԹՅՈՒՆԸ ԵՐԵՎԱՆ ԵԿԱԾ 2ԼԻՆԵՐ ԵՐԿՐԻ ՎՐԱ**

**1. Օգոստոս** (մ. թ. ա. 63-14 մ. թ.)- Հռոմեացի կայսր: Մոր կողմից փոքր զարմիկն էր Հովհանն Կեսարի, որի մահից հետո պահանջեց Կեսարի ժառանգությունը և հակառակվեց Անտոնիոսին, որը տիրացել էր Հռոմին: 43 թ. Անտոնիոսի և Լեպիտոսի դեմ տարած հաղթանակից հետո դարձավ կայսրության միահեծան տերը՝ ծերակույտը գրկելով իր քաղաքական իշխանության մեջ մասից: Օգոստոս

կայսրը ռազմական նոր նվաճումներից ավելի նախընտրեց իր կայսրության սահմանների ապահովությունը: Նրա իշխանության շրջանը համարվում է Հռոմի պատմության ամենափայլուն ժամանակաշրջաններից մեկը և կոչվում է *Օգոստոսի դար:*

2. *Տիբերիոս* (մ.թ.ա. 42-37 մ.թ.)- Հռոմեացի կայսր՝ Օգոստոսի որդեգիրը և նրա հաջորդը: Նա կայսրության սահմաններն ընդարձակեց և հասցեց մինչև Հռենոս: 27թ., իիվանդանալով, քաշվեց Կապրի կղզում՝ իր նախարարապետ Սեֆանին թողնելով կայսրության գործերի կառավարումը: Տիբերիոսի իշխանության շրջանը, մանավանդ Սեֆանի սպանությունից հետո, որը տենչում էր տիրանալ գահին, ներկայացված է որպես ահաբեկչության ժամանակաշրջան:

3. *Ներոս* (37-67)- Հռոմեացի կայսր՝ Կլաուդիոսի որդեգիրը, որը հաջորդեց նրան՝ ամուսնանալով նրա աղջկա՝ Օկտավիայի հետ: Ներոնի իշխանության սկզբնական տարիները եղան խոստումնալից, սակայն հետագայում նա իր մոր խնամակալությունից ազատվելու համար սպանեց նրան: Մինչև այդ թունավորել էր տվել Կլաուդիոսի որդուն: 62 թ. իր խորհրդականներին ոչնչացնելուց հետո Ներոնն ընկած ծայրահետ բռնակալության մեջ. մահվան դատապարտեց Հռոմի հարուստ քաղաքացիներին, որպեսզի նրանց ունեցած հարստությամբ լցներ իր թույլ տված խենթությունների պատճառով դատարկված գանձարանը: Նույն թվականին հալածեց և զանգվածաբար սպանել տվեց քրիստոնյաներին Հռոմը հրդեհելու մեղադրանքով: Այս ահաբեկչությունները պատճառ դարձան բազմաթիվ դավադրությունների: Ի վերջո ոտքի կանգնեց բանակը, և Ներոնը, ծերակույտի կողմից հռչակվելով ժողովրդի թշնամի, ինքնասպանությամբ վերջ տվեց իր կյանքին:

4. *Տիբոս* (39-81)- Հռոմեացի կայսր՝ Վեսպասիանոսի որդին: Որպես տիրակալ նա ուզեց դառնալ կայսրության բարերարը և չստորագրեց ոչ մի մահապատիժ իր գահակալության ամբողջ շրջանում: 70 թ. գրավեց Երուսաղեմը: Նրա իշխանության տարիները նշանավորվեցին մեծ կառուցումներով, որոնցից են՝ Կոլիզեումը, իր անունը կրող Հաղթակամարը և այլն: Նրա օրով տեղի ունեցավ Վեզուվի ժայթքումը, որը կործանեց Պոմպեյը և Հերկուլանումը:

**5. Անոնքիոս Մարկոս** (մ.թ.ա. 83-30)- Հռոմեացի գեներալ՝ Հուլիոս Կեսարի տեղակալը Գալիայում: Այս վերջինի սպանությունից հետո հակամարտություն սկսվեց նրա և Օկտավիանոսի՝ ապագա Օգոստոս կայսրի միջև: Երկուսն էլ հավակնում էին դառնալ Կեսարի հաջորդը: Սակայն հասկանալով, որ հակամարտությունն անօգուտ է, Անտոնիոսը համաձայնվեց նրա և Լեպիտոսի հետ, և այսպիսով կազմվեց Երկրորդ Եռապետությունը: Կայսրության արևելյան մասի ղեկավարությունը տրվեց Անտոնիոսին: Անուսանանալով Եգիպտոսի թագուհի Կլեոպատրայի հետ՝ Անտոնիոսն իր մայրաքաղաքը հաստատեց Ալեքսանդրիայում: Նրա վարած քաղաքականությունն ու փառասիրությունները ի վերջո մտահոգեցին Հռոմը, և Օկտավիանոսը պատերազմ հայտարարեց նրա դեմ: 31 թ. պարտվելով՝ նա ինքնասպան եղավ:

**6. Մարկոս Ավրելիոս** (121-180)- Հռոմեացի կայսր: Նրա իշխանության շրջանն անցավ պատերազմների մեջ. հաղթական արշավանքներ պարբեների, ապա գերմանացիների դեմ: Մարկոս Ավրելիոսը փիլիսոփա կայսր էր, ուսումնասիրել էր ստոյիկյան փիլիսոփայությունը: Սակայն, հակառակ իր մարդասիրությանը, նա ոչինչ չարեց բարելավելու համար քրիստոնյաների վիճակը իր կայսրությունում: Իր կյանքի վերջին տարիներին նա հունարեն լեզվով գրեց իր հայտնի «Մտածումները», որոնք հանդիսանում են վերջին մեծ վկայությունը հնադարյան ստոյիկության մասին:

**7. Կայոս Մարիոս** (մ.թ.ա. 157-86)- Հռոմեացի գեներալ և քաղաքական գործիչ: 107 թ. նա ստանձնում է հռոմեական կայսրության աֆրիկյան բանակի հրամանատարությունը: Նրա տեղակալն էր Սուլլան՝ հայտնի գեներալ և պետական գործիչ, որին նա հետագայում ապօրինաբար պաշտոնազրկեց՝ պատճառ դառնալով, որ նրանց միջև առաջանա թշնամնք:

**8. Կատիլինա** (մ.թ.ա. 108-62)- Հռոմեացի հայտնի քաղաքական գործիչ: Նրա դավադրությունը հռոմեական ծերակույտի դեմ բացահայտվեց Ցիցերոնի կողմից, և նա ջախջախվեց Պիստոյայի ճակատամարտում:

**9. Յուգուրթա** (մ.թ.ա. 160-104)- Նումիդիայի թագավորը, որը կռվեց Հռոմի դեմ և 107 թ. պարտվելով Կայոս Մարիոսի կողմից՝ հանձնվեց Սուլլային: Մահացավ բանտում:

**10. Սենեկա** (մ.թ.ա. 265 մ.թ.)- Լատին փիլիսոփա՝ Ներոնի դաստիարակը, որին մեղադրեցին դավադրության մեջ և ստիպեցին, որ ինքնասպանություն կատարի՝ բաց անելով իր երակը: Սենեկան ջատագովել է ստոյիկյան ճգնավորությունը՝ քարոզելով իրաժարում երկրային բարիքներից: Նրանից մնացել են բարոյագիտական մի շարք աշխատություններ, գիտական մի աշխատասիրություն «Բնագիտական հարցեր» վերնագրով, ինչպես նաև մի քանի ողբերգություններ հունական դիցաբանությունից վերցված:

**11. Բուռնուս-** Հռոմի դատական ատյանի նախագահ: Սենեկայի հետ նա ստանձնեց Ներոնի դաստիարակությունը: Իր հետևողական խստապահանջության շնորհիվ նա կարողացավ յոթ տարի խաղաղությամբ կառավարել Հռոմը և զսպել պատանի Ներոնի վատ արարքները:

**12. Գալքա** (5-69)- Հռոմի կայսրության խսպանական մասի կառավարիչը: 68 թ. նա ծերակույտի կողմից ճանաչվեց որպես Հռոմի կայսր, և դա պատճառ դարձավ Ներոնի ինքնասպանությանը: Գալքան իր խստության և ժլատության պատճառով հետագայում իրենից հեռացրել Հռոմի վարձու լեգեոնականներին՝ իրաժարվելով դրամ բաշխել նրանց և սպանվեց կայսերական գվարողիայի կողմից:

**13. Վիտելիոս** (15-69)- Հռոմեացի կայսր: 68 թ. Գալքայի կողմից նա ստացավ Հռենոսյան կայսրության գերմանական մասի բանակի իրամանատարությունը: Գալքայի մահից հետո, վայելելով մեծ ժողովրդականություն իր գինվորների շրջանում, նրանց կողմից հոչակվեց կայսր: Կայսրության Արևելքի բանակը, իր հերթին, կայսր էր հոչակում իր առաջնորդ Վեսպասիանոսին: Կրեմոնում Վիտելիոսը 69 թ. պատերազմելով Վեսպասիանոսի դեմ՝ պարտվեց և ֆորոնում խեղդամահ արվեց ամբոխի կողմից:

**14. Դոմիտիանոս** (51-96)- Հռոմեացի կայսր՝ Տիտոսի եղբայրը և նրա հաջորդը: Նա վերականգնեց 64 և 80 թվականներին տեղի ու-

նեցած հրդեհների պատճառով ավերված Հռոմը և գեղեցկացրեց քաղաքը բազմաթիվ նոր կառույցներով (Օդեոն, մրցադաշտ և այլն): Դառնալով ծերակույտի տեղը՝ Դոմիտիանոսը հաստատեց բացարձակատիրական վարչակարգ, հալածեց ազնվականներին, մտավորականներին, քրիստոնյաներին, պատմագիրներին, որի հետևանքով դավադրություն կազմվեց նրա դեմ, որին մասնակցեց նաև նրա կինը: Նա սպանվեց ազատագրված իր ստրուկներից մեկի կողմից:

15. **Կոմմոդոս** (161-192)- Հռոմեացի կայսր՝ Մարկոս Ավրելիոսի որդին, որը ծովյլ, կոպիտ և արտակարգ ուժի տեր մի մարդ էր: Նրա գեխ կյանքը և վայրագությունները ի վերջո պատճառ դարձան, որ նա սպանվի:

16. **Սևերոս**- Հռոմեացի կայսր, իշխել է 193-211թվականներին:

17. **Կատոն** (մ.թ.ա. 93-46)- Հռոմեացի պետական քաղաքական գործիչ, պաշտպան Հռոմի հանրապետական իշխանության և կատաղի ստոյիկյան: Լինելով ծերակուտական՝ նա հակադրվեց Կրասոսին, Կեսարին և Պոմպեոսին, բայց հետո վերջնականապես դաշնակցեց Պոմպեոսի հետ: Վերջինիս պարտությունից և մահից հետո աֆրիկյան պատերազմում նա ինքնասպանությամբ վերջ տվեց իր կյանքին:

18. **Ֆլորա** - Բուսականության աստվածուհի, որը նախագահում էր ծաղկող ամեն ինչի: Պաշտվել է Հռոմում, ապա՝ Հունաստանում:

19. **Հորտենսիոս** (մ.թ.ա. 114-50)- Հռոմեացի հռետոր՝ մեծարված Հռոմի պահպանողական կուսակցության կողմից: Սկզբում նա հակադրվեց Ցիցերոնին, սակայն հետո ջատագովեց նրան և գործակցեց նրա հետ:

20. **Ցիցերոն** (մ.թ.ա. 106-43)- Հռոմեացի քաղաքական գործիչ և մեծ հռետոր: 63 թ. լինելով հյուպատոս՝ նա բացահայտում է Կատալինայի դավադրությունը և սպանել է տալիս նրա դավակիցներին: Հարում է նաև Պոմպեոսի կուսակցությանը, բայց վերջինս պատմությունից հետո միանում է Կեսարին: Կեսարի մահից հետո ուժգնորեն հակառակվում է Անտոնիոսին՝ պաշտպանելով Օկտվիանոս կայսրին: Կյանքի վերջում հալածվելով երկրորդ եռապե-

տության կողմից՝ սպանվում է: Ցիցերոնը, եթե եղավ միջակ քաղաքական գործիչ, սակայն, որպես հռետոր, նա լատինական պերճախոսություններն ու ճառերը օրինակ ծառայեցին լատինական ամբողջ հռետորական արվեստին: Նրա փիլիսոփայական աշխատություններով մուտք գործեցին լատինական գրականության մեջ հունական բնագանցությունն ու բարոյագիտությունը: Պահպանված է նրա նամակների մեծ մասը:

**21. Կարակալլա** (188-217)- Հռոմեացի կայսր Սևերոսի որդին: Նա պարտության մատնեց զերմանացիներին և պարթևներին: Սպանեց իր եղբորը՝ Գետային և ազատվեց իր հակառակորդներից, այդ թվում՝ Պապինիանոսից: Կարակալլան փորձեց միավորել կայսրությունը՝ հռոմեական քաղաքացիություն տալով կայսրության բոլոր ազատ հպատակներին: Իր անունով կառուցեց բազմաթիվ հուշարձաններ և ջրաբուժիչ հուշայական կայաններ: Հռոմեացի շատ կայսրերի նման նրա կյանքը ևս ընդհատվեց սպանությամբ:

**22. Հելիոգաբալ** (204-222)- Հռոմեացի կայսր՝ Կարակալլայի զարմիկը, Բաաղ աստծու քուրնը: Կայսր հռչակվեց տասնչորս տարեկան հասակում Հռոմի սիրիական բանակի կողմից: Արյունալի սպանություններից հետո նա նվիրվեց արևի կրոնի կազմակերպմանն ու պաշտամունքին: Նրա իշխանությունը եղավ անկարգությունների և բռնությունների մի շարան, իշխանություն, որը փաստորեն վարում էին նրա նայրն ու նրա տատը: Հելիոգաբալն սպանվեց իր մոր հետ, և նրանց մարմինները նետեցին գետը:

**23. Ագրիպպա** (մ.թ.ա. 63-12)- Հռոմեացի զորավար և քաղաքական գործիչ՝ Օգոստոս կայսրի լավագույն խորհրդականը, որը կազմակերպեց իր համար պետության խնամակալի մի տեսակ աթոռակալություն: Նա բաց արեց Հռոմում կայսերական ժամանակաշրջանի վիթխարի հուշարձանը՝ Պանթեոնը, և կառուցեց թատրոններ, կամարակապ դահլիճներ, ջրմուղներ, բաղնիքներ և այլն:

**24. Կալիգոլա** (12-41)- Հռոմեացի կայսր Տիբերիոսի հաջորդը: Լինելով մտավոր անհավասարակշռությամբ տառապող արյունար-

բու անձ, իշխեց որպես բռնապետ՝ գործադրելով քազմաթիվ սպա-  
նություններ և ոճիրներ: Սպանվեց երիտասարդ հասակում:

**25. Սեժան-** Հռոմեացի քաղաքական գործիչ, կայսերական ատ-  
յանի նախագահ և Տիբերիոս կայսրի խորհրդականն ու սիրելի ան-  
ձը: Նա խորհուրդ տվեց կայսրին իիվանդության պատճառով քաշ-  
վել Կապորի կղզում՝ ինքը մնալով կայսրության փաստական տերը:  
Որպեսզի ապահովի իր վերելքը դեպի իշխանություն, նա օգտա-  
գործեց Տիբերիոսի դեմ կազմակերպված դավադրությունները. թու-  
նավորել տվեց նրա հարազատ որդուն, հեռացրեց Ագրիպայինին և  
բանտարկեց նրա երկու որդիներին: Տեղեկանալով այս բոլորի մա-  
սին՝ Տիբերիոսը վերադարձավ Հռոմ և պատժելու համար իր  
խորհրդականին՝ նրան հանձնեց ծերակույտի դատին: Մեժանը  
մահվան դատապարտվեց և սպանվեց իր ամբողջ ընտանիքով:

**26. Կլաուդիոս** (մ. թ. ա. 10-54 մ. թ.)- Հռոմեացի կայսր: Զարգաց-  
րեց կայսրության կենտրոնական վարչությունը և ուժեղացրեց կայ-  
սերական իշխանությունները ի հեճուկս ծերակույտի: Նվաճեց Բրի-  
տանիան (այժմյան Մեծ Բրիտանիան) և Թրակիան: Լինելով զար-  
գացած, բայց թույլ անձնավորություն՝ նա ենթարկվեց իր կնոջ՝ Ագ-  
րիպայինայի իշխանությանը և թունավորվեց նրա կողմից:

**27. Տակիտոս** (55-120)- Հռոմեացի պատմագիր, որը վարչական  
գործունեության ասպարեզ մտավ Վեսպասիանոսի օրոք: Նշանակ-  
վեց Հռոմեական կայսրության ասիական տիրույթների հյուպատոս:  
Իր պերճախոսությամբ արդեն տիրացել էր մեծ համբավի նախքան  
պատմագրության նվիրվելը: Նրա պատմական մեծ գործերն են՝  
«Տարեգրություններ» և «Պատմություններ»: Տակիտոսն ունի ար-  
տահայտիչ, սեղմ և հստակ ոճ, որով նա համարվում է լատինական  
արձակի մեծ վարպետ:

**28. Ռոմուլոս-** Հռոմի առասպելական իիմնադիրն ու առաջին  
թագավորը, որ Մարսի և նրա կնոջ՝ Ռեայի որդի Ենեասի սերնդից  
էր, Նրա հորեղբայրը Ռոմուլոսին և նրա երկվորյակ եղբայր Ռեմո-  
սին դրեց մի կողովի մեջ և թողեց Տիպեր գետի վրա: Մի եգ գայլ եր-  
կու եղբայրներին դուրս հանեց գետից և իր կաթով կերակրեց  
նրանց: Որոշ ժամանակ հելուզակությամբ զբաղվելուց հետո

նրանք որոշեցին հիմնել մի քաղաք՝ ապագա Յօնմը: Ունուլոսը, որը մի կրվի ժամանակ սպանել էր իր եղբորը՝ այդ քաղաքում բնակեցրեց բազմաթիվ փախստականների: Նա իշխեց 33 տարի և կորսոյան մատնվեց մի փոթորկի ժամանակ: Յին հռոմեացիները պաշտում էին նրան որպես աստված:

**29. Տասներկու աղյուսակների օրենք** Յօնմեական օրենքների ցուցակ՝ գրված տասներկու տախտակների վրա:

**30. Ցուպիտեր** Յօնմեական աստված՝ Սատուռնի և Ռեայի որդին, որը միաժամանակ երկնքի հայրն էր ու տերը: Դառնալով գերազույն աստված՝ նա նույնացվել է հունական Զևս աստծու հետ: Յունոնի և Միներվայի հետ պաշտվել է Կապիտոլի մեջ տաճարում:

**31. Ատտիլա-** Յոների թագավորը: Իշխել է 434-453 թվականներին: Նա նախ ավերեց Արևելքի Յօնմեական կայսրությունը, ապա ներխուժեց Գալիա, սակայն 451 թ. պարտվեց Կատալոնական դաշտերում հռոմեացի Էտիուս զորավարի կողմից: 452 թ. նա կողոպուտի մատնեց Իտալիան, բայց խնայեց Յօնմին Լլուս Ա պապի խնդրանքով: Նրա մահից հետո փուլ եկավ նրա կայսրությունը:

**32. Ալարիկ Ա** (370-410)- Վիզիգոթների թագավորը: Սա ավերեց Յօնմեական կայսրության բալկանյան շրջանները և գրավեց Իտալիան: Իր զորքերով Յօնմի այս կողոպտիչը ցնցեց Արևմուտքի հռոմեական ամբողջ կայսրությունը: Ալարիկ Բ-Ա՝ Վիզիգոթների մյուս թագավորը, 507 թ. իր բանակներով ջախջախվեց և սպանվեց Ֆրանկների կողմից թագավորի կողմից, որից հետո վիզիգոթները ստիպված եղան քաշվել իսպանիա:

**33. Մեծ Թեոդորիկ** (454-526)- Օստրոգոթների թագավորը: Մեծանալով Կ. Պոլսում և ներծծված հունահռոմեական մշակույթով՝ նա որոշ ժամանակ վերածնեց Արևմուտքի Յօնմեական կայսրությունը: 493 թ. օդուակրից գրավելով Իտալիան՝ դարձավ ամբողջ թերակղզու տերը: Նա փորձեց միավորել հռոմեացիներին և գործին, բայց հաջողություն չունեցավ: Նրա իշխանության օրոք Ռավեննան դարձավ հիասքանչ մայրաքաղաք:

**34. Օդոակր** (434-493)- Սկանդինավյան ծագումով գերմանական ժողովորի թագավոր: 476 թ. նա գահագուրկ արեց Ունուլոս

Առգուստուլին կայսրին և վերջ տվեց Արևմուտքի Յօնմեական կայսրությանը: Արևելքի Զենոն կայսրը, մտահոգված նրա գորությամբ, նրա դեմ ուղարկեց Մեծն Թեոդորիկին: Օդոակրը իր գործով պաշարվելով Շավեննայում՝ անձնատուր եղավ և սպանվեց:

**35. Բուտիոս (480-524)-** Յօնմեացի փիլիսոփա և քաղաքական գործիչ: Իր գիտական և փիլիսոփայական ուսումն ստացել է Աթենքում ու Մեծն Թեոդորիկի օրոք դարձել հյուպատոս: Սակայն մեղադրվելով դավադրության և մոգության մեջ՝ բանտարկվել է: Սպանվելուց առաջ գրել է իր գլխավոր գործը՝ «Փիլիսոփայության միսիթարանքի մասին»: Լինելով հունական մշակույթի ժառանգորդ՝ նա աշխատում էր այն փոխանցել արևմտյան աշխարհին: Հատիներեն լեզվով թարգմանել և մեկնաբանել է Արիստոտելի աշխատությունները:

**36. Պրիապ-** Արգասավորության աստված հունական դիցաբանության մեջ, Դիոնիսոսի և Աֆրոդիտեի որդին, որին հանձնված էր այգիների և մրգաստանների պահպանությունը:

**37. Վեներա-** Բուսականության և այգիների շատ հին աստվածուհի, որ պաշտվել է Իտալիայում: Բ դարում (մ.թ.ա.) նույնացվել է Յունաստանում սիրո և գեղեցկության աստվածուհի Աֆրոդիտեի հետ:

**38. Բակոս-** Յօնմեացիները նախընտրաբար այս անունով են պաշտել Դիոնիսոսին: Դիոնիսյան տոները Յօնմ թափանցեցին շվայտանքների և գեղությունների ձևով:

**39. Օդիս-** Յին գերմանացիների գլխավոր աստվածը Ասերի ընտանիքից: Օդինն իշխում էր պատերազմի, ինաստության և բանաստեղծության վրա: Նա միականի էր և ընդունում էր մարդկային գոհեր:

**40. ՄաքսիմիԱ-** Յօնմեացի կայսր, որ եղել է թրակիացի նախկին հովիվ և ապա դարձել հեծելազորի բարձրագույն սպա: Նա կայսր հռչակվեց իր բանակի կողմից Ալեքսանդր Սևերիոսի սպանությունից հետո: Լինելով ռազմական առաջնորդ՝ հաջողությամբ մարտնչեց ֆրանկների դեմ, սակայն հետագայում սպանվեց իր սեփական գինվորների կողմից:

**41. Հովհանս** (331-363)- Հռոմեացի կայսր՝ Մեծն Կոստանդիանոսի եղբոր որդին և Կոսդանտ Բ-ի հաջորդը: Նա ծանոթ է «Ուրացող» մականունով, որովհետև ուրացավ քրիստոնեական կրոնը և դրանով նպաստեց հեթանոսության վերածննդին: Սպանվեց պարթևների դեմ մղված մի արշավանքի ժամանակ:

**42. Բաաղ-** Ըստ քանանացիների և փյունիկեցիների՝ ամպրոպի, անձրևի և արգասավորության աստվածը, որի պաշտամունքը կատարվում էր բարձրադիր մի վայրում:

**43. Իսմայիլ-** Աստվածաշնչում Աբրահամի և նրա Եգիպտացի սպասուհու՝ Յագարի որդին: «Ծննդոց» գրքում հիշատակված մի ավանդության համաձայն, նա եղել է անապատաքանակ արաբների նախահայրը, որոնք նրա անունով կոչվել են իսմայելացիներ:

**44. Կապիտոլ-** Հռոմի բլուրներից մեկը, որի գագաթին գտնվում էր Յուպիտերի տաճարը:

**45. Թերայիղ-** Այս անունով էր կոչվում իին Եգիպտոսի հարավային մասը, որի մայրաքաղաքն էր Թերեսը: Մեծ թվով քրիստոնյաներ հալածանքներից փախչելով՝ ապաստանեցին Թերեսի արևելյան և արևմտյան կողմերում գտնվող անապատներում՝ այնտեղ ապրելու համար ճգնավորական կյանքով:

**46. Անդրէ Դասին** (1651-1722)- Ֆրանսիացի հմուտ մտավորական: Թարգմանել է հռոմեացի և հույն հեղինակների բազմաթիվ գործեր, հատկապես Յորացիոսի և Արիստոտելի ստեղծագործությունները: 1708 թ. նշանակվել է արքայական գրադարանի գրադարանավար: Ընտրվել է ֆրանսիական ակադեմիայի անդամ:

**47. Հերմես-** Յունական աստված՝ Զևսի և Մայայի որդին, Յուպիտերի պատգամաբերը: Նույնացվել է հռոմեացիների Սերկուրիոս աստծու հետ: Անձնավորում էր հատկապես խորամանկությունն ու ճարպկությունը: Բազմաթիվ են նրա հատկանիշները. նա աստվածն էր գողության և ստի, հովանավորն էր հոետորների և վաճառականների, հնարողը կշռի ու չափի և այլն:

**48. Ֆրանսիս Բեկոն** (1561-1626)- Անգլիացի նշանավոր փիլիսոփա և քաղաքական գործիչ: Գիտությունները դասակարգելիս նա

մեկնում էր այն սկզբունքից, որ բնությունը ճանաչելու և հասկանալու համար պետք է հիմնվել փորձարկումների վրա: Նա հաստատում էր, որ փորձարկման կանոնները նախապես ճշտելով միայն կարելի է հասնել ճշմարիտ գիտությանը՝ «պատճառների գիտությանը»:

**49. Մոնտեսկյո** (1689-1755)- ֆրանսիացի ականավոր գրող: Հայտնի է նրա «Պարսկական նամականի» փիլիսոփայական վեպը, որը երևակայական մի նամակագրություն է Եվրոպա ժամանած երկու պարսիկների միջև, որոնց տպավորությունները իբրև օտարականների, առիթ ծառայեցնելով՝ հեղինակը քննադատել է իր ժամանակի ֆրանսիական հասարակության, նաև ավորապես փարիզյան բարքերը: Մոնտեսկյոյի «Օրենքների ոգու մասին» աշխատության հիման վրա հետագայում կազմվեց 1791 թվականի ֆրանսիայի սահմանադրությունը՝ լիբերալ-սահմանադրական կառուցվածքով: 1734 թ. Մոնտեսկյոն իրատարակեց պատմական մի էսսե՝ «Նկատողություններ հռոմեացիների մեջության և նրանց անկման պատճառների մասին» վերնագրով:

**50. Ժան Ժակ Ռուսո** (1712-1778)- Ծվեյցարական ծագումով ֆրանսիացի գրող և փիլիսոփա: Դիդրոյի առաջարկությամբ աշխատակցել է ֆրանսիական Հանրագիտարանին երաժշտության մասին օանագան հոդվածներով: Նրա նշանավոր երկերն են՝ «Աստեղախոսություն գիտությունների և արվեստների մասին», «Աստեղախոսություն անհավասարության ծագման մասին», որտեղ ապացուցում է, որ բնական վիճակից հասարակական վիճակի անցնելը քայլայում է ներդաշնակությունը մարդկանց միջև, և որ օրենքներով պաշտպանված սեփականությունը ծնունդ է ընկերային անհավասարություն և անարդարություններ: Այնուհետև նա հաջորդաբար իրատարակում է «Նոր Էլոիզա», «Ընկերային դաշինք», «Էմիլ» մանկավարժական վեպը և վերջապես «Խոստովանություններ» ինքնակենսագրական աշխատությունը, որը, ըստ հեղինակի, նրա «հոգու պատմությունն է»: Ռուսոն եղել է անհատի ազատության երգիչը, վերանորոգել է դաստիարակության և քաղաքականության մասին գոյություն ունեցող գաղափարները և նախապատրաստել

18-րդ դարի ֆրանսիական Յեղափոխության բերած մեջ փոփոխությունները՝ ազդվելով Կանտի փիլիսոփայությունից:

51. **Պասկալ** (1623-1662)- Ֆրանսիացի ականավոր գրող, փիլիսոփա, մաթեմատիկոս և ֆիզիկոս: 1654 թ. Պասկալը ունենում է հոգեկան հափշտակության մի գիշեր, որի հետևանքով որոշում է իր կյանքը նվիրել քրիստոնեական հավատին և բարեպաշտությանը: Լինելով խորապես քրիստոնյա՝ նա ձեռնամուխ է լինում գրելու ընդարձակ մի «Զատագովություն քրիստոնեական կրոնի մասին», որ դժբախտաբար չի կարողանում ավարտել իր կանխահաս մահվան պատճառով: Այդ աշխատությունից հրատարակել են առանձին հատվածներ «Մտածումներ» վերնագրով:





## ԲՈՎԱՆԴԱԿՈՒԹՅՈՒՆ

Ծառորիանի կյանքը և գրակամ, քաղաքական գործունեությունը .....	5
Բարոյական արատներ և առաքինություններ .....	17
Հավատի, հույսի և սիրո մասին .....	21
Բարոյական օրենքների և Տասնաբանյա պատվիրանների մասն .....	29
<b>Սուրբ Գրքի ճշմարտությունները</b>	
Մովսեսի ավանդության գերազանցությունը մյուս բոլոր կու- մոգոնիաների (տիեզերածնությանց) Ակատմանը .....	39
Մարդու անկումը. օձը. եքրայերեն մի բառ.....	44
<b>Խորհրդի Էության մասին .....</b>	<b>51</b>
Երրորդության խորհրդի մասին .....	54
Փրկագործության խորհրդի մասին .....	61
<b>Հոգու անմահությունը՝ ապացուցված բարոյականով և գգացումով</b>	
Ա. Երջանկության ցամկությունը մարդու մեջ .....	71
Բ. Խղճի խալքի և խղճմտանքի մասին .....	75
Գ. Եթե չկա հանդերձալ կյանք, ապա չկա բարոյականություն .....	79
Անաստվածության վտանգը և անօգուտ լինելը .....	82
Անհավատությունը գլխավոր պատճառ ճաշակի և ոգու անկման .....	89
<b>Հուշարձանների ավերակների մասին.....</b>	<b>97</b>
Ա. Ավերակների գրավիչ գեղեցկությունը .....	101
Բ. Քրիստոնեական հուշարձանների ավերակները .....	104
Բարոյական ներդաշնակություններ և ժողովրդական շերմե- նանդություն .....	107
<b>Հիսուս Քրիստոսի և նրա կյանքի մասին .....</b>	<b>115</b>
Ա. Սուրբ Գիրքը և նրա գերազանցությունը .....	123
Չուզան Աստվածաշնչի և Հոմերոսի միջև. Համեմատության եզրեր Բ .....	135
Բնության երկու հեռանկարներ .....	143
Հայրենիքի բնազդը .....	149
Ինչ կլիներ այսօր մարդկացին հասարակության վիճակը, եթէ քրիստոնեությունը երևան եկած չլիներ երկրի վրա .....	159
<b>Ծանոթագրություններ .....</b>	<b>183</b>

**ՇԱՏՈԲՐԻՎՆ  
ՔՐԻՍՏՈՆԵՈՒԹՅԱՆ ՀԱՆԹԱՐԸ**  
(ընտիր հատվածներ)

*Յրանուելի բարգմանից  
և ծանոքազրեց Պարզե Շահրազանը  
Սրբագրիչ՝ Էմի-Դիանա Աղիբեկյան  
Համակարգչային աշխատանքները՝ Հրապարակական բաժնի*

ՄԱՅՐ ԱԹՈՌ ՍՈՒՐԲ Էջմիածնի ՀՐԱՏԱՐԱԿՉՈՒԹՅՈՒՆ  
Ս. Էջմիածն – 2008